

# ფანსეჰანსი 3

ნატო  
დავითაშვილი

ქართული ფანტასტიკა



**ლიტერატურული  
ქურნალი-გზამკვლევი  
ფანტასტიკის სამყაროში**

<b>რედაქტორის სვეტი</b>	<b>4</b>
- ნატო ლავითაშვილი - მთვარის შეილობილები (ნაწილი პირველი – ამბავი მექოლგეთა და ჭაშნაგირთა)	<b>5</b>
- ნატო ლავითაშვილი – ლურჯი ჩიგი (სცენარი. ქალაქური მისტიკა)	<b>25</b>
- ნატო ლავითაშვილის მოღეღირებული ახალი სამყაროები – ქართული ფენგეზის ქრონიკები (ნატო ლავითაშვილს ესაუბრება ინა იმედაშვილი)	<b>27</b>
<b>ქართული ფანტასტიკის არქივიდან</b>	
- იაკობ მანსვეტაშვილი – სხვათა შორის	<b>33</b>
- ულიშერ ყიფიანი – დროთა კავშირი	<b>57</b>
<b>კლუბის წევრთა შემოქმედება</b>	
- ანა ჩიქოვანი – სამსალა	<b>52</b>
- ილია ბაბუნაშვილი – რომანოზ და ქანგა	<b>58</b>
- რეზო ჩარკვიანი – ულტიმატუმი	<b>60</b>
- შია აბაგაძე – კონკურსი (ქალაქური მისტიკა)	<b>65</b>
- ლევან ბუბიტაშვილი – პანიკა (ჰორორის წინათგრძნობა)	<b>70</b>
- მაია (მარინე) ქავთარაშვილი – ბგრილა	<b>74</b>
- კონსტანტინე ქარლავა – “კუსგოს” დაღუპვა	<b>78</b>
- კობა ცხაკაია – ღურაქი ანგელინა და კალაგოზი გულივერი	<b>83</b>
- ირაკლი ლომოური – ორუელის სპილო (ქრონოსკოპისგის ჩანაწერებიდან)	<b>94</b>
- ნათია როსტიაშვილი – ღმერთს მზე დარჩა ჩართული	<b>105</b>
<b>წერილები</b>	
- ნინო აბაქელია – მითის, როგორც განცდილი რეალობის და ფენგეზის, როგორც შეუძლებელი რეალობის მიმართებისთვის	<b>111</b>
- ლევან გულაშვილი – ქართული ფანტასტიკის სათავეებთან.	<b>117</b>



## რედაქტორის სვეტი

ძვირფასო მკითხველო!

ჩვენი ჟურნალის მესამე ნომერი ქართულ ფანგასტიკას ეძღვნება.

– ქართულ ფანგასტიკას?! – შეიძლება გაიოცოს მავანმა და კითხვაც დასვას, – არსებობს კი ქართული ფანგასტიკა?

ჩემი ღრმა რწმენით, ქართული ფანგასტიკა არსებობს. მაგრამ იქნება ვცდები, იქნებ სასურველს არსებულად ვაცხადებ? მოდი, მკითხველო, ამ ნომერში დაბეჭდილ ტექსტებს გაეცანი და მავანის მიერ დასმულ კითხვას თავადვე გაეცი პასუხი, ანუ – დარწმუნდი.

ცნება „ფანგასტიკას“ მაქსიმალურად ფართო გაგებით ვხმარობ –

ჩემთვის ფანგასტიკაა ფენგემიც, სამეცნიერო ფანგასტიკაც, ჰორორიც, მისტიკაც, აბსურდიც, მაგიური პროზაც და ლიტერატურული ბლაპარაც... ანუ ყველაფერი, რაც წარმოსახვის, ფანტაზიის ნაყოფია და რეალისტურ განზომილებას სცდება.

ნომრის ავტორია მშვენიერი ქართველი მწერალი ნატო დავითაშვილი, რომელიც უკვე იმით შევიდა ჩვენი კულტურისა თუ ლიტერატურის ისტორიაში, რომ ფენგემის ქანრი განავითარა საქართველოში.

ამ ღირსშესანიშნავ ფაქტსა თუ მოვლენას გვერდს, ცხადია, ვერ ავუვლიდით – მით უფრო, რომ ჩვენი კლუბისა და ჟურნალის მიზანს, საქართველოში ფანგასტიკის პოპულარიზაცია წარმოადგენს.

რუბრიკით „ქართული ფანგასტიკის არქივიდან“ ვბეჭდავთ იაკობ მანსვეგაშვილის ფელეტონს და შესანიშნავი ქართველი მწერლის, ედიშერ ყიფიანის სამეცნიერო-ფანგასტიკურ მოთხრობას, რომელიც 1967 წელს გამოქვეყნდა. ტექსტი მომაწოდა მწერლის ქალიშვილმა, ბაო ყიფიანმა, რაზეც უღრმეს მადლობას მოვახსენებ.

„ფანგასტიკის“ მესამე ნომერს ორი ილუსტრატორი ჰყავს: ახალი – ანა ჩიქოვანი და ძველი – მალხაზ რუსაძე (თანაც ორივე ძალზე საინტერესო ფანგასტიკას წერს!). მავანმა შეიძლება იკითხოს, განსხვავებული სტილი აქვთ და ჟურნალს როგორ მოუხდებაო? პასუხად გიგყვი: ექსპერიმენტული გამოცემა გვაქვს, მრავალფეროვნებას მივესალმებით! და ვიწვევთ ილუსტრატორებს სათანაშრომლოდ!

გარდა მოთხრობებისა, ვაქვეყნებთ ორ სამეცნიერო წერილს ფენგემის არსისა და ქართული ფანგასტიკის ადრეული ნიმუშების შესახებ. რამდენად გამართლებულია მეცნიერული სტატიების ბეჭდვა ლიტერატურულ ჟურნალში? – შეიძლება იკითხოს მავანმა. ამით გვსურს ქართველ მკვლევარებს ერთგვარი სტიმული მიეცეთ, ფანგასტიკის სფეროში რომ იმუშაონ.

კლუბი „ფანგასტიკი“ ყველანაირად ცდილობს, დამწვევებ ავტორებს ხელი შეუწყოს, – საუკეთესო მოთხრობებს ვუქვეყნებთ, დაოსტატებაში ვეხმარებით. ჩვენი კლუბი, ფაქტობრივად, ლიტერატურული სტუდიაა – შემოქმედებითი სახელოსნო.

ფანგასტიკის მოყვარულებს, დამწვევებ ავტორებს, მწერლებსა და ილუსტრატორებს ვიწვევთ კლუბში, მოგვამართეთ – ჩემი ტელეფონია: 595 943 888. მეილი: [ilomouri@hotmail.com](mailto:ilomouri@hotmail.com)

ჩვენს მეგობრებსა და გულშემატკივრებს კი მოვუწოდებ: დაგვეხმარეთ!

სს „საქართველოს ბანკი“

ბანკის კოდი BABAGAGE22

მიმღების დასახელება: ააიპ „ფანგასტიკი“

მიმღების ანგარიშის ნომერი: GE11BG000000908842500

გაუმარჯოს ფანგასტიკას და ფანგასტიკებს!



## ნატო ღავითაშვილი

### მთვარის შვილობილები

#### ნაწილი პირველი

ამბავი მექოლგეთა და ჭაშნაგირთა

ახალი მთვარის გამოჩენიდან მეშვიდე დღე გადიოდა. ორმა ქარავანმა ჩაუარა აბელ ნასან მურს – მურების მიტოვებულ ციხე-ქალაქს. ამინდები იდგა უმოწყალოდ ცხელი, ფეხქვეშ მიწა ღვებოდა, ასეთ გავარვარებულ ქვიმას ძველი მურები მზეწამოწოლილს ეძახდნენ. ქალაქის სტუმრობა, დასვენება და წყლის მარაგის შევსება არც ერთ მექარავნეს ქვიშის უმცირესი მარცვლისოდენა აზრადაც არ გასჩენია. თუმცა, ყველას კარგად მოეხსენებოდა, გამოცდილ გამყოლებს, მხცოვან და ახალბედა ვაჭრებს, რომ ძველი მურების ქალაქი ასე ასე ხელისმოსმა, მწვანეში ჩაფლული დაუმრობელი ლურჯი ტბის გარშემო, მაცოცხლებელ ოაზისში იყო გაშენებული. ამაზე ყველდნენ უხუცესები, ეს ეწერა მურების ფურცლებგაყვითლებულ უძველეს წიგნებში, რომლებიც ბაზრობებზე ძველმანებით მოვაჭრე ფარდულებში უხვად ელაგა. აუცილებლად უნდა აღინიშნოს, რომ

ოაზისის შესახებ მექარავნებმა უფრო გადმოცემებითა და უდაბნოს ცივ და გრძელ ღამეებში თანამგზავრთა მონათხრობებიდან იცოდნენ, ვიდრე წიგნებიდან, რადგან მურების უძველესი დამწერლობის მცოდნენი თითებზე ჩამოსათვლელებიდა დარჩენილიყვნენ და ისინიც მათ დაწყვეტილ ხელნაწერებს ახლოს არ იკარებდნენ. მარტო ოაზისი კი არა, მისი მხანველებიც კი ლეგენდების, უკაცრავად, უფრო ზუსტად, ზღაპრების, უშრეტ წყაროდ ქცეულიყო.

ახალმთვარობის მერვე დღეს აბელ ნასან მურს ერთმა მომცრო ქარავანმა ჩაუარა. მერვე დღე მურებისა და მგზავრთათვისაც, ყველასთვის, ვისაც მთვარეზე მონადირეთა არსებობის სჯეროდა, ერთი და იმავე მნიშვნელობისა იყო და მას დაუსრულებელს ეძახდნენ. მთვარის კალენდრის ყოველი დღის დასახელების მიზეზთა ახსნა-აღწერა ერთობ საინტერესო კი არის, მაგრამ მთავარ ამბავს აგვაცდენს. თუმცა, მექოლგეთა და ჭაშნაგირთა შესახებ თხრობისას მთვარის დღეების განმარტებებს გვერდს ვერ ავუვლით და გზადაგზა ყველას შესახებ თუ არა, ნაწილს მაინც გაიგებთ.

აბელ ნასან მურის კედელზე გადმომდგარმა ასან ბასარმა, ქალაქის ერთადერთმა ცოცხალმა მკვიდრმა, გრძელ თეთრ წვერზე ხელი უიმედოდ ჩამოისვა და უკან, ქვიშისგან სანახევროდ ავსებულ სახლში დაბრუნება გადაწყვიტა, რომ ქარავანი შედგა. ბერიკა-

ცი ადვილზე გაშეშდა, თვალეები გაუფართოვდა და სუნთქვა აუჩქარდა.

– ფიქრობენ ! იფიქრეთ... იფიქრეთ!... – ისე ამოი-  
სისინა, როგორც ქვიშისგან ჩაფხაჭხნილმა და ხველისგან  
გახვევებულმა ყელმა საშუალება მისცა.

ქარავანი იდგა და არ იძვროდა. პატრონთა გადა-  
წყვეტილებას ელოდა შვიდი ნახევრად დატვირთუ-  
ლი კაჟადაც. მექარავნეები სამნი იყვნენ და ერთად  
შექუჩულნი ბჭობდნენ.

– თუ ტიკებში სამი ყლუპი წყალი მანც გაქვთ,  
გზა გააგრძელეთ!.. – შორიდან უკარნახა ასან ბასარმა,  
– თუ არც ეგ გაქვთ, მანც გააგრძელეთ, ბოლოს და  
ბოლოს ერთ კაჟადას დაკლავთ და მის სისხლს  
დალევთ.

მოქარავნეებზე ზრუნვის გამო არ ირჯებოდა ასე  
ასან ბასარი. დიდი ხნის უმოქმედობას გაეზარმაცე-  
ბინა, გონებასა და ძვლებზე ჟანგი მოჰკიდებოდა და  
მარადიული სიმშვიდისთვის ემზადებოდა. ქარავანი  
ადგილიდან არ იძვროდა, სამაგიეროდ, მოხუცის გული  
ძგერდა გამალებით, არც ღროს ეპუებოდა, არც ჟანგ-  
სა და არც ასან ბასარის სიზარმაცეს. მოხუცს  
მოეჩვენა, ქარავანი შეირხა, წასასვლელად გაემზადა  
და მანაც კედლის მიტოვება გადაწყვიტა.

ასან ბასარს არ მოსჩვენებია, ქარავანი მართლა  
შეირხა, მაგრამ არა გზის გასაგრძელებლად, არამედ  
ქალაქში შესახვევად. მექარავნეებმა პირველ კაჟა-  
დას პირი უბრუნეს. სხვებიც მას მიჰყვნენ.

ასან ბასარს ტუჩის მარცხენა კუთხე აუთამაშდა.  
ტანში სასიამოვნო ჟრუნატელმა დაუარა. სულ გადა-  
ავიწყდა ძვლებში ჩაკირული ჟანგი და მარადიულ  
სიმშვიდეში გადაშვების ნეტარება. ათწლიანი სიმ-  
რტოვის შემდეგ გზააღწევილი სტუმრების დასახვე-  
დრად ქვიშის სქელი ფარდაგადაგებული ქუჩებით  
კარიბჭისკენ გაემართა. ქალაქში ჩაკირული მღუ-  
მარება ასან ბასარის ქოშინმა (მოხუცს სიარული  
უჭირდა) და ქვიშის ჭრაჭუნმა დაარღვია. გზად  
ფანჯრის რაფებზე მთვლემარე ორად ორი ხვლიკი  
გადაეყარა, ჭარმაგს მხედველობა და სმენა ჰქონდა  
მახვილი და ისინი ადვილად შეამჩნია. მდინარე ოსანის  
კლდოვანი სანაპიროებიდან მოტანილი ქვისგან გამოჭ-  
რილი კარიბჭის გაღებისას ზედა ტუჩის კუთხეში  
ღიმი კიდევ ერთხელ შეეპარა, როცა სტუმრები ახალ  
მექოლგეებად და ჭაშნავირებად წარმოიდგინა.

ქარავანი კარიბჭეს მიაღწა. აბელ ნასან მურს  
ისეთი მაღალი გალაგანი ერტყა, ქალაქის ყველა  
ნაგებობას ფარავდა. მხოლოდ ორი ტყუპი კოშკის  
ისრებივით წამახვილებული წვეროები მოჩანდა. კა-  
ჟალებმა ოაზისიდან მონაბერი სასიამოვნო სურნელი

იკრეს, წყალი იგულეს, დარწყულების მოლოდინში  
დაჭრილებივით აბლავდნენ და ქალაქისკენ გაი-  
წიეს. მოქარავნეებს მათ დასაწყნარებლად დიდი  
ძალისხმევა დასჭირდათ. კაჟალები მშვიდი ცხოველები  
იყვნენ. თვინიერი ხასიათისა და წარმოუდგენელი  
გამძლეობის გამო უდაბნოს გადასასვლელად მათ  
ირჩევდნენ. უწყლოდ კვირები ძლებდნენ, სქელი  
ჩლიქებისა და ტყავის წყალობით გავარგარებულ  
ქვიშას არ ეპუებოდნენ, გრძელი ბეწვის ფერს კი  
იმის მიხედვით იცვლიდნენ, თუ როგორი მწველი  
იყო მზე. ასან ბასარი მზად იყო. სტუმართა შეძ-  
ხილს ან დაბრაზუნებას ელოდა, გასაღები უკა-  
ნასკენლად, მეშვიდედ რომ გადაებრუნებინა და  
კარიბჭეც გაღებულყო. მაგრამ მექარავნეები არ  
ჩქარობდნენ. პირიქით, ცხოველების დამშვიდების  
შემდეგ კვლავ ერთად დადგნენ და საუბარი გააბეს.  
ასან ბასარი მათ კარგად ხედავდა, მაგრამ ერთი  
სიტყვაც არ ესმოდა. ცოტა არ იყოს გაბრაზდა, თუ  
შემოსვლას არ აპირებდნენ, რას ამაფორიაქეს, ამხე-  
ლა გზა რად გამომატარესო. ასან ბასარმა მო-  
ქარავნეებში ერთი საშუალო ასაკის, ერთიც ჭარმაგი  
და ერთიც ახალგაზრდა ამოიცნო. თავჩაქინდრულ  
ჭარმაგს გოგრასავით გამოზნექილ მუცელზე ხელე-  
ბი შემოეწყო, პატრონის რამდენიმეღლიანი შიმში-  
ლობა საკმარისი იქნებოდა, ისედაც ჩამოწევილი  
ლაბაბს თითები მთლიანად რომ დაეფარა. კაცი  
ღროღადრო თავს აწევდა, სახეს შეჭმუნინდა, კა-  
ჟალებს გახედავდა, მერე ქვიშას დააცქერდებოდა,  
ხელები ჯიბეებში ჩაეწყო და ახალგაზრდა მოქარავნეს  
უსმენდა. საშუალო ასაკის კაცი ვირთხას ჰვავდა,  
წვრილ მოჭუტულ თვალბესაც საკბილოს მაძიებელი  
მღრღნელივით აცეცებდა. სიმაღლით ყველას ჩამორ-  
ჩებოდა. უფრო ზუსტად, დაბალი იყო. ასან ბასარს  
ის განსაკუთრებით არ მოეწონა. მისგან შესანიშნავი  
ჭაშნავირი დადგება, წესით, – იფიქრა მოხუცმა მურმა.  
მესამეს, ახალგაზრდას, ასან ბასარი მხოლოდ ზურ-  
გიდან ხედავდა. არც ხელების ქნევით, არც თავის  
მოდრობით, არაფრით არ ემჩნეოდა, რომ იგი რამეს  
ამბობდა, ყვებოდა, ან მოსაუბრეებს რაღაცას უმტკი-  
ცებდა. თავდაჯერებული და მშვიდია, – გაიფიქრა  
ასან ბასარმა, – ჰო... ეს დარღს გამიჩენს, იქნებ,  
ჯობს, არც შემოვიდნენ, – უკმაყოფილოდ გააქნია  
თავი.

სამთავან მხოლოდ ფადი, ყველაზე ახალგაზრდა,  
იდგა უარზე. ქალაქში შესვლისგან თავს იკავებდა  
და დანარჩენებსაც ამას ურჩევდა. ფადი ორჭოფობ-  
და. ეს შვიდი კაჟადა და სავაჭროდ მოდიებული  
ტვირთი მათი დიდი ოჯახის უკანასკნელი იმედი

იყო. გვარის ვალდებულებებისგან, სხვებისგან განსხვავებით, ფაღი ყველაზე თავისუფალი იყო, მაგრამ დიდი სანათესაოსთვის უწინდელი კეთილდღეობის დაბრუნებას ფაღიზე მეტად არავინ ცდილობდა. შვიდი წლიდან დაობლებულს არც ერთმა ნათესავმა არ გაუწოდა დახმარების ხელი და დიუნებში ბედისა და უდაბნოს ქარის ანაბარა უცხო კაცთან ერთად გაუშვეს. დიდმა ბებიათა ერთხელ მოიკითხა, უთხრეს, არსად ჩანს, ეტყობა, დედის ნათესავებმა წაიყვანესო. ეს იყო და ეს. ფაღიმ ესეც არ იცოდა, თვრამეტი წლის შემდეგ დაბრუნებულისთვის ვინმეს რომ მოეცოდა, გაუხარდებოდა, მაგრამ დიდი ბებების მოკითხვა არავის ახსოვდა. საერთოდ ასეა, უგულოდ და ყასიდად ნათქვამი სიტყვები, მავანს თავად თუ არ ეხება, დიდხანს არ ამახსოვრდებათ. უკანდაბრუნებულ ფაღის ერთ დროს საქვეყნოდ ცნობილი ვაჭართა დიდი ოჯახი სავალალო მდგომარეობაში დახვდა. გვარის უკან-უკან სვლა ჯერ კიდევ ფაღის დიდი პაპის – სოხარის დროს დაიწყო. დიდი პაპა ერთი უნდო და ეჭვიანი კაცი იყო. ჭკუას არ უჩიოდა, ზუსტად იცოდა, მოქარავენთა ჩამოტანილი საქონლიდან ქალაქელები რას დაიტაცებდნენ და საწყობებში რა ჩაწებობდა. ისიც კარგად მოეხსენებოდა, რა ხმები უნდა გაეკრცელებინა, რომ ჩაწოლილი საქონელი დახლებზე არ გაეჩერებინათ. წელი არ გავიდოდა, სავაჭრო ფარდული რომ არ გაეფართოვებინა, ან სულაც ახალი არ მიემატებინა. მიუხედავად ასეთი გამჭრიახობისა და, არ შეიძლება არ აღინიშნოს, რომ ბედიც გვარიანად სწყალობდა, თავად საქონლის ჩამოსატანად არსად დადიოდა, შორს მანძილზე მოგზაურობას ვინ ჩივის, სახლიდან ორ ნაბიჯზე გასვლის ემინოდა. სოხარი თავის საქმეებში არავის ახედებდა, მხოლოდ ბრძანებებს იძლეოდა, მისმა არც ერთმა შვილმა, არადა, როგორც ახსოვდა, ათი მაინც უნდა ჰყოლოდა, არ იცოდა, მამას რას, რატომ და რა ფასად ყიდულობდა; კიდობნებში რა ფული ჰქონდა შავი დღისთვის შემონახული და სავაჭროდ რამდენი ტრიალებდა. არასდროს არავის არაფერს უხსნიდა. იტყოდა, ეს გააკეთეთო და ამით ყველაფერი სრულდებოდა. არც ერთ სავაჭრო გარიგებას შინაურს არ ასწრებდა. ყველაფერს მარტო წყვეტდა. საცოდაობა იყო პირდაპირ, სოხარის მრავალწლიანი გამოცდილება და ცოდნა მხოლოდ კიდობნებში ფულის დაგროვებასა და ფარდულების მომრავლებას ემსახურებოდა და არა მომავალი ვაჭრების გაწვრთნასა და განსწავლას. როცა ვინმე ახსნა-განმარტებას შეფარვით მოსთხოვდა, პირდაპირ თქმას ვინ გაუბედავდა, ან დამოუკიდებელი საქმიანო-

ბისთვის წილს გამოითხოვდა, აქ უფროსი ჯერ მე ვარო, დიდი პაპა ბლევრით ამბობდა და სიტყვას ვეღარავინ უბრუნებდა.

ასი წლის ასაკში გარდაიცვალა, განახევრებული შვილები დატოვა, მრავალი შვილიშვილი და უფრო მრავალი შვილთაშვილი.

იმ წელს გახდა ფაღი შვიდის და იმავე წელს დაობლდა. ფარდულს, რომელშიც მისი მშობლები მცირე გასამრჯელოს სანაცვლოდ მსახურობდნენ, თავს ყაჩაღები დაესხნენ და ორივე მოკლეს. დედამ ფაღი ზეთის განახევრებულ თიხის ჭურჭელში დამალა და ბიჭი ასე გადარჩა. ფარდული სამკაულებით ვაჭრობდა, უხვად იყო ოქრო, ვერცხლი და ძვირფასი თვლები, მაგრამ ზედმეტი ხარჯის ასაცილებლად მცველები არ ჰყავდა. დაყაჩაღებული ოჯახი მეზობელმა კაცმა აღმოაჩინა, მანვე მიაფარა სუდარა დალუპულებს და ფაღიც ზეთის ჭურჭლიდან დაიხსნა. მეზობელს ულო ერქვა. იქაური არ იყო. ჭაბუკობისას სურნელოვანი ზეთებით დატვირთულ ქარავანს ჩამოჰყვა და სამუდამოდ იქ დარჩა. ცოლი მოიყვანა, ვაჟი შეეძინა და დაქვრივდა კიდევ. ულომ ფაღის მამის გვერდით ერთ გულსაკიდს მოჰკრა თვალი. სისხლში ლალის თვალი არც გამოჩნდებოდა, რომ არა ვარდისფერი ოქროს ჯაჭვი, რომელსაც დალუპული ჩაბლაუჭებოდა. ირგვლივ სხვა სამკაულებიც ეყარა, ყაჩაღებს სიჩქარეში დაფანტვოდათ. ულომ მხოლოდ ლალისთვლიანი სამკაული აიღო და ჯიბეში ჩაიღო. ეს ქურდობა არ იყო, რადგან ის ძვირფასი ნივთი დაიბრუნა, რომელიც წინა დღეს კახების ქვეყნიდან მეგობრებთან ერთად დაბრუნებულ შვილს აჩუქა.

ულოს შვილის მეგობრები პირველსავე შეხვედრაზე არ მოეწონა. ალალი ხალხის გამოხედვა არ ჰქონდათ, მსხვერპლის მოლოდინში ჩასაფრებული კატებივით იცქირებოდნენ. ერთი-ორი ისეთი ამბავიც გაიხსენეს, პატროსან კაცს რომ არასგზით გადახდებოდა. ღამით ერთად გავიდნენ, გამთენიისას დაბრუნდნენ და გამოშვიდობების გარეშე წავიდნენ. შვილმა მამას მაგიდაზე ფურცლის ნაგლეჯი დაუტოვა, საჩქარო საქმეების გამო გტოვებ და ქარავანს მიყვებო. იმ დღით ქალაქიდან, რომელიც მრავალ გზათა გასაყარზე იდგა, ათი ქარავანი მაინც გადიოდა.

დაყაჩაღების ამბავი ქალაქს ელვის სისწრაფით მოედო. ფარდულს ზღვა ხალხი მიაწყდა. ნათესავებმა ძლივს გაარღვიეს ცნობისმოყვარეები და სახლში ვაი-ვაგლახით შეაღწიეს. სოხარს წლების გამო სიარულის თავი აღარ ჰქონდა, ამიტომ უმ-

ცროს ვაჟს, ფადის ბიძას, დანაკარგის აღსაწერად ის დაეთარი ანდო, რომელშიც ფარდულში გასაყიდად შეტანილი სამკაულების სია იყო ჩამოწერილი. სია გრძელი იყო, გვერდზე სამი რიცხვი ეწერა, პირველი – რა ფასად შეისყიდეს, მეორე – რა ფასად უნდა გაყიდულიყო, მესამე – რა მოგებას ელოდა დიდი პაპა. დანაკარგების აღრიცხვის შემდეგ ნათესავებს ულომ შეშინებული, ხმაჩავარდნილი ფადი მიუყვანა. ბიჭს, როგორც ლენცოფანაჭამ კაჟადას, ისე შეხედეს, ტვირთის ზიდვის ნაცვლად თავად ქარავნისთვის ტვირთად რომ ქცეულიყო და დასაკლავად არავის ენანებოდა. რომელი წაიყვანო, – იკითხა დაეთრიანმა ნათესავმა. ყველამ ცხვირი იბრუნა. ნათესავების გაზრდილი ფადის უდიდესი მომავალი ულომ მაშინვე დაინახა, ასაკისთვის შეუფერებელი მძიმე შრომისგან წელში მოხრილი კაფანდარა დამშეული ბიჭი ცხოვრებას მათხოვრად დაასრულებდა, ან რომელიმე ქარავანს მსახურად გაჰყვებოდა, უფულოდ, უწყლოდ, უპატრონოდ და ცხოვრებას მაინც მათხოვრობით დაასრულებდა. თავისი უმსგავსო შვილისა და მისი ყაჩაღი მეგობრების გამო მთელი ოჯახი ნადგურდებოდა. ამ ბიჭს დროებით მე წავიყვან, თქვენ ბევრი საქმე გაქვთ და მის მისახედად სად გცალიათ. მე მოვუვლი, – შესთავაზა ფადის ნათესაობას ულომ. ნათესავებმა ერთმანეთს გაკვირვებულვებმა გადახედეს და თავი, როგორც ერთმა, ყველამ ისე დაუქნია. ნათესავებს მართლა ბევრი საქმე აღმოაჩნდათ. როცა სოხარმა დაეთარში ჩამოწერილი სამკაულების სია მთლიანად გადახაზული დაინახა, გულმა ვერ გაუძლო და ისე გარდაიცვალა, ფადის ბედი არ უკითხავს. თუმცა, ფადის არსებობა, ალბათ, არც იცოდა, სოხარი ვაჭრობისთვის უმნიშვნელო ამბებს არ ისმენდა და არ იმახსოვრებდა. დიდი პაპას თვალების დახუჭვის დღიდან ყველა ფარდულის ვაჭრობის საქმე უკან წავიდა. მრავალი პატრონის ხელში სოხარის ქონება უპატრონოდ დარჩა. მონაგარი, იცოცხლე, დიდი ჰყავდა, მაგრამ, რად გინდა, ყველა ერთმანეთზე ბედოვლათი. ზუსტად მაშინ ჩამოიქცა ბრძენი სოხარის მითი, – იმქვეყნად ისე წავიდა, ერთი ღირსეული შთამომავალი არ დატოვა.

ულომ მთელი თავისი ქონება იმ სალამოსვე გაყიდა, ბევრი არაფერი მისცეს. ცოლის დატოვებული ლალის გულსაკიდოც გაიმეტა, წინა დღეს სიამაყით შვილს რომ გადასცა. სამკაულის დანახვავზე ოქრომჭედელს ხელი აუკანკალდა, თხილის ტოლა ცრემლივით კრიალა სპეკალმა თვალი მოსჭრა. ულოს ჰკითხა, რა ჰქვიაო, ულომ ვერაფერი უპასუხა, ან რა უნდა ეპასუხა, რაც არ იცოდა. ოქრომჭედელი კი

თავისას გაიძახოდა, ასეთ ბრწყინვალე თვალს უსახელოდ ვინ გაუშვებდაო. დაჟინებამ რომ აღარ გაუარა, ულომ სახელი შეაშველა – “იმედის გზა”. ლალის ფასმა ულოს მთელი ქონების გაყიდვით მიღებული შემოსავალს რამდენჯერმე აჯობა. იმავე დღეს ულომ მთელი თანხა მთვარეზე მონადირეთა ორდენს შესწირა. კარგად იცოდა, მიუხედავად ასეთი ძღვენისა, ორდენში არავინ მიიღებდა, მით უმეტეს, შვიდი წლის ბიჭთან ერთად, მაგრამ მათი ხაზინადარი ულოს ცოლისძმა იყო, რომელიც დისა და დის ოჯახისგან ბავშვობიდანვე დიდად დავალებული ბრძანდებოდა. ულოს ამან უშველა. ორდენის კეთილშობილი და მრავალმხრივ განსწავლული წევრები მომდევნო მონადირის მოსაძებნად ქალაქის დატოვებას დილისთვის აპირებდნენ და ორ ახალ წევრსაც გაიყოლებდნენ.

ლამის ორი ათეული წლის შემდეგ დაბრუნდა შინ ფადი. ერთხელ ერთ გამოცდილ მთვარეზე მონადირეს შესჩივლა, კი ვიცი, ორდენში რა უნდა ვაკეთო, მაგრამ რისთვის და რატომ, ვერაფერი გამივიაო. ორდენის წესებიდან კი ამოვიკითხე, მონადირეთა ქანდაკებების შეგროვებით ახალი დროებისთვის ვემზადებითო.

– თავი გალიაში გამომწვედელი ფრინველი მგონია. გალობით მსმენელს რომ ვატკობ, მაგრამ ამას საკუთარი თავისუფლების ხარჯზე ჩავდივარ, – დაიწვილა ფადიმ, – ახალი დროებისთვის ვემზადებით, მაგრამ იქნებ, პირიქით, ხელს სულ არ მაძლევს და უმჯობესია, მის დადგომას შევუშალო ხელი. მივადექი ჩიხს და გასასვლელს ვერსად ვპოულობ. ხალხი ორდენის წევრის მსახურობას ნატრობს, მე, ასე ახალგაზრდა, თან ორდენის წევრიცა ვარ და მთვარეზე მონადირის ქანდაკებაც კი მიპოვნია, მაგრამ თავს მაინც დამარცხებულად ვთვლი, რადგან ჩემი ძალისხმევის აზრს ვერ ვხედავ.

– არა, გემლება. მარცხი შენგან ძალიან შორსაა. რასაც შენ წარუმატებლობას ეძახი, გამოცდილებაა. ასეთ გამოცდილებას ამ ჩიხის გარდა, ვერსად მიიღებდი. გამოცდილება კი განძი არის, შენი შრომითა და წვალებით დაგროვილი, ვერავინ რომ დაგამადლის და დაგაყვედრის და მის გამოსაყენებლად ჭკუაც თუ გიჭრის, სხვა ჩიხებს აგაცილებს. ყველაფერი გამოცდილებაზეა დამოკიდებული, სადღაც რაღაც არ გისწავლია, გამოგრჩენია, აბა, წარსული მომიყევი.

ფადის ბავშვობის გახსენებას შეეცადა. ყველაფერი ბუნდოვნად ახსოვდა. გონებაში ის ავბედითი დღეც კი გაცრეცოდა, როცა ოჯახი დაუყაჩაღეს და დედ-

მამა დაუხოცეს.

– შინ უნდა დაბრუნდე, – ურჩია კაცმა.

– და იქ რაღა მინდა, არაფერი დამრჩენია? – გაუკვირდა ფადის.

– რასაც შენ არაფერის ეძახი, შენი ფესვებია. შენ მათზე არასდროს გიზრუნია. შენს ცხოვრებას ეს აკლია, ეს გამოცდილება არ გაქვს. მთვარეზე მონადირეთა ორდენამდე მოსასვლელი გზა თავიდან გამოიარე და მერე ვილაპარაკოთ.

ფადი ჯერ ახლა, აბელ ნასან მურის კედლებთან მდგომი, იყო ახალგაზრდა. რამდენიმე წლის წინ კი იმ კაცთან საუბრისას სულ მთლად ნორჩი ყმაწვილი გახლდათ, მაგრამ თანატოლთაგან განსხვავებით, ჭკვიანი კაცის რჩევის ფასი ესმოდა. ულო, მისი მამობილი, ორდენში გაწევრიანების მესამე წელსვე ფრიად საეჭვო ვითარებაში მოიწამლა და ფადიც მფარველის გარეშე დარჩა. რჩევების მოსმენის სიყვარულმა გავლენიანი პატრონის გარეშე დარჩენილი მთვარეზე მონადირეთა ორდენის წევრი სიკვდილს არაერთხელ გადაარჩინა. ფადის უმართლებდა. ყოველთვის ხვდებოდა ისეთ ადამიანს, ვინც ღირებულს ამბობდა. მარტო ბედის ამბავიც არ იყო, ფადი თავად ეძებდა მათ.

დაკვირვებულ ადამიანს ერთი შეხედვით დაფარული კანონზომიერების აღმოჩენაც არ გაუჭირდება. ფადიც მიხვდა, ხალხი ყველაზე დიდი ინტერესით გასართობი, არაფრის მომცემი საუბრებით იქცევს თავს. რასაც ფიქრი და განსჯა სჭირდება, დამოუკიდებლად ეჩვენებათ და თუ იმწამიერ სარგებელს არ ხელავდნენ, გონებას ზედმეტად არ ძაბვენ. და თუ ეს ხდებოდა მთვარეზე მონადირეთა ორდენში, სადაც, წესით, წიგნიერებასა და განსწავლულობას პატივს სცემდნენ, სხვაგან რაღა იქნებოდა. ფადიც ეძებდა მარტოხელებს, წვეულებებზე მსმენელების გარეშე დარჩენილებს, ღვინის სახლებში თანამეინახეთა გარეშე კუთხეში მჯდომთ და მრავალ საინტერესოსა და გამოსაყენებელ ამბებს იგებდა.

შინდაბრუნებულ ფადის დაცარიელებული ფარდულები, რომლებიც გაყიდვას მხოლოდ და მხოლოდ სავალალო მდომარეობის გამო გადაურჩნენ და ლამის სამათხოვროდ ხელგაწვდილი დიდი ნათესაობა დახვდა. თვრამეტი წელი სოხარის ქონების გასაფლანგად სავსებით საკმარისი აღმოჩნდა. მხოლოდ რამდენიმე ბიძაშვილი აგრძელებდა დიდი პაპის საქმეს, მეორად ტანსაცმელს ყიდიდნენ ან აქირავებდნენ კუდაბზიკობის მოყვარული ღარიბ-ღატაკთათვის. ფადიმ საქმის გამოსწორება და ნათესაობის გადარჩენა გადაწყვიტა. როცა მთვარეზე მონადირეთა ორდენიდან

შვებულება აიღო, გასამრჯელოს მცირედი ნაწილიც გამოიყოლა, რაც მისცეს და გამოცდილების დასაგროვებლად შინ დაბრუნდა, ოჯახის საშინაო საქმეებით დაკავდა. ეს საქმე კი ვაჭრობა იყო. თუმცა, ვაჭრობისას მიღებული გამოცდილება მთვარეზე მონადირეთა ორდენის წევრს რაში უნდა გამოსდგომოდა, წარმოდგენა არ ჰქონდა.

მშობლიურ ქალაქში ყველაფერი მრავალი თაობის წინ დაენაწილებინათ, არც ერთი მოქარავენე სხვათათვის შეპირებულ ერთ უმნიშვნელო ნივთსაც კი არ უწილადებდა ფადის და ძველ შეჩვეულ ფარდულს არც ერთი ქალაქელი არ მიატოვებდა, საჭირო საქონლისთვის თვრამეტი წლის შემდეგ დაბრუნებულ უცხოელ ქვეულ შინაურს არ მიაკითხავდა. საჭირო იყო სიახლე. ფადი პირველი და ერთადერთი უნდა ყოფილიყო. და ფადიმ დიდი ფიქრის შემდეგ მშობლიურ ქალაქში წითელი ყვავილის მტვრის შემოტანა გადაწყვიტა. ყველა ცნობილ და უცნობ მკურნალსა თუ ჯადვეს ჩამოუარა. თავდაპირველად, რა თქმა უნდა, ვაჟს უნდობლად შეხედეს, მის სიტყვებს გაფრენილი წიწკანების ფასი დაადეს, თვალის გაყოლების ღირსადაც რომ არ თვლიდნენ, მაგრამ ფადიმ მსმენელებს მთვარეზე მონადირეთა ორდენის ნიშანი – ასანური ხმალი და მკლავზე ამოტვიფრული მოისრე აჩვენა. ამის შემდეგ მკურნალებიცა და ჯადეგებიც ფადის სიტყვებით უმალ ინტერესდებოდნენ და სოლიდურ შეკვეთებსაც აძლევდნენ. წითელი ყვავილის მტვრის გარდა სხვა ძვირფასი და ფრიად საჭირო ფხვნილები და მცენარეებიც აინტერესებდათ. ფადიმ ყველას დანიშნულება იცოდა. ასეთი განსწავლულობის გამო მისდამი პატივისცემა და ნდობა კიდევ უფრო გაიზარდა. ერთი-ორმა ფადის მცირეოდენი თანხა წინასწარ გადაუხადა, მან კი, რაც თავად ჰქონდა, ისიც დაუმატა და საქონლის ჩამოსატანად გაემგზავრა. მხოლოდ ორი ბიძაშვილი გაჰყვა, რომლებთანაც ერთად ახლა იდგა აბელ ნასან მურის კარიჭესთან.

ფადიმ უფროსი ბიძის უმცროს შვილს ავთი მუსუნს (იგი ერთხელ უკვე ვახსენე) ღაბაბი ლამის ღიპზე რომ სცემდა და ერთადერთ მამიდაშვილს პუტი ნისას (ეს კი ისაა, ვირთხასავით რომ იყურებოდა), დალოდებას სთხოვდა. მზად იყო, ქალაქში პირველი თავად შესულიყო. იქაურობა დაეზვერა და, თუკი უკან მშვიდობიანად გამოვიდოდა, ლურჯი ტბიდან წყლის დასალევად კაჟადები გალავანს შიგნით მხოლოდ მას შემდეგ შეეყვანათ. ამ ცხოველებს კი შეეძლოთ უწყლოდ დიდ ხანს გაეძლოთ, თან ისე დიდ ხანს, რომ მთელ დიუნებს გადაივლიდნენ და



წყურვილისგან შეწუხებულები ერთხელ არ დაიბლაგ-  
ლებდნენ, მაგრამ ახლა ისინი სიკვდილის პირას იყვნენ  
და მათი გადარჩენა მხოლოდ წყალს შეეძლო.

ქარავნის დატვირთვის შემდეგ ფადიმ ნათესავებს  
კაჟადების საბალახოდ გაშვება აუკრძალა და მათი  
გამოკვებისთვის საკმარისი თანხაც მისცა, მაგრამ  
ასე რად უნდა მოქცეულიყვნენ, არ აუხსნა და არაფერი  
განუმარტა. თავად იმ ადგილებში მყოფ მთვარეზე  
მონადირეთა ორდენის წევრების სანახავად გაეშურა  
და მხოლოდ ორი ღლის შემდეგ დაბრუნდა. ნათესავ-  
ებმა ფული დაზოგეს და კაჟადები სოფლის გარშემო  
გადაშლილ თვალუწვდენელ ამწვანებულ მინდვრებ-  
ში გაუშვეს. იქაურობა კი ლენცოფით იყო სავსე.  
კაჟადებს ძალიან მოსწონდათ მისი მოტკობ-მომწა-  
რო გემო და ბალახობისას სამყურებსა და ესპარცეტს  
შორის მხოლოდ მას ეძებდნენ. ლენცოფა შეჭმისთვის,  
თითქოს, სამაგიეროს უხდიდა მჭამელს, ენას უშ-  
რობდა, ნაწლავებზე წყლულებს უჩენდა, შიგნიდან  
ჭამდა და რამდენიმე დღეში ბოლოს უღებდა. ერთა-  
დერთი წამალი წყალი იყო, არა წამალი და მალამო,  
არამედ ჩვეულებრივი მტკნარი წყალი. მწყურვალ  
კაჟადას, რაც შეიძლება ბევრი წყალი უნდა დაეღია.

გაზაფხული იდგა და ლენცოფა სულ ნორჩი იყო,  
ის ძალა და ღონე არ ჰქონდა, ცხოველი მაშინვე  
რომ დაეგდო, ამიტომ კაჟადების დასაავადებლად  
დიდი დრო დასჭირდა და ავადმყოფობის ნიშნებმა  
გზაზე დადგომიდან მხოლოდ მეორე კვირის ბო-  
ლოსთვის იჩინა თავი. ფადის ნათესავები უმტკი-  
ცებდნენ, საწამლაკი ნამდვილად კაჟადებისთვის ნაყ-  
იდ საკვებს შეჰყვარო. სულ იმ ფლიდი გამყიდველის  
ბრალთა, გარჩეული, აბრეშუმით ბალახის ფული  
გამოგვცანცლა და მის ნაცვლად სარეველებიანი  
შემოგვაპარაო. იფიცებოდნენ ოჯახს, შვილებს, ნა-  
მუსსა და კაცობას და თან საიდუმლო ჯიბეებში  
ჩამალულ დაზოვილ გროშებს ხელით სინჯავდნენ,  
თვალეები კი მორიგი ახალი ტყუილის მოსაფიქრე-  
ბლად სულ ზევით გაურბოდათ. ამას ფადის რას  
გამოაპარებდნენ. ახალგაზრდა კი იყო, მაგრამ ჯერ  
კიდევ სულ მთლად ბავშვს ულო ასწავლიდა, ვინც  
თვალეებში არ გიყურებს, იმას ბოლომდე არ ენლო.  
ულოს სიკვდილის შემდეგ იმდენი მასწავლებლის  
შეგირდობა მოუწია, იმდენი დარიგება და დამოდვრა  
მოისმინა, ტყუილ-მართალის გარჩევა არ უჭირდა.

ერთხელ ერთი ისეთი სქელშუბლა და გამოცდილი  
ფლიდი შეხვდა, თან სახეში კრავივით უცქერდა, თან  
ხაფანგში ჩასავარდნ ორმოს უთხრიდა. ფადის სიმა-  
რთლის გასაგებად არც ერთი ნასწავლი მოძღვრება  
არ გამოადგა და დაკვირვების წყალობით თავად

შექმნა. ამ შემთხვევის შემდეგ გამოცდილებას უკვე  
სხვებს უზიარებდა. ფადი სქელშუბლა ფლიდს  
ყურადღებით აკვირდებოდა, მაგრამ კაცს საეჭვოს  
ვერაფერს ამჩნევდა. თუმცა, ჩასავარდნი ორმო საკ-  
უთარი თვალთ ჰქონდა ნანახი და კარგად იცოდა,  
რა ხაფანგშიც აგდებდა. მოულოდნელად, ბოლო კითხ-  
ვის შემდეგ, გაიყოლებდა თუ არა ტასმანის შორეუ-  
ლი მიწებზე, ფადიმ მოსაუბრის უარის შიშით გა-  
ჟღენთილი ოფლის მძალე სუნი იგრძნო. ამ სუნმა  
გაყიდა კაცი. ფადის ნათესავების ქცევაში კი თითქ-  
მის ყველა ნასწავლი ნიშანი იყო გაერთიანებული.  
აეთი მუსუნისა და პუტი ნისას ფარღალალა შარვ-  
ლების ჯიბეებში მათ მომუშტულ ხელები ისე ცხა-  
დად იყო გამოკვეთილი, მათი შემჩნევა კაცს უღაბ-  
ნოს მტკვრით ამოვსებული თვალეებითაც არ გაუჭირდ-  
ებოდა, ფადიც კარგად ხელავდა, ყოველი კითხვის  
დასმისას გამორჩენადანარბებულ ნათესავებს მუშ-  
ტები როგორ უთრთოდათ. ვაჟმა ისიც ზუსტად იცოდა,  
რას მალავდნენ ამ მუშტებში, – საკუთარი თავები-  
სთვის განაჩენად ქცეულ ორიოდე გროშს.

ფადიმ აბელ ნასან მურის შესახებ დაზუსტებუ-  
ლი ბევრი არაფერი იცოდა, ან ვინ იცოდა, მაგრამ,  
რაც გაეგო, ისიც საკმარისი იყო, შესვლისგან თავი  
რომ შეეკავებინა. ქალაქი საქარავნო გზებიდან  
მოშორებით იყო. ტასმანის შორეული მიწების, კარკ-  
ადებისა და ჩრდილოეთის ღვინისფერი ზღვის სანა-  
პიროს მონახულების მსურველები ან ოაზისების  
ძებნაში გზაადენილები თუ გადაეყვებოდნენ დი-  
უნებში გამოძვედეულ აბელ ნასან მურს. სამივე ეს  
ადგილი, თავის მხრივ, ნამდვილად იმსახურებს აღწ-  
ერას, მაგრამ გუძანით ვგრძნობ, ადრე თუ გვიან  
გვერდს ვერ აუვლით, ამიტომ ამჯერად ისევ კარიბჭეს  
დავუბრუნდეთ. მით უმეტეს, თავად აბელ ნასან მურის  
შესახებ ჯერ ბევრი არაფერი გვითქვამს.

– ფადი, ჩემო ღირსეულო ბიძაშვილო, პუტი ნისა  
დამემოწმება, შარშარ ჩვენს ქალაქში გამოჩნდა ერთი  
ფრიად პატივცემული ვაჭარი, რომელიც ირწმუნებო-  
და, რომ სხვადასხვა მოულოდნელ ვითარებათა გამო  
აბელ ნასან მურის ჭიშკარს მიაღგა. მასაც სმენოდა  
იმ საშიშროებებზე, რაც კედლებს მიღმა იმალებოდა,  
მაგრამ, როგორც თავად თქვა და მეც იმავეს გავიმ-  
ეორებ, იმედი მაქვს, პუტი ნისაც დამეთანხმება, ზუს-  
ტად რა საშიშროებებზეა საუბარი, არავინ ვიცით.  
თუმცა, ბევრს მოეხსენება იმ შესანიშნავი ოაზისისა  
და მაცოცხლებელი ტბის შესახებ, რომლითაც ცნო-  
ბილია ქალაქი. ის ფრიად პატივცემული ვაჭარი  
ქალაქის ნახვის სურვილმა ისე აიტანა, ყველა შეგ-  
ონება და გაფრთხილება მიაიწყდა და აბელ ნასან

მურის დათვალეობების მიზნით და საილუმინაციო ერთხელ და სამუდამოდ ფარდის ახდის იმედით ამ კარიბჭეს მიაღება. მიაღება და შევიდა კიდეც. მსგავსი მდიდარი ქალაქი, მანამდე თვალთ არ მენახაო. რა მოსატანია, დასავლეთის ოქროსგუმბათიანი სასახლეები და აღმოსავლეთის ძვირფასი ქვებით დაგებული მოზაიკები და მოპირკეთებული კედლებიო. სულ ერთი დღე გაჩერებულა, მოვალეობა მეტის უფლებას არ აძლევდა, საქონელი ვადაში უნდა ჩაებარებინა დამკვეთთათვის. ვაჭრის სიტყვა კი, თავად მოგესენება, გაუხსნელი კვანძია, წამახვილებული ფრჩხილებითაც რომ ვერაფერს დააკლებ. ქალაქიდან იქაური საქონელიც გამოაყოლა ხელს, განსაკუთრებულ ფასად ყიდიდა, მაგრამ არავინ ევაჭრებოდა, ისეთი ძვირფასი და განუყოფელი იყო. დიდ პაპას ახსოვდა, მისი მადლიერი იყო, ახალგაზრდობისას ხელი გამიმართაო და რამდენიმე ნივთი მე და პუტი ნისას ჩვენთვის სარფიანი ფასდაკლებით მოგვცა. სხვა ნივთებიც დაგვათვალეობებინა, რაც ქალაქიდან საჩუქრებად გამოატანეს. ყველაფერი მდიდრული ელფერით ბრწყინავდა.

ფადი ბიძაშვილის ამ მონათხრობს უკვე მესამედ ისმენდა. ამჯერად ავთი მუსუნი ერთ სიტყვას არ ტყუოდა. ყველაფერს ალაღად ყვებოდა. აღარც ზევით გაურბოდა თვალი და გაცრეცილი მღოვავისფერი შარვლის ჯიბეებიდანაც ხელები ამოეღო და საკუთარი ღირსებებით თვითკმაყოფილს მეტი დამაჯერებლობისთვის მუცელზე შემოეწყო, მაგრამ ბიძაშვილის სიმართლე ფადის ეჭვებს რას გაფანტავდა, როცა ავთი მუსუნი იაფად ნაყიდი საეჭვო ღირებულების ჭინჭების ყიდვით გახარებული გაცურებული თავად ბრძანდებოდა. როგორც კი ბიძაშვილმა ქალაქიდან გამოტანებული საჩუქრები ახსენა, ფადი ყველაფერს მიხვდა. ნათესავებს ეშინოდათ, კედლებს მიღმა დაგროვილი სიკეთე მხოლოდ მას არ შეხვედროდა. არც ერთი და არც მეორე ფადის ჭემმარიტ განზრახვას – დაეზვერა ქალაქი – იოტი-სოღენადაც არ იჯერებდა. მაშინ ფადიმ ჭკუა იხმარა და ნათესავებს კარიბჭის მიღმა გასვლის პირველობა დაუთმო. თქვენ ნახეთ, რა ხდება და თუ მშვიდობა დაგხვდათ, კაჟადებს მერე შევიყვანთო. თანამგზავრებს არც ეს ეამათ, მაგრამ იქით საჩუქრების მიღების პირველობა უმღვრევდათ გონებას, აქეთ კაჟადების შემხედვარე მშვიდდებოდნენ. ასეთი დაავადებული ცხოველებით ფადი ვერსად გაიქცეოდა და თან არ წაიყოლებდა უძვირფასეს ფხვნილებს, სამკურნალო მცენარეებსა და ათას საჯადოეო წამალსა თუ ნივთს. ფადიმ ნათესავებს პირველობა

შესთავაზა და იქვე დასძინა, თუ გგონიათ, მე მიხარია, საკუთარი ნებით ხაფანგში თავის შეყოფა, ძალიან ცდებითო. ხაფანგი ღროულად ახსენა. ამ სიტყვამ ავთი მუსუნი შეაცბუნა, პუტი ნისა კი შეაშინა. მაშინვე უკან დაიხიეს და საიდანაც ჩამოთრეულ ნათესავს, ზურგს უკან ფადის ასე ეძახდნენ, გზა დაუთმეს. ფადი კარიბჭისკენ გაემართა. მაინც რა მრჯის, – გაიფიქრა მწარედ. ქარავანს შინ მშვიდობიანად მიიყვანდა თუ არა, ისევ მთვარეზე მონადირეთა ორდენში აპირებდა დაბრუნებას. ორდენის წევრები მრავალმხრივი გამოცდილების მიღების მიზნით ხშირად სხვა საქმიანობით კავდებოდნენ და მთავარი გზიდანაც უხვევდნენ, მაგრამ საბოლოოდ მაინც თავიანთ უპირველეს მიზანს უბრუნდებოდნენ. ფადიც ხომ იმ გამოცდილების მისაღებად დაბრუნდა შინ, მაგრამ ვითარებათა გამო, მურების ქალაქთან მოხვდა. ნუთუ შინ დაბრუნებაც მხოლოდ ამისთვის იყო საჭირო, რომ აქ მოხვედრილიყავი? – გაიფიქრა ფადიმ და ფენს აუჩქარა.

ჭიშკრისკენ მომავალი ფადის დანახვაზე ასან ბასარმა გასაღები ბოლოჯერაც გადააბრუნა და სტუმრის შესახვედრად ფრუტუნით გაემართა. გზადაგზა გრძელი თეთრი წვერიდან, ლამის მუხლებამდე რომ სდევდა, ქვიშის მარცვლებს იბერტყავდა. საკუთარ თავზე გაბრაზდა, ამდენ ხანს ელოდა სტუმარს და ახლა არ იცოდა, უცხოელს რა სახით ჩვენებოდა. ამდენ ფიქრში ისიც კი დაავიწყდა, ქალაქისთვის ქვიშა მიეყარა, მხოლოდ სახელურის ჩამოწევის წინ გაახსენდა. დაიხარა. ერთი მუჭა ოქროსფერი ქვიშა აიღო და ქალაქს ისე მიაყარა, იქით არც კი გაუხედავს. მოხუცის უკან მკვდარი ქალაქი მყისვე გაცოცხლდა და ქუჩებში მოსიარულე ხალხით გაივსო. კაცმა კარის გაღების ნაცვლად ჭუჭრუტანიდან გაიხედა და სტუმარს დააკვირდა. დანარჩენი ორისგან განსხვავებით უდაბნოში მოგზაურთათვის ჩვეული მოთეთრო-მონაცრისფრო ფარღალაღა სამოსი არ ეცვა. მზის მწველი სხივებისგან დასაცავად გრძელი საბურველის ნაცვლად თავი მცირე ზომის ჩალისფერი სამკუთხა ნაჭრით წაეკრა. ვიწრო შარვალსა და მოკლე პერანგში გამოწყობილი უფრო მეომარსა ჰგავდა, ვიდრე უდაბნოდან მოსულ მოქარავნეს ან მოხეტიალე დავრიშს. ოცდახუთს გადაცილებული იქნება, მაგრამ სამი ათეულის შესრულებამდე ასე ორი-სამი ზამთარ-ზაფხული კიდეც უნდა გაიაროს, – გაიფიქრა მასპინძელმა. ასან ბასარმა მის სახეზე ისეთი ვერაფერი ამოიკითხა, რაც სტუმრის ხასიათზე, ფიქრებსა და ჩვევებზე მიუთითებდა. გაუკვირდა. აქამდე გამომეტყველებით

გონების ყველაზე ბნელ კუნჭულ-ჩინებში ისეთ დამტვერილ საცავს შეამჩნევდა, გასაღებს მოარგებდა, ჩაიხედავდა და იქაურობას ნათელს მოჰფენდა, რომ ხშირად მისი არსებობა თავად დამძალავმა არ იცოდა. ასან ბასარი ადამიანებზე ზეგავლენას სწორედ ასე მოპოვებულ განძის წყალობით ახდენდა. ჭკუა თუ არ ვინმარე, ამას ვერაფერს დავტყუებ, – გაიფიქრა ასან ბასარმა. ქალაქისკენ გაიხედა, ჭიშკართან ახლოს მომუსაიფე ორ კაცს ხელის დაქნევით უხმო და სტუმრის მიღება დაავალა. მხოლოდ ჭიშკარი მაშინვე არ უნდა გაეღოთ. უცხოელი მანამ უნდა ელოდინებინათ, სანამ ასან ბასარი ცინე-ქალაქის მთავარ სასახლეს არ მიაღწევდა. თუმცა არც იმდენ ხანს, რომ ქალაქში შემოსვლა გადაეფიქრებინა.

მთავარი სასახლე ზუსტად ქალაქის უკანასკნელი ხორციელი მაცხოვრებელის ხნისა იყო და სადღაც ერთი თაობის შემდეგ ათასი წლის განდებოდა. იგი იმ სახლის ადგილას წამოჭიმეს, სადაც ასან ბასარი – მთავარის პირველი შვილობილი დაიბადა. ამჯერად სასახლემდე მიმავალ გზას ქვიშაში ჩაფლული, სახურავამოქცეული შენობების ნაცვლად თეთრი კირით შეთეთრებული და ლურჯი საღებავით მოხატული კედლები მიჰყვებოდა. თანაბარი მანძილებით დაშორებულ მრგვალოთიან და ორფრთიან ხის ლილისფერი კარების უკან, სამსართულიანი სახლების ნახევრად ღია ეზოები იწყებოდა, შუაში მცირე შადრევნიანი აუზით. ასან ბასარს ქალაქის ასეთი გარდასახვა ესიამოვნა. ასიოდე წლის წინანდელი მთავარის მეოცე დღე გაახსენდა, ამ დღეს გამოღვიძება ერქვა. მთავარის ამ დღეს საჭირო ბეგრების გამოცემით ნებისმიერი ადამიანის გამოღვიძება შეიძლებოდა, რაც უნდა შორს ყოფილიყო და რაც უნდა დიდი ხნის დაძინებული. იმ დღესაც ქალაქის კარიბჭეს ახალგაზრდა ვაჟი მიაღვა, დღევანდელი სტუმარივით მშვიდი სახით. სულ არ ეტყობოდა, რომ რამდენიმე დღის მშვიერ-მწყურვალი იყო, ტანსაცმელშემოდარცული და უდაბნოს მწველი მზისგან კანდამწვარი. დავრიშობისთვის ძალიან ახალგაზრდა იყო, თუმცა, მისი სამოსის მონარჩენი ზუსტად ამაზე მეტყველებდა. ერთადერთი კაჟადა ახლდა თან. ცხოველს საპალნეც არ ჰქონდა დადგმული. სულ ეს იყო მისი ქარავანი. გუშაგებს ვაჟმა არც წყალი სთხოვა და არც თავშესაფარი, წყალთან და საკვებთან ახლოს ცხოველის დატოვება უნდოდა. ასან ბასარი, მომავალში მთავარის შვილობილადაც მოვიხსენებოლმე, ასეთებს უშიშრებს ეძახდა.

სტუმარს თავად ასან ბასარი არ დახვედრია, მაგრამ ვაჟმა რაც ითხოვა, მთავარის შვილობილმა

მაშინვე გაიგო, რადგან ქალაქში ყველას, უფროსისა თუ უმცროსის, ქალისა თუ კაცის, მექოლგისა თუ ჭაშნაგირის გონებას, ყველასას, ასან ბასარის გონება მოიცავდა. ასან ბასარი იმ უცნაურ სტუმარს მეტი შთაბეჭდილების მოსახდენად უდაბნოს დედოფლის სახით წარუდგა და სტუმრისგან, აი, რა გაიგო: ვაჟი მართლა დავრიში აღმოჩნდა და არც ისეთი ახალგაზრდა იყო, როგორც მასპინძელს წარმოედინა. ბავშვობაში ნიშანი მიეღო, ირწმუნებოდა, წინ მნიშვნელოვანი საქმეები მელისო. ყოველი დღის გასვლა უხაროდა. დრო ზომ მისიასთან ამორებდა. სიკვდილის არ ეშინოდა, მისიის შეუსრულებლად ამქვეყნიდან მის წაყვანას მაინც არ დაუშვებდნენ, ხოლო საქმის გასრულების შემდეგ კი მარადისობას შეუერთდებოდა, სადაც არც დრო და არც მანძილი აღარ იარსებებდა, ვერც ერთი გრძნობა თუ შეგრძნება მის სულს ვეღარ ააფორიაქებდა და ათასგვარ გამოცდას ვეღარავინ მოუწყობდა. მისი სახელი მთავარის შვილობილს აღარ ახსოვდა, ამ სტუმარს ყოველთვის გამოღვიძებდა იხსენებდა, რადგან აბელ ნასან მურს მთავარის მეოცე დღეს – გამოღვიძების დღეს მიაღვა.

ასან ბასარი მთავარ სასახლეში უდაბნოს დედოფლად შევიდა. ტანთ ქვიშის ქარიშხლის კაბა ეცვა, მხრებშიშვლებული, მკერდს ძლივს რომ უფარავდა. კაბის კალთათა ფრიალი დიუნებივით დატალღულ სველქვიშისფერ თმას მოსვენებას არ აძლევდა. ტახტისკენ მიდიოდა და სახეზე ჩამოყრილ კულულებს უკან იყრიდა. ისეთი ნორჩი და შეურყენელი ჩანდა, თითქოს მის დასაბადებლად უდაბნოს ესაა ემშობიარა. სულ ორჯერ ჰყავდა ასან ბასარს ნამდვილი უდაბნოს დედოფალი ნანანი და პირველივე ნახვის შემდეგ მისი ზმანება მუდამ თან დასდევდა. თვალის ერთი შევლებითსთანავე მის მსახურად ყოფნა ისურვა, მთელ ცხოვრებას მისი კაბის დანატოვარ ქვიშის მარცვლების სათითაოდ აკრეფაში გაატარებდა, ოღონდაც მისი ნახვის უფლება ჰქონოდა. უდაბნოს დედოფალმა მე რომ ასე მომუნუსხა, სხვას რას დამართებსო, ფიქრობდა მთავარის შვილობილი და საშიშ სტუმრებს მისი სახით ხვდებოდა. აქამდე მხოლოდ ერთს, მთავარის მეოცე დღეს შემოსულ სტუმარს, ვერ დამართა ვერაფერი. მეორედ უდაბნოს დედოფალს ათი წლის შემდეგ შეხვდა. უფრო ზუსტად, უდაბნოს დედოფალი მთავარის შვილობილის გასაცნობად ქალაქს თავად ესტუმრა. ათ წელიწადს ერთი წამის კვალიც ვერ დაემჩნია მისთვის. ასან ბასარისთვის ისევ ისეთი მიმზიდველი და სასურველი იყო, ისევ ქვიშის ჩანჩქერებად იღვრე-

ბოდა მისი კაბა და ისევ დიუნებად იშლებოდა მისი სველიქვიმისფერი თმები. ასან ბასარი გრძნობებისა და მოვალეობების ჭიდილმა ლამის ჭკუიდან შეშალა. ხომ მრავალის გონებას მოიცავდა, ხომ ბევრზე ბევრი ადამიანი იყო მასში, მაგრამ მთლიანობის შეგრძნება არასდროს ტოვებდა, ახლა კი ცეცხლში შესაკეთებელად გამზადებული შუაზე გაპობილი კუნძივით ელოდა გარდაუვალ განაჩენს, სულ მალე ორივე ნაწილი აუცილებლად ნახშირად ექცეოდა.

იმ დღეს ასან ბასარმა, მთვარის ოცდამერვე – სრულყოფილ დღეს, უდაბნოს დედოფალი ხაფანგში ვერ გააბა, ქალი იმაზე ბევრად დიდსულოვანი აღმოჩნდა, ვიდრე მისი მდგომარეობისა და შეძლების ადამიანებს იმ დროს სჩვეოდათ და ახლაც სჩვევიათ. მართალია, იმ დღეს უდაბნოს დედოფალმა ქვიშის მბრძანებლობის უნარი დაკარგა და, თითქოსდა, ჩვეულებრივ ქალად იქცა, სამაგიეროდ, ქალაქი ახალი სახელით დატოვა. დღეიდან იგი ოცდამერვე ბრძანდებოდა, ხოლო სახელი მისი იყო სრულყოფილება.

ასან ბასარმა გადაწყვეტილება მყისიერად შეცვალა და სტუმრის დახვედრა ქვიშის დედოფლის სახის მიღების შემდეგ სასახლის ნაცვლად ტბის პირას ისურვა.

მამ ასე, ქვიშის დედოფალი უნაყოფო ლეღვის ხეთა ჩრდილქვეშ ტბის პირას სეირნობდა და მგალობელ ფრინველთა სიმღერას უსმენდა. ბრძანებების მოლოდინში ლამის ყოველი ხის ძირში თითო მსახური მაინც იდგა. სულ სხვადასხვა ასაკისა და შესახედაობის იყვნენ. ზოგი ციდან ჩამოგზავნილ ქალღვთაებასა ჰკავდა, ზოგიც ისეთი სახიჩარი იყო, მის შემხედვარეს ქვის გულიც რომ ჰქონოდა, შიშისგან შეუტოკდებოდა.

უდაბნოს დედოფალი მოქანავე ოთახში ავიდა, სტუმრის მოლოდინში თივთიკის ოქრომკედით ნაქარგ ბალიშებს მიეყრდნო – მოლივლივე ტბას რწვეა-რწვევით გასცქეროდა. ლეღვის სუსხიანი სურნელი რომ არა, ირგვლივ ისეთი მომთენთავი სიმშვიდე იყო, ნამდვილად ჩაეძინებოდა. წრიული ფორმის მოქანავე ოთახში ორი კაცი თავისუფლად დაეტეოდა და კიდევ ორი იპოვიდა ადგილს, თუ ჯვარედინად დასხდებოდნენ. თეთრი ჰაეროვანი ნაჭრით ნახევრადდაბურული მოსასვენებლის ასასვლელთან ძირს დაფენილ ხალიჩებზე ოთხი მსახური იჯდა: ორი ქალი და ორი კაცი, მოშორებით სხვებიც იდგნენ. მწვანეში ჩაფლული საქანელა მდინარეში მიშვებულ იალქნიან ტივს ჩამოჰკავდა. ფადიმაც ზუსტად ეს იფიქრა, როცა ლეღვის ტოტებს უდაბნოს შორის უდაბნოს

დედოფლის ფრიალაკედლებიანი მოსასვენებელი დალანდა. უდაბნოს დედოფალმა სტუმრის მოახლოება იგრძნო, ხელი ასწია და მსახურებმა მოსასვენებლის რწვეა შეწყვიტეს. ორმა მცველმა ფადი მიწიდან სამი-ოთხი მტკაველით დაშორებულ ასასვლელთან მიიყვანა. ქვიშის დედოფალმა სტუმარს ხელი დაუქნია და თავისთან უხმო. საქანელაზე ასასვლელად მსახურებმა ფადის სამსაფეხურიანი კიბე მიუდგეს. სანამ მცველები და მსახურები ფაციფუცობდნენ, ფადი მოლივლივე ტბას გასცქეროდა და იხსენებდა, უკანასკნელად როდის ნახა ამდენი და თან ასეთი კრიალა წყალი. ხუთი წლის წინ მაინც იქნებოდა.

ერთხელ მთვარეზე მონადირეთა ორდენში ამბავი მოიტანეს, ჩრდილოეთის ზღვის ხორდაჯის უბეში მინის კლდეების ქვაბულებში ძვირფასი ქვების მადიებელი ბროლისგან გამოკვეთილ მშვილდოსნის ფიგურას გადაეყარა. ორდენის მეთაურმა ხორდაჯის უბის დასათვალიერებლად და სიმართლის დასადგენად ფადიც გააგზავნა. დაუთვალერებელი მინის ქვაბულების ერთი კუთხე-კუნჭულიც არ დარჩათ, მაგრამ ბროლის მშვილდოსანს ვერსად მიაკვლიეს. მორიგი ცრუ შეტყობინებით გულდამძიმებულებმა შინ დაბრუნების წინ პატარა ტბასთან შეისვენეს. ტბას ორ ადგილას ამოჭრილი მინის კლდე სახურავით დაჰყურებდა. ფადი გულადმა დაწვა. ზემოდან ცის ორი უხარმაზარი ლურჯი თვალი დასცქეროდა, ის დრო იყო, როცა ახალამოწვერილ მზეს მთვარე ჩასვლას ვერ ასწრებს და კლდეში ამოტეხილი ერთ თვალის მთვარე-გუგაში მთელი მღვიმე ირეკლებოდა: – რძისფერი ფილები, მისი მეგობრები, თავად ფადი, ცაზე უფრო ლურჯი ტბის ფსკერზე დამალული თეთრი მშვილდოსანი მთვარის განსაგმირად მოზიდული მშვილდით.

მცველებმა სტუმარს ხელი მოჰკიდეს, უდაბნოს დედოფლის მოსასვენებელ ოთახში ასასვლელ კიბესთან მიიყვანეს და თავად იქაურობა დატოვეს. ფადის მათი საქციელი ძალიან გაუკვირდა, დედოფალს უცხო, გადამთიელ კაცთან, რომლის შესახებ არაფერი იცოდნენ, მარტო ტოვებდნენ. იარაღი მაინც მოეკითხათ, ჰქონდა თუ არა. კიბე რომ აიარა და უნახესი, სიფრიფანა ფარდა გადასწია, უდაბნოს დედოფალს თვალი შეავლო თუ არა, მაშინვე ყველაფერს მიხვდა. უმაღლესი საკუთარ სიცოცხლეს დაემშვიდობებოდა, ვიდრე მას – დედოფალს იოტისოდენად ავნებდა რამეს. ფადი მთვარეზე მონადირეთა ორდენის უმაღლესი წოდების მფლობელი იყო. ჩრდილოეთის ზღვის ხორდაჯის უბეში მინის კლდეების ქვაბულებში მიკვლეული მსროლელის პოვნის შემ-



დეგ დიდი სჯა-ბაასის გარეშე მპოვნელის წოდება მიანიჭეს. ასეთი შემთხვევა ორდენის დაარსების დღიდან ხუთასი წლის განმავლობაში მხოლოდ ათჯერ მოხდა, რაც იმის მაუწყებელი იყო, რომ ამ ხნის მანძილზე მხოლოდ ათი მთვარეზე მონადირის, იგივე მსროლელის ფიგურა იყო ნაპოვნი. ეს წოდება ფადის სრულ უფლებას აძლევდა მხარეების, ქვეყნებისა თუ ქალაქის მმართველების წინაშე მუხლმოუდრეკლად წარდგენილიყო. უდაბნოს დედოფალმა ფადის უმაღლესი წოდებაც დააუწყო და მთვარეზე მონადირეთა ორდენის წევრობაც. ფადიმ მის წინ ცალი მუხლი მოიყარა და თავი მდაბლად დაუკრა. დედოფლის ქვიშის მოლივლივე კაბიდან აფრენილი უწმინდესი მარცვლები სტუმარს სახეში სცემდა. ფადის ესეც სიამოვნება და განაკაწრები საამოდ ეჩვენებოდა. დედოფალმა სტუმარს წამოდგომა და თავის წინ დაჯდომა უბრძანა. ფადიც დაემორჩილა და ქალის მოპირდაპირე მხარეს, რბილზურგიან და ბალიშებშემოწყობილ, მომრგვალებულ ტანტზე დაჯდა. დედოფალმა ფადის ვინაობა და მოსვლის მიზეზი ჰკითხა. ფადიმაც მოახსენა, ვინ იყო, საიდან მოდიოდა და აბელ ნასან მურს რატომ ესტუმრა. კარიბჭესთან მომლოდინე ქარავანიც ახსენა და დაავადებული კაჟადებიც. მთვარეზე მონადირეთა ორდენის წევრობა კი არ ახსენა. თხრობისას ჯერ

ტურები გაუშრა, მერე ენაც გაუხვედა და ყელმაც ფხაჭნა დაუწყო. ყოველი სიტყვის თქმის შემდეგ წყურვილის გრძნობა უათმაგდებოდა და საუბარი სულ უფრო და უფრო უჭირდა. ამიტომ ისე გამოწურულად ყვებოდა, თითო წინადადებაში იმდენ სათქმელს ატეკვდა, თხრობა მალე დაასრულა. ფადი ცოტა დაცხრა, დედოფალს თვალი გაუსწორა და მის ყოველი ნაკვთი გონებაში სამუდამოდ აღიბეჭდა. უცნაური თვალები ჰქონდა ქალს, მოყვანილობით ულამაზესი ოვალის, მაგრამ ღრმა მოხუცებულებით ამღვრეული, სავსე მთვარესავით ლაქიანი და გუგაგაცრეცილი. თითქოს უდაბნოს დედოფლის უმშვენიერესი თვალებიდან სულ სხვა არსება იცქირებოდა. ფადის წყურვილი უწინდებურად ტანჯავდა. ასე ეგონა, ქალის წინაშე მთლიანად გამომშრალი იჯდა და სადაცაა მისი ქარიშხალივით აბობოქრებული სამოსი უდაბნოს ქვიშასავით შეისრუტავდა.

– მგონი, ყელი გაგიშრა, ძვირფასო სტუმარო, წყალს ხომ არ მიირთმევდი, – თხოვნაზე პასუხის გაცემის ნაცვლად ჰკითხა უდაბნოს დედოფალმა ფადის, ბალიშებიდან წამოდგა და ხელი გაუწოდა, ფადიც მაშინვე ფეხზე წამოიჭრა. ბიძგებისგან მოსასვენებელი ოთახი შეირხა და ქალი მოშიშვლებული მხრით სტუმარს რამდენჯერმე შეეხო. ფადის საპასუხო ქმედებამაც არ დააყოვნა, დედოფალს შეემ-

ველა და წონასწორობის აღსადგენად ხელი ხელზე ოდნავ უფრო მძლავრად მოუჭირა. ნალვერდალზე ბევრად მწველი აღმოჩნდა ფადის მუშტში გამოძვ-ყველი თითები. მხოლოდ ხელისგული კი არ დაეწვა, ერთიანად წაეკიდა ცეცხლი, თითქოს ქვიშის ათასობით გავარვარებული მარცვალი ეძგერა. ფადის ერთი სული ჰქონდა, ტბას როდის მიაღწევდნენ, წყლიდან მონაბერ სიგრილეს როდის შეუშვერდა ავარვარებულ სახეს.

– გმადლობ, – წარმოსთქვა დედოფალმა. მათი მზერა სულ რამდენიმე წამით ერთმანეთს შეხვდა. ამჯერად ქალის თვალებიდან ისეთი გაყინული მზერა გამოსჭვიოდა, რომ სულ უმნიშვნელო დრო ფადის გონზე მოსასვლელად საკმარისი აღმოჩნდა, ლავასავით აღუღებელი გონება დაეწმინდა და ქვიშის მარცვლებით დასაშლელად განწირული სხეული შეუკრა. წყურვილმაც სულ ოდნავ იკლო. უდაბნოს დედოფალი ტბისკენ წავიდა, ფადი გვერდით მიჰყვებოდა. კიბესთან მომლოდინე მსახურებიც უკან გაჰყვნენ. – წყალი! – წარმოსთქვა ქალმა. მსახურმა ქალმა ტბისკენ თასი გაიშვირა. ფადის წყლის ჩხრიალი მკაფიოდ მოესმა. თასის თავზე ჭავლი გამოჩნდა, რომელმაც სასმისი შეავსო. მსახურმა თასიდან ჯერ თავად მოსვა ერთი ყლუბი, შემდეგ ქალბატონს მიაწოდა. დედოფალმა დალია, თასი მსახურს დაუბრუნა და ფადის მიუტრიალდა. – აირჩიე შენი ჭაშნაგირი! – თქვა ქალმა და ხელით მსახურებზე ანიშნა, – აბელ ნასან მურის ტბის წყალს მაცოცხლებელი ძალა აქვს, მაგრამ არა ყოველთვის. არავინ ვიცით, როდის აგვაკვებს უშრეტი ენერგიით და შხამად როდის გვექცევა. დღეს მთვარის მერვე დღეა – უსასრულობის დღე. ბედი გქონიათ, სწორედ ამ დღით რომ მოადექით ჩვენი ქალაქის კარიბჭეს, დღეს ყველა სტუმარს მექოლგისა და ჭაშნაგირის არჩევის უფლება ეძლევა, მათ შორის შენც.

ფადიმ მსახურებს გადახედა. ყველას ხელში თასი ეჭირა და არჩევნის მოლოდინში სტუმარს გაშეშებულები შესცქეროდნენ.

– დახმარება ხომ არ გჭირდება, იქნებ თავად გირჩიო, – უდაბნოს დედოფალი ისე ახლოს მივიდა ფადისთან, ვაჟს მისი სუნთქვა ესმოდა.

ქალის მიახლოებისთანავე ისევ დაუოკებელმა წყურვილმა აიტანა ვაჟი. ფადიმ პასუხად მხოლოდ თავი გააქნია. გახევებული და გამომშრალი ყელის წყალობით ხმის ამოღება ვერ შესძლო, ბგერა ვერ დასცდა.

– მესმის თქვენი, უცნაური არჩევანია, მაგრამ მაინც მოგიწევთ. მიუხედავად იმისა, რომ წყლით ჭაშნა-

გირები ხშირად არ იწამლებიან, ბედის გამოცდას მაინც არ გირჩევთ. ერთი უცნაურობა სჭირს ჩვენს ტბას, განსაკუთრებით უცხოელებს არ ინდობს.

ფადიმ წელიდან მათარა მოიხსნა, შიგ ცოტაოდენი წყალი ეგულებოდა. სასწრაფოდ თავი მოხსნა და მოიყუდა. მაცოცხლებელი წვეთების ნაცვლად იქიდან ქვიშა წამოვიდა. ფადიმ იყოჩაღა, თორემ პირი მთლიანად ქვიშით ავესებოდა და სულ ადვილად დაიხრჩობოდა. ისედაც აუტანელი მდგომარეობა, მთლად გაუსაძლისი გახდა. ფეხარეული ფადი ერთ-ერთ მსახურთან მიიჭრა. დედოფალმა გამარჯვებულის მზერა გააყოლა. ვაჟმა აცრემლებული თვალებით ვერც კი გაარჩია, მის წინაშე ვინ იდგა, ახალგაზრდა თუ ჭარმაგი, ქალი თუ კაცი, ხელიდან თასი წავლიჯა და ტბისკენ გაიშვირა. რაკრაკის ხმა გაისმა და თასიც დამძიმდა. ფადიმ წყალი სულმოუთქმელად დალია, უკანასკნელი წვეთები მუჭში ჩაიცალა და ნამიანი ხელი სახეზე მოისვა. ქვიშის დარჩენილ მარცველს პირში მაინც კრაჭუნი გაჰქონდათ. ფადიმ ეს უსიამოვნო შეგრძნება დასძლია და დედოფალს ჩვეული ხმით მიმართა.

– რა გადაწყვიტეთ, დედოფალო, აბელ ნასან მური მიიღებს ჩვენს ქარავანს? უწილადებთ ჩვენს კაჟადებს გამოსაჯანმრთებლად წყალს? თუ უარს ამბობთ, უნდა ვიცოდეთ, ლოდინში დრო რომ ტყუილად არ დაგვკარგოთ.

– მიიღებს! – არცთუ ხალისიანად წარმოსთქვა უდაბნოს დედოფალმა.

– მაშინ ხვალ გეწვევით, მთვარის მეცხრე დღეს. მას როგორც მახსოვს, თავისუფლება ჰქვია.

– მართალი ხარ, სტუმარო, მეცხრე დღეს თავისუფლება ჰქვია, მე კი ასან ბასარი მქვია და ამ ქალაქის ერთადერთი ხორციელი მაცხოვრებელი გახლავარ!

ფადის გარშემო ყველაფერი მტვრად იქცა: ფრიალა ფარდებიანი მოსასვენებელი ოთახისგან გამხმარი ფიჩხი დარჩა, მსახურები თანდათან გაიცრიცნენ და ერთ მუჭა ქვიშად ჩამოიყარნენ, ლელვის ხეებმა სიმწვანე და ტანადობა დაკარგეს და მიწაზე ძლივსაცილებულ ჯუჯა ტოტებად განერთხნენ, უდაბნოს უმშვენიერესი დედოფალი, თავისი ქარიშხალსამოსით უფერო, განუხებულ მოსასხამში განვეულ თეთრწვეროსან მოხუცად იცა. უცვლელი მხოლოდ ლურჯი კრიალა ტბა და მოხუცის ამღვრეული, სავსე მთვარესავით ლაქიანი და გუგაგაცრცილი თვალები დარჩა.

ასან ბასარი ერთდროულად გამარჯვებასაც ზეიმობდა და იმედგაცრუების გრძნობაც სტანჯავდა.

მიუხედავად იმისა, რომ მის მთავარ მისიას გამორჩეულთა აღმოჩენა წარმოადგენდა და ახლა მის წინაშე სწორედ ასეთი გამორჩეული სტუმარი იდგა, ქალაქისთვის კიდევ ერთი მექოლგისა და ჭაშნაგირის შემატება ერთი აუწერელ სიამოვნებას ჰკვირდა. მოხუცს თუ რამე აბერებდა, წვერს უთეთრებდა და თვალებს უმღვრევდა, ეს შედეგების ორსახონად აღქმა იყო. ერთი და იგივე უხაროდა და სწყინდა, ერთსა და იმავეს გამარჯვებადაც აღიარებდა და მარცხადაც ნათლავდა. სულ საკუთარ თავს ეპაექრებოდა, სულ საკუთარი თავი ჰყავდა დასამარცხებელი.

– მე კი ფადი საილმ აღმია მუქთაშავი ვარ, – გადასხვაფერებული ქალაქის შემხედვარე ფადიმ საკუთარი ვინაობა აღარ დამალა და მოხუცს სახელი სრულად წარუდგინა.

ფადის სრული სახელის გაგონებაზე მოხუცი შეცბა. ვერასდროს წარმოიდგენდა, რომ მთვარეზე მონადირეთა ორდენის უმაღლესი წოდების მატარებელი ადამიანი აბელ ნასან მურს, როგორც ერთი უბრალო ვაჭარი, ისე მოადგებოდა. სიტყვასიტყვით ფადის ვინაობა ასე ითარგმნებოდა – წყალში ისრის მპოვნელი. ასან ბასარის წინ მუქთაშავი ანუ თავად მპოვნელი იდგა. ასეთი კი მისი დაბადების შემდეგ, მთელი ათასი წლის განმავლობაში მხოლოდ ათი იყო. ასან ბასარმა პირველად იგრძნო სიმშვიდე, პირველად მისიის შესრულებით გამოწვეული სიხარული არ დაეჩრდილა მექოლგეებისა და ჭაშნაგირების დაკარგვით გამოწვეული მწუხარებით. მოხუცის ამღვრულ თვალებს სიწმინდე დაეტყო, გაცრეცილმა გუგებმა კი თავფლისფერი დაიბრუნეს. განცდილი ბედნიერების გამო ასან ბასარი მზად იყო ამ გზადაღწეული მუქთაშავს გადახვეოდა და მრავალი წლის დახურული გული გადაეშალა.

ფადიმ მასპინძლის ასაკს პატივი სცა, ნათქვამს სიტყვა აღარ დაამატა და პასუხს დაელოდა. საუბრის გაგრძელებისა და მომხდარის ახსნის იმედით მოსმენისთვის გაემზადა. ასან ბასარმა სტუმარს ხელი დაუქნია, მომყვიო და შინისკენ გასწია. სათქმელი ისეთი ჰქონდა, ქუჩა-ქუჩა ლაპარაკს ვერ აკადრებდა. ყველაფერი დინჯად და დაფიქრებულად უნდა ეთქვა. შემთხვევით არც თავად გამოპარვოდა და არც მსმენელის ყურსმილმა დარჩენილიყო რამე. რამდენიმე ნაბიჯი არ ჰქონდა გადადგმული, რომ შეჩერდა და ფადის მიუბრუნდა.

– სანამ წავალთ, წყალს კიდევ ხომ არ დალევ. ახლა ეს ტბა ისევაა შენი, როგორც ჩემი და შეგიძლია სამუდამოდ გვერდით იგულო.

– რას ნიშნავს სამუდამოდ გვერდით ვიგულო? – ვერ მიუხვდა ასან ბასარს ფადი.

– თავად მიხვდები! – ჩაიქირქილა მოხუცმა, გრძელ, დამტკვერილ წვერზე ხელი რამდენჯერმე ჩამოისვა და თეთრი ფერი დაუბრუნა.

ფადი წყლის დალევაზე უარს როგორ იტყოდა, თან საკუთარი ტბიდან. ქვიშა პირში ჯერ კიდევ უსიამოდ კრაჭუნობდა. ფადი ტბასთან მივიდა. მათარა გადმოაპირქვა. ამჯერად ქვიშის ერთი მარცვალ-იც არ გადმოვარდნილა, სამაგიეროდ, ძირში მონარჩენი მცირედენი წყალი გადმოიღვარა. დაიხარა და ჭურჭლის შევსება დაიწყო. წყალი პირთამდე მივიდა თუ არა, მათარა ამოიღო. ფადიმ წყალი გულიანად მოსვა და წყურვილი მოიკლა, მაგრამ ჭურჭელს არაფერი დაკლებია. რამდენიმე ყლუპი კიდევ მოსვა, მაგრამ მათარა კვლავ პირთამდე სავსე იყო. ახლა კი მიხვდა ფადი, რას ნიშნავდა მოხუცი მასპინძლის სიტყვები.

– ახლა ჩემთან წავიყვან, მოსაყოლი ძალზე ბევრი მაქვს. დარწმუნებული ვარ, როცა სიმართლეს შეიტყობ, გაცრეცილი დარჩები, ფადი საილმ აღმია მუქთაშავ! დღეიდან შენი ვინაობა დაივიწყე, აბელ ნასან მურის სტუმრობის აღსანიშნავად ახალი სახელი გექნება – ფადი ელქომარ დასამენ ალიაუმ, რაც მურების ენაზე ფადი მთვარის მერვე დღეს ნიშნავს. მამ, გამომყევი უკან ფადი ელქომარ დასამენ ალიაუმ.

– დიდი სიამოვნებით გამოგყვებით და საუბარსაც დიდი ინტერესით მოვისმენ, მაგრამ, მნიშვნელობა არ აქვს, რას დამიძახებენ ფადი საილმ აღმია მუქთაშავს, თუ ფადი ელქომარ დასამენ ალიაუმს, ახლა ერთი უბრალო ვაჭარი ვარ და აქ გაჭირვებამ მომიყვანა. თუ რა გაჭირვებამ, კარგად მოგეხსენებათ, უკვე მოგყევი ერთხელ და აღარ გავიმეორებ. ამ ქალაქში მოხვედრას და ახალ ვინაობას ჩემს ვაჭრულ საქმიანობას უნდა ვუმაღლოდე, მით უმეტეს, ამის გამო შუა გზაზე ვერ მივაგდებ. იქნებ კაჟალების დასარწყულე-ბლად ჯერ ქარავანი შემომაცვანინოთ. ისეთ მდგომარეობაში დავტოვე, მალე დაეცემიან. და კიდევ ერთი, გზა დღესვე უნდა გავაგრძელოთ.

ასან ბასარი ჭიშკრის მიღმა დარჩენილი ორი მექარაენის ვინაობით დაინტერესდა. ძალიან გაუკვირდა, როცა ისინი ფადის ნათესავები აღმოჩნდნენ. კი იცოდა, საერთო სისხლი ყველაფერს არ ნიშნავდა და ღვიძლი ძმებიც ხშირად ისე განსხვავდებოდნენ ერთმანეთისგან, როგორც ცა და დედამიწა, მაგრამ მაინც გაუკვირდა. სულ არ ადარდებდა, ერთიც და მეორეც თუ მექოლგედ ან ჭაშნაგირად იქცეოდა, ორით მეტი,

ორით ნაკლები, მაგრამ ფადი ელქომარ დასამენ ალიაუმის მიმართ პატივისცემის ნიშნად, მზად იყო მათ სულებზე უარი ეთქვა. ორივე რომ ქალაქის გამოცდას ვერ გაუძლებდა, ამას რა დიდი გამოცნობა უნდოდა, ამიტომ ფადის, აი, რა შესთავაზა: ქალაქი ლენცოფანაჰამ კაჟადებს მიიღებდა და დაარწყულებდა, მექარავენებს კი, მათივე უსაფრთხოების მიზნით, გალავანს გარეთ მოუწევდათ დარჩენა. ფადის მოხუცის ზრუნვა ესამოვნა. ავი იყვნენ თუ კარგი, ავთი მუსუნი და პუტი ნისაც მისი ნათესავები ბრძანდებოდნენ, ამ მოგზაურობაში მისი რჩევით წამოვიდნენ და ფადის კაჟადებსა და მათზე აკიდებულ საქონელზე მეტად ისინი ედარდებოდა. ასან ბასარის წინადადება ფადიმ უსიტყვოდ მიიღო და ცხოველების შემოსაყვანად გაეშურა. მასპინძელიც თან გაჰყვა. აყვავებული ქალაქის ნაცვლად სტუმარს ჩამოქცეულ სახლებს შორის, ქვიშით სავსე ქუჩებით მოუწევდა სიარული და გამყოლის გარეშე გზა აუცილებლად აერეოდა.

– ფიქრის დრო არ არის. გინდაც რომ აბელ ნასან მურში თვე დაჰყო, ამას შენი ნათესავები და ვერც თქვენი კაჟადები ვერ მიხვდებიან. ამაზე მე ვიზრუნებ, – უთხრა ასან ბასარმა ფადის გასვლისას.

ფადის ნათესავები მოუთმენლად ელოდნენ. უმოწყალო სიცხეში კედლის ჩრდილში ისხდნენ. ცხოველებიც იქ შეერეკათ. ერთმანეთს არ ელაპარაკებოდნენ, მაგრამ ერთმანეთის ფიქრებს ზუსტად ხვდებოდნენ, – ორივე საიდანაც მოთრეულ ნათესავს წყევლას უგზავნიდა, დარჩენილ წყალს გონებაში წყავდნენ და უახლოეს ოაზისამდე მისასვლელად საჭირო დღეებზე ყოფდნენ. წესით, ცოცხლებს უნდა მიეღწიათ, თუ გზად რამე გაუთვალისწინებელი არ მოხდებოდა, მაგალითად, ქვიშის ქარიშხალი დაატყდებოდათ თავს, დიუნაზე ასულებს ფეხი დაუცდებოდათ, გზა აერეოდათ... ორიდან ერთს ხომ მაინც ეყოფოდა დარჩენილი წყალი, – ესეც ხომ გამოსავალი იყო, ერთი მეორეს მოიშორებდა. როგორც იქნა ჭიშკარი გაიღო და ფადი გამოვიდა. სიცხითა და ფიქრებით გათანგულ ნათესავებს ყველაფერი გადაავიწყდათ და ლომის ღრიალით დამფრთხალი მივლემარე ქურციკებით წამოხტნენ.

– ქალაქი ჩვენს ქარავანს მიიღებს, კაჟადებს დაარწყულებენ და წყლის მარაგსაც შეგვივსებენ. მხოლოდ ერთი პირობა აქვთ, თქვენ აბელ ნასან მურში არ შემოხვალთ, აქ დამელოდებით. მშვიდობით გავიშვებთო, ასე მითხრეს და მე მათი მჯერა, – ფადი პასუხს დაელოდა.

– ჰო... – თქვა ავთი მუსუნმა და ხელი მუცელზე დაიტყვავუნა.

– ჰო... – თქვა პუტი ნისამ და თვალები მოჭკუტა.

არც ერთის წარმოთქმული “ჰო” თანხმობის მანიშნებელი არ იყო. სულ რამდენიმე წამში ორივემ საიდანაც ჩამოთრეული ნათესავის დალატის იმდენი შესადლებლობა წარმოიდგინა, ამის გამგონე, ვინ იცის, საკუთარ გულწრფელობაში თავად ფადიც კი დაეჭვებულყო. ამდენი გამომგონებლობა, წარმოსახვა და ფანტაზია ავთი მუსუნსა და პუტი ნისას ვაჭრობაში რომ გამოეჩინათ, საკრებლებდადებული კედლებიანი ძველმანების ფარდულების ნაცვლად ქარვასლები უნდა ჰქონოდათ. რა აღარ მოისახრეს: ქალაქს მეორე კარი ექნება და ფადი იქიდან გაიპარებაო; კარგი მყიდველი იპოვა და საქონელს აქვე გაყიდისო; ვითომ ქალაქში შესვლა არ უნდოდა, არადა, ნამდვილად აქედანაა წამოსული, შინ დაბრუნდა და ჩვენ მშრალზე დაგვტოვაო. ყველაფრის ჩამოთვლა შორს წაგვიყვანს, მით უმეტეს, ჭკუასთან ახლოს ერთიც არ იყო.

ნათესავებმა ფადის ერთი სიტყვაც არ უთხრეს, მხოლოდ ეჭვითა და სიძულვილით სავსე თვალებით შესცქეროდნენ და ნერვიულობისგან ერთს მხარი უთამაშებდა, მეორე გამწარებული მუცელზე ხელს იტყავუნებდა. აღარც ფადიმ გამოიღო თავი საუბრით, ენაგადმოვადებული კაჟადები ფეხზე ძლივს და იდგნენ. ქალაქში შესაყვანად პირველს სადავეზე მოქანა.

– არ გაგატანთ! – წამოიძახა ორივე ნათესავმა და ფადის წინ გადაუდგნენ. – უჩვენოდ არ გაგატანთ, – დააზუსტა ავთი მუსუნმა.

– ამ ქალაქში ფეხს თუ შედგამთ, დაიღუპებით. ცხოველებს თუ არ მატანთ, მაშინ არც შევიდეთ, ბედს მივენდოთ და გზა გავაგრძელოთ, – პასუხად ფადიმ ესლა მოიფიქრა.

ფადის პასუხად პუტი ნისა კარიბჭისკენ გაიქცა და ბრახუნი დაუწყო. თან განწირული ხმით ყვიროდა, შემომიშვითო. ავთი მუსუნმაც ცხოველებს თავი მიანება და ქალაქში შესასვლელად წაფრუტუნდა. არა, არას ძახილით გაეკიდა ფადი, მაგრამ ანჯამების ჭრიალმა ორ ნაბიჯშივე გააჩერა. ამჯერად ქალაქის კარიბჭე ერთი კაცის შესაშვებად კი არ გაიღო, არამედ – მთლიანად, – ქარავნის შესასვლელად. ფადის ისლა დარჩენოდა, ნათესავებს უკან გაჰყოლოდა და მოვლენებს დალოდებოდა.

ფადის ქალაქი ისეთივე დახვდა, როგორიც დატოვა – უკაცრიელი. უდაბნოშემოტეული საცხოვრებელი სახლები შვილებისგან მიტოვებული მოხუცი მშობლებით ქვიშისგან დაფარულ ქუჩებს საწყლად გაჰყურებდნენ. ფადიმ ავთი მუსუნისა და პუტი



ნისას თვალეში სულ სხვა ქალაქი ამოიციწო. ორივე აშკარად სხვანაირ აბელ ნასან მურს ხედავდა. სახეგაბრწყინებულები აქეთ-იქით იყურებოდნენ. ერთ-მანეთს ისეთი კმაყოფილები გადახედავდნენ, აშკარად ქალაქის ბრწყინვალეობით რეტლასხმულები ბრძანდებოდნენ. როცა ფადის თვალი მოჰკრეს, უკმაყოფილოდ შეიშმუშნენ. ავთი მუსუნმა შეუბღვირა კიდეც და კბილებში გამოსცრა, მოგვშორდი თავიდანო. პუტი ნისამ მაშინვე ზურგი აქცია და კაჟადები ქალაქის შუაგულისკენ წაასხა.

– შენ მე გამომყვი! – შემოესმა ფადის ასან ბასარის ხმა, რომელიც აქამდე კარიბჭესმოფარებული უთვალთვალედა სტუმრებს.

– ამათ რა ეშველებათ? – გააყოლა თვალი ნათესავებს ფადიმ.

– აბა, რა გითხრა. თვალი ერთად მივაღვეწოთ, – თქვა მოხუცმა და კარიბჭის აღმოსავლეთით მიმავალ ვიწრო ქუჩას დაადგა, – მიხვდი, ალბათ, ისინი ქალაქს ასეთად არ ხედავენ. ავთი მუსუნს მექოლგის არჩევას შესთავაზებენ, პუტი ნისას – ჭაშნაგირისას, როგორც შენ შემოგთავაზეს – ისე. რას ფიქრობ, რომელიმე გაუძლებს ცდუნებას? მე რაღაც არა მგონია.

– არ ვიცი... – თავი გააქნია ფადიმ, მაგრამ მაშინვე დააზუსტა, – არა. ვერ გაუძლებენ. გამოცდას ისევ ის ქალი ჩაუტარებთ? – ვაჟს უდაბნოს დედოფალი გაახსენდა და სახეზე აღმურმა გადაურბინა.

– არა, რას ამბობ! სხვები გამოცდიან. ესეტის სახეს განსაკუთრებულ შემთხვევებისთვის ვიყენებ. ჰეჰ... გატყობ, გამოცდა კი ჩააბარე, მაგრამ უდაბნოს დედოფლის აღს ვერ გადაურჩი, – ნიშნისმოგებით ჩაიქირქილი ასან ბასარმა.

– მაშ, ის ქალი აბელ ნასან მურის კი არა, უდაბნოს დედოფალი ესეტი იყო? – შეცბუნდა ფადი, – რაღაც მეშლება, არა? ის ხომ შენ იყავი?!

– ამიტომაც შემოგთავაზე, დავსხდეთ, ვისაუბროთ, მოსაყოლი ბევრი მაქვს-მეთქი. მალე ყველაფერს მიხვდები, მაგრამ თავდაპირველად შენს ახლობლებს მივაღვეწოთ თვალი. ქალაქს უგამოცლოდ თავს ვერ დააღწევენ.

მასპინძელი და სტუმარი ამასობაში ასან ბასარის სახლს მიადგნენ – ერთ სართულიან ყვითელ ბათქაშ-ჩამოცვენილ შენობას. ერთადერთი ღია ფანჯრიდან ფარდა, უფრო ზუსტად, ნახატებგაცრეცილი ფარდის მონარჩენი მოჩანდა. კართან ქოთნის ნამსხვები ეყარა, იქვე ძეძვისგან შეკოწიწებული გრძელტარა ცოცხი ეგლო. ასან ბასარმა ცოცხი აიღო და პარმალიდან

ქვიშის მოზრდილი ფენა გადახვეტა. მერე სტუმარს საწყლად გადახედა, ყველაფერი ჩემი გასაკეთებელიაო, კარი შეაღო და ხელით ანიშნა, შესულიყო. კარს მიღმა იმდენად პატარა ოთახი დახვდათ, ოთახი არც ეთქმოდა, უფრო შესასვლელსა ჰგავდა. მის წინ კიდეც ერთი კარი იყო, რომელიც გაუდაბნობულ ქალაქში საქათმეში დასაძინებლად შესული არწივივით უცხოდ და შეუსაბამოდ გამოიყურებოდა. ნაყშებიანი ძვირფასი ტარუტოს ხისგან გამოჭრილი კარი ისე პრიალებდა, თითქოს ხელოსანს სულ რამდენიმე წამის წინ გაეპრიალებინა და ტარუტოს ფოთლის მსგავს ბრინჯაოსფერ ანჯამებზე ჩამოეკიდა, სახელურიც ფოთლის მოყვანილობისა იყო. ფადიმ კარის ნაყშებში უცხო მხარეებში ნანახი მცენარეები ამოიციწო. ჭრის კუთხის ცვალებადობით, გლუვი გადასვლებითა და მერქნის განუმეორებელი ნახატის გამოყენებით, მცენარეები ცოცხლებივით გამოიყურებოდნენ. ასან ბასარმა სანდლები იქვე გაიხადა და კუთხეში უდიერად მიყარა. მასპინძელს სტუმარმაც მიბაძა.

– აბა, ფადი მთვარის მერვე დღე, კეთილი იყოს შენი ფენი ჩემს სამფლობელოში, – მასპინძელმა შეამჩნია, სტუმარი რომ კარს განსაკუთრებული ყურადღებით ათვალეერებდა, – ეს კარი ძალიან ძველია. ჩემს დაბადებამდე გამოჭრა კეთილმა ოსტატმა, დედაჩემის მზითვია. მურებში ასეთი წესი იყო, ახალი ოჯახისთვის სახლს კაცი აშენებდა, კარს კი ქალი აბამდა. გატყობ, მოგეწონა. ეს ერთადერთია, რასაც ვერ შეველიე და ძველი აბელ ნასან მურის გასახსენელად დავიტოვე, – მოხუცმა კარის ზედაპირს ხელი ფრთხილად გადაუსვა, – საოცარი სირბილე აქვს ტარუტოს, ამ რკინასავით მკვრივ ხეს. მოკიდე ხელი, ცოცხალივით მოგეაღერებსება. წარმომიდგენია, ამ კარის გასაკეთებლად ღურგალმა რამდენი საჭრეთელი გატყება.

ასან ბასარმა ტარუტოს კარი შეაღო. ამჯერად სტუმარს გზა არ დაუთმო და ზღურბლს პირველმა თავად გადააბიჯა. ფადი უკან მიჰყვა. მას შემდეგ, რაც მის თვალწინ უმშვენიერესი დედოფალი მოხუც წვეროსნად, აყვავებული ქალაქი კი გაუდაუბნებულ ნანგრევებად იქცა, ფადის რა უნდა გაჰკვირვებოდა, მაგრამ აბელ ნასან მური საოცრებების ქალაქი იყო და არა მხოლოდ სტუმრის, თავად ასან ბასარის გაკვირვებასაც ახერხებდა. მართალია, ეს ძალიან იშვიათად ხდებოდა, ასე ას, ან ორას წელიწადში ერთხელ, მაგრამ მაინც ხომ ახერხებდა.

ქალაქსა და მის ერთადერთ ხორციელ მაცხოვრებელს ჩუმი მეტოქეობა ჰქონდათ. არც ასან

ბასარი აკლებდა ქალაქს. ამისთვის თავის ოთახში მყოფდროდ მოკალათებული დროის პირობითობას არღვევდა და მუდმივად მრავალი დღის სავალითა და მრავალი საუკუნეებით დაშორებულ ქალაქებს და მათ მაცხოვრებლებს აკვირდებოდა. სწორედ ეს წარსულსა და მომავალში ხეტიალი აძლებინებდა ასან ბასარს აბელ ნასან მურის კედლებში. შემოხეტილებული სტუმრების გამოსაცდელად აბელ ნასან მურს ნანახ ქალაქთა ორეულეზად აქცევდა.

კარს მიღმა ფადის მოძრავი ნახატებიანი კედლები დახვდა. ასეთი რამ ვაჟს არასდროს ენახა. მის გარშემო, ოთხივე მხარეს, თეთრად შეღებილი კედლებიდან სულ სხვადასხვაგვარი ქალაქის ხედები მოჩანდა, ერთი-ორი ნაცნობს მიაშვავსა, უფრო მეტი ნანახი არ ჰქონდა. ზოგი ისეთი უცნაური იყო, ისეთი წარმოდგენილი აგებულების სასახლეები და სახლები იღვა, უცხნოდ მოძრავი ისეთი ბორბლებიანი ეტლები დაქროდნენ, ფადის გაუკვირდა, მხატვარს მათი დახატვა აზრად როგორ მოუვიდაო.

ფადის წოდების გამო წვეულებებზე ხშირად იწვევდნენ. წინდახეული ადამიანები საიღმ ალმია მუქთაშავის ანუ წყალში ისრის მპოვნელის სტუმრობას შთამომავლობას გამოსაჩენ ადგილზე დადებული განძივით უტოვებდნენ. ფულის, ოქროს, თვალმარგალიტის განიავება და დაკარგვა შეიძლებოდა, ფადის სტუმრობა კი საბუღამო სიამაყისა და თავმოწონების საგნად დარჩებოდა (ფადის ნათესავებმა მისი წოდების შესახებ არაფერი იცოდნენ. რომ სცოდნოდათ, ვალს დაიდებდნენ და არნახულ წვეულებას გამართავდნენ, ფადის სანახავად წვეულებაზე მოსახვედრად კი თანაქალაქელებისთვის ბილეთებს ისე სარფიანად გაყიდდნენ, მარტო წვეულების მომწეობი ოჯახი კი არ აშენდებოდა, შემოსული თანხა, ფადის მთელ ნათესაობას ეყოფოდა).

კარკადების ჩრდილოეთის ღვინისფერი ზღვის ქვეყნის ჩამოკიდული ქალაქების ფუფუნებაშიც ეცხოვრა და ტასმანის შორეული მიწების გოლიათების კლდეში გამოკვეთილ უმშვენიერეს ქვაბულებში, ლულუბას მინის საცხოვრებლებშიც გაეთია რამდენიმე ღამე და შადრევნების ბაღშიც, რა თქმა უნდა, ბევრგან კედლები ათასგვარი ნახატით უზვად იყო მოფენილი, მაგრამ მათზე გამოსახულებები არსად მოძრაობდნენ. ასან ბასარის მოძრავნახატებიანი კედლებზე კი ყველაფერი ცოცხალი იყო: ხეები შრიალუბდნენ, ქარი ქროდა, ფარდები ფრიალებდა, ადამიანები ზოგან ეულად მიუყვებოდნენ ქუჩებს, ზოგან ჭიანჭველებივით მიედინებოდნენ. ამ უწესრიგო, ყოველმხრივმა მოძრაობამ და ფაციფუცმა ფადის

თავზე აუბნია, აღარ იცოდა, მზერა რაზე შეეჩერებინა. ვაჟის დაბნეულობას ასან ბასარი კარგად ხვდებოდა. ფადი პირველი არ იყო, ვინც მის ოთახში თვალებს გაოცებული აქეთ-იქით აცეცებდა. ყველა გამოცდაგავლილი, რომელმაც მისი საგანძური ნახა, ზუსტად ამ დღეში ვარდებოდა. მოხუცი სტუმრისთვის რაიმეს ახსნას არ ჩქარობდა და ხანმოკლე უპირატესობით ტკობას შექმლებისდაგვარად იხანგრძლივებდა.

— მოდი, აქ დავსხდეთ, — როგორც იქნა მიიპატიჟა მოზრდილი ოთახის შუაში მოწყობილ მოსასვენებელში მასპინძელმა სტუმარი და თავად პირველი მოკალათდა იატაკიდან ერთი მტკაველ სიმალეზე ბალიშებ და მუთაქებმიყრილ ხალიჩაგადაფენილ ტახტზე. ტახტი იმდენად დიდი იყო, მასპინძელთან ერთად მისი მხოლოდ ერთი კი არა, ოთხიხუთი სტუმარიც თავისუფლად მოისვენებდა.

ფადიმ კედლებს მზერა ძლივს მოსწყვიტა და მითითებული ადგილი დაიკავა. — რა გირჩევნია, თხრობა საიდან დავიწყო, რა უფრო გაინტერესებს?! თან ტკბილეული მიირთვი. ასეთი დაგემოვნებული არ გექნება, — ასან ბასარმა ოქროსფერი ბურთულებით სავსე თასი მიუჩოჩა სტუმარს. თავად ერთი აილო და პრიალა გარსი შემოაცალა, — ფერმა არ შეგაშინოს, შავია, მაგრამ უგემრიელესია. ყველა სასუსნავზე ვიტყვი უარს, ამას კი ვერ შეველევი. შეგეჩვიე, მისი სურნელიც კი მათრობს, — მასპინძელმა შავ ბურთულას თვალებგაბრწყინებულმა დახედა და პირისკენ ნეტარებით წაილო. ფადის ნუგბარის დაგემოვნება და განუმეორებელი სურნელი სულ არ აღეკვებდა, მისი ფიქრები თავის ორ ნათესავს დასტრიალებდა, ახლა მხოლოდ მათი ბედი აინტერესებდა, მაგრამ სტუმარმასპინძლობის წესების მიხედვით ოქროსფერი ბურთულა მანაც აილო, პრიალა ოქროსფერი შესახვევი შემოაცალა და პირისკენ წაილო.

— მოიცა, — შეჰყვირა განაწყენებულის ხმით ასან ბასარმა. ფადის ხელი გაუშეშდა. მასპინძელს გაოცებულმა შეხედა, ასეთი რა დავაშავო, — მოიცა, — გაუმეორა მოხუცმა, — ჯერ მისი სურნელი შეიგრძენი, — უსაყვედურეს ფადის. ფადიმ დაყნოსა, სურნელმა წამიერად მისი გონება დაიპყრო და თითქოს მთელ მის სხეულში გაჯდა. ვაჟმა ანგარიშმიუცემლად თვალები დახუჭა. — ჰო!.. — ესიაშვინა სტუმრის რეაქცია მასპინძელს, — ახლა ჩაკბიჩე! — გასცა ბრძანება. ფადიმ ნუგბარს კბილი ფრთხილად დააჭირა და ისიც სულ უმნიშვნელო შეხებით პირში მთლიანად ჩაედგარა. ასეთი გემო ფადის მართლა არასდროს ეგემნა — მომწარო სიტკობო, მაგრამ ეს სიცხ-

არე მისთვის ნაცნობ არც ერთი სანელებლის სიცხ-არეს არ ჰგავდა. სულ სხვაგვარად რბილი და სასიამოვნო იყო და ყელი სიტკბოს გამო უფრო აწევა ვიდრე სიმწარისგან. ასან ბასარი სტუმარს ისე შეჰყურებდა, ფადი მიხვდა, შთაბეჭდილება აუცილებლად უნდა გაეზიარებინა. მხოლოდ ერთი სიტყვა მოახერხა, დიდებულთაო.

– აი, ასე! – მასპინძელი შეფასებით ფრიად კმაყოფილი დარჩა. – ეს ნუგბარი ჩვენებური არ არის, უფრო ზუსტად, ჩვენი დროის არ არის, მის მართლაც დიდებულ გემოზე მომავალში ისაუბრებენ, ვინ იცის, იქნებ ქალის მშვენიერებას, მწველ სხეულსა და მზერასაც კი შეადარონ. ახლა წყალი მიაყოლე, თვალები აგიწვლიანდა. თავდაპირველად მეც ყელი ჩამწვა. მაშ, ასე! საიდან დავიწყო?

– მექარავენთა ბედი მაინტერესებს, რა ღლეში არიან? – იკითხა ფადიმ.

– მათცებ, სტუმარო! ასეთი უმნიშვნელო რამ რომ გადარდებს, ორი კაცი აქეთ, ორი კაცი – იქით. რაც ამ ოთახში ხდება, მერწმუნე, იმ ორ სულელზე მეტად მნიშვნელოვანია. დარწმუნებული ვარ, გამოცდას ვერ გაუძლებენ, მაგრამ, რადგან მათი მომავალი ასე გაინტერესებს, სად და როგორ არიან, თვალს შეგავლებინებ, ჩემი ახსნაც არ დაგჭირდება, მათ ბედს თავად მიხვდები. ახლავე გაჩვენებ, სად არიან, – ასან ბასარი ხვნეშით წამოდგა და ოთახის ბოლოში გავიდა და კედელს ხელი დაადო. ნახატებმა მოძრაობას უმატეს, ისე სწრაფად დაქროდნენ, რამის გარჩევა შეუძლებელი იყო. ფადის გარშემო სურათები ქარბორბალასავით ტრიალებდნენ.

– ერთი ვიპოვე! – წამოიძახა ასან ბასარმა. ნახატებმა ტრიალ-ბზრიალი შეწყვიტეს და ფადის წინ ზღვისპირა ქალაქის ხედი გადაიშალა, – აი, სად გადაუგდიათ.

ფადიმ ერთ ჩასუქებულ შუა ხნის კაცს მოჰკრა თვალი. სიარულის მანერა რომ არა და მუცელზე ხელების შემოწვობის სიყვარული, ვერც კი იფიქრებდა, მის წინ უცნობი კი არა ნაცრისფერ სამოსში გამოწყობილი წვერ-ულვაშგაპარსული ავთი მუსუნი იდგა. მუცელი ორჯერ უფრო დიდი უჩანდა, ღაბაბს უერთდებოდა. ასე სწრაფად სად გასუქდაო, გაუკვირდა ფადის, მაგრამ ახალ იერთან წონის მომატება არაფერ შუაში არ გახლდათ. უკანგადაბრექილი ავთი მუსუნი ქვიან სანაპიროზე იდგა და პატარა ფანჩატურიდან ზღვას გაბღენძილი ქვეშ-ქვეშ გასცქეროდა. სახეზე ისეთი კმაყოფილება ეწერა, ფადის თავდაპირველად გამოცდაგავლილი ეგონა. გვერდით ერთი კაცი ედგა. ჩაცმულობით ავთი მუსუნისგან არაფრით განსხ-

ვავდებოდა, ფადის აზრით, ერთი წოდებისანი უნდა ყოფილიყვნენ. ჟინჯღლაავდა. ფადის გიშრის ზღვის სანაპირო გაახსენდა. იქაც ასე იცოდა, ისე წმინდად ცრიდა ხოლმე, ვერც კი ხვდებოდა, რომ წვიმდა და დანამვის მიზეზი სულ ნოტიო ჰაერი ეგონა. ავთი მუსუნმა თანმხლებს გახედა და რაღაც უთხრა. მან სასწრაფოდ დოქიდან სითხე ჩამოუსხა და მიაწოდა. ნათესავმა მოსვა და ისეთი დაიჯღანა, თითქოს ღველფი და საწამლავი შესვა.

– ჭაშნავირის გარეშე შესვა! – წამოიძახა ფადიმ, – თან რაღაც საშინელება!

– ჩვეულებრივი შარბათია, ვისთვის ტკბილი, ვისთვის – არა. არ დაგავიწყდეს, ყველაზე მძაღე გემოს თვითტკბობისას შესძული შარბათი ტოვებს, – მიუგო ასან ბასარმა.

ფადიმ ნათესავს თვალი ისეკ მიადევნა. ფანჩატურს დახურული, ცხენშეუბმელი ეტლი მიადგა, ქვიან ნაპირზე არ გადავიდა და ათიოდე ნაბიჯში ფილებდავებულ გზაზე გაჩერდა. ავთი მუსუნმა თანმხლებს გადახედა და რაღაც თქვა. ფადიმ სიტყვები ვერ გაიგო. მხოლოდ ახლა დააკვირდა სახეზე მექოლგეს. მასში ავთი მუსუნის მეზობელი კაცი ამოიციო. ისიც ვაჭარი იყო, უცხო ქვეყნიებიდან ქსოვილები და ტანსაცმელი ჩამოჰქონდა. მთელ ქალაქში ცნობილი ფარდული ჰქონდა. განსაკუთრებით ახალგაზრდა ქალები წყალობდნენ, განსაკუთრებულ საქორწილო და სადღესასწაულო კაბებს უკვეთავდნენ. ავთი მუსუნის ცოლი იმ კაცს შორეულ ნათესავად ერგებოდა. შეიძლება, ეს იყო მიზეზი, რომ საქვეყნოდ ცნობილი და ყისმათიანი ვაჭარი გაჭირვებული ნათესავის ოჯახს ეხმარებოდა და მოძველებულ საქონელს ჩუქნიდა. ავთი მუსუნი კი ძველმანებთან შედარებით ერთობ სარფიანად ყიდდა.

კიდევ ერთხელ დააკვირდა ფადი ნათესავის გვერდით მდგომ კაცს, ნამდვილად მისი ქალაქელი ვაჭარი იყო. ავთი მუსუნმა ცას უკმაყოფილოდ ახედა, ხელები მუცელზე შემოიწყო და ფანჩატურის გასასვლელისკენ გასწია. მისმა თანმხლებმა საიდანღაც შავი ქოლგა აიღო, იქვე გაშალა, ავთი მუსუნს გადააფარა და ასე ქოლგამომარჯვებულმა ეტლამდე მიაცილა.

– ეს ერთი! – ხელები მოიფშვნიტა ასან ბასარმა.

– ამ მექოლგეს ვიცნობ, ავთი მუსუნის მეზობლად ცხოვრობს. ისიც ვაჭარია. კარგი სახელი აქვს, მასთან საქმის დაჭერას ყველა ცდილობდა. არც სხვას ატყუებდა და არც თავს ატყუებინებდა ვინმეს. აქეთ გამომგზავრების წინ ჩემს ნათესავს ხელი გაუმართა, მეძველმანის ფარდული ისეთი საქონლით აუვსო,

ავთი მუსუნმა ყველაფერი სარფიანად გაყიდა და კარგი მოგება ნახა. ეს რომ არა, ვერც ქარავნის წილშიც შემოვიდოდა. მაგრამ ავთი მუსუნს ეს კაცი მაინც არ უყვარდა, ბრაზობდა, იმის ნაცვლად ფული ესესხებინა, თავისი ჩაწოლილი ნაგავი გამაყიდინაო. ჭკუასა და სიკეთეს ვერ პატიობდა.

– და არც აპატია, – ხელი ჩაიქნია მასპინძელმა, – თავი უპირატესად რომ ეგრძნო, როგორც კი საშუალება მიეცა, მექოლგედ დაიყენა.

– ეს ქალაქი არ მეცნობა. ნამდვილად არ მინახავს. საითაა? რომელი ზღვის პირია?

– ეს ქალაქი ჯერ არ გაშენებულა. მის გაჩენამდე ძალიან ბევრჯერ ჩავა-ამოვა მთვარე. ის ავთი მუსუნის მომავალში განხორციელებული შენი ნათესავია. საჩუქარი გავუკეთე, ისეთ დროში მოვახვედრე, სადაც არც მექოლგეებია მიღებული და არც ჭაშნაგირების იმედად სვამს ხალხი წყალსა და შარბათს. უმარტივესი გამოცდა მოვუწყვე. ეს შენთვის უფრო გავაკეთე, ვიდრე მისთვის. ვინ იცის, იქნებ მთვარის მესაიდუმლე შენ გახდე. შენს კეთილგანწყობას ვუფრთხილდები, – ჩაიქირქილა მოხუცმა, – ახლა მეორეს შევხედოთ. მისთვის ქალაქი თავად ამოარჩიე.

– ავთი მუსუნს რა ბედი ელის? გამოცდის ჩაუბარებლობა რას ნიშნავს, ამის შესახებ არაფერი გითქვამს.

– დამაცადე? რისი გაგებაც გაინტერესებდა, ჯერ ის განახე. კარგი, შენი ნება იყოს, ახლა იმას მოგახსენებ, შენს ნათესავებს რა ბედი ელოდება. ქალაქი ორივეს, გინდ გამოცდა ჩააბარონ, გინდ – არა, მაინც გაუშვებს. შენ გამოცდაგავლილი – საკუთარი სულის პატრონად დარჩები, ამათ სულს კი ქალაქი დაეპატრონება. თავად სულის არსებობას ვერასდროს შეიგრძნობენ, ვეღარასდროს შესძლებენ მისი სრულყოფისთვის ზრუნვას. უნდა ვაღიაროთ, ამისთვის თავი დიდად არც აქამდე შეუწყუხებიათ.

სანამ კაცი ხორციელად ცოცხალია, ყოველთვის აქვს შესაძლებლობა, შიმშილისგან დასუსტებულ სულს საკვები მიაწოდოს. ყველაზე სულმდაბალსაც კი აქვს სულიერად მოღონიერების შანსი. ამათ კი ამის საშუალება აღარ ექნებათ და მომავალში, სხვადასხვა დროებში კი არ მოველინებიან სამყაროს, არამედ მხოლოდ განხორციელებიან. მიწაში განძის ჩამმარხველებს დაემსგავსებიან. სიმდიდრეს უკანასკნელად ჩამარხვის დროს რომ ხელავენ და რაც არ უნდა მოხდეს, როგორც არ უნდა შიოდეთ, სწყუროდეთ, სტკიოდეთ, თავს ერთ გროშსაც არასდროს მოახმარენ. სამყარო თითოეული ადამიანის

ყოფნა-არყოფნას უსასრულოდ წერს. გარდაცვალება კი არ ნიშნავს წერტილის დასმას.

სულ გვანტერესებს, ჩვენი ცხოვრება რად არ არის მყარი, რად ხდება მოულოდნელი ცვლილებები, რად გვიმძაფრდება ან გვიჩლუნვდება გრძნობები, თითქოს ყველაფერი კალაპოტს მიუყვება, თითქოს ყველა აგური უმტკიცეს საძირკველზეა დალაგებული, მაგრამ ხშირად პეპლის ფრთებისგან გაჩენილი ნიავი ყველაფერს თავიდან დასალაგებელს გვიხდის. ეს იმიტომ, რომ დაუსრულებელი წიგნები ვართ და ჩვენი მწერლები, არ ვიცი, ჩვენ სასიკეთოდ თუ თავის შესაქცევად, სულ უფრო და უფრო მოულოდნელობით სავსე თავებს იგონებენ. და ჩვენც ახალი თავების ლაბირინთებიდან დასახსნელად, ვიკვლევთ გზებს, ამ გზებზე გადაყრილი ადამიანებისა და საკუთარი თავის მნიშვნელობას, ხშირად თვით მწერალთა ამოცნობასაც ვცდილობთ. ამ კვლევაში მთელი სულით, გონებითა და ხორციელად ვართ ჩაბმულები. ვარჯიში კი, მოგენსენება, ყველაფერს უხდება. ობისგან გვიცავს. გამოცდაგაუვლელთა წიგნებში კი ბოლო თავიც დაწერილია, წერტილიც დასმულია და ამბავიც დამთავრებულია. უმოქმედოდ არც ისინი არიან. პატივმოყვარეობის დასაკმაყოფილებლად პირობებს თავად აწესებენ და ამ პირობების შესრულების შემდეგ თვითტკობას ეძლევიან. არადა, ყველაზე მძაღვე გემოს სწორედ თვითტკობისას შესმული შარბათი ტოვებს.

გაიხსენე ავთი მუსუნი, რომელმაც პატივმოყვარეობის დასაკმაყოფილებლად ათასი შესაძლებლობიდან მისთვის სიკეთისმქნელი ადამიანის მექოლგედ ხილვა ისურვა. არცაა გასაკვირი, სად ადამიანთა გამოგონებლობა და წარმოსახვა და სად ჩვენი ცხოვრების მწერალთა შესაძლებლობები.

– შენი ლაპარაკიდან ისე გამოდის, ჩვენ, ადამიანები, მხოლოდ ჩვენი ცხოვრების მწერალთა ნება-სურვილზე ვართ დამოკიდებულები. ასეთი განმარტება, არ დაგიძლავ, ძალიანაც არ მხიბლავს, – ხაფანგში გაბმულად იგრძნო თავი ფადიმ.

– არც გამტყუნებ. არც მე მომეწონებოდა, ერთი რამ რომ არ მცოდნოდა.

– რაა ასეთი, მე რომ გუნებას გამომიკეთებს?

– მწერალთა ნიჭიერება თავად ჩვენზეა დამოკიდებული. გამოგიკეთდა გუნება? – ნიშნისმოგებით ჰკითხა მასპინძელმა სტუმარს. – მაშ ასე, ავთი მუსუნის მომავალი გავარკვიეთ. პუტი ნისას მომავალიც გაინტერესებს?

– მაინტერესებს ბოლო თავს როგორ დაუწერ, მწერალო!

ასან ბასარმა ჩაიცინა და წვერს ხელი რამდენ-ჯერმე ისე ჩამოუსვა, თითქოს კალთაში პატარა ცხოველი ეჯდა და მას ეფერებოდა. დაკვირვებული მოსაუბრე მაშინვე მიხვდებოდა, მოხუცი სტუმრის მიმართ კეთილგანწყობას ასე გამოხატავდა. რაც დრო გადიოდა, მასპინძელს ფაღი სულ უფრო და უფრო მოსწონდა. ეს სტუმარი სხვა დანარჩენებისგან გამორჩეული იყო. მას მოვლენებზე მეტად ამ მოვლენათა მონაწილეები აინტერესებდა. ეს იგივე იყო, დიუნაზე მეტად ქვიშის ერთი მარცვალე უფრო მნიშვნელოვნად მოგჩვენებოდა. მასპინძელმა არ იცოდა, როგორ აეხსნა ეს, სტუმრის ზედაპირული ხასიათის მაჩვენებლად მიელო, თუ სიღრმეებში წვდომის სურვილით გაემართლებინა. ახლაც იმის ნაცვლად, რომ ფაღის ასან ბასარისთვის ეკითხა, ამ ქალაქში რა ხდებოდა, ან ოთახის კედლებზე როგორ გამოისახებოდა უცხო ქალაქები, ან რად უწოდეს ფაღი ელქომარ დასამენ ალიაუმ ანუ მთვარის მერვე დღე, მასპინძელს ერთი სულელი და ფლიდი ნათესავის მომავლის ჩვენებას სთხოვდა. მომავალი მაინც ჰქონოდა იმ უღლეურსა და ფლიდ კაცს, თვალები მუდმივად ხაფანგში გაბმული ვირთხასავით აქეთ-იქით რომ დაურბოდა.

ფაღიმ თვით უდაბნოს დედოფლის შესახებაც კი ხეირიანად არაფერი გამოიკითხა, არადა, ასან ბასარმა მის თვალებში ქალის დანთებული ისეთი კოცონი დაინახა, ალი ვარსკვლავებს ახლაც კი წვდებოდა. იქნებ ნათესავების მარცხის ხილვა სიამოვნებს, – გაიფიქრა ასან ბასარმა და ფაღის ამრეხით შეხედა, მაგრამ მის სევდიან სახეზე მხოლოდ გულისტკივილი რომ ამოიკითხა, შერცხვა და თვალი აარიდა.

მასში საკუთარი თავი ამოიციო, მაგრამ არა ისეთი, როგორც ახლა ბრძანდებოდა. თავდაპირველად ისიც ფაღის მსგავსად მტკივნეულად განიცდიდა სტუმართა მარცხს, ათას გზებს ეძებდა, ისეთ ქალაქებს არჩევდა, სადაც გამოცდის გავლა იოლი იქნებოდა და აბელ ნასან მურიდან გასულ გამოცდავერგავლილებს თვალს ნაღვლიანად აყოლებდა. თანდათან ყველაფერი გაჩვეულებრივდა. ქალაქიდან გასულს ერთ ცალკეულ ადამიანად აღარ აღიქვამდა და ზოგადი სახელით – წასულებით იხსენიებდა. წასულები ქალაქიდან უხვწყლიან მდინარესავით მიედინებოდნენ და ასან ბასარიც მდინარეში თითო წვეთის ამოცნობასა და გარჩევას აღარ ცდილობდა.

– გინდა, თავად გამოსცადე? – შესთავაზა ასან ბასარმა ფაღის, – ანუ, როგორც შენ თქვი, მისი წიგნის ბოლო თავი დაწერე?

– მე მწერლად არ გამოვდგები, – იუარა სტუმარმა.

– კარგი, ნება შენია! აი, მისთვის რა მოვიფიქრე. პუტი ნისა ერთი ვირთხასავით ქურდბაცაა კაცია. ვის რა აწაპნოს, სულ ამაზეა გამეცადინებული. უქონლობაზე მეტად გამოჭერის ეშინია. ამიტომ ყველაზე დიდ მონდომებას ადამიანთა ნდობის, სიყვარულისა და პატივისცემის ქურდობისას იჩენს და მათ მითვისებას დაუმსახურებლად ცდილობს. მე მას ყველაზე მდიდარ ადამიანად გავხვდი, საქურდალი რომ არაფერი ჰქონდეს და აღარც გამოჭერაზე იფიქროს. სარკეში ჩახედვისას ორეული მუდმივად კუთხეში მიმწყვდეული ვირთხის თვალებით რომ აღარ უყურებდეს. მას გადავცემ ყველაზე ვრცელ მინდვრებსა და ტყეებს. მისი სამფლობელო გადაჭიმული იქნება უდაბნოებსა და ზღვებზე, მისი მიწის წიაღი ყველაზე დიდი განძის მფლობელი იქნება.

– ყველაზე მდიდარი – ეს ხომ უკვე განაჩენია?! – წამოიძახა ფაღიმ. – ერთი კი არა, ერთდროულად რამდენიმე ჭაშნავირი ეყოლება. საკუთარ სიცოცხლეს ისე გაუფრთხილდება, შიშით არავინ მომწამლოსო, წვეთს არ დალევს და ლუქმას არ გადაყლაპავს. ამას გამოცდა რადა უნდა, ისედაც ყველაფერი ნათელია. რამე განსაკუთრებული პირობა დაამატე. მეტი გამოძვინებლობა გამოიჩინე, მწერალო!

– კარგია, მეტი გამოძვინებლობა გამოვიჩინო. ხომ გითხარი, მწერალთა ნიჭიერება რაზეც არის დამოკიდებული. ეს კაცი მეტი გამოძვინებლობის საშუალებას არ მძლევეს, – დაიხილა ასან ბასარმა, – მაგრამ მაინც ვცდი. შენი ნათესავი რომ არ იყოს, თავს ნამდვილად არ გამოვიდებდი. კი ვთქვი, დიდ სიმდიდრეს მივცემ-მეთქი, მაგრამ შეინარჩუნებს თუ არა, ეს არ მითქვამს. ჰოდა, ვერ შეინარჩუნა, მაინც სხვათა სამფლობელოებისკენ ეჭირა თვალი და უმდიდრესი მიწების პატრონი სხვის ხრიოკებს მუჭამუჭა იპარავდა. თავდაპირველად უბატონოდ ხმას ვერ სცემდნენ, ეშინოდათ, მის უმსგავსობაზე ჯერ თვალს ხუჭავდნენ, ამასაც მეტი რა უნდოდა, სულ მთლად გახელდა, მაგრამ როცა თავი გამარჯვებულად მიიჩნია, მაშინ აღმოჩნდა ყველასგან შერისხული, დამცირებული და დამარცხებული. ყველა განუდგა – შინაური თუ გარეული. ქურდობით მოპოვებული ნდობა, სიყვარული და პატივისცემა პირველი ფეხის წამოკვრისთანავე მრავალწლიან ტყვეობას თავსდალწულმა ქარიშხალმა გაფანტა. საქურდალის დაბრუნება მოსთხოვეს, თავის გადასარჩენად ამანაც ფანტა და ფანტა თავისი თუ სხვისი მიწები, ეს კიდევ აპატიეს, შეაქეს კიდევ, მაგრამ პატი-

ვაყრილებმა არ დაინდეს, მე რომ მკითხო, საკადრისი სამაგიერო გადაუხადეს და ერთადერთი დარჩენილი საკუთრებაც წაართვეს.

– თავისუფლება? – წამოიძახა ფადიმ.

– ასე! – დაეთანხმა ასან ბასარი და თხრობა განაგრძო. – ჰოდა, ზის ახლა მარტოდმარტო საპყრობილეში. ერთადერთი არსება, რომელიც ტუსაღს აკითხავს გაქუცული ვირთხაა. გამოყოფს სოროდან თავს და მისჩერებია. უყურებს შენი ნათესავი და ასე ჰგონია, რომ სარკეში იცქირება. ის ოხერიც რომ თავს არ ანებებს, გავა-გამოვა, ისევ საკანს მიაკითხავს. აი, აქედან ვნახოთ, რა მოხდება.

ფადიმ ოთახის ერთ-ერთ კედელზე საკნის კუთხეში მიმჯდარი პუტი ნისა დაინახა. ხელში პურის ყუა ეჭირა და ლოლნიდა. ისეთი გალეული იყო, არც მანამდე იყო გოლიათი, მაგრამ ახლა ცოტაც და ვირთხის სოროშიც გაეტეოდა. იმ სოროში, საიდანაც მღრღნელს თავი გამოეყო და ტუსაღს უსძენდა. პუტი ნისამ თანდათან ხმას აუწია და ყვირილზე გადავიდა. ვირთხას უმტკიცებდა, ამ საკნის ბატონ-პატრონი მე ვარ და ჩემი სამფლობელი ახლავე დატოვე. ვირთხა ყურს არ იბერტყავდა. ალბათ, ყრუ თუ იყო. ხმაურზე ზედამხედველი შემოვარდა და პუტი ნისას ხმის ჩაკმენდა უბრძანა, თან ძირს ჯამით სალაფავი და წყლიანი დოქი მიუგდო და საკნიდან გავიდა. ტუსაღი ვირთხას მაშინვე მოუღბა. ცოტა ავლეღდი, არაფერი გეწყინოს, ჩვენ ხომ ძველი მეგობრები ვართო, წინ ჩამოუჯდა და ლაპარაკი ჩურჩულით განაგრძო. ფადიმ ბევრი ვერაფერი გაიგო, მხოლოდ ერთს მიხვდა, მის ნათესავს მოწამულის ეშინოდა. ვირთხას უმტკიცებდა, ესენი ისე მიფრთხიან, უნდათ სიცოცხლეს გამომასალმონო. ამიტომ ერთი ეს სალაფავი და წყალი გამისინჯეო.

– გასაგებია! – თქვა ფადიმ და კედელს თვალი მოაცილა.

– ვაა... – მხრები აიჩეჩა ასან ბასარმა, – ამას კი არ ველოდი. ვირთხა აქცია ჭაშნაგირად, ვირთხა! – მოხუცი ერთს გულიანად გადაიხარხარებდა, მაგრამ სტუმრის ნალვლიან გამომეტყველებას პატივი სცა და თავი შეიკავა.

\* \* \*

ასან ბასართან დაშორების შემდეგ ფადის გამოცანებით სავსე ცხოვრებას ზუსტად ერთ იმდენი კითხვა დაემატა, რაც აქამდე ჰქონდა. მოხუცმა თითქოს ბევრი რამ უთხრა ფადის, მაგრამ მთავარი – არა: რისთვის ირჩევდა მთვარე შვილობილებს.

ფადი საილმ ალმია მუქთაშავი – წყალში ისრის მპონელი ვერც მთვარის შვილობილებისა და მთვარეზე მონადირეთა პაექრობის მიზეზს ხვდებოდა. ერთნი რატომ ეძებდნენ მეორეთა დამალულ ქანდაკებებს. ასან ბასარმა ამაზე არაფერი უპასუხა. არც ორდენის წესდება ხსნიდა მიზეზებს, რომელშიც ეწერა: ყოველი წვერი იღვწის, რათა ორდენი ახალი დროების მოსვლისთვის მზად იყოს. ამისთვის კი მთვარეზე მონადირეთა ოცდარვა ქანდაკება უნდა ეპოვნათ. ეს ახალი დროება რას წარმოადგენდა, არც ფადიმ და არც სხვა წვერებმა არაფერი იცოდნენ. წესდებაში ამაზე არაფერი ეწერა. არც იმ ადამიანებმა იცოდნენ, რომლებიც ახალი დროების მოლოდინში თავინთი ქონების დიდ ნაწილს ორდენს წირავდნენ. თავად თუ არა, მომავალში მათი შთამომავლები მაინც რომ მზად დახვედროდნენ. ახალი დროების შესახებ წესდებაში მხოლოდ ის ეწერა, რომ იგი ახალი მბრძანებლის მოსვლის შემდეგ დაიწყებოდა. და არ დარჩებოდა არაფერი ცოცხალი თუ მკვდარი, სულიერი თუ უსულო, მევე თუ მონა, რომელიც მას არ დაემორჩილებოდა.

ფადის იმედი ჰქონდა, მთვარის სხვა შვილობილებთან რამეს მაინც გაიგებდა და მათი მოძებნა გადაწყვიტა. ასან ბასარი ფიქრებს მიუხვდა და მკაცრად გააფრთხილა, მართალია, მთვარის შვილობილები ღირსების წყალობით გახდით, მაგრამ, არ დაგავიწყდეს, ღირსება ძალიან მძიმე ტვირთია და მას ხშირად აყროლებული ტყავით იშორებენო.

ღით, ღმერთო გადაარჩინეო, რომ მომდევნო წიგნი დაეწერა. ყველაზე მეტად ამ წიგნში სხვადასხვა ჟანრების - ფენტეზისა და ჰორორიც სინთეზი მომწონს.

- ამ ეტაპზე რას საქმიანობთ?

- ვწერ და თან სკოლაში ქართულ მითოლოგიას ვასწავლი, ასევე შემოქმედებითი წერის გაკვეთილებსაც ვატარებ. რაც შეეხება ფენტეზის, როგორც უკვე აღვნიშნე, ვწერ წიგნს, რომელსაც „მთვარის შვილობილები“ ჰქვია. ნახევარზე მეტი დაწერილი მაქვს. ფინალისკენ მივდივარ.

- სკოლაში ბავშვებს, ალბათ, ძალიან ბევრ საინტერესო ამბებს უყვებით?

- კი, ბავშვებს ძალიან უყვართ ამბების მოსმენა. ხშირად მეუბნებიან, რომ ჩემგან კარგი ბებია დადგება, რადგან ძალიან ბევრი საინტერესო ამბავი ვიცი და საინტერესოდაც ვყვები. მე და ჩემი მოსწავლეები ავირჩევთ ხოლმე რომელიმე მითოლოგიურ ან

ზღაპრულ პერსონაჟს და ერთმანეთს მასზე გამოგონილი ზღაპრებითა და მოთხრობებით ვეჯიბრებით. კვირაში თითო ამბავს იგონებენ, შემდეგ ერთმანეთს უყვებიან, მსჯელობენ, რა მოეწონათ და რა - არა, როგორაა გამოყენებული ფოლკლორული მასალა, რა დაუმატა ავტორმა, დაარღვია თუ არა ტრადიციულობა.

– ამ ბოლო პერიოდში ძალიან პოპულარული გახდა ფანტასტიკის ჟანრის ტელე-სერიალები, რომელს მათგანს უყურებთ?

– კკითხულობ და ვუყურებ „სატანტოთა თამაშებს“. მარტინმა ახალი სიტყვა თქვა ფენტეზიში ისტორიული ელემენტების ნატურალური გადმოცემით და გმირების ხასიათების წინ წამოწევით გაამრავალფეროვნა ეს ჟანრი, თუმცა ფენტეზისთვის დამახასიათებელი ბევრი ელემენტი უკან გადაიტანა, რეალურთან დამსგავსების გამო. საინტერესო სინთეზი გააკეთა. სამყაროს ალტერნატიული ისტორიაა.

– პროექტ ინსომნიას შესახებ რას იტყვით?

საქართველოში ჟანრული პროზის განვითარებისთვის ამ პროექტს დიდი მნიშვნელობა აქვს. პროექტი შედგა, ფაქტია. სამივე კრებული ძალიან საინტერესოა, თუმცა ბევრად გამიხარდება, ავტორებმა შემდეგაც რომ გააგრძელონ ამ ჟანრში წერა. თუმცა, ისიც ვიცი, რომ ძნელია და ბევრ მუშაობას მოითხოვს.

– თქვენი სამომავლო გეგმები როგორია?

– ძალიან მინდა ოდესმე ლურჯი სუფრა მოვხატო. ისე არა, როგორც ახლა ხატავენ ბატიკით, ან ხელით, არა, ცვილით, როგორც ეს ჩემს წიგნშია.

რამდენიმე წლის წინ, კავკასიურ სახლში ლურჯი სუფრების გამოფენა იყო, იმ გამოფენიდან როდესაც გამოვედი, დავინახე, სანთლებიდან ჩამოღვენილი ცვილით როგორ მოხატა სუფრა მოცეკვავე ქალმა, მაშინვე მივხვედი, რომ ამაზე წიგნი უნდა დამეწერა. მაშინ სამყაროსა და სიუჟეტზე წარმოდგენა არ მქონდა. მხოლოდ ამ სცენას ვხედავდი და წიგნიც „ლურჯი სუფრის მოცეკვავე“ მის გარშემო აეწყო. „ლომებს“ რომ ვწერდი („როცა ფრთოსანი ლომები დაბრუნდებიან“), ვხედავდი, ხე როგორ გადაიქცეოდა ლომად და ლომი როგორ გადაიქცეოდა ხედ და სიუჟეტიც ისე განვავითარე, რომ ამ ამბავამდე მივსულიყავი. მგონი, კითხვიდან გადავუხვიე. ისევ მომავალსა და გეგმებს მივუბრუნდები. ზუსტად ვიცი, სამი წიგნი რომ დასაწერი მაქვს. როცა ერთ წიგნს ვასრულებდი, ასე ერთ თვეს ვისვენებდი და ახალს ვიწყებდი. ვფიქრობ, „მთვარის შვილობილების“ დასრულების შემდეგ ცოტა მეტი დავისვენე. თუმცა, ისიც გასათვალისწინებელია, დრო სწრაფად მიდის და უნდა ვიჩქარო.

წერა ძალიან დიდ ენერგიას მოითხოვს. „ნისლებში“ და ნისლებს მიღმა“ რვა თვეში დავწერე. ყოველდღე, 6-7 საათი ვმუშაობდი. საშინლად დავიღალე, რომ დავასრულე ერთი-თვე ფეხზე ვეღარ ვდგებოდი. ძალიან ბევრი ემოცია ჩავდე შიგ. რაც დრო გადის, უფრო ხვდები, როგორ წერო ისე, როგორ გადაანაწილო დრო, რომ ნაკლებად დაიღალო.

– რამეს ხომ არ დაამატებდით?

– წარმატება მინდა ვუსურვო ჟურნალ „ფანტასტს“ და მადლობა ამ ინტერვიუსთვის.



## ნატო ღაჭიტაშვილი

### ლურჯი ჩიტი

(სცენარი, ქალაქური მისტიკა)

შემოდგომის მოღრუბლული დღეა. მშრალ ხილზე ბაზრობისკენ მიდის წყვილი - ქალ-ვაჟი. ასე 30 წლისანი იქნებიან. ქალი საშუალო სიმაღლისაა, კუბოკრული ქვედაბოლო და ფერში შეხამებული პიჯაკი აცვია. მხარზე ფოტოაპარატი აქვს გადაკიდული. მამაკაცი მუქ ჯინსებში და მოგრძო პიჯაკშია, ყელზე ორად დახვეული ლურჯი შარფი უკეთია.

ქალი: მე ქუჩის მხარეს დავდგები. ხიდიდან გადახედვის მეშინია.

ვაჟი მაშინვე გაუცვლის ადგილს. თან გაელიმება.

ქალი: რა გაცინებს?

ვაჟი: აღრე არასდროს გითქვამს.

ქალი: მხოლოდ ამ ხილზე მეშინია.

ვაჟი: (გაკვირვებით) რატომ?

ქალი: აქ მდინარე არ არის. ჩვეულებრივი ხილების არ მეშინია.

ვაჟი: აა... ასეთი რამ პირველად მესმის.

ქალ-ვაჟი ბაზრობასთან მივა. ქუჩის გაყოლებაზე გამყიდველებსა და მეწვრვილმანებს გამოფენილი აქვთ ათასგვარი საქონელი. ყველა ოჯახიდანაა გამოტანილი. ქალი შეჩერდება ბუკინისტთან - ასაკოვან კაცთან. ხელში აიღებს ერთ გაყვითლებულ წიგნს და ინტერესით ათვალიერებს.

ქალი: შეხედე, მეტერლინკის “დაუპატიუბლის” 1905 წლის გამოცემა.

გამყიდველი: რარიტეტია. ივერიის ბიბლიოთეკიდანაა. ამის ფასი თუ იცით, მე ძვირად არ მოგცემთ.

ქალი: მეტერლინკის? (ქალს ელიმება და წიგნს ფურცლავს).

კაცი: რა ღირს?

გამყიდველი: 30 ლარი, ქალბატონისთვის - 25.

ქალი: დიდი მაღლობა. (ხსნის ჩანთას).

კაცი ასწრებს და იხდის ფულს.

კაცი: “ლურჯი ფრინველი” ხომ არ გაქვთ?



I გამყიდველი (დანანებით): არა. მე არ მაქვს. იმასა აქვს (მიუთითებს გვერდით მდგომ გამყიდველზე, რომელსაც წინ ფაიფურის პატარა ფიგურები და ჭურჭელი, ბიჟუტერია ულაგია).

კაცი და ქალი ცნობისმოყვარეობით გადახედავენ მეორე გამყიდველის საქონელს.

ქალი: თქვენ გაქვთ მეტერლინკის “ლურჯი ფრინველი”?

II გამყიდველი: არა... არა მაქვს. (დაიხრება და ნივთების გადალაგებასა და გასწორებას იწყებს).

I გამყიდველი (ქალ-ვაჟს): სწორად ვერ გამოიგეთ. მე ამ ლურჯ ფრინველს ვგულისხმობდი.

I გამყიდველი დაიხრება და მეზობლის ნივთებიდან ფაიფურის მუშტისტოლა ლურჯი ჩიტის ფიგურას აიღებს.

ქალი: აჰ... (გაეცინება ქალს.) ეს მთლად უკეთესი. რა ღირს?

II გამყიდველი ენის ბორძიკით: 5 ლარი.

ქალი ჯიბეში ჩაიყოფს ხელს და გამყიდველს ფულს გაუწვდის.

ქალ-ვაჟი აგრძელებენ გზას.

I გამყიდველი: გამაგიჟებ, ასეთ ძვირფას ფაიფურს კაპიკებში ყიდი.

II გამყიდველი ხელს ჩაიქნევს და არაფერს უპასუხებს.

ქალ-ვაჟი მიადგება ეზოს. გისოსებს მიღმა ჩანს ერთსართულიანი ძველებური სახლი. შედიან სახლში.

ქალი: ბუნარს ხომ დაანთებ? ახლა სახლში უფრო ცივა, ვიდრე გარეთ. თან აქ ისეთი ნესტია.

კაცი იწყებს ბუნარის ანთებას, იქვე ახლოს აწყვია ცეცხლში შესაკეთებლად გამზადებული ძველი პარკეტი.

ქალი ბუნარის თავზე ფაიფურის ჩიტს დასვამს.

ქალი: შენთვის ვიყიდე. რომ წახვალ წაიღე. ჩაი ავადულო, არა? კონიაკიც მაქვს. ხომ დალევი კონიაკიან ჩაის?

კაცი: აბა რა!

ქალი გადის სამზარეულოში.

ისმის ქალის ხმა: რა უცნაურად დაემთხვა...

კაცი: რა?

ქალი: ლურჯი ფრინველის გამოჩენა. მართალი იყო მეტერლინკი, რომ ამბობდა, ადამიანები უმწეოები ვართ და გულზეხელებდაკრეფილები ველოდებით ჩვენს ბედისწერასო.

კაცი ანთებს ბუნარს, იღებს ფაიფურის ჩიტს და გადის ქალთან სამზარეულოში.

ქალი (აგრძელებს): ეს ღლებია საშინელ განწყობაზე ვარ. გითხარი კიდევ. მყარი ფსიქიკის რომ არ ვიყო, იქნებ თავისთვის რაღაც ამეტეხა (ქალის ასხამს ჩაის და უმატებს კოვზით კონიაკს). ამ ამინდებმაც ხომ ბოლო მომიღო, ან წვიმს ან მოღრუბლულია. არადა, ჯერ სად ვარ. მთელი ზამთარი წინ მაქვს. რამე უნდა მოვიფიქრო, ამ ბუნარის იმედზე ვეღარ ვიქნები, ზამთარში გავიყინები. ახლა მივხვდი, თეატრში რა უნდა დავდგა. რა მჭირდება ახლა.

ქალი ლანგარზე ალაგებს ლამბაქებს და ბუნარის ოთახში გადის. დაბალ მაგიდაზე ალაგებს ფინჯნებს და დივანზე ჯდება. კაცი მიუჯდება გვერდით. ქალი იღებს იქვე მიღებულ შარფს და შიგ ეხვევა.

კაცი: აღარ დაამთავრე. რა გჭირდება?

ქალი: მეტერლინკის “ლურჯი ფრინველი” უნდა დავდგა. ხომ დამეხმარები? ეს ჩიტი დაეინახე თუ არა, მაშინვე მივხვდი. ბედისწერაა, აბა რა.

კაცი: მაშინ შენთან იყოს.

კაცი მაგიდაზე დგამს ჩიტის ფიგურას.

ქალი: ხომ დამეხმარები?

კაცი: არა მგონია. საჩემო არაა.

ქალი მოსვამს ჩაის.

ქალი: უჰ რა კარგია. ცოტა გავთბი. სიცივის ადამიანი არ ვარ. სიცხე მინდა. მწველი სიცხე. ეს სახლი რომ ისე გამოაშროს, სულ ტკაცატკუცი გაჰქონდეს.

კაცი: დიდი კოცონი გლომებია შენ (სიცილი).

ქალი: დიდი, ვეებერთელა, მწველი კოცონი (ასევე სიცილით).

კაცი: წავალ ახლა. სცენარი მაქვს დასამთავრებელი.

ქალი: ჰო, წადი. დიდი მადლობა დღევანდელი დღისთვის, ცოტა აზრზე მომიყვანეთ შენ და შენმა ლურჯმა ჩიტმა.

ქალი აიღებს ფაიფურის ფიგურას და გაუწოდებს კაცს. კაცი გასასვლელისკენ წავა. ისმის ტელეფონის ზარი. ქალი შეტრიალდება. კაცი დროს იხელთებს და მის ჩუმად, ბუნარის თავზე შემოსვამს ლურჯ ჩიტს.

მშრალი ზიდი. ერთმანეთის გვერდით დგანან უწინდებურად ნაცნობი გამყიდველები.

I გამყიდველი: რამდენი გაქვს მაგ ჩიტის ფიგურა. ახლახანს არ გაყიდე?

II გამყიდველი არაფერს უპასუხებს.

I გამყიდველი: ის ქალი ხომ გახსოვს, ჩემგან წიგნი რომ იყიდა, შენგან კი ეგ ჩიტი?

II გამყიდველი: ჰო, როგორ არა, ორი დღის წინ.  
 I გამყიდველი: ცნობილი რეჟისორი ყოფილა.  
 II გამყიდველი: რა მოუვიდა?  
 I გამყიდველი: რა იცი, რომ მოუვიდა?  
 II გამყიდველი: ისე ვთქვი.  
 I გამყიდველი: მის სახლს ცეცხლი გასჩენია, ძველი ბუხარი ჰქონია სახლში და დაღუპულა, საწყალი. გუშინ ტელევიზორში აჩვენეს.  
 II გამყიდველი: უჰ... (ჩიტს ხელში აიღებს და გაბრაზებული დახედავს. ხელს ისე უჭერს ფიგურას თითქოს თავის წაწყვეტას უპირებს). სულ ამის ბრალია. ეს შეუსრულებდა სურვილს. ასე იცის. სამწუხაროდ, იმ ქალს სურვილში არ გაუმართლა.  
 I გამყიდველი: (გაოცებული შეხედავს) რა უშნო

ხუმრობა იცი.  
 II გამყიდველი: (ხელს ჩაიქნევს) ეჰ, ნეტა ვხუმრობდე.  
 I გამყიდველი: თუ არ ხუმრობ, მაშინ გადააგდე, რაღას ყიდი?  
 II გამყიდველი: არც მე გამიმართლა სურვილში, როცა პირველად ძალიან დიდ ფასად გავყიდე და მისი უკან დაბრუნება ვინატრე.  
 I გამყიდველი: გიჟი ხარ შენ. რას არ მოიგონებ? ზღაპრები უნდა წერო შენ. მე გაგიყიდი.  
 II გამყიდველი: მიუახლოვდება ახალგაზრდა წყვილი.  
 გოგო: ნახე რა ლამაზი ჩიტია. ამასთან ერთად დიდი სიამოვნებით გავფრინდებოდი.  
 ბიჭი: რა ღირს ეს ლურჯი ჩიტი?

## ინტერვიუ

ნატო ღაჭიათაშვილის მოქალაქეობის ახალი სამყაროები –  
 ქართული ფენტეზის ქრონიკები –  
 ნატო ღაჭიათაშვილს ესაუბრება ინა იმედაშვილი

ქართული ფენტეზის ხსენებისას, აუცილებლად ნატო ღაჭიათაშვილის ქრონიკები უნდა გავახსენდეთ, შეიძლება ითქვას, რომ მან ფენტეზის ჟანრი ჩვენთან შექმნა თუ არა, ახალი სიცოცხლე მაინც მისცა და ექვსი წიგნით გაამრავალფეროვნა.

“ქართული ფენტეზის” - ამას, ასე თამამად რომ ვწერ, ესეც ამ ქალბატონის დამსახურება უნდა იყოს, იმიტომ, რომ არ მახსენდება, ისეთი ქართული ტექსტი, რომელიც ამ ჟანრის კანონებს ბოლომდე აკმაყოფილებდეს, თუმცა ფენტეზური ელემენტები კი შეიმჩნევა რამდენიმე ქართველ ავტორთან.

ნატო ღაჭიათაშვილი დაიბადა 1964 წელს თბილისში. მან ტექნიკური განათლება მიიღო და 1980-იანი წლების ბოლოს გამოთვლით ცენტრში პროგრამისტ-ინჟინრად მუშაობდა, პარალელურად ლექციებს კითხულობდა. 90-იან წლებში ნატო საგამომცემლო-პოლიგრაფიულ სფეროში ინაცვლებს. ამავე წლებშია გამოქვეყნებული მისი პირველი პუბლიკაცია, თუმცა ნამდვილი სამწერლო მოღვაწეობა წიგნის “ამბავი ლილე იროელისა” გამოქვეყნებით იწყება, რომელზეც მწერალი სამი წელი მუშაობდა. ამის შემდეგ 2008 წელს ნატო საბავშვო პროზის კონკურსში “ოქროს ბუმბული” იმარჯვებს

გამოუქვეყნებელი ნაწარმოებით “როცა ფრთოსანი ლომები დაბრუნდებიან”, რომელიც წიგნად გამოდის 2009 წელს. 2011 წელს ქვეყნდება მწერლის მესამე წიგნი “ნისლებში და ნისლებს მიღმა”, რომელმაც ამავე წელს პრემია “გალა” დაიმსახურა. 2012 წელს მისი მეოთხე წიგნი “ოთხი მხარე და ოთხი სვეტი” გამოდის. ხოლო უკვე 2013 წელს გასაოცარი „ლურჯი სუფრის მოცეკვავე“, 2015 წელს ისევ ქართულ მითოლოგიაზე დაფუძნებული “აიას გზა”.

ნატოს ”ლილე იროელს“ საფუძვლად ქართული მითოლოგია უდევს, მათზეა აგებული მისეული სამყარო, თუმცა „ლურჯი სუფრის მოცეკვავე“, „ოთხი მხარე და ოთხი სვეტი“, „როცა ფრთოსანი ლომები დაბრუნდებიან“ უკვე დამოუკიდებელი სამყაროებია, თავისი ფენტეზური ატრიბუტიკით: დრაკონებით, უცნაური ქალაქებით, მისტიური გმირებით და სიკეთისა და ბოროტების მარადიული ბრძოლით.

– ფენტეზიში რეალური და ირეალური ერთმანეთს ერწყმის, ზღვარი იშლება, ფენტეზი ჩვენს რეალობაში აშენებულ კედელს ცრიცავს და აპატარავებს, რომ იმის იქით გადავიხედოთ. გადაიხედავ და მიღმიერი სამყარო

შენთვის უკვე რეალური ხდება. იქ მიმდინარე მოვლენებს რეალურად განიცდი, ფიქრობ გმირებზე, ბრახდები მათზე, უთანაგონობ. ვინც ჩარჩოს შემოივლებს და რეალურსა და ირეალურს არ გააერთიანებს, მათთვის ფენტიზის ჟანრის ლიტერატურა უბრალო ზღაპარია, ან საინტერესოდ არ თვლიან. გარკვეულწილად, ეს ფანტასტიკის ჟანრსაც ეხება. ასეთი მკითხველი ვერასოდეს მიხვდება, მაგალითად ფრენკ ჰერბერტის „დიუნას“ პრობლემების არსსა და მნიშვნელობას. ხშირად ფენტიზი ზუსტად არ ამბობს, რომ ეს არის შაქარი და ის ტკბილია, უმეტეს შემთხვევაში, მკითხველმა მისთვის უცხო სამყაროში თავად უნდა დააგეგმოს და სახელიც დაარქვას.

- საუბრობს ნატო ფენტიზის ჟანრზე და იმასაც ამბობს, რომ ის, რამდენადაც გასაოცარი არ უნდა იყოს ფენტიზი მწერლისთვის - რეალისტიკა, თანაც, ჩამოყალიბებული რეალისტიკა.

- მირჩევნია მყარად ვიარო მიწაზე და მყარად მდგომმა ვაშენო სამყაროები. მოდელირება მაქვს ნასწავლი და წერას სწორედ მოდილირებას ვამსგავსებ. უფრო ზუსტად, ვქმნი ახალი სამყაროების მოდელებს. ამ ჟანრში მუშაობისას მჭირდება ლოგიკა, მჭირდება გზების პოვნა, ნაპოვნი მოდელი ოპტიმალური რომ იყოს და ამასთან საინტერესოც, ემოციით დატვირთული, უბნები ერთმანეთს ორგანულად უნდა ერწყმოდეს. “ლურჯი სუფრის მოცეკვავეში” 12 თუ 13 დრაკონის პერსონაჟი მყავს. წერისას, რუქა და მათი ფრენის განრიგი შევადგინე, ვინიშნავდი ქრონოლოგიურად რომელი სად იმყოფებოდა, გზას რა დროში ფარავდა. არ უნდა შემშლოდა, მათი ფერი, რომელი სად გაფრინდა, რომელი მოფრინდა. ზოგადად, წერისას ვცდილობ, რაც შეიძლება მეტი ფაქტობრივი ცოდნა გამოვიყენო და ფანტაზიას მოვარგო. მაგ. როდესაც წიგნში „ამბავი ლილე იროელისა“ აღმოსავლეთში კოლხეთიდან ხმლისთვის გამოსაჭედი რკინის წამოღება დამჭირდა, უძველესი ქართული სანაოსნო გზები შევისწავლე; თუ იარაღს ვახსენებ, იმ იარაღის შესახებ ინფორმაციას ვაგროვებ.

- ვინ არის ნატო დავითაშვილი, ვისთვის წერს?

- ახლა უკვე მწერალი ვარ, ასე გამოდის - ექვსი წიგნის შემდეგ, მეშვიდეს ვწერ ახლა. ადრე ამას არ ვიტყვოდი, ადრე უბრალოდ ვწერდი. ვისთვის ვწერ? ასაკს მნიშვნელობა არა აქვს, ფენტიზი ვისაც უყვარს, თავგადასავლები ვისაც უყვარს, ახალი სამყაროების გაცნობა, ყველასთვის ვწერ. მსგავს ლიტერატურას ახალგაზრდები უფრო ეტანებიან, ძალიან ბევრს ჰკონია, რომ მე მხოლოდ საბავშვო მწერალი

ვარ, ეს ასე არ არის. ჩემ გარშემო ძალიან ბევრი მოზრდილი და ასაკოვანიც ფენტიზის დიდი ინტერესით კითხულობს და, მათ შორის, ჩემს წიგნებსაც. რამდენიმე ხნის წინ, ახალციხიდან ათი წლის თორნიკემ, ასეთი წერილი მომწერა: „თქვენ ალბათ არ დაიჯერებთ, მე ვარ ათი წლის და ერთ კვირაში თქვენი ყველა წიგნი წავიკითხე, ძალიან ბედნიერი ვარ“. ეს ჩემთვის ძალიან ბევრს ნიშნავს.

- რატომ დაიწყეთ ეს საქმიანობა, წერა?

- თავიდან წიგნის წერა, მხოლოდ იმიტომ დავიწყე, რომ ჩემს შვილს წავკითხა, ქართული მითოლოგიის შესახებ გაეგო. ქართულ მითოსს საფუძველი მაშინ ჩაეყარა, როდესაც არც წერა-კითხვა იცოდა ხალხმა, არც წიგნები იყო და არც ინტერნეტი. მრავალმა თაობამ მოიტანა დღემდე ჩვენი ფოლკლორი, მითების და ლეგენდების ჯაჭვი შეიკრა, თითო თაობა თითო რგოლია. ერთხელაც მივხვდი, რომ ჩვენ ის თაობა ვიყავით, რომელიც ამ ჯაჭვს ვწყვეტდით. ქართული მითოსი ჩაიკეტა მხოლოდ სამეცნიერო კვლევების მასალად. ძალიან მინდოდა, რომ ეს ყველაფერი მკითხველამდე ახლებურად მიმეტანა და ახლებურად გამეცოცხლებინა. ახლა, როდესაც ვივებ, როგორი აღფრთოვანებით კითხულობენ და მწერენ ახალგაზრდები (და არა მხოლოდ), ვფიქრობ, რომ ჩანაფიქრი განვახორციელებ.

- თავიდან წერა თქვენი შვილისთვის დაიწყეთ, ახლა თუ კითხულობს?

- კი, კითხულობს. ყველაზე ბედნიერი დღე, ჩემი შვილის დაბადების შემდეგ, ის დღე იყო, როდესაც “ლილე” წავიკითხა და ასეთი საჩუქრისთვის დიდი მადლობა გადამიხადა. ხოლო, როდესაც “ნისლებში და ნისლებს მიღმა“-ს კითხვა დაიწყო (რომელიც იწყება ისე რომ, ბავშვს ბებია ელუპება), იმ პერიოდში ჩემს შვილს ბებია ახალი დაღუპული ჰყავდა, მოვიდა და მითხრა, შენ უღმობელი ადამიანი ხარ, წიგნი ძალიან ცუდად დაიწყეო, გადადო და მთელი ნახევარი წელი არ მიბრუნებია. შემდეგ მიუბრუნდა და დასაწყისის მნიშვნელობასაც მიხვდა. მითხრა, მიხვდი, სხვა გზა არ გქონდა, ისე ეს ბიჭი თავგადასავლების საძებნად არ წავიდოდაო.

- გარდა, ფენტიზისა, ხომ არ გიცდიათ ფანტასტიკის სხვა ჟანრი, მაგალითად სამეცნიერო ფანტასტიკა?

- სამეცნიერო ფანტასტიკის წერა ჯერჯერობით არ მიცდია. უბრალოდ რასაც ვწერ - იროელთა ქრონიკები, ისეთი მოცულობის აღმოჩნდა, რომ ჯერ ეს მაქვს ბოლომდე ამოსაწერი. მერე არ ვიცი, ენახ-

ოთ. ჯერჯერობით ფენტეზის ჟანრში ვწერ და სხვა ჟანრებისკენ გული არ მიწევს. ჩემი აზროვნებისა და გადმოცემის სტილი, ეტყობა, ყველაზე უკეთ ამ ჟანრს უხდება. ახალი წიგნი დავიწყე, რომელიც იროელთა ქრონიკებს არ ეკუთვნის, ასევე ფენტეზია, მაგრამ სხვებისგან მნიშვნელოვნად განსხვავდება.

- თქვენს ახალ წიგნში დამოუკიდებელი სამყარო გაქვთ აღწერილი?

- კი, დამოუკიდებელი სამყაროა. წიგნის სავარაუდო სათაური იქნება „მთვარის შვილობილები“. ყველა ჩემს წიგნს ერთი საერთო ნიშანი აქვს, მათში ყოველთვის მოიძებნება რაღაც ისეთი ამბავი, რომელზეც შემდეგ დამოუკიდებელი წიგნის დაწერა შესაძლებელია. ამ შემთხვევაში, მთვარის 28 ნიშნის/დღის მატარებელი გმირი მყავს, ასე რომ, რომ მომენდომებინა, ამ ქრონიკებში 28 წიგნს გავაერთიანებდი, მაგრამ შეგნებულად არ გავაკეთე, მკითხველი დავინდე და ერთ მოზრდილ წიგნში გავაერთიანებ ოცდარვავე გმირის თავგადასავლს.

- თქვენს ქრონიკებში, მაგალითად ბოლო წიგნში „ლურჯი სუფრის მოცეკვავე“, ქართული მითოლოგიური ელემენტები გაქვთ გამოყენებული, კიდევ რომელი წიგნებშია ქართული სამყაროები?

- მართალი ბრძანდებით, ამ წიგნში ქართული რეწვის ელემენტი გამოვიყენე. ერთ-ერთი პერსონაჟი ჩვენებური გმირია, თუმცა სხვა დანარჩენი ორიგინალური სამყაროა. წიგნი „ამბავი ლილე იროელისა“ ქართულ მითებზეა, ქართულ მითებზეა „ნისლებში და ნისლებს მიღმა“ და „აიას გზაც“. ამ უკანასკნელის ერთ-ერთი მთავარი გმირი ლილე იროელის ქალიშვილია, ჩემი აზრით, „აიას გზა“ ამ ქრონიკების ბოლო იქნება. ყოველ შემთხვევაში, ახლა ასე ვფიქრობ. თუმცა, სურვილი თუ გამიჩნდა და რაიმე ორიგინალური იდეა დამებადა, შეიძლება კიდევ გავაგრძელო. ხშირად ისე ხდება, რომ მომავალ ამბებს თუ არ დავწერ, წარსულში რა ხდებოდა, ვერ ვხვდები. ხოლო როცა გავარკვევ, წინაისტორიებში შეიძლება ისეთი საინტერესო თავგადასავალი დავინახო, წიგნად დაწერა მომინდეს. ქართული მითოლოგიის გამოყენებით კიდევ ორი წიგნის დაწერას ვაპირებ - იროელთა ქრონიკების პირველ წიგნს, ანუ საიდან დაიწყო ყველაფერი და „ნისლებში და ნისლების მიღმა“ გაგრძელებას. ამ უკანასკნელის დასაწყისი მზად მაქვს, მრავალი დეტალი და ფინალი ვიცი, თუმცა, საფიქრალი კიდევ ბევრი მაქვს.

- საინტერესოა, იმ ქართულ მითებს, რომლებიც თქვენ თქვენს წიგნებში გამოყენებული გაქვთ, სად

მოიპოვებთ, სად ეძებთ?

- სამეცნიერო კვლევებში, სტატიებში, ნაშრომებში. ძალიან კარგი მასალა მოვაგროვე ბუკინისტურ მაღაზიებში. თან ისიც გასათვალისწინებელია, რომ მე არც ფოლკლორისტი ვარ და არც ფილოლოგი, თვითნასწავლი გამოვდივარ. სამეცნიერო კვლევებით მაქვს შესწავლილი ქართული მითოლოგია. შემდეგ წარმოსახვით მხატვრულ ფორმებს ვაძლევ, ვარგებ სასურველ სიუჟეტებს.

- თქვენს ნაწერებში სხვა ქვეყნების მითოლოგიას თუ იყენებთ?

- რა თქმა უნდა, ავიყენებ. მაგალითად, აფრიკული მითოლოგიდან რამდენიმე დეტალი გამოვიყენე წიგნში „როცა ფრთოსანი ლომები დაბრუნდებიან“.

- ხომ არ გიცდიათ, რომ თავადვე ჩაგეწერათ ფოლკლორული ტექსტები, საქართველოს მთებში, სოფლებში?

- არა, არ მიცდია. შეიძლება, წერა ბევრად ახალგაზრდას რომ დამეწყო, - ასეც მოვქცეულიყავი. სტუდენტობისას თუშეთი მოვიარე, მაგრამ მაშინ სულ სხვა ინტერესები მქონდა, ქართული ხალხური რეწვის ორნამენტებს ვაგროვებდი. შემდეგ ეს ორნამენტები დავამუშავე, პატარა წიგნად გამოვუშვი და „ბებოს სკივრი“ დავარქვი.

- რა გჭირდებათ, იმისთვის რომ წეროთ?

- დიდი მომთხოვნი არა ვარ. თუმცა, ჩემი ფავორიტი მაინც სიმწვანეში ჩაფლული აივანია, საიდანაც სივრცე მოჩანს. იდეები ჭურჭლის რეცხვისასაც მომდის და ტრანსპორტით მგ ზავრობისაც. შემიძლია ვწერო ხმაურშიც და სიწყნარეშიც. საბოლოოდ გამოდის, რომ ჩემთვის წერისთვის პირობებს არანაირი მნიშვნელობა არ აქვს, მთავარია, წერა მინდოდეს, განწყობა მქონდეს და, რაც მთავარია, იმ ამბის გაგრძელება მაინტერესებდეს, რომელსაც ვწერ. წერა ყველგან შემიძლია, მაგრამ განსხვავებული ტემპით. მთელი წელი შეიძლება ვიმუშაო და იმდენი ვერ დავწერო, რასაც ერთი თვით ქალაქიდან გასული დავწერ. ბუნებაში აზრი ფურცელზე უფრო სწრაფად და ნაყოფიერად გადამქავს. „აიას გზის“ თითქმის მესამედი სამ კვირაში დავწერე, როდესაც დანარჩენზე მთელი წელი ვმუშაობდი.

- თუ გქონიათ ისეთი შემთხვევა, რომ ღამე იდევს გაუღვიძებინართ? ამდგარხართ და ჩაგიწერიათ?

- ჩემთან იდეები წერისას მოდის, ან როცა სპეციალურად ვფიქრობ. ასე მაგალითად, „ოთხ მხარეში და ოთხ სვეტში“, ქალი (ერთ-ერთი პერსონაჟი) შემოდის, ამ დროს ასაკოვან კაცს ჯოხი უვარდ-

ება, ქალი მიაწვდის და ეტყვის: მამა, გამოძარტვი! „ვაიმე, შვილი ყოფილა!“ - წამოვიყვირე. ისეთი დაუგეგმავი იყო ეს ყველაფერი, ეს ქალი ამ ასაკოვანი კაცის შვილი აღმოჩნდა და სწორედ ეს ხაზი გავაგრძელე.

- რას ნიშნავს, თქვენთვის წერა, წერის პროცესი, როდესაც გადაწყვეტთ, რომ წიგნი უნდა დაწეროთ, რას აკეთებთ, როგორ ემზადებით?

- როდესაც ვიწყებ წერას, პირველად ვგრძნობ გარემოს, ბუნებას, ხმას, სუნს, შეგრძნებებს. ვხედავ იმ სამყაროს ლანდშაფტს, ვუყურებ, შევიგრძნობ და მერე ვიწყებ. სიუჟეტის განვითარებს წერის პროცესში მოდის. ეგ არის, წიგნის დაწყებისთანავე ვიცი სათაური და ფინალი.

ერთხელ სამეცნიერო კვლევისთვის დავიწყე მუშაობა „რა ვქნისას“ ციხეზე. ერთი გვერდის დაწერის შემდეგ აღმოვაჩინე, ტექსტი ისე მხატვრულად წარიმართა, რომ ამ სამეცნიერო ჟურნალს უარი ვუთხარი და შევინახე. ეს უკვე ახალი წიგნის, „ნისლების“ გაგრძელების დასაწყისია.

ვიცი, ახალს არ ვამბობ, - წერა ძალიან დიდ მუშაობასა და შრომას მოითხოვს. ჩემი პირველი წიგნის დასაწერად ორი წელიწადი ვსწავლობდი, ვკითხულობდი, ერთი წელი კი ვწერდი. ახლაც ვაგრძელებ მასალას, ვკითხულობ, ვინიშნავ. დღეს სკოლაში ბავშვებს ვასწავლი და არ დავმალავ, მათთან ერთად მეც ვსწავლობ და ახლებურად ვიაზრებ.

ფენტეზიში ხშირად ისეთ რამეზე ვწერ, თუმცა, ალბათ, ეს მხოლოდ ამ ჟანრში არ ხდება, რის შესახებ ბევრი არაფერი ვიცი. ამ დროს წერას თავს ვანებებ და ამ საკითხების შესწავლას ვიწყებ. ასე მაგალითად, „ფრთოსან ლომებში“ მაქვს ერთი ასეთი გვერდი, სადაც ნადირობისას გმირები კაციჭამია ვეფხვს ხვდებიან. ამ ერთი გვერდის დასაწერად ორი წიგნი წავიკითხე, გავიგე ვეფხვებზე როგორ ნადირობენ. სხვათა შორის, ბავშვობაში ძალიან მიყვარდა წიგნები ნადირობაზე.

კიდევ ერთი მაგალითი, მჭირდება მთაში, ზამთარში, უხვ თოვლში როგორ უნდა გადარჩეს ადამიანი. ეს დოკუმენტური ფილმებიდან და მოგზაურობაზე წიგნებიდან გავიგე. რა თქმა უნდა, შემდეგ სიუჟეტს ვარგებ და საკუთარი ფანტაზიით ვიყენებ. ამიტომაც, ამ ბოლო ხანებში მხატვრულ ლიტერატურასთან ერთად სხვა ტიპის ლიტერატურის კითხვაც მიხდება. მრავალი დეტალის ცოდნაა საჭირო, ფაქტობრივი ცოდნა. ნაკითხობა მწერალს ძალიან ეხმარება, რომ შემთხვევით ტყუილი არსად გავეპაროს. აი,

თუნდაც, მთაში, ნაშალ მიწაზე როგორ უნდა იაროს ადამიანი, ფეხი როგორ უნდა დაადგას. ნამყოფი თუ არ ხარ და პრაქტიკული ცოდნა არ გაქვს, შესაბამისი წიგნების წაკითხვაა საჭირო. „ნისლებში და ნისლებს მიღმა“ ერთი მომენტი, ივლისია თუ ივნისის თვე და გმირები ჩიტის კვერცხებს მიირთმევენ. ამ ეპიზოდისთვის გავიგე იმ სიმაღლეზე, ხე-ვსურეთში, იმ პერიოდში, რომელი ჩიტი დებს კვერცხს და ამ ჩიტის ბუდეზე როგორ უნდა მიადწიოს კაცმა.

წერის პროცესში, ხშირად ვიყენებ სულხან-საბას „სიტყვის კონას“. „ოთხ მხარესა და ოთხ სვეტში“ სიტყვა „ჯადოქრის“ გამოყენება ძალიან არ მინდოდა, „ჯადოქრის“ რომ გადავაწყდი, ძალიან გამინარდა. მისი გამოყენება გადავწყვიტე, ვთვლი გმირს ძალიან მოუხდა და მისი პერსონაჟი უფრო მრავალფეროვანი გახდა.

- წერის პროცესში მუსიკას თუ უსმენთ?

- ყოველთვის არა. ხშირად ვუსმენ ერთ-ერთი ჩემი უსაყვარლესი კომპიუტერული თამაშის საუნდტრეკს. ეს საუნდრეკი იმ დროიდან მიყვარს, როცა კომპიუტერული თამაშებით ვიყავი გატაცებული.

- „ლოურჯი სუფრის მოცეკვავეში“ თქვენ ენა გაქვთ გამოგონილი (ზღვის ხალხის ენა), ასევე რუკები, ქვეყნების დასახელებები, ამას როგორ ახერხებთ, რა პროცესით მიდიხართ აქამდე?

- წვერისას პარალელურად რუკას ვხატავ. გამოგონილი სამყაროს მთლიანობაში დანახვა რუკის გარეშე წარმოუდგენელია. რუკაზე პირობით მანძილებს ვინიშნავ: ცხენით რა დრო სჭირდება მის გავლას, ფეხით - რამდენი, ხომალდით და დრაკონით რამდენ ხანში დაიფარება. რაც შეეხება ზღვის ხალხის ენას, რაღაც განსხვავებული ნიშანი უნდა ჰქონოდა. წყალში ყველა ბგერას ვერ გამოსცემ. ჩავატარე ექსპერიმენტი, როგორი ბგერებით შევძლებდი საუბარს. სხვათაშორის, ბევრმა მითხრა, რომ წიგნის წაკითხვის შემდეგ თავადაც სცადეს.

ხანდახან ისეთ სახელს ვიგონებ, რომ მაშინვე მეც ვერ ვიმახსოვრებ, სამუშაო გვერდზე მიწერია ყოველთვის პერსონაჟების და ქალაქების სახელები, ასევე ვინ ვისი ნათესავია. ვცდილობ, გმირის სახელი მის ხასიათს უხდებოდეს, ამის გამო დავარქვი ბნელთმეუფეს სამსალა, თასს - ბაღდაძის თასი, ზაარის მეფეს - უხთანესი და ა.შ.

„ლილეს“ წერისას ჯამას თავდაპირველად სახელი ვერ მოვარგე და მასზე ვერც ვწერდი. არაფერი არ გამოდიოდა. გადავწყვიტე, წიგნიდან საერთოდ

ამომეგდო. იმ დროს, როცა არ ვიცი, რა გავაკეთო, მითოლოგიურ ლექსიკონს ვკითხულობ ხოლმე. იქ აღმოვაჩინე, რომ სვანურ მითოლოგიაში ჯამა ნიმნავს ავ კაცს. ძალიან მოუხდა ეს სახელი, დაერქვა და სახეც გამოჩნდა.

- თქვენი ქრონიკების დასურათებაზე, ილუსტრაციებზე თუ ფიქრობთ?

- ილუსტრაციებზე როგორ ვფიქრობ, იცით? ჩემს წიგნებში სხვადასხვა ქალაქები დაგროვდა, მინდა, რომ ეს ქალაქები დაინახოს და სანიშნესავით, ბარათებივით გამოიცეს. მსგავსი სერია შეიძლება დრაკონებზეც „ლურჯი სუფრის მოცეკვავიდან“. უნდა ვიპოვო ის ადამიანი, რომელიც ამ წიგნებით აენტება.

- სადღეისოდ ფანტასტიკის ჟანრი (მწერლობაში) ჩვენთან უფრო განვითარებულია, ვიდრე წლების წინ, თუნდაც საბჭოთა კავშირის პერიოდში, როგორია თქვენი მოსაზრება, რამ გამოიწვია ეს ყველაფერი?

- საბჭოთა პერიოდში, რუსეთში ფანტასტიკა საკმაოდ პოპულარული იყო. ჩვენთან რატომაც არ განვითარდა, ამას თავის მიზეზები აქვს. ახლაც კი გამიგია ძალიან ბევრი ლიტერატურის მცოდნისაგან, რომ ფანტასტიკა ზღაპრებად და არასერიოზულად მიაჩნიათ. თვითონ დამოკიდებულებაში და შეხედულებებშია საძიებელი გასაღები. მათ თუ არ დაარღვიეს საკუთარი წარმოსახვით შექმნილი ჩარჩოები, ამ ჟანრების არაღიარებით ისევ თავიანთ თავს ვნებენ. ფენტეზი და ფანტასტიკა გონების რა გასაქანსაც იძლევა, ძალიან იშვიათად რომ სხვა ჟანრმა იგივე შეძლოს. ცხოვრებაშიც უფრო გამბედავი ხდები. სხვათაშორის, ასეთი კვლევა ყოფილა, ახლახანს მოვისმინე, რომელ ქვეყანაშიც ფენტეზია განვითარებული, იქ სამეცნიერო აღმოჩენათა რაოდენობა უფრო მეტი ყოფილა. თუმცა ეს არის ყველაზე მცირე, რაც კი შეიძლება ამ ჟანრზე ითქვას. ლოგიკური აზროვნების განვითარებასაც უწყობს ხელს. ირეალურ სამყაროში მწყობრი სახე რომ დაინახო, წარმოიდგინე, რამდენად განვითარებული ლოგიკური აზროვნება უნდა ჰქონდეს. ამიტომაც არის, რომ ყველაზე ნაკლებად შეცდომებს მწერალს ფენტეზისა და ფანტასტიკის მოყვარული მკითხველი პატიობს. ამ ჟანრის მოყვარული მკითხველი ბევრად უფრო მკაცრი და მომთხონია.

- თქვენი საყვარელი ნაწარმოები ან ავტორი ფანტასტიკის ჟანრში?

- ფენტეზის ჟანრში ყველაზე მეტად ჩემთან ახლოს არის - ურსულა ლე გუინი. მიყვარს ეს მწერ-

ალი, მაინტერესებს რას წერს. მიყვარს ფრენკ ჰერბერტი და „დიუნა“; კინგის „ბნელი კოშკი“. როდესაც ამ სერიის პირველი წიგნი წავიკითხე, სადღაც 20 წლის წინ, ძალიან მომეწონა. გამოდიოდა შემდეგი წიგნებიც და სიამოვნებით ვკითხულობდი. იმ პერიოდში კინგი ავარიაში მოყვა და „ბნელი კოშკის“ მოყვარულები, ლამის სადღეგრძელოსაც ვამბობდით, ღმერთო გადაარჩინეო, რომ მომდევნო წიგნი დაეწერა. ყველაზე მეტად ამ წიგნში სხვადასხვა ჟანრების - ფენტეზისა და ჰორორიც სინთეზი მომწონს.

- ამ ეტაპზე რას საქმიანობთ?

- ვწერ და თან სკოლაში ქართულ მითოლოგიას ვასწავლი, ასევე შემოქმედებითი წერის გაკვეთილებსაც ვატარებ. რაც შეეხება ფენტეზის, როგორც უკვე აღვნიშნე, ვწერ წიგნს, რომელსაც „მთვარის შვილობილები“ ჰქვია. ნახევარზე მეტი დაწერილი მაქვს. ფინალისკენ მივდივარ.

- სკოლაში ბავშვებს, ალბათ, ძალიან ბევრ საინტერესო ამბებს უყვებით?

- კი, ბავშვებს ძალიან უყვართ ამბების მოსმენა. ხშირად მეუბნებიან, რომ ჩემგან კარგი ბებია დადგება, რადგან ძალიან ბევრი საინტერესო ამბავი ვიცი და საინტერესოდაც ვყვები. მე და ჩემი მოსწავლეები ავირჩევთ ხოლმე რომელიმე მითოლოგიურ ან ზღაპრულ პერსონაჟს და ერთმანეთს მასზე გამოგონილი ზღაპრებითა და მოთხრობებით ვეჯიბრებით. კვირაში თითო ამბავს იგონებენ, შემდეგ ერთმანეთს უყვებიან, მსჯელობენ, რა მოეწონათ და რა - არა, როგორაა გამოყენებული ფოლკლორული მასალა, რა დაუმატა ავტორმა, დაარღვია თუ არა ტრადიციულობა.

- ამ ბოლო პერიოდში ძალიან პოპულარული გახდა ფანტასტიკის ჟანრის ტელე-სერიალები, რომელს მათგანს უყურებთ?

- ვკითხულობ და ვუყურებ „სატანტოთა თამაშებს“. მარტინმა ახალი სიტყვა თქვა ფენტეზიში ისტორიული ელემენტების ნატურალური გადმოცემით და გმირების ხასიათების წინ წამოწევით გაამრავალფეროვნა ეს ჟანრი, თუმცა ფენტეზისთვის დამახასიათებელი ბევრი ელემენტი უკან გადაიტანა, რეალურთან დამსგავსების გამო. საინტერესო სინთეზი გააკეთა. სამყაროს ალტერნატიული ისტორიაა.

- პროექტ ინსომნიას შესახებ რას იტყვით?

საქართველოში ჟანრული პროზის განვითარებისთვის ამ პროექტს დიდი მნიშვნელობა აქვს. პროექ-

ტი შედგა, ფაქტია. სამივე კრებული ძალიან საინტერესოა, თუმცა ბევრად გამიხარდება, ავტორებმა შემდეგაც რომ გააგრძელონ ამ ჟანრში წერა. თუმცა, ისიც ვიცი, რომ ძნელია და ბევრ მუშაობას მოითხოვს.

- თქვენი სამომავლო გეგმები როგორია?

- ძალიან მინდა ოდესმე ლურჯი სუფრა მოვხატო. ისე არა, როგორც ახლა ხატავენ ბატიკით, ან ხელით, არა, ცვილით, როგორც ეს ჩემს წიგნშია. რამდენიმე წლის წინ, კავკასიურ სახლში ლურჯი სუფრების გამოფენა იყო, იმ გამოფენიდან როდესაც გამოვედი, დავინახე, სანთლებიდან ჩამოღვენილი ცვილით როგორ მოხატა სუფრა მოცეკვავე ქალმა, მაშინვე მივხვდი, რომ ამაზე წიგნი უნდა დამეწერა. მაშინ სამყაროსა და სიუჟეტზე წარმოდგენა არ მქონდა. მხოლოდ ამ სცენას ვხედავდი და წიგნიც „ლურჯი სუფრის მოცეკვავე“ მის გარშემო აეწყო. „ლომებს“ რომ ვწერდი („როცა ფრთოსანი ლომები დაბრუნდებიან“), ვხედავდი, ხე როგორ გადაიქცეოდა ლომად და ლომი როგორ გადაიქცეოდა ხედ და სიუჟეტიც ისე განვაკვირებდი, რომ ამ ამბავამდე მივსულიყავი. მგონი, კითხვიდან გადავუხვებ. ისევ მომავალსა და გეგმებს მივუბრუნდები. ზუსტად ვიცი, სამი წიგნი რომ დასაწერი მაქვს. როცა ერთ წიგნს ვასრულებდი, ასე ერთ თვეს ვისვენებდი და ახალს ვიწყებდი. ვფიქრობ, „მთვარის შვილობილების“ დასრულების შემდეგ ცოტა მეტი დავისვენებ. თუმცა, ისიც გასათვალისწინებელია, დრო სწრაფად მიდის და უნდა ვიჩქარო.

წერა ძალიან დიდ ენერჯიას მოითხოვს. „ნისლებში და ნისლებს მიღმა“ რვა თვეში დავწერე. ყოველდღე, 6-7 საათი ვმუშაობდი. საშინლად დავიღალე,



რომ დავასრულე ერთი- თვე ფეხზე ვეღარ ვდგებოდი. ძალიან ბევრი ემოცია ჩავდე შიგ. რაც დრო გადის, უფრო ხვდები, როგორ წერო ისე, როგორ გადაანაწილო დრო, რომ ნაკლებად დაიღალო.

- რამეს ხომ არ დაამატებდით?

- წარმატება მინდა ვუსურვო ჟურნალ „ფანტასტს“ და მადლობა ამ ინტერვიუსთვის.



**ქართული  
ფანტასტიკის  
არქივიდან**

*1887 წლის 12 დეკემბერს გაზეთ "ივერიაში", ფსევდონიმით "ღონ იაკო", გამოქვეყნდა იაკობ მანსვეტაშვილის ფელეტონი, რომელსაც პირველი ქართული ფანტასტიკა შეიძლება ეწოდოს.*

**იაკობ მანსვეტაშვილი**

**უხსოთა შორის**

რომელ წელს, არ მახსოვს, ამერიკელებმა, უამერიკელებოდ ზომ ახალი არა იქნება-რა, განიზრახეს მთვარეზე ასვლა და იქაური ამბების შეტყობა. მსწავლელები დიდი ხანია ლაპარაკობენ, რომ მთვარე ისეთივე ქვეყანაა, როგორც ჩვენი ცოდვილი დედამიწა და, მამასადაძმე, იქაც უნდა ადამიანი იყოსო. ამერიკელებმაც ამის გაგება განიზრახეს: საკუთარის თვალთ უნდოდათ დარწმუნებულიყვნენ, - მართალია, რასაც მსწავლელები ამბობენ, თუ არაო. განიზრახეს ეს და შეუდგნენ საქმესა. გააკეთეს ზარბაზანი, რომლის ლულასაც სიგრძე ერთ ვერ-

სტამდე ჰქონდა და სიგრძის გვარადვე სიგანეც. ამ უზარმაზარ ზარბაზანს შესაფერი ყუმბარა მოუმზადეს, ყუმბარაში ჩასვეს კაცი. ამ ყუმბარით გატენეს ზარბაზანი, დაუმიზნეს მთვარეს და დაცალეს. დაცალეს და უყურებენ ღურბინდებში, აბა რას იზამს ყუმბარა, მთვარეზე დეეცემა, თუ არაო. მაგრამ შენს მტერს, რომ ამერიკელები პირში ჩალა გამოვლებულები დარჩნენ. ყუმბარა მთვარესთან მივიდა ახლო და გაჩერდა, თითქოს ჰაერში დაეკიდაო. დარჩა ესე, ვეღარც მთვარისკენ წავიდა და ვეღარც დედამიწისკენ წამოვიდა... მიხვდნენ ამერიკელები თავის შეცდომას, მაგრამ რალას უშველიდნენ. თურმე ნუ იტყვიოთ, ცოტა ანგარიშში მოტყუებულიყვნენ და ზარბაზანი პატარა დეეჭირათ. რა მოუვიდა იმ კაცს, რომელიც ყუმბარაში ჩასვეს, დღესაც არ იციან. ამბობენ, ამერიკელები მთელის "ექსპედიციის" გაგზავნას აპირებენ ამ კაცის საძებნელად და მთვარეზე ასაგზავნელადაცაო. მაგრამ ჩქარა იქნება ეს ამბავი, თუ არა, და როგორ მოახერხებენ ამასა, ამისი არა ვიცი-რა. მხოლოდ იმას-კი ვიტყვი, რომ ტყუილუბრალოდ გაირჯებიან, რადგან ერთმა ჩემმა მე-



გობარმა დაასწრო ამერიკელებს და მთვარეზე ავიდა კიდეც და ჩამოვიდა კიდეც. მერე რომ იცოდეთ, რა ადვილი საქმე ყოფილა ამ მთვარეზე ასვლა-ჩამოსვლა, სწორედ გაგიკვირდებათ... მაგრამ, ჯერ ნება მომეცით, ერთი ორიოდ სიტყვა ვთქვა ჩემ მეგობარზე და გაგაცნოთ...

\*\*\*

საოცარი, უცნაური კაცი იყო ჩემი მეგობარი. ერთ საღდაც მიყრუებული ქუჩაში და უფრო მივარდნილ სახლში სცხოვრობდა, თავისთვის მარტოდ-მარტო. თითონ არავისთან დაიარებოდა და იმასთანაც ბევრი არავინ მიდიოდა. იჯდა ჩაკეტილ სახლში და რაღასაც ჩხირკედლეობდა, რაღასაც ჰნაყავდა, ლესავდა, რაღაც აბებს აკეთებდა. ექიმობას სწავლობდა ერთ დროს ძალიან ერთგულად და მაშინვე ასეთი ჩხირ-კედელაობა უყვარდა. მარტობამ თავის ბეჭედი დაასვა ჩემს მეგობარს. ყველას ერიდებოდა, ლაპარაკი ეზარებოდა, თითქოს სიტყვა თითო ოქროდ უღირსო. მებრალებოდა ჩემი მეგობარი, მაგრამ მაინც მეც იშვიათად დავიწყე იმასთან სიარული, ვატყობდი, რომ ჩემი მისვლა აწუხებდა. გაიარა კარგა ხანმა. გამახსენდა ჩემი მეგობარი. ვთქვი, წავალ, ვნახავ, ხომ არა დაემართა რამ-მეთქი. მივედი. ვხედავ, ჩემს მეგობარს ვარს შემოუგროვებია რაღაცა ძველი წიგნები და ისეა გართული კითხვაში რომ თითქო ამ ქვეყანაზე აღარ არისო. სახე როგორღაც შესცვლოდა, გამხდარიყო, ყვითელი ფერი დასდებოდა.

- გამარჯობა, კაცო! რას ჩასჩერებიხარ მაგ წიგნსა, ხომ არსად მირბის. გეფიცები, არც მე წავართმევ...

- ოჰ, შენა ხარ... რომ იცოდე რა გავიგე ამ წიგნიდამ.

- ჯერ არ მეტყვი, რა წიგნია? - მაგრამ იმის პასუხს აღარ დავუცადე და მე თითონ გადავხედე წიგნებსა. ძველი კარაბადინები იყო.

- მერე რა ნახე მაგ წიგნში გასაოცარი? - ვკითხე კიდეც ჩემს მეგობარს, რომელიც ისევ წიგნს ჩასჩერებოდა.

- რა და ისა, რომ მთვარეზე ასვლა ადვილი მოსახერხებელი საქმე ყოფილაო. - სთქვა ესა და აღელვებული, აბრიალებული თვალები შემომამტერა. ამ სიტყვებზე ცოტა შეეკრთი. ვიფიქრე, საწყალი, სწორედ ჭკუაზე შერყეულა-მეთქი. იმის თვალბმაც, ცოტა არ იყოს შემაფიქრეს, მაგრამ თავი შევიმაგრე, გულში დანაბადი აზრი გულშივე ჩავიკალ და დამშვიდებულმა ვკითხე ჩემს მეგობარს:

- საიდუმლოა, თუ შეიძლება, მეც გავიგო, როგორ უნდა მთვარეზე ასვლა?

- აი, ჯანილოზი რას ამბობს?

- ეგ ჯანილოზი ვილაა?

- როგორ? არ იცი, ჯანილოზი ვინ არის?

- გულის წყრომით მითხრა ჩემმა მეგობარმა, გადაშალა რამდენიმე ფურცელი და წამიკითხა: "ბრძანებითა ღვისათა ჯანილოზ ექიმი და ფილოსოფოსი კაცი ვინმე იყო, რომ საცა გაიარა და რაც ხე და ბალახი ნახის, ყოველმან ხემან და ბალახმან ენა ამოიდგას, ჯანილოზ ექიმს ხმა გასცის და უამბის თუ ბრძანებითა და შეწვევითა ღვთისათა, მე ეს-და-ეს სახელი მქვიანო და ამა-და-ამ სენისა და ჭირის მკურნალი წამალი ვარო"

მე გულწრფელად ვაღიარე ჩემი შეცოდება, რომ აქამოდდე არ ვიცოდი სახელი "ასეთის ექიმისა და ფილოსოფოსის ვინმე კაცისა" და მხოლოდ ამის კითხვა-ლა გავბედე:

- ძალიან კარგი, მწამს, რომ ჯანილოზი გულთამხილავი, ჯადოსანი კაცი ყოფილა, მაგრამ მთვარეზე წასვლასთან რა საქმე აქვს ჯანილოზის გულთამხილაობას?

- - ყური დამიგდე, -აი, ჯანილოზი რას გვასწავებს, - და ჩემმა მეგობარმა კვლავ განაგრძო კითხვა:

"მერცხალი რომ პირველად ჰნახოთ, მარჯვენა ქუსლზე სამჯერ შემოტრიალდით. ამ ქუსლის ალაგას მოთხარეთ. ამ ნათხარში ერთი ნატეხი ნახშირი იქნება. ის ნახშირი წმინდად დანაყეთ და გამტკიცეთ. გადით ქალაქს ან სოფელს გარეთ საღამოზედ. ნახირი რომ მოდიოდეს წინ წადით: - ფურისა ან ხარის ორსავ რქას შუა ალაგას ერთი კაცი გამოჩნდება, იქ იჯდება. კაცს თავზე ქული ეხურება, - ქული მოჰხადეთ, შუაზე ხელი მოუჭირეთ, მალე გაიქეცით და უკან არ მოიხედოთ. კაცი თან სირბილით, ყვირილით მოვა შენთან ქულის გამოსართმევად ნუ მისცემ. მაშინ შენ რაც იმასა სთხოვო, ავისრულებს, ოღონდ თავისი ქული უკანვე დაიბრუნოს"

- ეგ ქული სწორედ ნატერის თვალი ყოფილა. მერე, სცადე, მართალი გამოდგა? - ვკითხე მე სიცილით.

- ტყუილადა იცინი, - ითაკილა ჩემმა მეგობარმა, - მე ვცადე და ბევრი ნატერაც ამისრულდა. აი ეს-ლაც მთვარეზე ასვლა მინდა ვცადო.

მე ცოტა შიშმა გამიარა გულში: ღმერთი არ გაუწყრეს ამ ჩემს მეგობარს და ჩემზეც არ სცადოს, მთვარეზე არ გამისტუმროს-მეთქი. დეე, ისევ თვი-

თონ გაისეირნოს მთვარეზე, თუ ასე მოსწონს შორი მოგზაურობა! - ვთქვი ჩემს გულში და მაშინვე შინისკენ გამოვეშურე.

\*\*\*

ერთი ორი თვე ამის შემდეგ ჩემი მეგობარი აღარ მინახავს. ერთს დღეს კიდევ მოვიგონე და წავედი სანახავად. მივედი, შინ დამხვდა. ჩემი მეგობარი სრულიად გამოცვლილა: სახე უცინის, თვალები უბრწყინავს.

- სადა ხარ, კაცო ეგრე როგორ დამივიწყე? - მომეგება კარებში.

- რა ვიცი, შორს აპირებდი წასვლას და არ მეგონა, თუ ესე მალე დაბრუნდებოდი... ჰო, მართლა, მთვარეზე ასვლის საქმე რითი გაათავე?

- ვიყავი და აი კიდევ მოვედი... - როგორ? ეგრე მალე! განა მთვარე ეგრე ახლოს ყოფილა? ნუ ხუმრობ!

- ხუმრობა რა პასუხია! - გამიტრიზავა ჩემმა მეგობარმა სიტყვა: - ტყუილად დასცინოდი ჯან-ილოზის "ქუდსა". ერთ საღამოს ვიჯექე ჩემთვის და მთვარეს შევყურებდი. ვიფიქრე, მოდი გავბედავ და ჩემს "ქუდს" ვეტყვი მეთქი: "ნეტავ ახლა ამსო, დამსო და ზედ მთვარეზე კი შამსო" ვერ გავათავე ამის თქმა, რომ ვხედავ, ზევით-ზევით მივდივარ, ცოლვილს დედამიწას ვმორდები; დედამიწა თან-და-თან, ილევა, სულ პატარად და პატარად მეჩვენება. ბოლოს, მთვარეს, როცა სრულიად მივუახლოვდი, დედამიწა პატარა ვარსკვლავით-ლა ბჭუტავდა...

ერიჰაა, ძალიან შეტოპა ჩემმა მეგობარმა-მეთქი, გავიფიქრე, და მინდოდა სიტყვა შემეწყვიტინებინა... თქვენც ნუ მომიკვდებით! იმან მე ყურიც აღარ მიგლო და განაგრძო თავის მოგზაურობის ამბავი. სწორედ მთვარის საქმეა-მეთქი! სად ჩემი მეგობარი და სად ესეთი ენის ამოდგმა... ეტყობა, მთვარეს ასეთი თვისება ჰქონია, რომ მუნჯსაც-კი აალაქლაქებს-მეთქი, - ვთქვი ჩემს გულში, გავჩუმდი და სმენად გადავიქეცე. ჩემი მეგობარი-კი განაგრძობდა.

- მივუახლოვდი მთვარეს... სტყუვიან ჩვენი პოეტები და გულ-უბპრყვილო, გრძნობა აღელვებული ქალები, მთვარეს რომ მისჩერებიან და გულის ოხვრით შესტრფიან: "ახ, ნაზო, ბადრო მთვარეო!" - ჩემს მეგობარს ძღერა სძულდა პოეტები და ქალები, რომელნიც მთვარეს შესჩივიან და შესტირიან... რა ნაზი, რა კეკლუცი! მთვარეზედაც ისეთივე ხმელეთი და წყლებია, როგორც ჩვენს დედამიწაზე. მგონი, ხმელეთი-კი უფრო მეტია, ვიდრე წყლები. დიდრონ ზღვებზე გემ-ხომალები დაიარებიან. მთები ჩვენს

კაკკასიის მთებს არ ჩამოუვარდება. მთის წვერებზე თოვლი სდევს. ძირს თვალ-გაღწევიანი ველ-მინდვრებია გაშლილი. ტყეებიც ბევრია. მინდვრებზე ყანებს ბიბინი გააქვთ, გაცხარებული მუშაობაა. - ის-კი ვერ გავიგე კარგად, რას უფრო სთესავენ იქა. - სოფლებიც ბევრი ვნახე, თუმცა ისე ხშირად-კი ვერ შეხვდებით სოფლებსა, როგორც ჩვენში. ცარიელი ადგილი ბევრია. - ეტყობა, მუქთად მიწის დარიგება მთვარეზე არა სცოდნიათ, რადგან ბოლოს გავიგე, რომ მიწა იმას ეკუთვნის, ვინ აკეთებსო" კარგი წესი ყოფილა.

\*\*\*

დავეშვი დედამიწაზე, ე.ი. მთვარეზე, - განაგრძნობდა ისევ თავის ლაპარაკს ჩემი მეგობარი: - მაგრამ აი საკვირველებავ! ფეხი ვერ დამიკარებია მიწაზე, ისე მსუბუქადა ვგრძნობ ჩემს თავსა, თითქოს ცაში გაფრენას ვაპირებ-მეთქი. ვიყურები აქეთ-იქით, ყველა კარგად დაიარება... ვხედავ, დიდრონი სახლებია, ქუჩები სუფთად არის შენახული და პოლიციელებიც თავ-თავიანთ ალაგასა დგანან. მინდა, ფეხი მაგრა მოვკიდო, გამოვკითხო, გავიგო რამე. მაგრამ - რას ვამბობ - მივრბივარ და რა მივრბივარ, ცხენი ვერ დამეწევა. - რამდენი ქალი და კაცი გავიტანე. შევხელო, რაღაც ყვირილი და სტვენა მომესმა. მოვიხედე, - პოლიციელებს კალთა აუკრეფიათ, მამდევენ და იძახიან: დერჟი, დერჟი, ეგო"! პოლიციელები იქაც ისე არიან როგორც ჩვენში, - ვთქვი, ეს არის ღმერთი გამიწყრა და ხათაბალაში გავებმევი-მეთქი. საუბედუროდ ისე უცბად მომიხდა მთვარეზე ასვლა, რომ თბილი ტანსაცმელიც დამავიწყდა, თორემ ბილეთს ვილა მოიფიქრებდა. არაფერი სასიამოვნო იქნებოდა, რომ დავეჭირეთ და უბილეთოთ ვენახეთ: - ვინ იცის, იქ რა სჯული და ჩვეულება აქვთ. ვიფიქრე, აქ ერთს უბედურებაში არ გავებამეთქი, და რაც შემემლო, ჩქარა გავიქეცი. მოვიხედე, - სადაა თვალითაც აღარავინ ჩანს. გავედი ქალაქ გარეთ. სირბილისაგან გული ამომვარდა, სულს ძლივს ვიბრუნებდი. გზის პირას ერთი დიდი ბაღი დავინახე. შევედი, ერთ ხეს წავეჭიდე და ფეხი ცოტად მოვიმაგრე; სული მოვიტრიალე. ვხედავ, -ერთი კაცი მოდის შემკენ. ისეთი ზაფრანის ფერი ელო, თითქოს ციებ-ცხელება სჭირებია და ეს არის ლოგინი დამ ამდგარო. მაგრამ ეს კაცი ისე ყოჩაღად მოდიოდა ჩემძენ, როგორც კარგი მაგარი, ჯან-მრთელი კაცი. მივიხედე-მოვიხედე, - ყველაფერს ასეთი მოყვითალო ფერი ადევს. მაშინ მომაგონდა, რომ მთებსა და წყლებსაც ესეთი, რაღაც მოყვითალო ფერი გადაჰ-

კრავდა. - ამიტომ თუ მოჩანს მთვარე ჩვენის დედამიწაში მკრთალი და ნაზი. მოვიდა თუ არა ახლოს ეს კაცი, ქუდი მომიხადა, დაბლა თავი დამიკრა და მითხრა: "გამარჯობა!" გაგვიკვირდა. ამ კაცს მთვარეზე ქართული ვინ ასწავლა-მეთქი. - სადაური ხარ კაცი? - ვკითხე გოცებით. - აქაური, ბატონო, იმერეიდან ვარ გადმოსული. - მერე ამ სიშორეზე რამ წამოგიყვანა? - რას იზამ, ბატონო, სიღარიბემ სული ამომხუთა, იქ მიწა, მოგეხსნებათ, ნაკლებად არის და აქ-კი, მაღლობა ღმერთს, ბლომადაა. შენი სახელი? - კიკოლიკა, ბატონო! - დუქნები არის აქა? - როგორ არა, ბატონო, აი, აქვე ახლოს ოსეფას დუქანია. - სომეხია? - დიახ. - დიდება შენთვის, ღმერთო, - გავიკვირვე, აქაც მოუგვნიათ-მეთქი.


გული არ მისვენებდა, უთუოდ ოსეფას დუქანის ნახვა მინდოდა. რადგან მარტო სიარულს ვერა ვბედავდი, კიკოლა წავიყვანე თან. მივედით დუქანში. შევხედე, - ერთი გაბლინძული, ღიპიანი კაცი ღვას დუქანში და ვილაცხასაც ელაპარაკება. მივესალმე, - ზრდილობიანად თავი დამიკრეს. ერთს გაზეთი ეჭირა ხელში. ოსეფა და იმის ნაცნობი ქართულად ლაპარაკობდნენ. ვთქვი, სწორედ "შშაკის" რედაქტორის სუხნი არ უნახავთ, თორემ ქართულად ლაპარაკს ვერ გაჰბედავდნენ-მეთქი. ყური მოვკარ "ზონელის" სახელს. - "არმაგანსკისა" და "შშაკის" ამბავი იცით-მეთქი? - ვიკითხე, რადგან ვიფიქრე, რომ თუ ზონელის სახელსა ახსენებდნენ, ამის გამო ახსენებდნენ. როგორ მოგწონთ? განა დიდი გმირობაა, მთელი ერი დედამიწის ზურგთან გაასწოროს კაცმა? - თითონ ჩვენის დევ-გმირობის ნაწერები კი არ წავგვიკითხავს და აი, ზონელის წერილი კი წავიკითხეთ. კალამი უკურთხოს ღმერთმა. კარგები კი მოსცხო! კარგი პატიოსანი ქართველი ყოფილა. სირცხვილი იქაურ სომეხებისთვის, ხმა ვერავინ ამოიღო, ისევ ქართველი გამოგვესარჩლა. - მეც ქართველი გახლავართ და უნდა მოგახსენოთ, რომ ბ-ნი ზონელი მართლად და პატიოსნად ლაპარაკობს, მხოლოდ ერთში-კი არ ვეთანხმები: სცდება, რომ ვაჭრებს ხელს აფარებს და ათეთრებს. მართალია, ვაჭრებშიაც მოიპოვება თითო-ოროლა მართალი კაცი, მაგრამ რაო. განა სოლომ და გომორში-კი არ იყო მართალი და ღვთის მსახური ლოთი? მაგრამ ღმერთმა ცეცხლით აღმოფხვრა და წყლით წარდგნა სოლომელები. - მეც, ბატონო, ვაჭარი გახლავართ, - გულ-ნაწყენად მითხრა ოსეფას ნაცნობმა. მთელ მთვარეზე იკითხეთ ჩემზე ცუდს არავინ იტყვის.. ის იო დავაპირე კიდევ რიდასიც კითხვა რომ დუქანში პოლიციელი შემოვიდა,

ხელში ერთი დიდი კონა ქალაქები ეჭირა. დახედე, - სწერია: "დაბეზლების ქალაქი", და ქვემოთ - ქუთაისი. ერიჰაა, სწორედ ცუდად არის-მეთქი საქმე! იქნება ჩემი ამოსვლა გაიგეს და "დანოსი" ზედ მომაყოლეს? პოლიციელი წელანდელსა ჰკვანდა, უკან რომ მომდევლა: ცოტა არ იყოს, ეჭვის თვალთაც მიყურებდა. შემეშინდა, ხელი არა მტაცოს-მეთქი. მაგრამ მე დავასწარ, - კიკოლას ხელი გამოვტაცე, ერთი კი დავუძახე: მშვიდობით-მეთქი და გამოვარდი გარედ... ჩემი მეგობარი გაჩუქდა და ჩაფიქრდა. - მერე? ვკითხე ჩემს მეგობარს, - სხვა მაგის მეტი ვერა ნახე-რა მთვარეზე საყურადღებო? - სხვა ლაპარაკად არა ღირს. იქაც ისევ ის არის, რაც ჩვენში... მთვარე-კი არა, და აი, სხვა ვარსკვლავებზე უფრო უცნაურ და საოცარს ამბებს ლაპარაკობენ მეცნიერები. ეხლა იქ ვაპირებ წასვლასა და თუ ეს მოხერხდა - რომ მოხერხდება, ამის ეჭვი არა მაქვს, - მაშინ ბევრ კარგს და საოცარ ამბებს მოგიტან.

1887



იაკობ მანსვეგაშვილი (დ.1855 - გ.1939) — ქართველი ქურნალისტი, მწერალი და საზოგადო მოღვაწე. დაამთავრა თბილისის სასულიერო სემინარია, სწავლობდა პეტერბურგის უნივერსიტეტის საბუნებისმეტყველო ფაკულტეტზე. 1886-1890 წლებში იყო გაზეთ „ივერიას“ თანამშრომელი. წერდა ფელეტონებს, კრიტიკულ წერილებს, რეცენზიებს, პატარა მოთხრობებს. იყო „ქართველთა შორის წერა-კითხვის გამავრცელებელი საზოგადოების“ მდივანი.



## ედღიშერ ყიფიანი

### ღროთა კავშირი

- ლევან!
- გისმენთ!
- სად ხარ?
- კაბინაში.
- ახლა შეხვედი, თუ...
- არა, მეძინა.
- ჩემი განცხადება არ მოგისმენია?
- რა მოხდა?
- შეგიძლია სარკეში ჩაიხედო და გაკოხტავდე. ექვსი საათის შემდეგ მზის სისტემაში ჩავყურყუმელავლებით. შემოდი ჩემთან, ყველანი აქ არიან.
- ცოტა შეუძლოდ ვარ.
- ექიმი და შეუძლოდ? სადა ხარ, ვერ გხედავ! მე სკამიანად შემოვბრუნდი, რომ ტელევიზორის გადამცემ კამერას დავენახე.
- სკამზე გეძინა? - ჩაიცინა კაპიტანმა. - დედამიწაზე ნახევარი წლის შვებულება გელოდება!
- უკვე გაველი შვებულებაში, - წავეხუმრე მეც. კაპიტანი აშკარად მალიზიანებდა. ჩემს კაბინაში არ იღვა ტელეეკრანი, მე ვერ ვხედავდი კაპი-

ტანს, მაგრამ ვგრძნობდი, რა ეშმაკურად ჭუტავდა თვალებს. მთელი მგზავრობის მანძილზე დღეს მეორედ დადგა ხუმრობის გუნებაზე. პირველად მაშინ გაიღმა, როდესაც ჩვენმა კოსმოსურმა ზომალდმა თითქმის ნახევარი გზა განვლო სირიუსამდე და უკან გამობრუნება იწყო. მაგრამ მხოლოდ დედამიწასთან მიახლოების გამო უხარია კაპიტანს? იმიტომ დადგა კარგ გუნებაზე, რომ მშვიდობიანად ბრუნდება შინ? რომ უკან დარჩა სიკვდილ-სიცოცხლის ბეწვის ხიდზე სიარული, ორი გრძელი კოსმ??ური წლის სამარისებური სიჩუმე და წყვდიადი? რა თქმა უნდა, ესეც ბედნიერებაა, კოსმ??ური მგზავრობიდან კი არა, სამსახურიდან რომ შინ ბრუნდები მშვიდობიანად, იქნებ მაშინაც უნდა გიხაროდეს კაცს. მაგრამ მოხუც კაპიტანს სულ სხვა მიზეზი აქვს ხუმრობის და, საერთოდ, კარგ გუნებაზე ყოფნის; მან კიდევ ათი წელი გამოსტაცა სიკვდილს, ზუსტად ათი წელიწადი.

იგი 186 წლის წინათ დაიბადა შავი ზღვის სანაპიროს პატარა სოფელში. ოცდასამისა, როდესაც პირველად გაფრინდა პროციონისკენ, შვიდი წლის ფრენის შემდეგ დაბრუნდა დედამიწაზე და არც ერთი მისი ტოლი ცოცხალი აღარ დახვდა. ეს კაპიტნის მეთერთმეტე და, როგორც თვითონ ამბობს, უკანასკნელი მგზავრობაა სინათლესთან მიახლოებული სიჩქარით. "თუ მშვიდობიანად დავბრუნდით, ცისკენ აღარც

ავიხედავ, დადგა ჟამი ჩემი მიწისქვეშ მგზავრობისაო", მაგრამ ჯერ აღრეა მისთვის სიკვდილზე ფიქრი, კაპიტანი კოსმოსის შვილია, დედამიწაზე სტუმრად ჩამოდის ხოლმე. 71 წლის გახდებოდა ახლა დედამიწაზე რომ დარჩენილიყო, მაგრამ გამოფრინდა და კიდევ ათი წლის სიცოცხლე ჩაიჯობა.

ისე ვბუზღუნებ და ვუსაყვედურებ, თითქოს მე წამართვა ის ათი წელი. არ ვიცი, რატომ ვარ ცუდ გუნებაზე, მეც ხომ უნდა მიხაროდეს, მეც ხომ ახლა კაი 41 წლის ჭადაროსანი ვიქნებოდი, სიცოცხლის ნახევარი გავლილი მექნებოდა. რა ჩახლართული მანქანაა ადამიანი; სხვას კი არა, ხანდახან საკუთარ თავსაც ვერაფერს გაუგებ. ვითომ მოწოლილ სევდას ვეღარ ვუძლებ, ვითომ საშინლად დამჩაგრა ამ მგზავრობამ. დამავალეს, თორემ სურვილით როგორ წამოვიდოდი, ცარიელ ოთახში ვილაც არარსებულისა და უჩინარის წინაშე თავს ვიკატუნებ, რა გამოცნობა ამას უნდა; რეპეტიციას გავდივარ, რომ ცოლის წინაშე შეძრწუნებული ქმრის როლი ვითამაშო იქ, კოსმოდრომზე, რაკეტის დაშვებისას.

"ექსპერიმენტული კოსმოსური ხომალდი-ლაბორატორია "ციცარი-7", 2206 წლის 30 ნოემბერს სტარტს აიღებს კავკასიონის მეხუთე კოსმოდრომიდან, — აცხადებდნენ გაზეთები ჩვენი გამოფრენის წინ, — ექსპერიმენტის მიზანია: 1) ცხოველთა ანაბიოზურ მდგომარეობაზე დაკვირვება. 2) სელექციონური ქლორელის გამოცდა ხომალდის ეკოლოგიური სამყაროს გასაუმჯობესებლად. "ციცარი-7"-ის საშუალო კოსმოსური სიჩქარე — 240.000 კმ წამში. მოგზაურობის ხანგრძლიობა დედამიწის კალენდრით — ხუთი წელიწადი, ხომალდის კალენდრით — სამი წელიწადი".

კოსმონატებს ისეთი შორეული ვარსკვლავები ჰქონდათ ამოღებული მიზანში, რომ მიუხედავად დიდი სიჩქარეებისა, ადამიანის ერთი სიცოცხლე აღარ ეყოფოდა გაფრენისა და უკან დაბრუნებისთვის. სწორედ ამიტომ გახშირდა ბოლო დროს ჰიპოთერმული ექსპერიმენტები. ჩვენი ოთხფეხა თანამგზავრებიც ახლა ანაბიოზში არიან, ორას გრადუსამდე გაყინულ მათს სხეულში სიცოცხლის არავითარი ნიშანწყალი არ მოიძებნება, ბიოლოგიური პროცესები დაკონსერვებულია, ამ ორი წლის ფრენის მანძილზე ძაღლები ერთი წამითაც არ დაბერებულან. ასევე უცვლელი დარჩებიან ისინი 400-500 წლის განმავლობაში, თუ, რა თმა უნდა, არავინ გამოაფხიზლებს, საკმარისია სითბოში მოათავსო, რომ გული აუშუშავდებათ, სუნთქვას დაიწყებენ, დაიწყებენ უნებურად.

ჩვენი ხომალდის ბოტანიკოსიც კმაყოფილია ქლორე-

ლის გამოცდის შედეგებით. კიდევ ერთხელ დამტკიცდა, რომ ეს ერთუჯრედიანი მცენარე სავსებით საკმარისია ხანგრძლივი მგზავრობის რაკეტებზე კოსმონავტთა საკვების შესაცვლელად და მიკროატმოსფეროს შესაქმნელად. ერთი სიტყვით, პროგრამის ყოველი მუხლი შეასრულა ჩვენმა ეკიპაჟმა.

მხოლოდ ერთი, ერთადერთი პირობა დაირღვა.

აინშტაინის დროის რელატიურობის ფორმულის მიხედვით, ხომალდის სიჩქარე და ფრენის ხანგრძლივობა ისე იყო შერჩეული, რომ ჩვენთან შედარებით მხოლოდ ორი წლით დაბერდებოდნენ დედამიწის მცხოვრებნი. მაგრამ მაშინ რა ვიცოდი, რას მიმზადებდა ბედი.

სტარტამდე ერთი კვირით აღრე კოსმონავტთა ინსტიტუტის პარკში მოხუცმა კაპიტანმა შემაჩერა. მთელი დღე გეძებო, მითხრა, ხელი მომიკა და საუბარ-საუბრით ხეივანისკენ წამიყვანა. ჩანჩქერთან უეცრად გაჩერდა, თავისკენ მიმაბრუნა და თვალბრუნებით შემომაცქერდა.

— რამდენი წლისაა თქვენი გოგონა?

— ოთხის... რატომ მეკითხებით? — გამიკვირდა მე.

— ცოლი?

— ოცდარვის... რა მოხდა?

— ახლავე მოგახსენებთ... თქვენ?

— მე ოცდაცხრისა ვარ... უარი ხომ არ მითხრეს? — გაფითრდი უეცრად.

— არა. თქვენ ჩემი ყველაზე კარგი კანდიდატი ხართ. მაგრამ ვალდებულად ვთვლი თავს, ერთი საილუმლო გაგანდოთ. მომეცით სიტყვა, რომ ხომალდის მიწაზე დაბრუნებამდე, თქვენი ცოლის გარდა, არავის ეცოდინება ეს.

— ჩემი ცოლის გარდა? — თანდათან მომემატა მღელვარება.

— დიახ. დედამიწაზე მხოლოდ თქვენს ცოლს ეცოდინება...

— სიტყვას გაძღვეთ!

— თქვენს ოჯახს ეხება და ამიტომ გიმჟღავნებთ საილუმლოს. წინააღმდეგ შემთხვევაში...

— გისმენთ!

— მაგრამ მანამდე მინდა გკითხოთ, გიყვართ ცოლი? მაპატიეთ, მაგრამ მე უნდა ვიცოდე ეს.

— მიყვარს... ცხადია, მიყვარს, — დავიბენი ბავშვივით.

— მოგმართავთ, როგორც მამაკაცი მამაკაცს, აქ არაფერია დასამალი. გიყვართ იმდენად, რომ მისმა დაკარგვამ ტკივილი მოგაყენოთ?

— დაკარგვამ?!

- ნუ ღელავთ, ჯერ მიპასუხეთ კითხვაზე!
- მიყვარს, მიყვარს ჩემი ცოლი, მითხარით რა მოხდა?

კაპიტანმა თვალი მომაცილა, ჩიბუხი გააწყო, გააბოლა.

- ფრენის ვადების დარღვევას ვაპირებ, - თქვა მან, - ორი წლით სიცოცხლის მომატება ძალიან ცოტა მეჩვენება, მით უმეტეს, იქნებ ეს უკანასკნელი შესაძლებლობა იყოს ჩემთვის, უკანასკნელი გაფრენა. გამიგეთ, მე ახლა ისე დავკებ სიცოცხლის ზედმეტ წლებს, როგორც ლოთი - ღვინოს. 184 წლის წინათ დავიბადე და ახლა, როგორც არასდროს, მინდა კიდევ დიდხანს ვიცოცხლო. არ გეგონოთ, ვილაც ბებერი სიცოცხლეს ეპოტინებოდეს და შიშის კანკალი ავარდნოდეს მოახლოებულ სკივილზე ფიქრისგან. არა, მე ისე შევეჩვიე მომავალი დღეების და, არა მარტო დღეების, საუკუნეების ნახვას, - დაუკვირდით ამ სიტყვებს. - ისე შევეჩვიე მომავალში ცხოვრებას, ისე გაღიზიანებული მაქვს ცნობისმოყვარეობა, რომ ყურსაც არ გავიბერტყავ, თუ მეტყვიან დღეს უნდა მოკვდეთ, მაგრამ ზვალინდელი დილის ნახვა თუ არ მიწერია, ალბათ, გავგიჟდები. ყოველ დილას მე მიყვარს მომავალი დღის განთიადი, ყოველ საღამოს - მომავალი საღამო. მე არ ვცხოვრობ არც ერთ კონკრეტულ დღეს, რადგან მომდევნო დღეა ჩემთვის ყველაფერი. ეს თითქოს პარადოქსია, მაგრამ ასეა. დარწმუნებული ვარ, ვერ მიმიხვდით, მაგრამ ოდესმე მიხვდებით. შეიძლება ჩემზე მეტადაც მოიწამლოთ ამ სენით, მაგრამ ახლა არა გაქვთ განვითარებული გარდაუვალი ცნობისმოყვარეობის გრძობა, იგი თქვენთვის ჯერ არ ქცეულა მოთხოვნად. შეიძლება გაგეცინოთ და არ დამიჯეროთ, მაგრამ ახლა ადამიანს, როგორც ანატომიურ ინდივიდს, უჩნდება ახალი ორგანო, ცნობისმოყვარეობის ორგანო! დარწმუნებული ვარ, მე იგი უკვე მაქვს, საღვაც, სხეულის სიღრმეში. ახალ ორგანოს კი დაკმაყოფილება უნდა, ისევე, როგორც შიმშილს, წყურვილს... საუკუნეების მანძილზე ისე ხშირად ღიზიანდებოდა ნერვული ბოჭკოები ადამიანის ყოველდღიური, ყოველწუთიერი ცნობისმოყვარეობისგან, რომ ორგანიზმი ევოლუციის ახალ მიჯნამდე მიიყვანა. რა თქმა უნდა, ადამიანებს ძველადაც აინტერესებდათ, როგორ მოეწყობოდა ქვეყანა მათი სიკვდილის შემდეგ, მაგრამ იცოდნენ ისიც, რომ ამას ვერასდროს გაიგებდნენ, და წინასწარ თავს არავინ იკლავდა. ახლა კი... - მოხუცმა აღარ დაამთავრა, გაჩუმდა, მერე ციკად დაუმატა: - მიხვდით, რისი თქმა მინდა? მე თავი დავუქნიე თანხმობის ნიშნად და კაპ-

იტანმა იგრძნო, რომ ვერაფერს მივხვდი.

- ჩვენ ვიფრენთ სინათლის ცხრა მეათედი სიჩქარით, 295 ათას კილომეტრს წამში. ეს "ციცარის" მაქსიმალური სისწრაფეა. პროგრამით კი გათვალისწინებულია ხელოვნურად შენელებული ფრენა. მაგრამ მე დავარღვეე ამ პროგრამას. ორი წლისა და ორი თვის შემდეგ დაებრუნდებით, დედამიწაზე კი ამ ხნის განმავლობაში თორმეტი წელი გაივლის, გაიგეთ, რას გეუბნებით?

- გავიგე.

- ყველა თქვენს ტოლზე ათი წლით ახალგაზრდა ჩამოხვალთ, თორმეტი წლის მერმინდელი დედამიწა დაგხვდებათ. გახდებათ პირწავარდნილი ეგოისტი. აღარც მშობლები, აღარც ცოლ-შვილი, აღარც მეგობრები, მხოლოდ მომავლის შეცნობის დიდი სურვილი. დაავადებით იმავე სენით, ავექვიატებათ გარდაუვალი შიში, ვაითუ, უეცრად გარდაიცვალათ და ვეღარ გაიგოთ, რა იქნება კიდევ ათი წლის შემდეგ, ოცი წლის შემდეგ. და თქვენ აღარასოდეს მოგიხდებათ სიკვდილი, აღარასოდეს, რადგან მუდამ შეგეძლებათ სიკვდილის ვადების გადაწევა. ეს საშინელებაა, საშინელება... იქნებით ისეთივე ბედნიერი და ისეთივე უბედური, როგორც უკანასკნელი ნარკომანი. გესმით, რას ვამბობ?

- მესმის!

- მაინც გამოფრინდებით ჩემთან ერთად?

- მაინც! - ისე ვუპასუხე, თითქოს ვილაც უხილავი მიკარნახებდა.

- თქვენ ოცდათერთმეტი წლისა დაბრუნდებით, თქვენი ცოლი ორმოცი წლის დაგხვდებათ. გამოფრინდებით?

ელდა მეცა. ერთბაშად წარმოვიდგინე ორმოცი წლის თინათინი.

- შეიძლება დაბრუნებისთანავე ერთბაშად შეგბუღდეთ ცოლი, უფრო მეტად კი მას შებუღდებით, როდესაც ჭაბუკსა და სრულიად უცვლელს გნახავთ!

- არასოდეს! - წამოვიძახე მე.

- მოილაპარაკეთ და შემატყობინეთ! - კაპიტანმა მხარზე ხელი დამადო და სწრაფადვე მომაცილა, - ხვალ მთელი დღე კოსმოდრომზე ვიქნები.

იგი შებრუნდა და ჩქარი ნაბიჯით გაჰყვა ხეივანს.

თითქოს მინდოდა დავდევნებოდი და რაღაც მეკითხა, თითქოს მინდოდა თვითონვე აეკრძალა ჩემთვის გაფრენა, არ მოეცა გადასაწყვეტად ეს რთული არჩევანი, რადგან მაშინვე ვიგრძენი, რომ მე არაფერს ვეჭყოდი თინათინს.

მივდიოდი შინისაკენ და ყველაფერი შეცვლილი მეჩვენებოდა. თითქოს ეს პროსპექტი, ხალხი, წიგნის ვიტრინა, ანდა ის გორაკი, ოდესღაც მენახა და ახლა შემთხვევით მომაგონდა, თვალწინ დამიდგა. და იმ წუთში სხვა საგანზე რომ დამეწყო ფიქრი, ეს ქალაქიც, ქუჩაც და გორაკიც, ალბათ, გაქრებოდა, როგორც, საერთოდ მომდევნო ფიქრი აქრობს ხოლმე წინას.

ცდება კაპიტანი, თავს ვიმშვიდებდი მე, თინათინი ყოველთვის მეყვარება, როგორც არ უნდა დამხვდეს, მეყვარება. რა მოხდა, თუ წამძლევეს სურვილი და ათი წლით გავიხანგრძლივებ სიცოცხლეს, თუ მომხიბვლელად მომეჩვენება ჩემი დაბერების ათი წლით შეჩერება, ჩემი ტოლებისკენ, თუნდაც უმცროსებისკენ, დაბრუნებისას ნიშნისმოგებით გადახედვა, განა ეს დანაშაულია?

მაგრამ ვერ გავბედე, ვერ გავანდე კაპიტნის საიდუმლო თინათინს, რადგან იგი უკვე ჩემ საიდუმლოდ გადაქცეულიყო.

ძველი მეომრები და მოგზაურები დიდი ხნით ტოვებდნენ ხოლმე ოჯახებს. წლობით, ხანდახან ათეულ წლობითაც, მაგრამ შორეული ლაშქრობის ველზედაც და სამშობლოშიაც დრო ერთნაირად მიიზღაზნებოდა წინ, ქარიშხლიან ოკეანეებშიც და მიტოვებული ოჯახის კერიასთანაც მზე თანაბრად ერეკებოდა ციფერბლატებზე საათის ისრებს. მეომართან და მოგზაურთან ერთად ბერდებოდა დედამიწა, საკუთარი ცოლიც და შვილიც. მეომარი ამაყობდა ჭრილობებისგან დამახინჯებული სხეულით, მოგზაური – განსაცდელთან ბრძოლაში შეჭარადავებული თმით.

მე კი დავბრუნდებოდი ახალგაზრდა, სიცოცხლით სავსე, ისევ ძველებური სიხალისე, ისევ წინანდელი ძალღონე და სილამაზე შემრჩებოდა. და მერე ჩემზე იქნებოდა დამოკიდებული: შემძღლო მუდამ ახალგაზრდა დავრჩენილიყავი, მუდამ, მთელი სიცოცხლე.

თინათინმა და ნაიმ, ჩემმა ოთხი წლის ქალიშვილმა, კოსმოდრომზე მომაცილეს. სტარტამდე კიდევ სამი საათი იყო დარჩენილი, მაგრამ ეკიპაჟის წევრები ექსპედიციის კომისიის წინაშე უნდა გამოვცხადებულეყავით.

თინათინი უცხოსავით უხერხულად გრძნობდა თავს გამომშვიდობებისას. ხშირ-ხშირად იყურებოდა საათზე, იქნებ იმ დროზე ფიქრობდა, როდესაც ისევ აქ, კოსმოდრომზე დამხვდებოდა ჩემი დაბრუნებისას. თითქოს ახლავე ემინოდა, არ დაგვიანებოდა მოსვლა, ალლო შეუმცდარად ატყობინებდა, რომ რაღაც საგანგაშო ხდებოდა და, რომ ეს საშიშროება დროსთან

და დაგვიანებასთან იყო დაკავშირებული, მაგრამ თინათინი ვერ ერკვეოდა, ვისი დაგვიანების, ან რომელი დაგვიანების უნდა შეშინებოდა.

– არ დაგავიანდეს! – მითხრა უეცრად.

– ა?! – დავიბენი, ერთი წამით მომეჩვენა, რომ ყველაფერი იცოდა.

– არ დაგავიანდეს! – გაიმეორა და ხელი სასტარტო პოლიგონისკენ გაიშვირა, სადაც ჩვენი რაკეტის მუქი სილუეტი მოჩანდა, – უკვე შესამედ გამოაცხადა შენი გვარი რადიომ.

როცა გადამოკცნა, ილიმებოდა, მაგრამ თვალები სველი ჰქონდა. ქარი უფრიალებდა მწვანე ფოთლებით მოხატულ კაბას და თეთრ მუხლებს უჩენდა.

– მამა, წითელ ღრუბელს ჩამომიტან? – ფეხზე მომეხვია ნაი.

მე ხელში ავიტაცე შვილი და დიდხანს მყავდა გულში ჩაკრული. ველარასოდეს ვნახავდი მის ბავშვობას, ველარ მოვისმენდი მის ტიტინს, თექვსმეტი წლის ქალიშვილი დამხვდებოდა, უცხო ადამიანით შემომხედავდა და ჩვენ თავიდან უნდა გვეშენებინა მამაშვილური სიყვარული. როგორ მინდოდა შემესრულებინა მისი უკანასკნელი, ბავშვური სურვილი. უკანასკნელი, რადგან იგი მე აღარასოდეს მთხოვდა წითელ ღრუბელს.

რამდენმა წუთმა გაიარა მას შემდეგ? სადღაც სამყაროში, ალბათ არის ადამიანის მთელი ცხოვრების დამტვევი წუთი, როგორც უჩინარი ატომის გული ინახავს უზარმაზარ ენერგიას... რამდენი რამ გადავიტანე, რამდენმა ფიქრმა დამავიწყა და რამდენმა გამახსენა თავი. უკვე ვბრუნდებით, ჩვენი ხომალდი მალე მზის სისტემაში შეიჭრება, რომლის ერთი პლანეტა დიდი ხანია გველოდება. იქნებ დაღუპულიც ვგონივართ, მაშველი ექსპედიციებიც ჰყავთ გამოგზავნილი, დღედაღამ მლოცველებით აჭურებენ ცას მსოფლიოს ტელელოკაციური აპარატები და ჩვენ დაგვეძებენ? , ასეა, რადგან კაპიტანმა დაავიანა, იჩქარა და დაავიანა.

– მაგიდა! – ვბრძანე მე.

კელლიდან უხმაუროდ გამოცურდა ცისფერი მაგიდა. უჯრა გამოვალე და ჩემი დღიური გადავმალე. რა არ ჩამიწერია შიგ. მგზავრობის პირველი დღეების შთაბეჭდილებები, ბავშვური აღტაცება, განცვიფრება, ფიქრი დედამიწაზე, თინათინზე და ნაიზე. ფიქრები მომავალზე... ჩვენი ხომალდის დაწვრილებითი აღწერა, და მერე გაუბედავი, წვრილი ასლებით მიწერილი ჰიპოთეზა უსასრულობის სიმრუდის შესახებ, იმის შესახებ, რომ უსასრულო დროის მანძილზე სწორხაზოვანი ფრენის შემდეგ კოსმოსური ხომალ-

დი უნდა დაბრუნდეს საწყის წერტილში. მერე კაპიტანთან საუბრის ჩანაწერები, ეპიზოდები მისი ცხოვრებიდან... მერე ისევ თინათინზე ფიქრები, განშორების სინანული, მომავალი შეხვედრის გულისგამწვრილებელი მოლოდინი.

ვათვალისწინებდი დღიურს და მწარედ მეცინებოდა საკუთარ თავზე, ჩემს პატარა, ქვეშეცნულ ცბიერებაზე; მთელი დღიური თინათინისთვის მქონია გათვალისწინებული, მისი გულის ასახულებლად და ჩემს გასამართლებლად. დღიურის მიხედვით ვითომ გზაში გამიგია, რომ "ციცარი" 55 ათასი კილომეტრით სწრაფად მიჰყავდა კაპიტანს, ვიდრე გათვალისწინებული იყო და ერთი ამბავი ამიტენია, რომ დედამიწაზე თორმეტი წელი გავიღოდა ჩვენს დაბრუნებამდე და თავზარი დამცემია, რადგან ძვირფასი, საყვარელი თინათინი ჩემზე უფროსი დამხვდებოდა...

მეც კარგი თაღლითი ვარ, უკეთესს ვერც ინატრებს კაცი!

კელლის ნიშაში ორი ციფერბლატი ანათებს. ეს ჩვენი ხომალდისა და დედამიწის კალენდრებია. "2208 წ. 30 ოტომბერი, 4 საათი", – წერია ხომალდის კალენდარზე. დედამიწაზე კი ახლა 2217 წ. 29 ივნისი, 19 საათი და 18 წუთია.

29 ივნისი!

გული უეცრად აფართხალდა, ფეხზე წამოვიჭერი, ჩუმი სიცილი დავიწყე, ხელები გავშალე, თითქოს ვილაცას უნდა გადავხვეოდი. 29 ივნისი ნაის დაბადების დღეა, თხუთმეტი წლის განსა. ალბათ ამხანაგები ჰყავს მიპატიჟებული, ერთ ამბავში არიან. ანდა ჯერ არ მოსულან, ჯერ იქ საღამოს შვიდი საათია. მოუთმენლად ელოდება სტუმრებს ნაი. ვინ იცის, მათ შორის მისი თაყვანისმცემელიც ერიოს, თავის სიყვარულს რომ საიდუმლოდ ინახავს და ნაისთან ყოველი შეხვედრისას ყურებადღე წითლდება... ნაის თაყვანისმცემელი! ვერ წარმომიდგენია... აი, მოვიდნენ პირველი სტუმრები, ნაი ეგებება, კოცნიან... თინათინი სუფრას აწყობს, თან ცალი თვალით გაჰყურებს ახალგაზრდებს და ელიმება...

– რა დაგემართა? – მომესმა ზედ ყურთან.

შეგკრთი და თვალები გავახილე, ჩემ წინ კაპიტანი იდგა, დაფიქრებული შემომყურებდა წარბებქვეშედან. ერთდროულად რამდენი რამის გამოხატვა შეუძლია თვალებს; კაპიტნის გამოხედვა მარწმუნებდა, რომ ამ წუთში იგი რლაცას მიხვდა. კაპიტნის თვალები მეკითხებოდა, არ ვიცი რას, თანაგრძნობასაც მიმუღავენება და დამცინოდა კიდევაც.

ოცნებაში წასული, ზურგით კედელს მიყვრდნობოდი, თვალები დამეხუჭა. მისი ნაბიჯების ხმა

ვერც გავიგე.

– მართლა შეუძლოდ ხომ არა ხარ?

– არა... – ჩავიციინე, სულელური სიცილი გამომივიდა.

– თვალები გიბრწყინავს!

– არა... – თითქოს სხვა სიტყვა არ ვიცოდი.

– ყველაფერი კარგად იქნება! – თქვა მან. დაჯდა და მეც სკამზე მიმითითა, – გზაში მოძრავ ფინიშს შემოგვაგებებენ დედამიწიდან, ისე დავსხდებით, როგორც რბილ სავარძელზე.

გამომცდელად შემომხედა და სწრაფად ამაცილა თვალი. კაპიტანმა იცოდა, რომ მე ფინიშის სინელები სულაც არ მადარდებდა, ხვდებოდა, რა მაწუხებდა და რა ფიქრებიც მიტრიალებდა თავში. მაგრამ ადამიანებთან ურთიერთობის მდიდარი გამოცდილება უკარნახებდა, თვითონ არ დაეწყო ამაზე ლაპარაკი, ამიტომ ჩემს სააღსარებოდ გამოწვევას ცდილობდა. "შეცდომით" მიხვდა, რომ ვითომ ხომალდის მშვიდობიან ფინიშზე ვფიქრობდი, და მომცა მისი შეცდომის შესწორების საშუალება.

– ყველაფერი კარგად იქნება, – გავიმეორე მე და ვითომ წამოვეგე მის დიპლომატიურ ხრიკზე. – ერთის გარდა... ცოლთან შეხვედრის მეშინია...

– სისულელეა, – ხელი ჩაიქნია მან, – ცხრა წლის განსხვავება არაფერია!

– არაფერია, მაგრამ ქალისათვის, ისიც შენი ცოლისათვის... ხომ თვითონვე მეუბნებოდით, ეს ყველაზე მუხანათური ღალატიაო...

– მე?! – გაიოცა კაპიტანმა და სუფთად გაპარსულ ლოყებზე თითები ჩამოისვა, – მე არასოდეს მითქვამს ეგ! – უეცრად გაიღიმა და თითი დამიქნია, – თქვენ თურმე ყმაწვილო, საკუთარ ფორმულებს არ აფასებთ და ასე გულუხვად არიგებთ! უნდა ჩაიწეროთ ხოლმე...

"ფორმულის" თაობაზე ცამდე მართალი იყო. მე ვფიქრობდი ამას, მე შევარქვი ჩემს საქციელს ყველაზე მუხანათური ღალატი ცოლისადმი, მაგრამ კაპიტანს რატომ მივაწერე, ვერ მომისახვებია.

– იცით, ყველაზე მეტად რისი მეშინია, კაპიტანო? ვაითუ...

– ადვილად შესაძლებელია, ამდენ ხანს მარტოხელად ყოფნა ძნელია ქალისთვის.

– ვერ დავიჯერებ, – წამოვიძახე გამწარებულმა, – თინათინს ძალიან ვუყვარდი.

– უყვარდი! – ნიშნისმოგებით ჩაიცინა კაპიტანმა, ხელები მკერდზე გადაიჯვარედინა და სკამის ზურგს მიყვრდნო, – თქვენ კარგად იცით, რას ნიშნავს ქალისთვის ასაკი. დრო ყველაზე საძულველი მტერია



მისი. უძლეველია ეს მტერი, უხილავი და ხელშეუხებელი. მაგრამ ამჯერად თქვენი უყმაწვილესობის სახით, თქვენს მეუღლეს ეყოლება ხორცშესხმული მტერი, ხილული დრო, რომელმაც იგი დააბერა...

მინდოდა წამომეყვირა: ხომ თვითონვე დამთანხმდა თინათინი, ხომ იცოდა, რომ ასე მოხდებოდა მეთქი. ამ პასუხს ბუნებრივად მიიჩნევდა კაპიტანი, მაგრამ სინდისმა ენა დამიდუმა, არ მინდოდა კიდევ ერთხელ ხმაბაღლა გამემეორებინა ჩემი სიცრუე.

– კაპიტანო! – ხმა ამოვიღე ბოლოს, თითქმის ორი საუკუნეა, რაც გაჩნდით ამქვეყნად, თქვენ... თქვენ ძველებურად გეზადებათ ახალი აზრები, იდეები?

– გინდათ მკითხოთ, აზროვნება ხომ არ დამიჩლუნვდა? სამწუხაროდ, არა! ისევ ისე მესახება ახალი გეგმები, ახალ-ახალი პრობლემები გროვდება, გროვდება, აღარ ვიცი ხოლმე რა მოვუხერხო, რომელს მოვკიდო ხელი განსახორციელებლად. ვცდილობ, თავს ძალა დავატანო და დავივიწყო, არსად არ ვიწერ, არავის არ ვუამბობ, ვარწმუნებ თავს, რომ სისულელეა, რომ უჭკუო და უნიჭო ვარ, მაგრამ არაფერი გამომდის. ისე მოქნილი გახდა ჩემი გონება, ისე გამდიდრებული ფაქტებით, ისე სწრაფად და ზუსტად აკეთებს მოვლენათა ანალიზს, რომ მენატრება შეცდომა, ვფიცავ ყველაფერს, შეცდომის ჩადენა მენატრება. რას არ მივცემდი ერთი აშკარა, სულელური შეცდომისთვის.

არ ვიცი, რა დამემართა და ასე ერთბაშად რატომ გადავწყვიტე ყველაფრის გამჟღავნება.

– კაპიტანო, შემოძლია გახაროთ – თქვენ ერთი შეცდომა ჩაიდინეთ. თქვენ გგონიათ რომ მე...

– ო, ნეტავ, ნეტავ, ეგრე ყოფილიყო, მაგრამ, სამწუხაროდ, კოსმოდრომზე მივხვდი, რომ ცოლისთვის არაფერი გითქვამთ. მაინც რატომ დაუძალეთ ჩვენი საიდუმლო?

– ვერ გავბედე, – ყურებადმე გავწითლდი, – რომ მეთქვა, დავრჩებოდი, ველარ წამოვიდოდი.

– სწორედაც მოიქეცით, დედამიწის საზომით რომ მივუდგეთ, სულ ცოტა, უსინდისო მატყუარად მონათლავდნენ... მაგრამ თქვენ კიდევ ბევრ ოჯახს შექმნით.

– ბევრ ოჯახს?!

– არა ერთსა და ორ ცოლს შეერთავთ!

– თქვენ, კაპიტანო... თქვენ შექმნით მეორე ან მესამე ოჯახი?

– არა, ჩემი პირველი გაფრენა ისე ხანგრძლივი იყო, რომ ქალები ველარ ბედავდნენ ჩემთან დაახლოებას. სამაგიეროდ, ახლა ჩავალ და საქვეყნოდ

განვაცხადებ, რომ ეს ჩემი უკანასკნელი მოგზაურობა იყო კოსმოსში.

– განაცხადებთ და მერე?! – ვკითხე და ვიგრძენი, რომ საოცრად მოულოდნელ პასუხს მივიღებდი.

– მერე მოვეკიდები ოჯახს, გავაჩენ შვილებს!

– ახლა? ახლა თქვენ გააჩნთ შვილებს?

– არანაკლებ ღამაზებსა და ჯანმრთელებს, ვიდრე საუკუნენახევრის წინათ, როცა ოცდაათი წლის ახალგაზრდა ვიყავი.

– და ეს... ეს მეც შემეძლება საუკუნენახევრის შემდეგ?

– იმედი მაქვს! – გაიღმა მან.

– კაპიტანო, – მივმართე მცირე ღუმლის შემდეგ,

– მაპატიეთ, ამას რომ გიბედავთ, მაგრამ გთხოვთ მითხრათ, გიყვარდათ თქვენი მეუღლე?

კაპიტანმა ორივე ხელი სახეზე აისვა და, როდესაც შეერთებული ხელისგულები შუბლზე გადაცურდა, წარბებქვეშიდან სულ სხვა ადამიანის თვალებმა შემომხედა.

– მიყვარდა, – თქვა მან და მომეჩვენა, რომ ღრმად ამოისუნთქა. – ძალიან მიყვარდა...

– როგორც მითხრეს, ცოცხალი აღარ დაგხვედრიათ თქვენი პირველი გაფრენის შემდეგ.

– არა... ყველაზე მუხანათურად ვუღალატე, – მწარედ ჩაიცინა მან. – თქვენ კარგი ფორმულა აღმოაჩინეთ.

უნებურად გამაჟრჟოლა.

კაპიტანი წამოდგა, კარისკენ გააბიჯა. ვინანე, ჩემმა უადგილო შეკითხვამ რომ ჩაშალა საუბარი.

– ყველაზე მუხანათურად! – გაიმეორა მან, კართან მობრუნდა და ოღნავ მკაცრად მიბრძანა: – მოამზადეთ ინფორმაცია ეკიპაჟის წევრთა ჯანმრთელობის შესახებ. მზის სისტემაში შეჭრისთანავე ელექტრომაგნიტური ქვემეხით გადაცემით მიწას, თქვენი ტექსტისათვის ერთი იმპულსია გაანგარიშებული.

უკანასკნელი სიტყვების წარმოთქმისას კაპიტანი თვალს იყო მიფარებული, დერეფანში თანდათან ნელდებოდა მისი ნაბიჯების ხმა.

სიჩუმე ჩამოვარდა, უფრო სწორად, ხმაური აიკრება, სადღაც გადაიხვეწა და ნერვებისამშლელი სიყრუე გამეფდა.

უეცრად თვალი მოვკარი კალენდარს და გულში რალაც ჩამწყდა. რა ცოტა ხანს იჯდა ჩემთან კაპიტანი, დედამიწაზე კი ნაის დაბადების დღე უკვე დამთავრებულიყო. როგორ მინდოდა აქ, კოსმოსში, იმავე დროს და იმავე წუთებში წარმომედგინა და განმეცადა ნაის მხიარულება, თინათინის დიასახ-

ლისობა, ნაის ამხანაგების სიცილ-კისკისი, ცეკვა თუ სიმღერა, მაგრამ ახლა თინათინსაც, ნაისაც და ნამხ-  
იარულებს სტუმრებსაც თავთავიანთ სახლებში სიძი-  
ნავთ ღრმა ძილით.

თვალთან ხელი მოვისვი. ცრემლი წამომსვლო-  
და. რა იყო ეს, მწუხარების თუ სიხარულის ცრემ-  
ლი?

ბავშვური აზრი დამებადა: დედამიწაზე დაბ-  
რუნებისას ნაცნობ ქიმიკოსებს ვთხოვ, ანალიზი გაუკე-  
თონ საპირისპირო ემოციებით გამოწვეულ ცრემ-  
ლებს. დარწმუნებული ვარ, სხვადასხვა შემადგენ-  
ლობა ექნებათ, როგორც სახის ერთსა და იმავე  
ნაკვთებს შეუძლიათ ღიმილისა და ტირილის გამოხ-  
ატვაც.

ილუმინატორებში შავი თვალებით იყურება  
გარედან წყვილი. ისეთი განცდაა, თითქოს ვიღაც  
გითვალთვალებდეს. ალბათ ამიტომ ყალბი გამოგე-  
დის საუბარიც, მოძრაობაც. "ციცარი – 7" ღილი  
ხანია მიწაზე ზის გარინდული და ახლა მხოლოდ  
მიწასთან ერთად ინაცვლებს ადგილს კოსმოსში. ყველა  
მექანიზმი დაღუმებულია. ყველა ავტომატი და აპა-  
ტარი გამორთულია რადიოს გარდა. ველოდებით კო-  
სმოდრომის ბრძანებას. პირველმა და უკანასკნელმა  
ბრძანებამ, დაჯდომისთანავე მიღებულმა, კაპიტანი  
ოღნავ გააცა: გვევალეობდა, არავითარ შემთხვევა-  
ში არ გაგველო ხომალდის არც ერთი ლიუკი და  
გვეცადა შემდეგი ბრძანებისთის. უკვე საათზე მეტი  
გავიდა, დედამიწის საათზე მეტი. ჩვენ კი ვღვაჯართ  
და ერთმანეთს შევეყურებთ გაოგნებულნი.

რა უნდა მომხდარიყო? წარამარა ვეკითხები  
საკუთარ თავს, მაგრამ პასუხი ვერ გამოცია, ანდა  
რას ნიშნავს ეს წყვილი? ჩვენ ხომ დღისით  
დაგვევს? მართალია, წვიმიანი ამინდი დაგვევდა.  
ჯერ კიდევ ორი დღის წინათ მოგკარით თვალი  
თეთრი ღრუბლებით შეღებილ პატარა ბურთს, თან-  
დათან რომ იზრდებოდა და გვიახლოვდებოდა. ბო-  
ლოს კოლოსავით დავსხედით ამ ბურთზე. ალბათ  
ახლაც წვიმს გარეთ, მაგრამ რატომ ბნელა? როცა  
ჩვენი ხომალდი ღრუბლებში ჩაიჭრა, ილუმინატორის  
მინებს წვიმამ მოაშხეფა. სიხარულისგან გული ამ-  
ითამაშდა, თითქოს ჩვენი ქალაქის ქუჩაში მივაბიჯებდი  
და არაფრად ვაგდებდი თავსხმა წვიმას. ერთ წვრილ  
ნაკადად შეერთებული წვეთები ქვემოდან ზემოთ  
მიჰყვებოდა ილუმინატორის გარეთა მინას. მალლა  
მიწანწკარებდა წყალი. ამას პირველად ვხედავდი  
ჩემს სიცოცხლეში.

გაიარა კიდევ ნახევარმა საათმა და დერეფანში  
კაპიტანი გამოვიდა. სადღესასწაულო კოსტუმი ეცვა,

ჩიბუნი გაეჩალებინა და ზედიზედ ქაჩავდა, მაგარი  
თამბაქოს მკვეთრი სუნი მეოფინა დერეფანს.

გულის აჩქარებულ ცემას ჰგავდა ჩიბუნის ნა-  
კვერჩხლის თანმიმდევრული ჩაქრობა და გაღვივება,  
ნუთუ კაპიტანიც ღელავდა ამ წუთში?

ჩვენი ბოტანიკოსი, აქამდე რომ ქანდაკებასავით  
იდგა კიბის დასაწყისში, თითქოს გადმოვარდაო, უე-  
ცრად მოწყდა ადგილს და საფეხურები ჩამოიბრინა.  
ბოტანიკოსი ასი წლის წინათ დაბადებულა, მაგრამ  
ხუთჯერ იმოგზაურა კოსმოსში სინათლესთან მიახ-  
ლოებული სინქარით და მისი დაბერებაც ხუთჯერ  
დაამუხრუჭა დროის ფარდობითობის ეფექტმა.

– კაპიტანო! – მიმართა ბოტანიკოსმა და ხელები  
აიქნია, რომ თამბაქოს კვამლი გაეფანტა, – კაპიტანო,  
ჩვენ ნამდვილად დედამიწაზე დავსხედით?

კაპიტანმა პირიდან ჩიბუნი გამოიღო, ერთბაშად  
ჩაკვდა ნაკვერჩხლის პულსაცია და ცეცხლი ფერ-  
ფლით მოიფარა. კაპიტანმა ვესტიბიულის კარი შეა-  
ლო და გვანიშნა, შევსულიყავით. ბოლოს თვითონაც  
შემოვიდა, პირდაპირ ტელევიზორისკენ გაემართა და  
ჩართო ეკრანი. თვითონ გვერდზე გადგა, როგორც  
ლექტორი დაფის წინ. და მაშინვე ამ ცისფერ დაფაზე  
რალაც მოკაშკაშე და მრუდე სხეული გამოისახა,  
ეტყობოდა, ღილი იყო, მისი საზღვრები ეკრანზე არ  
ეტეოდა.

– დედამიწა! – ჩურჩულით თქვა კაპიტანმა.

– დედამიწა?! – წამოიძახა ბოტანიკოსმა და ფეხზე  
წამოიჭრა, კი მაგრამ, ჩვენ? ჩვენ სადღა ვართ?!

– ხელოვნურ პლანეტაზე!

– კაპიტანო! – თვალი თვალში გავუყარე მე,  
რადგან მეგონა, ცდებოდა, – ღრუბლები გამოვიარეთ,  
აწვიმდა ჩვენს ხომალდს!

– ხელოვნურ პლანეტას ხელოვნური ატმოსფე-  
რო ჰქონია! – განმარტა "ლექტორმა".

– რამდენი კილომეტრია დედამიწიდან?

– 209 ათასი. მთვარესა და მიწას შორის ვიძე-  
ოფებით. ამ ხელოვნური პლანეტის მასა ასჯერ მცირეა  
მთვარეზე, წონა...

– არ მახსოვს ასეთი ხელოვნური პლანეტა! –  
მხრები აიჩეჩა ბოტანიკოსმა.

– ჩანს, ჩვენი გამოფრენის შემდეგ აუცილებლად  
ირონიულად ჩაიცინა კაპიტანმა.

– კაპიტანო! – ვთქვი მე და ვიგრძენი, რომ პირი  
მიშრებოდა, – ხომ არ ტყუოდა ჩვენი ხომალდის  
ავტომატები, ხომ არ მივფრინავდით უფრო სწრაფად  
და, ხომ არ გავიდა დედამიწაზე გაცილებით მეტი  
დრო, ვიდრე გვეონია?!

– რა თქმა უნდა, ასე იქნება; თორმეტ წელიწად-

ში როგორ მოასწრებდნენ ისეთი უზარმაზარი თანამგზავრის აგებას, როგორც თქვენ აგვიწერეთ? – წამოიძახა ბოტანიკოსმა.

კაპიტანი მრისხანე თვლებით შემოგვეყურებდა. მას სრული უფლება ჰქონდა შეურაცხყოფილად ჩაეთვალა თავი. ჩვენ თითქოს ეჭვი გვეპარებოდა მის პატიოსნებაში. თითქოს მოჩვენებითი გულანდილობისა და საიდუმლოს განდობის მიუხედავად, მაინც მოგვატყუა, დაეხარბა, და თორმეტით კი არა, ასი და ორასი წლით ჩამოგვაშორა დედამიწას, რომ დაბრუნებისას უფრო შორეულ მომავალში მოხვედრილიყო.

– დახედეთ თქვენს ძველ ფოტოსურათებს და მერე სარკეში ჩაიხედეთ. თუ რაიმე ცვილებას შეამჩნევთ, განვაგრძოთ კამათი.

– კაპიტანო, მაპატიეთ, ჩემზე კარგად მოგეხსენებათ, მაგრამ შეიძლება შეირჩეს ისეთი სიჩქარეები, რომ კოსმოსში წელიწადი გავიდეს, დედამიწაზე კი – საუკუნე!

– თქვენ შეარჩიეთ ასეთი სიჩქარეები?! – დაიქუსა კაპიტანმა და სახეზე ფითრი გადაეკრა.

– არა, მე...

– მაშ, თქვენ შეარჩიეთ?! – ახლა მე მომანათა გაანჩხლებული თვალები.

– კაპიტანო!

– სულმდაბლები ხართ, – წამოიყვირა მან და ხელი გაბრაზებით ჩაიქნია, იატაკზე გაიბნა ჩამქრალი ჩიბუხიდან გადმოცვნილი ფერფლი, – მცირე დაბრკოლება, პატარა ამოცანა, ოდნავი გაურკვევლობა და უკვე პანიკა გიღრღნით ტვინსა და ძარღვებს. მე ბედნიერად ვთვლი თავს, რომ დედამიწამ რაღაც სიურპრიზი დამახვედრა, რაღაც ამოცანა მომცა გადასაწყვეტად. მთელი საათი ვფიქრობდი, სანამ აღმოვაჩინდი, რომ ეს ხელოვნური პლანეტა იყო, უფრო გამიჭირდა მისი ფიზიკური სიდიდეების გაანგარიშება. ახლა თავს ვიტყვხ და ვერ ამიხსნია, რა დანიშნულება აქვს ამ ახალ თანამგზავრს, ან რატომ დაგვსვენს მაინცდამაინც აქ. თქვენ კი იმის მაგივრად, რომ ტვინი გაანძროთ... – კაპიტანმა აღარ დაამთავრა, ზურგი შეგვაქცია და გაგვშორდა. ის იყო სავარძელში ჩაჯდომას აპირებდა, რომ კედელში ჩამალული რეპროდუქტორიდან გაისმა ჩვენი რადისტის ხმა:

– კაპიტანო, მიკროფონთან გთხოვენ... კაპიტანო მიკროფონთან გთხოვენ!

ყველანი ფეხზე წამოვცვივდით და დერეფანს მივაშურეთ. კაპიტანი დინჯად მიაბიჯებდა და გზადაგზა თავის ჩიბუხს ტენიდა, ჩვენ ვერ ვბედავდით გასწრებას. რადიოკაბინაში შესვლისთანავე, ახალ-

გაზრდა რადისტის წამოხტა და კაპიტანს ადგილი დაუთმო. კაპიტანი არ ჩქარობდა. ჩიბუხს ცეცხლი მოუკიდა, გააჩაღა, გააბოლა და ნელა მიუახლოვდა მიკროფონს.

– "ციცარი-7"-ის კაპიტანი გისმენთ!

– გთხოვთ ხუთი წამით გახსნათ ჰაერსაწმენდი და ისევ დახუროთ! – წარმოთქვა ვიღაც კაცმა საქმიანად.

– გახსენით ჰაერსაწმენდი! – გვიბრძანა კაპიტანმა.

მე და რადისტმა ერთად მივირბინეთ ონკანთან. გაოცებული ვიყავი კაპიტანის ნებისყოფით: როგორ მოითმინა და არ ჰკითხა იმ ვიღაც კაცს, თუ რა მოხდა, რატომ ვიყავით ასე პატიმრებით დაძველებული. თვითონ უნდოდა მიმხვდარიყო, თვითონ უნდოდა კაპიტანს ამ საიდუმლოს ამოხსნა. ჩვენ შევასრულეთ მისი ბრძანება და ადგილზე დავბრუნდით. კაპიტანს ჩიბუხი შეეტრიალებინა და ხელისგულს ითბობდა ცეცხლზე, თითქოს მკითხაობდა.

– ჩვენი ხომალდის ჰაერის სინჯი აიღეს! – ჩაილაპარაკა მან, დადუმდა, ვეღარ გააგრძელა ფიქრი, – სინჯი აიღეს... გარეთ არ გვიშვებენ... შემოწმებამდე არ გვიშვებენ... ვარაუდობენ, რომ რაღაც ჩამოგვეყვა, უცხო ბაქტერიები, ანდა, მათთვის უკვე კარგად ცნობილი ბაქტერიები, მაშინ ჩვენც უნდა შეგვაშოშონ... ჩვენი სხეულის სინჯიც უნდა აიღონ...

– "ციცარი-7", "ციცარი-7"! – მოისმა მოულოდნელად.

– გისმენთ, შეტრიალდა მიკროფონისკენ კაპიტანი.

– ყველაფერი რიგზეა! – თქვა ისევ იმ კაცმა საქმიანად. – ახლა დაავალეთ თქვენს ექიმს.. ხომ გყავთ ექიმი?

– დიახ, – თქვა კაპიტანმა და გადმომხედა, – ცოცხალია! – მიხვდა, რასაც ეკითხებოდნენ: არც ერთი კოსმოსური ხომალდი უექიმოდ არ მიფრინავდა.

– დაავალეთ ექიმს, სისხლი აულოს ეკიპაჟის ყოველ წევრს, საკუთარ თავსაც. გააკეთოს სისხლის სრული ანალიზი, შემდეგ გაათბოს სისხლი სამოც გრადუსამდე, ვიმეორებ, სამოც გრადუსამდე, და ხელახლა გააკეთოს სრული ანალიზი. შედეგები ჩაიწეროს და გვაცნობოს!

– გასაგებია? – ისეთი საზეიმო ხმით მომმართა კაპიტანმა, თითქოს ძლივს დამაჯერა, რომ ორჯერ ორი ოთხია, წამოდგა და ყველა ცალ-ცალკე შევვათვალეირა, – ეჭვი მეპარებოდა, მაგრამ ახლა არ უნდა ვცდებოდე; დედამიწაზე რაღაც უცხო სენია გავრცელებული. ადვილი შესაძლებელია, რომელიმე

კოსმოსური ხომალდის შემოტანილი იყოს. ჩვენ ჩვენსავე ბუნაგში გვამოწმებენ, არ გვენდობიან... დედამიწაზე არ დაგვსვენს, როგორც ხედავთ, — კაპიტანმა ჯიბეებში ხელები ჩაიწყო და ბოლთის ცემას მოჰყვა, — თუ ამ ახალი თანამგზავრის აგება ამ სენთანაა დაკავშირებული, თუ ამ ხელოვნური პლანეტის დანიშნულება ის არის, რომ დედამიწაზე დაფრენამდე პროფილაქტიკა ჩაუტაროს და უვნებელყოს კოსმოსური ხომალდები და მათი ეკიპაჟები, სენი კატასტროფული მასშტაბებით გავრცელებულა... — კაპიტანმა მხარზე ხელი დამადო, — ნულარ აყენებ, შეუდექი საქმეს! — და დასძინა: — ამას გარდა, ვფიქრობ, რომ...

ლასლასით გაგვიჩეხე ჩემი კაბინისაკენ. შემფოთებას შეეპყრო და დაემონებინა ჩემი სხეული, მქუხარე ექოსავით მეორდებოდა ყურებში კაპიტანის სიტყვები: კატასტროფული მასშტაბის სენი დედამიწაზე... საგანგებო ხელოვნური პლანეტა კოსმოსურ ხომალდთა პროფილაქტიკისათვის, სენი დედამიწაზე... ჩემი ნაი, თინათინი...

კაპიტანს კი არავინ ელოდებოდა მიწაზე, იგი გახარებული იყო — რაღაც ამოცანა მისცეს და გადაწყვიტა. ეს იყო მისთვის ყველაზე მთავარი. იგი არ ნაღვლობდა დედამიწის ბედზე, იგი სუფთა, დისტილირებული მეცნიერი იყო. მხოლოდ ახლა მივხვდი ამას, ახლა აღმოვაჩინე!

ანალიზს ნახევარი საათი მოვანდომე. არაფერს საეჭვოს არ მეუბნებოდა სისხლი, მხოლოდ ჩემთვის გასაგებ ენაზე მანიშნებდა, რომ ეკიპაჟის ყოველ წევრს შეეძლო მშვიდად ყოფილიყო. კაპიტანის სისხლმა გამაოცა; არაფერი მოხდებოდა ჩემი და კაპიტანის ანალიზის ფურცლებზე გვარები გადამეადგილებინა. ამ ამბავმა კიდევ საამოდ დამახუჭინა თვალები და ის შორეული მომავალი წარმომადგენინა, როდესაც მე, ორი საუკუნის წინანდელი ადამიანი, კვლავ ახალგაზრდა და ლამაზი ვიქნებოდი, ისევ ძველებური სურვილები და მისწრაფებანი და ამ სურვილთა შესრულების უნარი მექნებოდა. ისევ მომხიბლავდა ცხოვრება და ისევ გავაყოლებდი თვალს ლამაზ ქალებს... მაგრამ რა შუაშია სისხლის 60 გრადუსამდე გათბობა?! იდიოტიური ასოციაციით გადაება ერთ ფიქრს მეორე. მართლაც რა შუაშია? სისხლის ასეთი ანალიზი არ ახსოვს მედიცინის ისტორიას. თუ ნამდვილად მომაკვდინებელი ბაქტერიები შემოიჭრა დედამიწაზე, ხომ არ არის ეს ტემპერატურა დაკავშირებული მათ სიცოცხლისუნარიანობასთან? ხომ არ აქტიურდებიან ისინი სამოც გრადუსზე, ან ხომ არ კვდებიან?

ამ აღმოჩენამ ზამბარასავით მაღლა ამახტუნა, აღარც მახსოვს, როგორ წამოვავლე ხელი ქალაქებს და როგორ გავვარდი გარეთ, რომ ყველაფერი კაპიტანისთვის მეცნობებინა.

— თქვენ ზუსტად მიმხვდარხართ, კაპიტანო, სენი ნამდვილად კატასტროფული იყო! — თქვა ჩვენმა გამცილებელმა, ახალგაზრდა, ქერა ჭაბუკმა, მას დიდი, ცისფერი თვალები და საოცრად ამღერებული ხმა ჰქონდა.

ჩვენ ვისხედით ჩვეულებრივ, სამგზავრო რაკეტაში. იგი დღეში სამ გზას აკეთებდა ხელოვნურ პლანეტასა და დედამიწას შორის. ჩვენ გარდა არავინ მოდიოდა. დამდურებულებივით, ერთმანეთისგან დაშორებულ სავარძლებში ვისხედით და ვდუმდით. კაპიტანი ცარიელ ჩიბუხს აწვალებდა კბილებში. ბოტანიკოსს თვალები გაშტერებოდა, თითქოს გაყინვოდა, ალბათ თავის შვილიშვილებზე ფიქრობდა. უკვე იცოდა, რომ ცოცხლები იყვნენ. ხელოვნურ პლანეტაზე ჩვენი თხოვნით ჩართეს სტატისტიკური მანქანა, ახალ სენტან დაკავშირებულ ყოველგვარ ინფარმაციას რომ ინახავდა. ჩვენი ახლობლები მიცვალებულთა სიაში არ აღმოჩნდნენ. მხოლოდ ახალგაზრდა რადისტს გარდაცვლოდა დედა. იგი ახლა ყველაზე უკან იჯდა. თვალს გვარიდებდა, ალბათ ტიროდა.

— დიახ, საოცრად ზუსტად მიმხვდარხართ, — გაიმეორა ქერა ჭაბუკმა და განაგრძო, — ეს მოხდა შვიდი წლის წინათ. საახალწლო დღესასწაულებითვის ემზადებოდა მსოფლიო. სენი ევროპის კონტინენტზე დაიწყო და გაუგონარი სისწრაფით გავრცელდა მთელს დედამიწაზე. იხოცებოდნენ ადამიანები, პირდაპირ ქუჩებში ეფინებოდნენ თოვლის ფანტელებივით. ფარხმალდაყრილები იყვნენ გამოჩენილი ექიმები და პროფესორები, წერა-კითხვის უცოდინრებივით ატრიალებდნენ ხელში ავადმყოფთა სისხლის ანალიზებს, თავს იტყებდნენ და ვერ გამოეცნოთ, რა იყო ის ახალი ბაქტერია, ასე თავხეურად რომ დაცურავდა მიკროსკოპის მინის ქვეშ, კლავდა უჯრედს და თვითონ ბატონდებოდა.

მხოლოდ ერთი თვის შემდეგ, როდესაც მსოფლიოს უკვე სამ მილიონამდე ადამიანი გამოაკლდა, ახალგაზრდა ფრანგმა ჟურნალისტმა შემთხვევით ყურადღება მიაქცია იმ ფაქტს, რომ სენი, ადამიანის გარდა, არც ერთ ცხოველს არ ერჩოდა. ამას ალბათ ყურადღებას არ მიაქცევდნენ ექიმები, რომ ჟურნალისტს სასხვათაშორისოდ არ მოეხსენიებინა თავისი ბიძა, რომელიც 3400 მეტრის სიმაღლეზე მართლმართო ცხოვრობდა ალპების მეტეოსადგურში და შემცველ მეტეოროლოგს გარდაცვლილი დახ-

ვედრია იმავე სენით.

აღმოჩნდა, რომ სენი ჰაერით ვრცელდებოდა. კაცობრიობას თავზარი დასცა ამ ამბავმა, თქვენ ვერ წარმოიდგენთ, რა ხდებოდა ჩვენს პლანეტაზე, რა პანიკამ მოიცვა ცივილიზებული, უკანასკნელი ტექნიკით აღჭურვილი სამყარო. როგორ უნდა დამალვოდნენ ჰაერს ადამიანები? მაცოცხლებელ ჰაერს? სწორედ მაშინ აიწყო ის ახალი თანამგზავრი, თქვენ რომ ზედ დაგსვეს და დედამიწა რომ გეგონათ. იქ უნდა გადასახლებულიყო მსოფლიო. იყო პროექტები ოკეანეთა ფსკერზე ჩასახლებისა, მაგრამ ეს უფრო ხანგრძლივ დროს მოითხოვდა...

თანამგზავრი ძალიან სწრაფად, 52 დღეში ააგეს და მხოლოდ მერე დაიწვეს ფიქრი, რა საშუალებით გადაეყვანათ ხალხი, რომ დედამიწის ატმოსფეროს არც ერთი ატომი არ გაჰყოლოდა რაკეტებს... ეს თქვენ უკვე გიამბეს თანამგზავრზე, ყველაფერი იცით, მაგრამ ბევრი წვრილმანი არ გეცოდინებათ, მეც იმიტომ გიყვებით, რომ...

– ყველაფერი ვიცით! – მოისმა კაპიტნის მკვახე ხმა.

– განაგრძეთ, თუ შეიძლება! – ვთქვი მე და ვიგრძენი, რომ უფრო ჯიბრი მალაპარაკებდა, ვიდრე ცნობისმოყვარეობა. წამოვწითლდი, ეს იყო ჩემი პირველი და უკანასკნელი პროტესტი კაპიტნის მიმართ. ამ საქციელმა ერთბაშად ახსნა ჩემი მაშინდელი სულიერი მდგომარეობა. ეს პირველი ტალღა იყო დედამიწასთან განშორების სინანულისა, მერე რომ დიდ ღელვად იქცა.

– განაგრძეთ! – მხარი ამიბა ბოტანიკოსმა, – თქვენგან უკვე ბევრი ახალი რამ მოვისმინეთ!

– მოკლედ მოგახსენებთ, – კვლავ აამღერა ხმა ქერა ჭაბუკმა, – მოხუცი მეტეოროლოგის მოკვლა ალპების მთებში...

– მოკვლა?! – სავარძლიდან წამოიწია ბოტანიკოსი.

– დიახ, მეტეოროლოგის მოკვლა ალპების მთებში ბაქტერიების უდიდესი შეცდომა იყო.

– ბაქტერიების შეცდომა?! – ახლა მე წამომცდა უნებურად და ჭაბუკისკენ შევბრუნდი მთელი ტანით.

მან სწრაფად შეგვათვალა ოთხივენი, თითქოს უნდოდა ჩვენი განცვიფრების მიზეზი ჩვენსავე სახეებზე ამოეკითხა.

– თქვენ ალბათ ჯერ არაფერი გითხრეს იმ ჰიპოთეზის შესახებ, დღემდე რომ არ არის უარყოფილი, თუმცა არც დადასტურებულია. ამ ჰიპოთეზის მიხედვით, უცხო პლანეტიდან კოსმოსურ ხომალდს

გამოყოლილი ბაქტერიები გონიერი არსებები არიან. ბოლო დროს აღმოაჩინეს, რომ მათ კრისტალური ფორმით გამრავლების უნარი აქვთ და ფიქრობენ, რომ ისინი მიკროსკოპულ ელექტრო-საანგარიშო მანქანებს წარმოადგენენ, უფრო სწორად, წარმოადგენდნენ.

კაპიტანმა პირიდან ჩიბუხი გამოიღო და სახე-იმო ხმით თქვა:

– ეგ ჰიპოთეზა უკვე დამტკიცებულია!

– რა ბრძანეთ? – ვერ გაიგონა ქერა ყმაწვილმა.

– დამტკიცებულია მეთქი! – კაპიტანი წამოდგა,

გოლიათივით დაღუნა თავი, თითქოს კაიუტაში ვერ ეტეოდა, და ჩვენკენ წამოვიდა, ბოტანიკოსის გვერდზე ჩამოჯდა და სამკუთხა მაგიდაზე მინერალური წყლის ბოთლს საცობი წაადრო, – აბა, დააკვირდით: ბეტა-კაულიდან ჩვენს კოსმოსურ ხომალდს სამი წელიწადი უფრენია დედამიწამდე, ბაქტერიებს, ანუ ბეტა-კაულის მკვიდრთ, ფარულად რომ გამოყვენენ ხომალდს, ამ ხნის მანძილზე თავი არ გაუმჟღავნებიათ – ისინი მიხვდნენ, რომ ხომალდის ბატონ-პატრონები გონიერი არსებანი იყვნენ. რა თქმა უნდა, ბეტა-კაულზეც და ხომალდშიც მათ შეეძლოთ ჩვენი კოსმონავტების "დაპყრობა", ანუ დახოცვა, მაგრამ მაშინ ბაქტერიები ვერასოდეს ვერ იხილავდნენ და მიაგნებდნენ დედამიწას, იმიტომ იყვნენ "ჩუმად". მიწაზე მათ სწრაფად აუღეს ალღო ჩვენს საზოგადოებრივ ყოფას. შეამოწმეს და შეაფასეს ადამიანთა კულტურის, მეცნიერებისა და ტექნიკის დონე და დაასკვნეს, რომ მათი აღმოჩენა და განადგურება ადამიანებს ძალიან გაუჭირდებოდათ: ჩვენი პლანეტის დაპყრობა და მთელი მათი ჯილაგის აქ დასახლება კი მეტად თვალწარმტაც პერსპექტივას უქმნიდა ბეტა-კაულის მობინადრებს. და მათ ომი დაიწვეს. დააკვირდით, რა ჭკვიანურად და ეშმაკურად იქცეოდნენ; მათ შეეძლოთ მოესპოთ მხოლოდ ფიზიკოსები, ქიმიკოსები, მედიკოსები, ბიოლოგები, ერთი სიტყვით, დედამიწის მეცნიერთა მთელი არმია, და პლანეტა დაპყრობილი ექნებოდათ, რადგან არავინ დარჩებოდა მათი ბუნებისა და არსის მიმკვლევი. მაგრამ შეეშინდათ ამისა, ასე შერჩეული მსხვერპლი ხომ ეჭვს აღუძრავდა ადამიანებს და მიახვედრებდა მათ, რომ გონიერ არსებებთან ჰქონდათ საქმე. მაგრამ ისინი მაინც შეცდნენ, ბაქტერიათა არმიის "პოლკი", რომელმაც ბოლო მოუღო მოხუც მეტეოროლოგს, ალბათ საჯაროდ "დაახვერტინა" გენერალმა, რადგან "ალპურმა პოლკმა" გასცა სენის გავრცელების ხასიათი.

– მარტო აქ არ შეცდნენ, – სიტყვა ჩაურთო

ქერა ჭაბუკმა, – ისინი არაფერს ერჩოდნენ ფსიქიურად დაავადებულ ადამიანებს, ალკოჰოლიკებს, ნარკომანებს.

– რა თქმა უნდა, ეგეც დიდი შეცდომაა, – დადასტურა კაპიტანმა, – ელექტრონული ტვინი ვერასოდეს გაუტოლდება ბიოლოგიური ჯურედის შესაძლებლობებს.

– სისულელეა, – თითქოს თავისთვის წაიჩიფჩიფა ბოტანიკოსმა, – არავითარი გონიერი ბაქტერიები არ ყოფილან, დედამიწას ესტუმრა უცნობი სენის გამავრცელებელი მიკრობები და მშრალზე დარჩენილ მეცნიერებს რომ თავი ემართლებინათ, ათასი რამ მოიგონეს. სისულელეა, მტკნარი სისულელე!

– ერთი რამ კი ცხადია, – განაგრძო ჭაბუკმა, – სენი არ გავრცელდა ტროპიკულ სარტყელში. მეცნიერებმა ეს ფაქტი მაშინვე მაღალ ტემპერატურებს დაუკავშირეს. ატყდა კამათი, გაიყო ხმები და მოსაზრებანი, საქმე კი წინ არ მიდიოდა. დედამიწის უზარმაზარი ოჯახიდან ყოველწუთს გადიოდნენ და უკან აღარ ბრუნდებოდნენ მისი მობინადრენი. მაშინ ერთმა კაუნასელმა ახალგაზრდა ექიმმა, რომელიც აფრიკაში მიემგზავრებოდა არქეოლოგიურ ექსპედიციასთან ერთად, ყველასგან მაღულად ძალად შეიყარა ახალი სენი და აფრიკაში ჩასვლის შემდეგ, სანამ ცოცხალი იყო, მეცნიერულ-ლაბორატორიულ დაკვირვებებს აწარმოებდა თავის თავზე, ჰაერზე, საკუთარ სისხლსა და სხეულის ცოცხალ ქსოვილებზე. როცა იგი მკვდარი იპოვეს, მიცვალებულს ხელში ეჭირა დაკვირვებებით და ფორმულებით სავსე ლურჯი რვეული. შეიძლება ითქვას, რომ უცნობმა ექიმმა თავისი სიკვდილით გადაარჩინა მსოფლიო სრული განადგურებისაგან.

თავი ჩავლუნე. ვიგრძენი, როგორ შემიწითლდა ლოყები.

– კაუნასელ ექიმს მსოფლიოს "გადამრჩენი" უწოდეს. მას თანმიმდევრობით შეუყრია ძველი, კლასიკური დაავადებანი, რომელთა მიმდინარეობა დიდი ტემპერატურებით ხასიათდება, და დაუდგენია, რომ ბაქტერიები ნახევრად კარგავდნენ აქტიურობას ცელსიუსის 40 გრადუსისას, ხოლო 60 გრადუსზე კვდებდნენ, ალბათ, ამის გამო არ ეტანებოდნენ ტროპიკულ ზონას და დედამიწის ცხელ ქვეყნებს. ფიქრობდნენ, რომ გათბობა არღვევდა მათ ელექტრომაგნიტურ წონასწორობას. ამის შემდეგ მეცნიერებს დარჩათ მხოლოდ ტექნიკურად გადასაწყვეტი ამოცანა; როგორ გაეთბოთ სისხლი 60 გრადუსამდე, რომ ავადმყოფი ადამიანი ცოცხალი დარჩენილიყო. ეს არც ისე ადვილად გადასაწყვეტი ამოცანა იყო, მა-

გრამ გადაწყვეტა შეიძლებოდა, და სწავლებმა მიაგნეს საშუალებას. ექიმების ათასობით არმია დაირაზმა მაშინ კაცობრიობის გადასარჩენად.

მე სწრაფად წამოვდექი და კაიუტიდან გავედი. ჩემთვის მოულოდნელი იყო ეს საქციელი, მაგრამ უკვე აღარ შემეძლო მოსმენა.

რაკეტის ორანჟერეა ყვავილთა სურნელებით იყო გაბრუებული. კინაღამ დავიხარე და მოვწყვიტე რამდენი ხანია, აღარ მინახავს ცოცხალი ვარდი. გადმოვწიე ტოტი და ხარბად დავყნოსე. დაუჯერებლად მეჩვენებოდა ასეთი წითელი და ცვრიანი ვარდი კოსმოსურ სივრცეში, თითქოს უჩინარი და უგრძესი ღეროთი იგი დედამიწიდან ამოზრდილიყო ამ სიმაღლეზე. ეს "ღერო" კი ახლა წამში 12 კილომეტრის სისწრაფით მოკლდებოდა და თანდათან აახლოვებდა ყვავილს მშობლიურ მიწასთან... ნეტავ განახორციელა თუ არა თინათინმა თავისი ჩანაფიქრი? მას უნდა გამოეყვანა მოცეკვავე ყვავილის ჯიში, სინათლის სიმკვეთრის ყოველ ცვალებადობას სხვადასხვაგვარი მოძრაობით რომ გამოეპასუხებოდა, მაგრამ იქნებ სულაც დაანება თავი აგრონომიას, იქნებ თინათინი უკვე დიდი ხანია სხვა საქმიანობას ეწევა.

ორანჟერეის სარკმელს მივაღექი.

უეცრად სიხარულისგან სუნთქვა შემეკრა; უკვე აღარ მოჩანდა დედამიწა. ისე ახლოს იყო, რომ აღარ მოჩანდა მისი საზღვრები. სწრაფად გამოვბრუნდი და ვოლიერის კარი შევადე. მხიარული წკმუტუნით შემეგებნენ ჩემი ძაღლები. მთელი მგზავრობის განმავლობაში მკვდრები იწვნენ თხევად აზოტში და ხელოვნური პლანეტიდან გამოფრენის წინ გავაცოცხლე "ციცარის" ლაბორატორიაში. "ციცარი" იქ დავტოვეთ. იგი დედამიწაზე აღარ დაბრუნდება, ხელოვნური პლანეტიდან გაფრინდება კოსმოსში და იმავე პლანეტაზე დაეშვება დაბრუნებისას.

სააბაზანოში შევედი, სასწრაფოდ ტანთ გავიხადე და ონკანს მივწვდი. ვერცხლისფერი ლითონის ჭერი ორთქლის ოხშივარით დაიფარა და ზემოდან წამოვიდა კოკისპირული, ნელთბილი წვიმა. გავიპარსე, სუფთა პერანგი ჩავიცვი, და სწორედ ამ დროს გაისმა პილოტის ხმა, იგი რადიოთი გვაფრთხილებდა, რომ რაკეტის დამუხრუჭებას იწყებდა და გადატვირთვის თავიდან ასაცილებლად ყველანი საგანგებო კაბინაში შევსულიყავით.

რაკეტა კავკასიონის მეშვიდე კოსმოდრომზე იჯდა. როდესაც მიწას ფეხი შევახე, ისეთი შეგრძნება მქონდა, თითქოს შეიკრა დიდი ხნის გაწყვეტილი, დიდი ხნის ჩაყანგული ელექტროწრელი

და კაშკაშა ნათურა აინთო. ადგილზე გავშემდი, ნაბიჯის გადადგმა ვეღარ გავბედე. მეშინოდა ისევ არ გაწყვეტილიყო ეს წრე და არ ჩამქრალიყო ნათურა.

პოლიგონს ოქროსფერი ლითონის დაბალი მესერი ერტყმოდა გარს და იმ მესერს იქით ზღვა ხალხი ირეოდა. კუნძლივით ვიდექით ამ ზღვის შუაში. მესერის კარს ფორმაში გამოწყობილი კოსმოდრომის თანამშრომლები მოადგნენ, კარი გააღეს და ვიდაცეებს ხელით ანიშნეს პოლიგონის შიგნით შემოსულიყვნენ. ხალხს რამდენიმე ადამიანი გამოეყო, ისინი თითქმის სირბილით წამოვიდნენ კარისკენ. კი არ დავინახე, ალბათ, ვიგულისხმე, რომ მათ შორის ორი ქალი უნდა ყოფილიყო, და თვალები დავხუჭე, მეგონა, გული ვერ გაუძლებს მეთქი ჩემი გოგონას და ცოლის დანახვას. შემოვიდნენ, მოახლოვდნენ და, როცა სულ ახლოს მოვლენ, მაშინ გავახელ მეთქი თვალებს. და ვფიქრობდი: არა, არ შემეშლება, არ მომეჩვენება ნაი ახალგაზრდა თინათინად. ნაიც მიცნობს, რადგან არც მე და არც ჩემი ფოტოსურათები არ გამოცვლილან მას შემდეგ.

ქალის ფრხსაცმელების აჩქარებული კაკუნით მომესმა. ეს ნაია, ნაი; ჩემკენ მორბის. თვალები გავახილე; ლოყებაწითლებული, მაღალი გოგონა ჩემ შორიანლო შედგა, თვალები ააცეცა, გაუბეღობამ ფეხები შეუბორკა, შერცხვა, შეტრიალდა და რამდენიმე ნაბიჯი გადადგა ჩვენკენ მომავალი ქალის შესახვედრად.

ეს თინათინი იყო.

არ ვიცი, რამდენ ხანს მყავდა მკერდში ჩაკრული, რამდენ ხანს ვკოცნიდი მის პატარა, კოხტა თავს, ლოყებს, ხელებს; არ მახსოვს, როგორ გაქრა მთელი კოსმოდრომი, როგორ გაქრა ხალხი, როგორ ჩამოვარდა სამარისებური სიჩუმე ირგვლივ და მერე როგორ ხელახლა გაჩნდა ისევ ყველაფერი. ხელახლა ამოტივტივდა და ახმაურდა მიდამო.

თინათინი არც ცდილობდა ცრემლის შესრობას. იგი ალბათ ვერც გრძნობდა, რომ ტიროდა, მაგრამ ამ ტირილის ბრწყინვას მზე თუ გაუტოლდებოდა. ცალი ხელით მკერდზე მყავდა მიკრული, მეორე ხელს თმაზე ვუსვამდი. თითქოს ვცდილობდი მისი ჭაღარის და ჩემი დანაშაულის დაფარვას. თინათინი ახალგაზრდობისას თმას იღებავდა ხოლმე, მაგრამ ახლა განა იმიტომ არ შეილება, რომ გამომწვევად ეჩვენებინა ჩემი დანაშაული, საამკარაოზე გამოეფინა ჩემგან მიყენებული ტკივილი, ანდა, უსიტყვოდ გამოეთქვა საყვედური? არა, უჩემოდ მისთვის არავითარ სიკოხტავეს არ ჰქონდა აზრი. ამას მივხვდი და უბედნიერეს ადამიანად ჩავთვალე თავი.

ნაი იქვე იდგა და ცნობისმოყვარეობით მათვლიერებდა. მორცხვად ილიძებოდა, ხანდახან ცალ ქუსლზე შეტრიალდებოდა ხოლმე და ოქროსფერი მესერის გადაღმა შეგროვილ ხალხში ვიდაცას ჩემზე ანიშნებდა მალულად, ალბათ მისი ამხანაგები იყვნენ. ნაი იყო უცხო, ძალიან უცხო და ამავე დროს ყველაზე ნაცნობი ადამიანი, როგორც უცხო და ნაცნობია უძველეს ფოტოსურათზე გამოხატული შორეული წინაპრის გამოხედვა.

– მოდი ჩემთან! – ვუთხარი და ხელები მისკენ გავიწვდინე.

ნაი გამოიქცა და გულში ჩამეკრა. იგი დიდი ხანია ელოდებოდა თავის წილ ალერსს. მე ხელში ავიტაცე ჩემი გოგო, როგორც მაშინ, თორმეტი წლის წინათ, მაგრამ წარმოსახვა არაფრით არ დამემორჩილა, ხელიდან გამისხლტა ოთხი წლის ნაი, და თექვსმეტი წლის ქალიშვილის სიცოცხლითა და სიჯანსაღით სავსე სხეულმა მკლავები მომიდუნა. ნაი ძირს დავსვი.

– ჩამომიტანე წითელი ღრუბელი? – გაიცინა მან და მორცხვობამ კიდევ ერთხელ შეუწითლა ლოყები.

– გახსოვს?!

– არა, დედა მეუბნებოდა...

– ვერ ჩამოგიტანე, სულ გაყიდული იყო! – გავეხუმრე.

– არც ცისფერი? – ამყვა ნაი.

– ცისფერი შენ არ დაგიბარებია, თორემ იყო. რომ მცოდნოდა...

ნაიმ ეშმაკურად გააქან-გამოაქანა თავი, ვითომ ნანობდა, ნეტა ცისფერი დამეზარებინაო.

თინათინს ხელი მოვხვიე და კარისკენ გავემართეთ.

– მითხარი ერთი სიტყვა, მხოლოდ ერთი, რომ შენი ხმა გავიხსენო!

თინათინმა ქვემოდან ამომხედა და სევდიანად გაიღიმა:

– ლევან, – ხმა აუკანკალდა მას, – ხომ კარგად ხარ?

– კარგად, თინათინ, ყველაფერს გაიამბობ, შინ მივიდეთ და ყველაფერს ავიხსნი.

სანამ ნაიმ თავის მანქანაში არ ჩავსვდა, ხმა აღარ ამოვივლია, გარს იმდენი ხალხი შემოგვეხვია, რომ მანქანაში ჩამობნეღდა. ისმოდა შეძახილები, კინოაპარატების შრიალი.

ჩემი გოგონა თავბრუდამხვევი სისწრაფით მიაქროლებდა ჰაერომობილს. მე და თინათინი იმ ახალგაგონობილ ადამიანებევით ვბაასობდით, რომლებმაც იგრძნეს, რომ ძალიან მალე დაუახლოვდებიან ერთ-

მანეთს, მაგრამ ჯერ კიდევ უცხოები არიან და თავშეკავება მართებთ.

ბაასი შინ გაგრძელდა. ქალაქის მოედანზე ჩატარებული მიტინგის შემდეგ, თითქოს ძალიან დაღლილი უნდა ვყოფილიყავი ამდენი ხელის ჩამორთმევით, მისალმებით, ნაცნობებისა და მეგობრების ხვევნა-კოცნით; შარადებივით დამიდგებოდნენ წინ, გაიღიმებდნენ და მკითხავდნენ: აბა, ვინა ვარო. ვისაც მაშინვე ვიცნობდი, უხაროდათ, არ გამოეცვლილვართო. ვისაც ვერ ვიცნობდი, სწყინდათ, მაგრამ არ იმჩნევდნენ. მერე მოკლე სიტყვაც წარმოვთქვი ტრიბუნიდან. ოთხ-ხუთ კორესპონდენტს ერთბაშად ვადლებდი პასუხებს სეტყვასავით მოყრილ შეკითხვებზე. თითქოს დაღლილი უნდა ვყოფილიყავი, მაგრამ მე, ნაი და თინათინი საღამომდე ვისხედით ჩვენი ბალის ტალავერში და ვლაპარაკობდით. ყოველ სიტყვას ახალი ცნობა მოჰქონდა, ახალ ცნობას ახალი შეკითხვა, შეკითხვას მოულოდნელი პასუხი. დედამიწაზე, რაც არ უნდა მოშორებული იყო ადამიანებს, რაც არ უნდა უდაბურ კუნძულზე ცხოვრობდე, დარწმუნებით ვერ იტყვი, რომ შენი ამბავი არავინ იცის. კოსმოსი სულ სხვაა.

მე არაფერი მითქვამს ჩემი დაგვიანების მიზეზზე, მიუხედავად დაპირებისა, არაფერი ამიხსნია. არც თინათინს უკითხავს რამე. ალბათ ორივენი ვგრძნობდით, რომ ეს მთელი ჩვენი მომავალი ცხოვრების მუდმივი თემა იქნებოდა, და არ ვჩქარობდით.

ჩვენ მრგვალი მაგიდის გარშემო ვისხედით, ვახშამი ახალი დამთავრებული გვქონდა. თეთრი ფაიფურის დიდი ლანგარი სავსე იყო მსხვილი, წითელი ბლით, ნაიმ დაკრიფა ჩემს საპატივსაცემოდ. ახლა იდგდა და მიყურებდა, სიამოვნებდა, რომ გემრიელად შევექცეოდი.

თინათინი ძალიან გამოცვლილ-



იყო. არ მინდოდა საკუთარი თავისთვის გამემხილა ეს, ვცდილობდი არ შემემჩნია და ამით შემემსუბუქებინა ჩემი დანაშაული, მაგრამ უფრო და უფრო ვრწმუნდებოდი, რომ თინათინს აღარ ჰქონდა ის ახალგაზრდული სინედლე სხეულისა, გამქრალიყო ის ბავშვური გამომეტყველება, მე რომ ასე მხიბლავდა ხოლმე. ერთი წლით უმცროსი დავტოვე და ცხრა წლით უფროსი დამხვდა. ამ ელემენტალურ არითმეტიკას თავისი საქმე გაეკეთებინა.

მაგრამ ხანდახან დანისლული თვალების სიღრმიდან ისეთ ძლიერსა და მკვეთრ სინათლეს შემოასხივებდა, როგორც ადრე არასოდეს შემემჩნია, ერთდროულად იმდენ რამეს ამბობდა მისი მეტყველი სახე, რომ წაკითხვას და აღქმას ვერ ვასწრებდი. იმ წუთებში მეჩვენებოდა, რომ მისი სულის შორეულ წიაღში ცეცხლი გუგუნებდა, და თინათინის თვალებს იმ ცეცხლიდან აცვნილი ნაპერწკლები ანათებდა.

მერე მივხვდი, რომ ეს იყო გონება, ცოცხალი, ცხოვრების რთულ წუთებთან ჭიდილისას გამოწვრთნილი, დიდი ცოდნით დამძიმებული და სწორედ ამის გამო მსუბუქი და მოქნილი. მე წარმოვიდგინე ჩემი ბრიყვული გამომეტყველება, მსუქან ბიჭუნასავით გადატყევილი უნაოჭო სახე, და უხერხულობა ვიგრძენი.

საღამოს ბინდი წვებოდა ხეხილით მოჩრდილულ ბაღში. მოთენთილსა და მოღლილს, რატომღაც ძალიან მომინდა სასმელი, უეცრად მომენატრა წითელი ქართული ღვინო, გამჭვირვალე და არომატული. თინათინს შინ ერთი წვეთი არ აღმოაჩნდა.

– ხომ არ გალოთდი იქ? – გაიღიმა თინათინმა და ხელი ცისკენ აიშვირა.

– არა, თინა, გემოს გახსენება



მინდა, მხოლოდ გახსენება. ასე მეჩვენება, თუ ყველა მიწიერი წვრილმანი არ გავიხსენე, ვეღარ ვიაზროვნებ მეთქი.

– ღვინიდან იწყებ? – ისევ გაიღიმა.

– მე შენი ხმიდან დავიწყე, სულ აღარ მახსოვდა შენი ხმა... ამ წუთში დავბრუნდები.

ტანსაცმელი გამოვიცვალე და ქუჩაში გამოვედი. უკვე ბნელოდა. მთელი პროსპექტი ფეხით ჩავიარე. მერე ქუჩა გადავკვეთი და მალაზიაში შევედი. დიდხანს ვარჩიე ღვინო, მაშინვე საჭაშნიკო კოლოფი მომაწოდეს, კოლოფში პაწია, ლამაზი ჭიქები ეწყო, თხუთმეტობედ სხვადასხვა მარკის წითელი ღვინით სავსე. კარგი დეგუსტატორივით ვწრუპავდი ღვინოს და ერთ ნეტარებაში ვიყავი. ბოლოს სამი ბოთლი გამოვართვი და შინ გავავაზავინე. როცა ისევ ქუჩაში გამოვედი, ვიგრძენი, რომ ღვინო მომკიდებოდა, სხეული სასიამოვნოდ გაებრუნებინა მიწისა და მზის მათრობელა წვეს. და მე ქალაქში ხეტიალი მომიწია, როგორც ძველად, სტუდენტობისას.

ჩემს აქ არყოფნაში ბევრი რამ შემატებოდა ქალაქს. ქუჩის ტრანსპორტი ორიდან სამსართულიან მოძრაობაზე გადასულიყო. პირველი სართული, ანუ უშუალოდ ქუჩა, ბორბლებიან ტრანსპორტს ეკავა. მათ მძღოლებს ქალაქის მხოლოდ ახლო უბნებში შეეძლოთ მისვლა. შორეული გარეუბნებისკენ გეზის ასაღებად საგანგებო ბაქნებზე უნდა აეყვანათ მანქანები და იქიდან ჰაერში აფერინათ მოძრაობის მეორე სართულის მწკრივში ჩასაყენებლად. ამ მწკრივს, ქუჩის თავზე, სახლებს შორის რომ მიფრინავდა, გაცილებით დიდი სიჩქარე ჰქონდა. მესამე სართულის მოძრაობა საქალაქთაშორისო მარშუტებისთვის დაეწესებინათ, მაგრამ ტრანსპორტის ფრენის სიმაღლე სახლის სახურავებს არ სცილდებოდა, მოძრაობის ყოველ სართულს ღამით თავისი სინათლის ზონა ჰქონდა, დაბლა სართული იისფერ ელექტრომდინარეში მიქროდა, მეორე – ვარდისფერში, მესამე – მწვანეში. როგორც კი ტრანსპორტი სხვა ფერის სინათლეში შეყოფდა "ფენს", ავტომექანიზმი დაუყოვნებლივ უკან აბრუნებდა.

მთავარი პროსპექტიდან გადავუხვიე და ვიწრო ქუჩით უცნობ მოედანზე გავედი. აქ ძველად უზარმაზარი, მოძრავდახლიანი მალაზია იყო. მყიდველები იდგნენ და ელექტროდილზე თითის დაჭერისთანავე მათთან ჩნდებოდა საჭირო საქონელი. მალაზია აუღიათ.

ახლა აქ შადრევნებით ახმაურებული მოედანია, გადაღმა პარკი აუშენებიათ, რაღაც ნაგებობას ამოუყვია თავი პარკის სიღრმიდან.

უეცრად მომხიბვლელმა აზრმა გამიელვა, სიხარულისგან კინაღამ შევყვირე: არ დამეძინა, თეთრად გამეთენებინა ეს ღამე!

დავიღიმი ქალაქის ქუჩებსა და პარკებში, მოედნებსა და პროსპექტებზე, ვებრძოდი სხეულში ჩაბუღებულ დაღლილობას. ქუთუთოებზე ჯალათივით ჩამოკიდებულ რულს. გადიოდა წუთები, საათები, დედამიწას ეძინა, ეძინა ჩემს ქვეყანას, ჩემს ქალაქს, თინათინსა და ნაის, ეძინა ყველას და ყველაფერს. მე კი ფხიზლად ვიყავი! ერთი ღამით, ერთადერთი ღამით, მაგრამ მაინც ვეწეოდი დედამიწას!

დიდხანს ვხეტიალობდი, უცხოდან კიდევ უფრო უცხო ქუჩებში გავდიოდი, ქალაქის ბევრი უბანი პირველად ვნახე ჩემს სიცოცხლეში. ღამე კი თითქოს ერთ ადგილზე იდგა, როგორც ის მუქი გრანიტის ქანდაკება.

განთიადმა სანაპირო ქუჩაზე მომისწრო. ამდენი ხნის შემდეგ ეს ჩემი პირველი დილა იყო დედამიწაზე. მზეს ძველი ნაცნობივით გავუღიმე; ასე იყო თუ ისე, უკანვე გამოვტაცე ერთი ღამე იმ უამრავ დღე-ღამეთაგან, როდესაც მე აქ არ ვცხოვრობდი. იქნებ დანარჩენი დღეების ანაზღაურებაც შეიძლება?

ქალაქი უკვე გაღვიძებული იყო, როდესაც ჩემს სახლს მივადექი და კარი ფრთხილად შევაღე. ლოგინზე გაუხდელად იწვა თინათინი. შევედი თუ არა, სწრაფად ჩამოჯდა საწოლზე.

- სად იყავი?!
- მაპატიე, თინა, გაგაღვიძე...
- მე არ მძინებია.
- არ გძინებია?!
- არა. გელოდებოდი!

ამ დროს მეზობელი ოთახის კარგი გაიღო და ნაიმ გამოჰყო თავი.

- მამა, მოხვედი?
- შენც... შენც არ გეძინა?!
- არა, მამა!

თავი დავხარე. თითქოს სხეულში დაგროვილი ამდენი ხნის დაღლილობა ერთბაშად ქვად იქცა და ვეღარ მოვერიე მოულოდნელ სიმძიმეს.

ტყუილად გამითევია ღამე, ტყუილად მეგონა, რომ მხოლოდ მე ვფხიზლობდი და ერთი ღამით დავეწეოდი ჩაძინებულ ქვეყანას. ვაითუ ის გაცდენილი დრო, სწორედ ის თორმეტი წელი, მაინც უნდა ვიცხოვრო მიწაზე, რომ თინათინივით ძლიერი გონება და ელვარე თვალები მქონდეს!

თავი მაღლა ავწიე. თინათინი ტელეფონის მაგიდასთან იდგა, ხელში რაღაც ქალაქის ნაფლეთები ეჭირა და აკოწიწებდა. თვალები ცრემლით ჰქონდა

სავსე.

– რა მოხდა, რა არის ეგ?!

– მე დავხიე... – ასლუკუნდა თინათინი და ცოცხალივით ათრთოლებული ნაფლეთები გამომიწოდა.

სასწრაფოდ მაგიდაზე გავშალე, შევაკოწიწე და მეც ამითრთოლდა ხელები; ფოტოტელეფონით გადმოცემული ბარათი იყო კაპიტნის ხელმოწერით:

"თქვენ მართალს ამბობდით; მე ისევ მივფრინავ – მომავალ ხუთშაბათს ხომალდი გაემზავრება ბეტაკაულისკენ, გონიერ ბაქტერიებთან ულტიმატუმის წარსადგენად. ყველა მოსალოდნელი ხიფათი გათვალისწინებულია, დროთა შეფარდება: ოთხი წელი – ოცდახუთ წელიწადთან. რას იტყვით?! თუ გადაწყვეტთ, რომ აუცილებლად მჭირდება მკურნალობის

გაგრძელება კოსმოსში, სვალ დილითვე შემატყობინეთ, ექიმო, და უშიშრად მოგანდობთ ჩემს სწულს გულს. ბოდიშს ვიხდი თქვენ მშვენიერ მეუღლესთან".

– მე დავხიე! – ჩამესმა თინათინის აკანკალებული ხმა.

– რა გატირებს, ბავშვი ხომ არა ხარ?!


– მე დავხიე.

მაგიდაზე იდგა მალაზიიდან გამოგზავნილი სამი ბოთლი წითელი ღვინო. ერთ ბოთლს საცობი მომძვრალი ჰქონდა. თინათინს გაკრიალებული, ცარიელი ჭიქა დაედო მის გვერდით.

და მე აღარ ვიცოდი: გავავსებდი ღვინით იმ ჭიქას, თუ ისევ ცარიელს დავტოვებდი.

1967

*იბეჭდება მწერლის ქალიშვილის, ბაო ყიფიანის ნებართვით, მკირედი შემოკლებით*



**ილიშერ ყიფიანი**

(21. XI. 1924 – 29. XII. 1972)

ცნობილი ქართველი მწერალი, მეოცე საუკუნის სამოციანი წლების ქართველი მწერლების თაობის წარმომადგენელია. დაიბადა თბილისში, დაამთავრა თბილისის სახელმწიფო პოლიტექნიკური ინსტიტუტი. მწერლობა სტუდენტობის პერიოდიდან დაიწყო და თავის პირველ ნაწარმოებებს თბილისის სახელმწიფო უნივერსიტეტის ჟურნალ „პირველ სხივში“ აქვეყნებდა. წლების მანძილზე მუშაობდა ჟურნალებში: „დროში“, „მნათობი“, „ცისკარი“ და სხვ. მისი მოთხრობების პირველი კრებული „მაღალი ჭერი“ 1958 წელს დაიბეჭდა, ხოლო „დროთა კავშირი“ მისი პირველი და ერთადერთი ფანტასტიკური მოთხრობაა. ედიშერ ყიფიანის შემოქმედებითი პერიოდი სულ 15 წელს მოიცავს და ის ქართველი მკითხველისთვის ცნობილია ნაწარმოებებით: „წითელი ღრუბლები“, „ცაში ასროლილი ქუდები“,

„მეცხრე კარი“, „მწვანე ფარდა“, „ჰობოი“, „ფარდობითობის თეორია“ და სხვა. ედიშერ ყიფიანის კინო და მულტიპლიკაციური სცენარების მიხედვით გადაღებულია ფილმები: „ცეროდენა რაინდები“, „მეგობრები“, „ჰობოი“, „გოგონა და შადრევანი“. ედიშერ ყიფიანის ზოგიერთი ნაწარმოები თარგმნილია უცხოურ ენებზე. 2012 წელს ამერიკულმა გამოცემლობამ „ექსლიბრისი“ დაბეჭდა მისი მოთხრობების მცირე კრებული „მსჯავრი მთებისა“

არა, და აი, სხვა ვარსკვლავებზე უფრო უცნაურ და საოცარს ამბებს ლაპარაკობენ მეცნიერები. ესლა იქ ვაპირებ წასვლასა და თუ ეს მოხერხდა - რომ მოხერხდება, ამის ეჭვი არა მაქვს, - მაშინ ბევრ კარგს და საოცარ ამბებს მოვიგან.

*კლუბის  
წევრთა  
შემოქმედება*

**ანა ჩიქოვანი**

**სამსალა**



ჩამავალი მზის შუქი წითლად ფერავდა ცაში გამოკიდულ, სხვადასხვა ზომისა და ფორმის დიკლებს (დიკლი - თვითმფრინავის, დირიჟაბლის, აეროსტატისა და სხვა საფრენი აპარატების კრებითი სახელი). მათ გამო, ცა, ჭიის გამოჭმული ფოთოლივით აქა-იქ ძლივს მოჩანდა. დიკლები ფორმით ზომალდებს, გემებს, ნახევარსფეროებს ან სახლებს ჰგავდნენ: - კელლებით, ფანჯრებითა და აივნებით. დიკლების ზედაპირზე აკუმულირებული მზის ენერგია საკმარისი იყო ამ აპარატების სამუშაოდ, განათებისთვის

თუ სხვა საჭიროებისთვის. ისინი ყველა მიმართულებით ადვილად გადაადგილდებოდნენ; ჰორიზონტალურად თუ ვერტიკალურად მოძრაობისას, მოგულულ სისინს გამოსცემდნენ, ხოლო სტატიურ მდგომარეობაში - უხმაუროდ ეკიდნენ ცაში. ბინდისმომლოდინე მიწაზე ერთი დიკლია დარჩენილიყო და ისიც ტორტმანით ცდილობდა აფრენას.

აი, გაცის დიკლიც მოსწყდა მიწას და ტაატით აიწია ჰაერში. გაცი კი ბალახზე ზის. ის ერთადერთი ადამიანია დედამიწაზე, ვინც მზის ჩასვლის შემდეგ მიწაზე დარჩა. ბავშვობის მერე, მას მერე, რაც

ძველი დრო დამთავრდა, ამაზე ოცნებობდა გაცი; მიწაზე გაშლართულს ეცქირა ცაზე მოკაფე ვარსკვლავებისთვის. იცის, რომ განათებული დიკლებით გადაჭედელ ცაზე ვარსკვლავს კი არა, მთვარესაც ვერ დალანდავს; ესეც არ იყო, ჯოჯოხეთის სამსალა დაბნელებამდე მოულებს ბოლოს, მაგრამ მაინც აქ, მიწაზე უნდა ყოფნა; უნდა ისევე მოკვდეს, როგორც მისი ერთადერთი სიყვარული - იათა მოკვდა...

- იქნებ გადაიფიქრო, ბაბუ! ჯერ კიდევ მოვასწრებ შენს ამოყვანას! - უკვე აფრენილი დიკლიდან ჩამოსძახა შეილთაშვილმა.

- არა! მშვიდობით იყავით! - გასძახა გაციმ და საკუთარმა ხმამ შეაშინა. თითქოს ახალგაზრდობის მერე პირველად გაიგონა ის და ვერ იცნო; ხმაც სხეულივით ბებერი და უძლური ჰქონია თურმე.

დიკლის აივანზე მისი მონაგარი შეყრილიყო; თვალცრემლიანი, მწუხარე სახეებით დასცქეროდნენ მაღალ ბალახში ჩაკარგულ მოხუცს. დიკლი სისინით შორდებოდა ხმელეთს. ბოლო საყვირის ხმაც გაიშმა; ეს იმის მაუწყებელი იყო, რომ მიწაზე დარჩენილი ნებისმიერი ცოცხალი არსება დასაღუბად იყო განწირული.

\*\*\*

თექვსმეტი წლის იყო გაცი, როცა ძველი დრო დასრულდა. გაზაფხულზე მიწა გაიხსნა და წიაღიდან მომაკვდინებელი სუბსტანცია ამოანთხა; ეს იყო სრულიად უცხო ნივთიერება; ერთი შეხედვით, მოშავო და გამჭვირვალე - ნისლს, მღვრიე წყალს ან კვამლს წააგავდა. მოგვიანებით, მისი მოძრაობისა და „ქცევის“ გამო დაასკვნეს - ეს „რაღაც“, საკმაოდ გონიერი ცოცხალი ორგანიზმი იყო.

მისი გამოკვლევის სხვა შესაძლებლობა არ არსებობდა, ამიტომ მხოლოდ ვიზუალური დაკვირვებით შემოიფარგლნენ და „ვენენუმ ტერრა“ შეარქვეს, რაც ლათინურად მიწის შხამს ნიშნავს, მაგრამ ხალხმა უფრო „პოეტური“ სახელი მოიფიქრა - „ჯოჯოხეთის სამსალა“. მოგვიანებით სამსალის „მოხელთება“ ჰერმეტიულად ჩამკეტი ხაფანგით მოახერხეს, თუმცა გამთენიისას ის გაქრა და ჭურჭელში მხოლოდ თხევადი ამიაკის, კალიუმის, მაგნიუმისა და სხვა არაორგანული ნივთიერებების ბუილიონი დარჩა. ჯოჯოხეთი თავის საიდუმლოს იცავდა.

სამსალა ყველა კონტინენტზე ერთ ღამეს ამოინთხა; ყველაფერი უმნიშვნელო მიწისძვრებით დაიწყო; ჯერ მთელი ხმელეთი გვალვით დამწვარივით დაიბზარა, რამდენიმე დღეში ეს ბზარები თანდათან მაჯის სიმსხო გახდა და შენობების ნგრევაც

გამოიწვია. აწიოკებული მოსახლეობა გაშლილ ადგილებს ეშურებოდა; ნგრევის მამუტაბები წარმოუდგენლად დიდი იყო, მაგრამ ეს მხოლოდ დასაწყისი აღმოჩნდა აპოკალიფსური კატასტროფისა.

ერთ ღამეს, როცა თითქოს ყველაფერი ჩაცხრა და დედამიწის გაწამებული ბინადარნი გადარჩენას ზეიმობდნენ, მიწის დახეთქილი გულიდან გველებივით ამოსრიალდნენ ამორფული საცეცები, რომლებიც ჯერ მდინარეებად, შემდეგ კი ზღვად გაერთიანდნენ და სრულიად დაფარეს ხმელეთი. საცეცების შეხებისთანავე ყველაფერი ორგანული იშლებოდა და წამებში აბსორბირდებოდა მტაცებელი სუბსტანციის მიერ. სამსალა მცენარეებს არ ერჩოდა; როცა ხეებს ტალღასავით გადაუვლიდა, ისინი მხოლოდ ნიავს აყოლილებივით ოდნავ არხვედნენ ფოთლებს. ჯოჯოხეთის სამსალას ვერავინ გაექცეოდა: ვერც ქვემძრომი, ვერც ფრინველი; ხეებზე და მაღალ შენობებზე „ასვლა“ ისევე უპრობლემოდ შეეძლო, როგორც ნებისმიერ საცავში, სადაც წყალი ან ჰაერი შეაღწევდა. ის საჭიროებისამებრ ვერცხლისწყალივით ნაწვევდებოდა და ერთიანდებოდა; ყოველი ცალკეული ნაწილი შეთანხმებულად მოქმედებდა; სამსალას გველივით ყელყელაობაც შეეძლო, ასე მეტრის სიმაღლემდე აფრენილ ჭოტს ჩამოხსნიდა და „შესანსლავდა“. ერთადერთი, რასაც უფრთხოდა, მზის სინათლე იყო; გამთენიისას, პირველი სხივის გამოჩენამდე, უკან უბრუნდებოდა მიწის წიაღს და დასავლეთისკენ ინაცვლებდა უკუნს ადევნებული. დილით ქვეყნიერება თეთრი, გაპრიალებული ჩონჩხებით მოფენილი დახვდა მზეს; იმ ღამეს ცოტა გადაურჩა... იმ ღამეს დამთავრდა ძველი, კეთილი დროება... გაცის ქალაქის თავზე კი - მხოლოდ ერთი, მსუბუქი აირით გაბერილი საჰაერო ბურთი დაფრინავდა და მის კალათაში გაცი იყო....

\*\*\*

მოხუცი უცქერის გაბურღულ ბალახში გაცრილ ჩამავალი მზის სხივებს. უკანასკნელი სხივიც მიიღია. დიკლებზე ნათურები აანთეს. არაფერი გავდა იმას, რაც შორეული წარსულიდან ანსოვდა და აკვიატებულ სიზმრებში ხედავდა გაცი. აღარ იყო ჭრიჭინების გაბმული სიმღერა, ბაყაყების სატრფიალო გადაძახილი და უამრავი სხვა ხმა - ღამის განუმეორებელ მუსიკად რომ ჟღერდა ოდესღაც. ბალახი - ჩვეულებრივი ჭვავბალახა, რომელზეც მოხუცი გადაწვა, კაცის სიმაღლემდე აწვერილი, ბევრად უხეში და მსხვილი იყო, ვიდრე ბავშვობაში; სურნელი? - სუნების მიმართ მგრძნობელობა დიდი ხანია დაკარგა მოხუცმა და, ალბათ, ასეც სჯობს,

რადგან მენსიერებაში ისევ ცოცხლობენ მშვენიერი არომატები იმ ძველი ღროდან; განა არ იცოდა, რომ ასეც იქნებოდა, განა ელოდა რამეს ნახვას? - ჰო, რატომღაც მეტს ელოდა, მიწიდან მზის ჩასვლის ცქერა ნეტარებად ესახებოდა გაცის.

- ეექჰ, კიდევ ერთი, უკანასკნელი იმედგაცრუება ჩემს ცხოვრებაში. - ხმამაღლა თქვა მოხუცმა და დამჭკნარ საფეთქელზე კენტი ცრემლი ჩამოუგორდა.

ავისმომასწავლებელი ჩქამი დაიდრა მიწის გულიდან, შემდეგ ეს ჩქამი ქართ აწრიალებული ბალახის შრიალს ემსგავსა... მოახლოვდა სიკვდილი... გაცის ეგონა, რომ მისი შიში დიდი ხანის წინ დაამარცხა. აკი თავად ეხვეწებოდა ოჯახის წევრებს - ძირს დამტოვეთ, უკანასკნელად მნახეთო დაღამება მიწაზე. სახვეწად საქმე ავადმყოფობის შემდეგ გაუხდა, ზღვის ხალხთან თევზის საყიდლად მისულს, დიკლის კიბეზე ფეხი დაუცდა და წყალში ჩავარდა; მას მერე ბებერი ძვლები ველარ გაითბო; ისე დაუძლურდა, რომ დახმარების გარეშე გადაადგილებაც უჭირდა, თორემ, ერთ დღესაც მიწაზე ისე დააღამებდა, ვერავინ გაიგებდა, სად იყო...

\*\*\*

გაცის მამას - ხიტო დიკლიანს - ერთი უცნაური გატაცება ჰქონდა, პროფესიით არქიტექტორი ათასგვარ ძველებურ ნივთსა და მექანიკურ ხელსაწყოს აგროვებდა: უზარმაზარი სახელოსნო სავსე იყო საკერავი, სარეცხი, ხორცის საკეპი, ყავის სახარში და სხვა, თანამედროვეობაში სრულიად გამოუსადეგარი მანქანებით; ქაღალდის წიგნებით; ვიზუალური თუ ხმოვანი ჩანაწერების მწარმოებელი ყუთებით; ადამიანის მიერ მართვადი ავტომობილი და ვინ იცის, კიდევ რა... გაცის დედა ქმრის გატაცებას გაგებით ეკიდებოდა, ოღონდ იმ პირობით, რომ ამ „სიმდიდრეს“ სახლში არ შემოზიდავდნენ. ხიტომ ჯერ კიდევ მიწისძვრებამდე, აეროსტატის - მფრინავი აპარატის გამართვა გადაწყვიტა. ჰოლოგრაფული მაკეტი ისეთი პრიმიტიული აგებულების იყო, რომ-გაცი ვერ იჯერებდა, ეს ტილოს ბუშტიანი კალათა აფრენას თუ შეძლებდა; აპარატს სამი საუკუნის წინანდელი ნახაზების მიხედვით აწყობდნენ. გაცი როგორც ყოველთვის ხალისით ჩართო საქმეში; რობოტების გარეშე ფიზიკური შრომა, ოჯახური ჰობი და დიდი სიამოვნება იყო მისთვის. როცა რამეს მარჯვედ გააკეთებდა, მამა აჯაგრულ ქორხორზე ხელს გაუსკავდა და „მამაილაო“ ეტყოდა. ბიჭისთვის არ იყო კვეყნად ამაზე სასიამოვნო ქათინაური. მართლაც საოცრად ჰგავდნენ ერთმანეთს მამა-შვილი: ორივე მაღალი, ხმელ-ხმელი, წაბლის-

ფერი, ჯაგარა თმით და ღრმად ჩამჯდარი, ჭროლა თვალებით; ოდნავ კეხიანი, თხელი ცხვირი და ღონიერი ნიკაპი კი დიკლიანთა გვარის სიამაყე იყო. ხელმარჯვეობაც მამისგან გამოჰყვა; აბა, ჰოლოფონებს მიჯაჭვული გაცის თანატოლები, ჭანჭიკსაც ვერ მოუჭერდნენ. დაგეგმილი საცდელი ფრენა მიწისძვრებმა ჩაშალა და ბუშტიანი კალათა უპატრონოდ ეგდო სახელოსნოში. მოგვიანებით, როცა მიწისძვრა შეჩერდა და გადარჩენისადმი მიძღვნილი საყოველთაო ზეიმი გამოცხადდა, მამამ აეროსტატით გასეირნება შესთავაზა გაცის და ისიც დიდი სიამოვნებით დათანხმდა, მითუმეტეს, რომ მამა წინააღმდეგი არ იყო იათასთვის სიურპრიზიც მოეწყობო. პირიქით შვილის რომანტიკული იდეა სახალისო ეჩვენა.

აეროსტატი ქალაქიდან მოშორებით, ტრიალ მინდორზე გაიტანა ხიტომ. მამა-შვილი ადრიანად შეუდგა მზადებას; ზეიმზე დედა და გაცის ტყუპი დებიც იქნებიან. სია და ზია - დედსავით ქერა, თაფლისფერთვალეა გოგონები, ძმაზე თერთმეტი წლით უმცროსნი იყვნენ. ცელქი და ჟღურტულა ბავშვები გაცის აღმერთებდნენ. აეროსტატით გასეირნება მათაც უნდოდათ, მაგრამ მამამ ტყუპები იმ პირობით დააშოშმინა, რომ შემდეგ ჯერზე მათ წაიყვანდა.

მოზეიმე ქალაქის თავზე დილით აპირებდნენ უცნაური ბურთით გადაფრენას, თუმცა, უამრავი გაუთვალისწინებელი წვრილმანი თუ ტექნიკური ხარვეზი აღმოჩნდა გასასწორებელი და აეროსტატის ბურთი ნაშუადღევს ძლივს გაბერეს. გაცი უკმაყოფილოდ ბუზღუნებდა, მას ხომ ზეიმზე იათა ელოდა - მსოფლიოში ყველაზე ლამაზი და სასურველი არსება. ჰოლოფონით წამდაუწუმ უკავშირდებოდა და შეყოვნების მიზეზს უჩვენებდა გოგოს. ეჭვობდა, რომ იათა უფრო საინტერესო სანახაობით ერთობოდა, ვიდრე რაღაც წარღვნამდელი აეროსტატი. ჰოლოფონით კავშირი კიდევ უფრო უძმაფრებდა გაცის გულისსწორთან ყოფნის სურვილს. ხედავდა, რომ მის იათას, თმები კეფაზე აეკრიფა და პაწია, სურნელოვან ყურის ბიბილოებს ჟღალი კულულები აღარ უფარავდა; თეთრ კაბაზე იასამნისფერი მოსასხამი მოეგდო... როგორ უყვარდა ეს მოსასხამი გაცის, ეს მოსასხამი მათი პირველი კოცნის მოწმე იყო... ის გაიფინეს ბალახზე, როცა პირაღმა გაწოლილები ცას შესცქეროდნენ... მამინ ყველა ვარსკვლავი მათთვის აფრქვევდა ცივ ნათებას და უსაზღვრო კოსმოსიც კი, პატარა იყო გაცის ბედნიერებასთან შედარებით.

გოგონა შარშან, ზაფხულში გაიცნო გაციმ, ახალ-გაზრდა ფანტასტების შეხვედრაზე. მაშინ, იმ თავყრილობაზე, დედამიწის მომავალზე საუბრისას, ყველა შესაძლო საფრთხე „განიხილეს“: მეტეორის წვიმა, გლიზაელთა თავდასხმა, ბიორობოტების აჯანყება, გენსაცავების აფეთქება და ათასი სისულელე, მაგრამ არავის მოსვლია აზრად, რომ სიცოცხლეს ამ პლანეტაზე, თავად დედამიწა გაანადგურებდა. იათა და გაცი მანამდე მხოლოდ ინტერსივრციით ურთიერთობდნენ და მეგობრობდნენ კიდევ, მაგრამ პირველივე შეხვედრიდან იათამ უცნაური თამაში წამოიწყო; საოცრად გამჭრიახი გონებისა და უშუალო მანერების გამო, იათა ყველას მოსწონდა. გაცი კი პირველივე დანახვისთანავე შეუყვარდა, რაც ადვილი შესამჩნევი იყო. ჰოდა, იათაც ათასგვარ ხრიკებს იგონებდა; ხან მასხრად იგდებდა, ხან თვალბეჭით შესციცინებდა ბიჭს. მათი ურთიერთობა კატათავგობანას ჰგავდა, სადაც იათა აშკარად კატა იყო, გაცი კი – განწირული თავი. დიდი მოთმინება დასჭირდა გაცი, რომ იათას სიყვარული დაემსახურებინა და არ უნდოდა მისი გაწბილება. უთხრა, ზეიმზე სიურპრიზი გელისო, და ასეც უნდა იყოს...

\*\*\*

უკვე ბინდი წვებოდა, როცა მინდვრის ყვავილებით სავსე აეროსტატი მიწას მოსწყდა და ქალაქისკენ გაფრინდა. მისი მოძრაობის მიმართულებას ხიტო ხმაურიანი პროპელერის დახმარებით არეგულირებდა. ჩიტის გაფრენის სიმალიდან, ყველაფერი გულისამაჩუყებლად ლამაზი იყო. გაცი სიხარულით ცქმუტავდა; ფრენა არახალი იყო მისთვის, საკუთარი მაგნიტომობილი ნაკლებ სიმაღლეზე როდი უქროლებია, მაგრამ ეს სულ სხვა იყო, ქარი სახეში სცემდა და ბუნებასთან ერთობის, თავისუფალი ფრენის ცოცხალ შეგრძნებას ქმნიდა.

ქალაქს შებინდებისას მიუახლოვდნენ. მამა-შვილის ჰოლოფონები ერთდროულად ჩაერთო, გაურკვეველი ხმები, გამოსახულებები გამოსცეს, და თავისთავად გაითიშნენ. გაცი და ხიტოს სხვა საზრუნავი ჰქონდათ და ამისთვის დიდი ყურადღება არ მიუქცევიათ. აეროსტატი ქალაქის ცენტრალური პროსპექტის თავზე მოექცა; გაციმ ნანგრევებისგან უკვე გაწმენდილ ქუჩაში იათას ძებნა დაიწყო. ჰოლოფონი არ ირთებოდა; თვალბეჭად იქცა ბიჭი, ხიტოც გაფაციცებით ზვერაგდა პროსპექტს, ცოლშვილიც უნდოდა დაენახა, როცა გაციმ, დათქმულ ადგიზე, ჭიანჭველებივით მოარულ ხალხში იასამნისფერ მოსასხამს მოჰკრა თვალი, გახარებულმა მთელი ხმით

ჩამოსძახა:

- იიაათააა! იიაათააა! ეივებს შეევენ!

მარტო იათა კი არა, მთელი ქუჩა ააჩერდა ცას პირდაღებულნი. მამა-შვილიგამალებით ისროდა ძირს უკვე მოღვენილ მინდვრის ყვავილებს. ხიტო ამ საქმიანობისას იცინოდა და „უხ შე მამაილაო“ მაღლიმალ იმეორებდა. სწორედ ამ დროს, ქვემოდან საშინელმა წივილ-კივილმა პროპელერის ხმა გადაფარა. გაურკვეველი რამ ხდებოდა ქალაქში. ხალხი ისტერიულად კიოდა და ყველა მიმართულებით გარბოდა. ერთმანეთს ეჯახებოდნენ, ზედახორად გადადიოდნენ, ქუჩებში მძიმე ნისლი მოძრაობდა, ყველაფერს ფარავდა და ამ ნისლში ადამიანები წამებში ქრებოდნენ. გაცი იათაც დაეკარგა თვალთახედვიდან. ქალაქში მაგნიტომობილით გადაადგილება ზეიმის დროს აკრძალული იყო, მაგრამ ახლა ერთდროულად უამრავი მაგნიტომობილი ავარდა ცაში. მათ კუდებივით თან ამოჰყვნენ ნისლის საცეცები.

-რა ხდება, არ ვიცი, მაგრამ უფრო მალა თუ არ ავალთ, უსათუოდ მაგნიტომობილებს დავეჯახებით! - იყვირა გაცი მამამ. აეროსტატი თვითმართვადი არ იყო და ბუნებრივია, ავარიის თავიდან აცილება შეუძლებელი იყო. გაციმ ჰელიუმის ბალონი ააქსუტუნა, თუმცა საჭაერო ბურთი ისედაც გაბერილი გახლდათ.

- მობილების საფრენზე მალა ასვლას ვერ შევძლებთ, კალათა ზედმეტად მძიმეა. - იყვირა ხიტომ და რამდენიმე ქვიშის ტომარა, რომელიც აეროსტატის მართვის აუცილებელ ატრიბუტად ეკიდა კალათის გარშემო, დანით დასერა, რათა ქვიშა წვიმასავით გაშლილად დაფრქვეულყო და ზიანი არავისთვის მიეყენებინა. გაცი ცდილობდა ჰოლოფონით დაკავშირებოდა იათას, დედას, მეგობრებს... მამამისიც განუწყვეტლივ აწკაპუნებდა საფეთქელთან მიმაგრებულ ჰოლოფონს, მაგრამ უშედეგოდ.

საჭაერო ბურთი ნელნელა ადიოდა მალა. მაგრამ მაგნიტომობილების საფრენს ვერ ასცდა. რამდენიმე ახლოს ჩაუფრინა აეროსტატს. ერთი უცნაურობაც შეამჩნია გაციმ, მაგნიტომობილებში თავიდან კარგად ხედავდა შემინებული ადამიანების სახეებს, ახლა ისინიც გაქრნენ და ცარიელი მობილები დაქროდა ჰაერში.

- არა, ამათზე მალა ასე ვერ ავალთ, სჯობს გადავხტე, მე უფრო მძიმე ვარ. თუ სიმაღლე მაინც ვერ აკრიფა, შენც გადმოხტე, ჯანდაბას აეროსტატი... თქვა ხიტომ და კალათიდან გადახტა. მისი შეჩერება შვილს არც უფიქრია, მათ ხომ მაშველი

ჟილეტები ეცვათ, რომელიც თასმაზე დაქაჩვით, წამის მეათედში სხეულის გარშემო დამცავ სფეროს ქმნიდა და ნებისმიერ ზედაპირზე დაცემა სრულიად უსაფრთხო იქნებოდა. მისი გადახტომა და ნისლში გაუჩინარება, ერთი იყო. აეროსტატი ზემოთ ავარდა. ძირს აღარაფერი ჩანდა, ბლანტი ნისლის გარდა. გაცი ჰოლოფონით ინტერსივრცეში შესვლას ცდილობდა. არც ამ მცდელობამ გაამართლა. რაღაც ძალამ ელექტრო, რადიო თუ მაგნიტური ტალღები ერთბაშად დაახშო. ქალაქი მალე ჩაწყნარდა, თუმცა ღამის განათება არ ჩაირთო. სრული წკვარამი და სიჩუმე უფრო აუტანელი ეჩვენა გაცის, მაგრამ კალათიდან არ გადმოხტა. კალათის კუთხეში მოიკუნტა და ემოციებით დაღლის ჩაქვინა. გამთენიისას სიცივი აკანკალებულს გამოეღვიძა. ნისლი გაფანტულიყო, ქალაქის ქუჩებში ელექტრომობილები, უამრავი ტანსაცმელი და რაღაც თეთრი საგნები ეყარა. იმ ადგილზე, სადაც გაცი იათასთვის ყვავილები ჩამოყარა, იასამნისფერი მოსასხამიც დაინახა. გაციმ მზერა დაძაბა, წამიც და... ყველაფერს მიხვდა, მოსასხამიდან იათას თავის ქალა შემოსტკეროდა; იქვე, მიწაზე დაფანტული წითური თმა, ოქროსფრად ბზინავდა, აქ საღდაც დედისა და ტყუპების ძვლებიცაა, ალბათ, მამა, მეგობრები...

\*\*\*

გაციმ ოთხმოცდათექვსმეტი წელი იცხოვრა; თექვსმეტი წელი მიწაზე ეძინა, ოთხმოცი - ცაში გამოკიდულს... რატომ უნდა ეშინოდეს სიკვდილის? იქნებ იმიტომ, რომ სამოთხეში მოხვედრის იმედი არ აქვს და იმ ჯოჯოხეთის ეშინია, ოდესღაც ცეცხლისა და ეშმაკების საუფლოდ რომ იხატებოდა მის ბავშვურ წარმოსახვაში? - არა, არც ღმერთი სწამს გაცის და არც ეშმაკი; არც სამოთხე და ჯოჯოხეთია საძებარი: ჯოჯოხეთი აქაა, დედამიწაზე; სამოთხე კი იქ დარჩა, წარსულ დროში. იცის, რომ აქ და ახლავე, სამსალა შეისრუტავს მის რბილობს, ძვლებს კი მზეს დაუტოვებს საცქერლად, იცის, რომ მისი კვალი, შვილთა შვილიშვილებში, და შემდეგ მათ მონაგარშიც დარჩება - მისთვის ესეც საკმარისია... მაინც ეშინია, გაუცნობიერებელი, ყოვლისმომცველი, ტკივილამდე ამკარა შიში ყელში ჩაფრენია და სულს უხუთავს...

ღვთისმოსავ ოჯახში აღზრდილი გაცის, ღმერთის არსებობაში ეჭვი მაშინ შეეპარა, როცა აეროსტატის კალათიდან დაინახა, ერთ ღამეში ძვლებად ქცეული ღვთის შვილნი: დიდი თუ პატარა, ცოდივილი თუ უცოდველი, პირუტყვი თუ მეტყველი...

ამის დაშვება ღმერთს არ შეეძლო... მაშ, არ არსებულა ღმერთი...თუ არსებობს და ასეთ უსამართლობას უშვებს... სალანძღავი სიტყვები პირზე მოადგა მაშინ ბიჭს, ვერ კი გაუბედა გინება იმას, ვისი არსებობაც აღარ სჯეროდა.

სიკვდილი გაცის ფეხს შეეხო. მოხუცმა თვალები დახუჭა, მოიკუნტა, ემბრიონის პოზაში გაყურებულს, ისლა უკვირდა, რომ ტკივილს არ გრძნობდა, ცხადად აზროვნებდა და შიშით გაუქრა. წამიც და ფეხებს ვეღარ გრძნობს... თავს ძალა დაატანა და თვალები გაახილა. გაციმ გამჭვირვალე, შავი საფარის ქვეშ, ტანსაცმლიდან თეთრად მომზირალი საკუთარი ძვლები დაინახა. სამსალა უკვე მუცლამდე ამოსულიყო.

ისევ დახუჭა მოხუცმა თვალები. უკანასკნელად რამე ღამაზს უნდა შეხედოს... რა დაუამებს იარად ქცეულ სულს? - დიკლებით ჩახერვილი ცა? - არა! მუტანტი ბალახი?-არა! ... იათა?!... იათა! - მისი პირველი და უკანასკნელი სიყვარული, ისეთივე ნორჩი და უსაზღვროდ ღამაზი, როგორც ოთხმოცი წლის წინათ! ... იათას იასამნისფერი მოსასხამი აცვია და კეფაზე აკრეფილი ჟღალი კულულები მზეზე შარავანდედვით უბრწყინავს. იათას სუნიც სცემს გაცის, მათრობელა, არაფრის მსგავსი არომატი... ახლა კი მზად არის მოხუცი; ღე, წაიყვანოს სიკვდილმა, სადაც უნდა...

\*\*\*

ბევრი ტანჯვა ნახა გაციმ. მას მერე, რაც კენტად ცაში გამოკიდული დარჩა, მხოლოდ საკუთარი თავის იმედად იყო. მაშინ ინტუიციამ უკარნახა ზღვისკენ გაფრენილიყო, სადაც სხვა გადარჩენილებიც ნახა. კაცობრიობა გადარჩა; გაშლილ ზღვაში გემებზე, წყალქვეშა სუბმარინებზე, ხელოვნურ კუნძულებზე და თვითმფრინავებზე მყოფი ადამიანები თანდათან კომპაქტურ „ზღვის დასახლებებს“ ქმნიდნენ ნაპირიდან მოშორებით. მამისეული აეროსტატი დიდი განძი იყო იმ ხანად. შიშით დაზაფრულ, შემთხვევით გადარჩენილ ადამიანებს, ხმელეთზე ფეხის დადგმის ეშინოდათ. დღისით თუ ღამით წყალს არ შორდებოდნენ. გაცის იმ ავადსახსენებელი ღამის მერე სიკვდილის აღარ ეშინოდა, პირიქით, თითქოს ეძებდა კიდევ მასთან შეხვედრას, ოღონდ უბრძოლველად დანებებას არ აპირებდა. ჰოდა, ზღვის ხალხს (ასე ეძახდნენ გემებზე, და ხელოვნურ კუნძულებზე მცხოვრებთ) მიწაზე დარჩენილ დოვლათზე ხელი მხოლოდ გაცის აეროსტატის წყალობით მიუწვდებოდათ. არაერთხელ სცადეს გაცისთვის აეროსტატი წაერთმიათ, მაგრამ ისევ ინტუიციისა თუ იღბლის

წყალობით, ყოველთვის გამარჯვებული რჩებოდა. ამ გარემოებამ გაცის დიდი პატივისცემა და სახელი მოუტანა. მამის სახელოსნოში ჩხირკედელაობამ ბევრი ისეთი უნარი შესძინა, რაც იმ დროს, რობოტებზე დამოკიდებულ ადამიანებს ნაკლებად ჰქონდათ. ეს უნარებიც კარგად გამოიყენა გაციმ. პირველი, საკუთარის მსგავსი აეროსტატი რამდენიმე მეთევზესთან ერთად ააგო და მოზრდილ ნავზე გაცვალა. მერე იმავე ჯგუფთან ერთად საფრენი კალათების წარმოებას მიჰყო ხელი. თანდათან ხვეწდა და ახალ-ახალი დეტალებით ამდიდრებდა მამისეული აეროსტატის მოდელს. საკუთარი გვარისგან წარმოებული სახელი – დიკლი – მან შეარქვა ამ აპარატებს. ათწლწულების მანძილზე სხვა მრავალმაც შეძლო ახალი საფრენი აპარატის აგება; საწვავზე, ქარისა თუ მზის ენერჯიაზე მომუშავე მფრინავი სახლები, მაგრამ სახელი იგივე დარჩა – დიკლი. ერთ ხანს ზღვის ხალხთან ცხოვრობდა, იქ გაიცნო მეუღლე – მასზე ბევრად უფროსი ჯალა, რომელიც არაფრით ჰგავდა იათას. ჯალა უსიტყვო, მშვიდი, ჯანმგარი და უპრეტენზიო ქალი იყო. ქალ-ვაჟი საერთო ტკივილმა და სიკვდილის მიმართ გულგრილმა დამოკიდებულებამ გაართიანა. ჯალას ორი შვილი და მეუღლე წართვა ჯოჯოხეთის სამსალამ. გაცისთან ერთად მიწაზე სიარული მისთვის ჩვეულებრივი რამ იყო. ქალმა შვიდი შვილი აჩუქა. „კაცობრიობის წინაშე ვალდებული ვარ, აწი მართო ჩემი შვილებიც აღადგენენ ადამის მოდემასო“ – იტყოდა ხოლმე გაცი. თავს ადვილად ირჩენდნენ, ხორბლის, ხილისა და ბოსტნეულის მოსავალი უშრომელადაც ბევრი ჰქონდათ, აკი მჭამელი აღარ დარჩა მიწაზე... სამსალა მცენარეებისთვის სახეირო რამ გამოდგა. მიწა მცენარეებს ეკუთვნოდათ მხოლოდ და ორიოდ წელიწადში, ადამიანის მოღვაწეობის ყველა კვალი ადამიანები ზღვის სანაპიროებს არ შორდებოდნენ, მხოლოდ თავზეხელაღებულები ბედავდნენ ხმელეთის სიღრმისკენ გაფრენას. სამსალა ხომ ღრუბლიან ამინდში, დღისითაც ამოდიოდა მიწიდან. ასე შეიქმნა „ცის ხალხის“ ქალაქები. დიკლებზე საავადმყოფოები და სასწავლებლებიც კი ფუნქციონირებდნენ. დღისით მიწაზე დაშვება ცის ხალხს ნაკლებად

ამინებდა, გამაფრთხილებელი საყვირი შებინდებისას ან ღრუბლების გამოჩენისას ჟღერდა. გაციმ და ჯალამ ბევრი შეძლეს; ყველა შვილს საკუთარი დიკლი აუშენეს. ოცი წლის წინ გარდაიცვალა ჯალა. მისდამი დიდი პატივისცემა და ერთგულება, სიყვარულში ვერ გადაიზარდა. გაცი ცოლის გარდაცვალების მერე მის სახეს ვეღარ იხსენებდა, სამაგიეროდ არასდროს დავიწყებია იათა.

\*\*\*

ჯოჯოხეთის სამსალამ თავზე გადაუარა გაცის. ნეტარ ხილვებში ჩაფლულმა მოხუცმა ვერ გაიგო, როდის დამთავრდა „სიცოცხლე“, მაგრამ გაიგო, როგორ დაიწყო რალაც ბევრად მეტი, ვიდრე თუნდაც ათასი სიცოცხლეა ერთად. ის ისევე გაცი იყო, ოღონდ გაციც იყო და იათაც, დიკლის ჭანჭიკთან შეყუყული პაწაწინა ქინქლიც და მილიონობით წლის წინ მცხოვრები დინოზავრიც; ყველა აქამდე არსებული სიცოცხლე, მათი აზრები, შიშები, იმედები, ვნებები თუ ოცნებები, ახლა გაცის ნაწილია... არა, ისაა ამ უსასრულობის ნაწილი; მისთვის არ არსებობს დრო და სივრცე, არ არსებობს უპასუხო კითხვები... უფრო სწორად, კითხვა აღარ არსებობს, რადგან ყოველივე ნათელი და გასაგებია; გაცია ყოველის დასაბამი და სასრული, სადაც სასრული დასაბამს ნიშნავს და პირიქით... ის ხედავს ყოველივეს, რაც ყოფილა და არის; ზღვის ფსკერზე გატრუნული უხერხემლო არსების შიმშილი, მისი შვილთაშვილის გონებაში დაბუდებული სევდა, შეყვარებული მეძავის ტკბილი კვნესა, ეგვიპტურ პირამიდაში ამოქოლილი ხუროს სასოწარკვეთა, პეპლის მადევარი ლეკვის აღტაცება თუ აცტეკი ქურუმის მიერ მკერდგამობრდღვნილი მონის ტკივილი, ყველაფერი მასშია და ის არის ყველგან, ის არის აბსოლუტი...

\*\*\*

გაცის მოსახელე შვილთაშვილი დიკლის აივნზე გადმოყუდული დასცქეროდა სასიკვდილო ბურუსს. დიდ ბაბუზე ფიქრობდა, უსაზღვრო სევდას შეეხებო... წამით მოეჩვენა, რომ ქვემოდან რალაც უხმობდა, ამშვიდებდა და იმედს აძლევდა... ახალგაზრდა გაცის ლოყაზე ცხელი ცრემლი ჩამოუგორდა და ბურუსში დაეშვა...



# ილია ბაბუნაშვილი

## რომანოზ და ქანება

ტფილისის საქალაქო სისკის გამომძიებელ საშიკ გძელიევს მოსვენება დაეკარგა. მესამე დღე სრულდებოდა, რაც მაგანს უთვალთვალებდა, მაგრამ ვერას მიმხვდარიყო. უკვე მესამედ ბინდებოდა, რაც ის კაცი წინ მიდიოდა, გძელიევი კი თან შორსა და თანაც ახლოს, ხილულად და იმავდროულად უხილავად უკან მისდევდა; ხანაც გაუსწრებდა, უცბად რომ შემოტრიალებულიყო, ანდა ქუჩის კუთხეს ამოფარებოდა და წინიდან შეეხედა, თუმცა, რად გინდა. დასტურ, კაცი საეჭვო იყო, ოღონდაც რატომ, ამას გძელიევი ვერა ხვდებოდა.

კაცს მუქი, უცხო ლაბადა ესხა და შლაპა ეხურა. კუშტი ვინმე ჩანდა, წარბშეკრული. თვალებს აცეცებდა, გამვლელსა და გამომვლელს აკვირდებოდა, მაგრამ ეს იმდენად საეჭვო არ იყო, რამდენადაც უცნაური მოწყობილობა, ანაზღად უბიდან რომ ამოაძვრენდა, გამვლელისკენ დამბახასავით მიმართავდა და თითოს დაატყრდა. აი, ამ დროს, თითქოს, წრიპინიც ისმოდა, ოღონდაც... ეს იყო და ეს. გამვლელი თავის გზას აგრძელებდა, კაცი – თავისას. მოწყობილობა კი პატარა უნდა ყოფილიყო, ხელის გულში დასამალი. მისი შესახედაობა გძელიევმა ვერ გაარჩია.

თვალთვალის პირველსავე დღეს სიშიკის ეჭვმა გაჰკრა, ვაითუ ლაბადიანი კაცის დამბახა შხამის წვრილ ნაკადს ასხამს და საბრალო გამვლელებს გვიან ჰკლავსო. გადაწყვიტა შეემოწმებინა. მეორე დილას ხელქვეითი ზიფურიდ გამბურგერი იახლა და როდესაც ლაბადიანმა თავისი ეშმაკის მანქანა დააწრიპინა, დამხმარეს თვალთ ანიშნა მიზანში აღმოჩენილ, ვინ იცის მოშხამულ გამვლელს აჰკიდებოდა. ისიც აეკიდა და დევნის მესამე დილას ამბავი მოიტანა, რომ გამვლელმა წინა საღამოს ძმაბიჭვებთან ერთად დაშხოშინად მოუღხინა, შემდეგ შინ მიბანცალდა და დილას იაკობას მყრალი სახაშის გავლით ერანოსიანცის საამქროს მიაშურა.

„კეთილი, მაგრამ, ხომ შეიძლება, გიჟი იყოს და მეტი არაფერი? – გაიფიქრებდა ხანგამოშვებით გძელიევი, – განა, უჩვეულო სამოსელში გამოწყობაც შემოიღებს არ სჩვევიათ? ჰოდა, თუ ასეა, რა ოხრობისთვისა ვცდები მესამე დღეა? ანგლიჩანი ოკულისტის მკვლელობის გამოძიებას მაინც ნულა მომთხ-



ოვენ. ისიც უნდათ, ესეც უნდათ. რას ერჩიან, დადის ეს კაცი თავისთვის, არაფერს აშავებს...“

მაგრამ, ლაბადიანის საქციელსა და წრიპინა იარაღში ნამდვილად იყო რალაც დასაეჭვებელი.

„კაცო, იქნებ, ტუჩებით აწრუპუნებს?... თუმცა, არა. ამ ჯეველს თვალის მიდევნება უსათუოდ სჭირია. ოღონდ, ეგ არის, აჯობებდა ყველაფერი დასაბამიდანვე გამბურგერისთვის ებრძანებინათ. ახალგაზრდაა და ცქვიტი“.

ბინდმა იმატა. დაულალავი ლაბადიანი და დაღლილი გძელიევი ტფილისის ქუჩებში ბოლიალს განაგრძობდნენ. სიშიკის მობეზრდა. თან, დილიდან უკვე ორჯერ ჩაუარა თავის სახლს. ეჰ, ნეტავ დუშკამ სადილად რა მოუშადა? ჰოდა, სწორედ სადილზე ფიქრობდა, სკუდიერის ხიდზე რომ შედგნენ. ხიდზე ურეში მიიზლახნებოდა. გადაღმიდან ქალ-ვაჟი მოკისკისებდა.

– რომანოზ, ჩემმა მზემ, უკვე დროა, შინ დავბრუნდეთ. დედილო გამიჯავრდება, – ქალმა სატრფოს მოციმციმე თვალები შეანათა.

– გემუდარები, ჟანეტ, ცოტაც ვიყოთ. გოლოვინსკზე ავიდეთ და ქაშუეთში ღმერთს სიკეთე შევთხოვოთ. შენთან საღამოს ტარებას არაფერი მიჯობს. განა დედილო ბოლთის ცემას გიშლის?

– რას ამბობ, უკვე გვიანია. ასეთ ჟამს ყველა რიგიანი ქალწული შინისკენ უნდა მიიჩქაროდეს. განა არ გინდა, შაფათსაც რომ გამომიშვას?

– ვან, ღმერთო! რა სწრაფად გადის დრო. აგერ, დღევანდელი პაემანიც ილევა და გულს მიკლამს.

ქალი შეკუნტრუშდა, ასკინკილობით გაიბრინა ათიოდ ნაბიჯი. უზომოდ ბედნიერი სჩანდა.

სატრფოთა ჟღერტული სკუდიერის ხიდის გადმოღმა კარგად როდი ისმოდა, მაგრამ ბედნიერების ამოცნობას დიდი ჭკუა-გონებაც რომ არ სჭირდება?... გძელიევს ჩაელიმა და წამიერად დაღლაც გადაავიწყდა, ოღონდ ვინ აცადა – მოულოდნელმა ხმამ გამოარკვია. ანაზღად იფიქრა სადმე მტკვართან ონავარმა ბიჭებმა ძალღს კოჭში ქვა თუ მიაყოლეს და ააწკმუტუნესო, მაგრამ, არა, ეს ძალღის წკმუტუნე არ იყო. უცხო ხმა უცხო კაცის ლაბადიდან მოდიოდა. ეს მისი დამბაჩა ჰკიოდა, განგაშსა სცემდა. არიქა, არიქაო, გაიბახოდა ეშმაკის მანქანა და თავად უცნობსაც ანგელოზები დაჰფეთებოდნენ, ცქმუტავდა – ცოტა იქით მიღვა, ცოტაც აქეთ და ხიდი გადაკვეთა; ქალ-ვაჟს კვალში ჩაუღდა. არც გამოცდილი სიშიკი დაბნეულა, სხარტი ნაბიჯით ურემს ამოეფარა და მერე ისიც გადაღმა აღმოჩნდა.

ლაბადიანმა გძელიევი ვერ შეამჩნია, წყვილის დევნა-თვალთვალთ ბრძანდებოდა მეტისმეტად გართული; შიგადაშიგ დამბაჩას აწრიპინებდა. თითქოს, გაოგნებაც ეტყობოდა. გულის სწორებს კი მღვეარიცა და მღვერის მღვეარიც ჩირად არ უღირდათ, ტრფობით ამჩატებულებმა სალდათის ბაზრისკენ შეუხვიეს.

ყველის ფარღულთან, ერთიციდა მოედანზე აღარავინ იღვა. რაკილა ბინდებოდა, ვაჭრობაც დამთავრებულიყო. მოშორებით, ბოხოზ-ფაფახებით მოვაჭრე ედიშერა კანკავალა ალაგებდა თავის დახლს. რატომღაც შემორჩენილიყო. ქალ-ვაჟი შეღდა. უსიტყვოდ, თვალებში შესციცინებდნენ ერთმანეთს. დუმილი რომანოზმა დაარღვია.

- ჟანეტ, თვალის ჩინო, ვერა გტოვებ. მიმიძმს.
- მეცა, – ქალს სახეზე აღმური მოედო.
- შაფათამდე როგორღა გაუძლო...

ჟანეტმა თავი დახარა.

ედიშერა კანკავა წავიდა, აქეთ არც გამოუხეღდა. წელკავიანი კაცის ნაბიჯი ჰქონდა, თავისი დარღი და ტკივილი სჭამდა.

- ჟანეტ, ჟანეტ... ნეტავ, როღის შევერთღებით.
- ანჩისხატი ინებებს, მალე... – ქალი ჩურჩულებღდა.

რომანოზმა მისი ლამაზი თითები ხეღებში მოიქცია.

- ჟანეტ...
- რომანოზ...
- ახლავე შეწყვიტეთ! – გაისმა, უეცრად, ისეთი მჭახე ხმა, რომ ცაცხვს ამოფარებული გძელიევი

შეხტა. ქალ-ვაჟი დაფრთხა. დაშორიშორდნენ. ორ ნაბიჯში გამეხებული ლაბადიანი იღვა, დამბაჩის მსგავსი ნივთი ზე-აღემართა და აკივლებღდა.

– რა გნებავთ? ვინა ბრძანღებით? – შესძახა უცნობის თავხეღობით სახტად დარჩენიღმა რომანოზმა.

– გალაქტიკონთა გაერთიანებული საბჭოს ვარსკვლავთშორისი ჟანდარმერიის მესამე საფეხურის დეტექტივი ანტიმურ მკაცრი! – სალდათივით მოახსენა გაუგვიმულმა ლაბადიანმა და მკივანა დამბაჩა უბეში დამალა.

– და... რისი თქმა გინდათ? – ჩაერია ჟანეტ, თუმცა გარინდღულმა გძელიევმა იგრძნო, რომ ყმაწვილი ქალი კანკალებღდა. ტფილისის საქალაქო სისკის გამომძიებღელს არც ასეთი სასოწარკვეთილი ხმა მოესმინა ოღესმე.

– ორივენი კარგად ხეღებით! – გაისმა შეუვალი პასუხი.

– ჟანეტ! ჩემო სიყვარულო! როგორ, არც შენ ხარ ადამიანი?...

– არც შენ, რომანოზ?...

– აღბათ, ხეღებით, რომ იძულებული ვარ საგანგებო პატრული გამოვიძახო. – თქვა ლაბადიანმა და უბიდან ისევ რალაც ოხრობა ამოაძვრინა, ოღონდ, ამჯერად, არავის დაუმიხნა, პირთან მიიღანა და შიგ ჩასძახა:

– პატრული 227. გთხოვთ 132 13 567 21. ყველაფერი მესამე კატეგორიით!

ყველის ფარღუღის თავზე ზეცა თვალის დახამხამებაში განათღდა და ზემოდან გამჭვირვალე კასრმა დაიწყო დაშვება.

– ო, სამყაროვ! ვინ იფიქრებღდა... და ვინ იცის, რა ბედნიერები ვიქნებოღით! – შესძახა რომანოზმა.

– გალაქტიკონთა გაერთიანებული საბჭოს კონსტიტუციის მეშვიდე მარტივი მუხღის თანახმად, ცივილიზაციათაშორისი შეჯვარება და ექსპერიმენტული შთამომავლობის წარმოება აკრძალულია! – მკაცრად წარმოსთქვა ლაბადიანმა.

რომანოზი და ჟანეტა სინათღის გამჭვირვალე კასრმა ჩაყლაპა. ცაცხვს ამოფარებულმა სიშიკმა გძელიევმა რამდენიმე წამითღა მოჰკრა თვალღი, როგორ ცდილობნენ კასრს შიგნით მომწყვეღული გვეღთევაზა და კვერცხისებრთავიანი ოთხფეხა სულდგმული ერთმანეთთან ჩახუტებას. შემდეგ კი ყველაფერი კამკამა სიბნელემ ჩაყლაპა. დარჩა მარტო სალდათის ბაზარი და მტკვრისკენ მიმავალი ლაბადიანი კაცის ლანდი.

გძელიევი ხესთან ჩაიკეცა, სახე ხეღებში ჩამალა. – ვაჰმე, რაპორტში რა ოხრობის დაწერას მიბრძანებ? – შეეკითხა იარმუკის მიწას.



## რეზო ჩარკვიანი

### ულტიმატუმი

პირდაპირი, ცოცხალი და ლაივი არ წყდება არცერთ არხზე. სრულმასშტაბიანი შემოჭრა. შემოჭრა ციდან. უცნაური მფრინავი აპარატები.

ჩემს პატარა ოთახში ტელევიზორს მივშტერებივარ და თვალს ვერ ვწყვეტ ეკრანს. ინფორმაცია უწყვეტად მოედინება მთელი მსოფლიოდან. განუწყვეტელი ჩართვები ხორციელდება სხვადასხვა ქვეყნის დედაქალაქებიდან. ექსპერტები და მსოფლიო ხელისუფალნი არ ჩანან. გასაკვირია, მაგრამ პანიკა არ არის. უფრო, სრული გაუგებრობა სუფევს. მგონი ჯერ არ აღგვიქვამს, რასთან გვაქვს საქმე. პირადად არც მე. ხომალდებს კი მთელი საჰაერო სივრცე აქვთ დაკავებული, მაგრამ ჯერ არაფერი მოუპოქმედებიათ, თითქოს პოზიციები გაამაგრეს მთელი პლანეტის გარშემო.

ცა, მთელი მსოფლიოს ცა, გადაჭედილია. ყველა კონტინენტზე, ყველა ქვეყნის თავზე, ყველა ქალაქის თავზე, ყველა სოფლისა და დასახლების თავზე საჰაერო ხომალდები ტივტივებენ.

თავი სიზმარში მგონია, გონება უარს ამბობს ფაქტი

რეალობად მიიღოს. ფილმის სიუჟეტს უფრო წააგავს, მაგრამ რეალობაა. მგონი.

შიშის ფაზა ჯერ არ დამდგარა, უცნაურია, შემოჭრის მასშტაბი უფრო გაოგნებას და განცვიფრებას იწვევს (ჯერჯერობით) ვიდრე რაიმე სხვას.

მაინც არ მჯერა, ან როგორ დავიჯერო, რა სისულელეა...

იმედია მესიზმრება. ძალიან მინდა, რომ მესიზმრებოდეს!.. ან ფილმს უჩვენებდნენ მსოფლიოს ყველა არხზე ერთი და იგივეს. გვეხუმრებოდნენ.

მგონი არავინ ხუმრობს. ეკრანზე, ამ მოვლენისგან სრულიად ნირწამხდარი წამყვანების ფიზიონომიები ერთმანეთს ცვლის. ქუჩიდან გადმოცემულ რეპორტაჟებში კი გაოგნებულ ხალხს მანქანები შუა გზაზევე გაუჩერებია, გადმოსულან და გაშეშებულიები ცას მიშტერებიან.

მე კი სრულიად გააზრებულად არ მსურს ფანჯარასთან მისვლა და გახედვა. ისევ ტელევიზორის შუამდგომლობით მირჩევენია. დაცულობის გრძნობა ესე უფრო მეტად მაქვს...

...?!...

რამდენი საათი გავიდა?

კონტაქტზე არ გამოდიან, თუმცა საჰაერო სივრცე სრულიად დაკავებულია, მთელი პლანეტის თავზე და

გარშემო. საინტერესო იქნებოდა მთვარიდან გადმოხედვა.

მართალია არც მომხვდურები და არც დამხვდურები ჯერ-ჯერობით არაფერს ამბობენ ან აკეთებენ, მაგრამ როგორც ჩანს და როგორც იქნა, უცხოპლანეტური ცივილიზაცია მობრძანდა ჩვენს გასანადგურებლად. ასეთი, ყოვლისმომცველი საჰაერო ალყა, არა მგონია, მათი კულტურული ღონისძიების ფარგლებში ხორციელდებოდეს. აგვიხდა ჰოლივუდის წინასწარმეტყველებანი. ოღონდ გაუგებარია, ტელევიზორში რატომ არაფერს ამბობენ კონკრეტულს, ოფიციალური განცხადება რატომ არავის გაუკეთებია, არც გაეროს, არც ევროკავშირს, არც რუსეთს, ამერიკასაც კი. იქნებ კარგის ნიშანია? როგორ ერთი, ნეტა?!

მოკლედ, მგონი სავარაუდო შეტაკების, ალბათ, მართებული იქნება ვთქვა - ომის, - პირველი ფაზა, ჰაერში გაბატონება, უბრძოლველად წაგებული გვაქვს მსოფლიოს. და იმედია, ჩვენები უკვე შემდეგ ფაზებზე ფიქრობენ. რაიმენაირად კოორდინაცია უნდა მოახერხონ. ჰო, გეოპოლიტიკური თამაშების დრო ამკარად აღარაა. რას მოვესწარი! აღილუა!

როგორც ჩანს, ორი ფაზაა დარჩენილი, საჰაერო შეტევის მიწიდან მოგერიება და სახმელეთო შეტაკებისას უპირატესობის მოპოვება, თუმცა საჰაერო საფრთხის განეიტრალების გარეშე სამყაროთა ომი ფაქტიურად წაგებულია...

მოიცა მოიცა, ოე, რეებს ვფიქრობ, რა ხდება საერთოდ... ეს რა მართლა ხდება? ამ არხზე? ამ არხზეც, ამ არხზეც, ამ ააარხზეც...!

დმერთო, შენ გვიშეუღე!

კარგ დროს გამახსენდი...

...არადა, როგორ მიყვარდა ბავშვობაში ფანტასტიკა. როგორ მიყვარდა უელსის „სამყაროთა ომი“, „დროის მანქანა“ და ბრედბერის თხზულებები. ოღონდ სადმე რამე ამომეჩხრიკა და წამეკითხა...

უუხ, მოგიტ... ფანტასტიკა!

ფილმებიც, მაგრამ ფილმები მაინც სხვაა. ერთადერთი „ფორესტ გამპზე“ გამიგია, ეკრანიზაცია სჯობს წიგნსო, ეგაა და ეგ. რა მნიშვნელობა აქვს ახლა წიგნის და ფილმის შედარებას, რა შუაშია?!

ეეჰ, ამკარად ნერვული, თუ ნერვიული, თუ რაღაც ჯანდაბა ფაზა მეწყება, გონებაში აზრებს ვეჭიდები, ვცდილობ ყოველ შემთხვევაში, დავსდევ და დავხტივარ ერთიდან მეორეზე.

ახლა, უცებ შემემინდა ჭკუიდან არ შევიშალო. ეს ადრეც მიფიქრია, უამათოდაც.

... მაინც ვბედავ გარეთ გახედვას. ფანჯრიდან მზით ალაგ-ალაგ განათებულ ხის ტოტებზე მწვანე ფოთლებს ვხედავ და ცოტა ვშევიდლები.

სითბოს ვგრძნობ. ეიფორია მეწყება, ესე იგი. არაუმავს, ისევ ეს ჯობია გაგიჟებას.

ისე ლამაზი კი არის, მზის სხივები წვრილ-წვრილ სვეტებად როგორ გამოძვრნენ ცაზე გადაფარებულ ხომალდებს შორის და ადგილ-ადგილ ათბობენ შემკრთალ დედამიწას.

ფანჯარასთან ატუხული თვალს ვერ ვამორებ ხან ცას და ხან მიწას.

ექსპერტების პირველი კომენტარები მესმის. კვლავ ტელევიზორთან ვბრუნდები. ყველა პირველ ნაბიჯს ელოდება. დალაგებულს ვერაფერს ამბობს რამეს. ყველა აღიარებს, რომ თუ საომრად არიან მოსული, ჩვენი საქმე წასულია. მთელი პლანეტის უკლებლივ ყველა დასახლებული პუნქტის თავზე ხომალდები კიდეა, მეტიც, ლამის ყოველი სახლის თავზე...

რა თქმა უნდა, იმედი რჩება პარტიზანული ბრძოლების და ცალკეულ რეგიონებში გამაგრების, განსაკუთებით დაუსახლებელ ჯუნგლებში, ტყეებში და წყლის ქვეშ. მოიცა რა წყლის ქვეშ?!... კაი ხო...

ომი რაიმენაირად უნდა გავწელოთ, უნდა ვიბრძოლოთ სადამდეც შევძლებთ. უცებ, ერთ დღეში, სამარცხვინო ბლიცკრიგით რომ არ დასრულდეს კაცობრიობის მრავალსაუკუნოვანი ცივილიზაცია.

როგორ არაფრისმთქმელად ჟღერს ამ მომენტში ეს ოდესღაც, რაღა ოდესღაც, აგერ თუნდაც სულ რაღაც გუმინ, ასეთი ამაღლებული და სიამაყით გაბღენძილი ფრაზა. ფრაზა კი არა, თვით მონუმენტი - ადამიანის მიერ, ბუნების გვირგვინის, მრავალ ათასწლეულ რუღუნებით ნაგები ცივილიზაცია...

მე მგონი, დაგვენძრა!... არა, ამკარად დაგვენძრა! არა, უბრალოდ, მარტივად, სათნოდ და სათუთად დაგვენძრა!...

მაგრამ იქნებ მაინც, რაღაცნაირად, რაიმენაირად (მგონი ისტერიკა მაქვს) გავწელოთ დრო, ვიომოთ, ყოველი მოგებული ან მოგერიებული ბრძოლით კიდევ რამოდენიმე დღე ვიჩქოთ და ასე ვიცხოვროთ ყოველ ჯერზე რამოდენიმე დღით, მერე ისევ და მერე ისევ...

...

ნეტა რას ელოდებიან ისინი ან ჩვენ. ეს მოლოდინი და გაურკვევლობა ყველაზე მეტად მთრგუნავდა ადრეც, ყოველთვის. ეკრანზე კი სულ ერთი და იგივე, ერთი და იგივე...

...

გონებაში რა ხდება, უკვე თვალსაც ვეღარ ვადევნებ, აზრები დამფრთხალი ვირთხებივით დაქრიან ყველა მიმართულებით, ერთმანეთს ეხეთქებიან, კბილს წაკრავენ და თავის ქალას შიდა ზედაპირს ასკდებიან. სრული ქაოსი. და ამ ქაოსში ფიქრის ერთ ნაკადს ვაცალკეებ

და მის კალაპოტში ვცდილობ შემაგრებას... ხო, რეებს ვბოღავ... ტვინმაც აურია, გაურკვევლობას ვერ უძლებს, ხელმოსაჭიდი ვერ უპოვია, თორე რამეს მომიფიქრებდა...

მაინც რაღაცას ვაზროვნებ. ეფორიის შემდგომი ფაზა მაქვს. ჯანდაბა. ჯანდაბა კი არა ამისდელად-მოვტ...!

სრული დებილივით ტელევიზორს ვარ მიშტერებუ-ლი...

...

კვლავ ჩემს პატარა ოთახში (გარეთ რა გამიყვანს!), აწ უკვე ფანჯარასთან ვარ თურმე გაშეშებული, გა-რეთ ვიყურები, სკამი მომიჩოჩებია და ზედ ვზივარ. არც შემიძინევია როდის და როგორ, ან რამდენი ხანია.

უბრალოდ გამაგებინა, ვინ არიან? რას გვანან, საილ-ან არიან და რა უნდათ, რაც მთავარია.

...

რა ხდება, არის რაიმე სიხსლე, რას ვაპირებთ, რას აპირებენ?

არცერთი მხარე არ ინძრევა.

ალბათ, ჩვენი სახმელეთო და საარტილერიო ძალები მზადყოფნაშია ყველა კონტინენტზე. იმედია.

...

ამ წამს გადმოსცემენ, რომ შედგა პირველი კონტაქ-ტი მათთან (უფრო სწორად, მათი – ჩვენთან). ინფორ-მაციის ნაკადს აგზავნიანო!.. სად, რანაირად? რა ნა-კადს?...

მალე გაკეთდება ოფიციალური განცხადებაო...

...რაა?!...

...ეს როგორ?!...

ჩვენი შთამომავლები, მსოფლიო მოსახლეობა შვიდი თაობის შემდეგ, უკლებლივ ყველა, აქ არიან, ცაში, ყველა თავისი წინაპრის სახლის თავზე. ხომალდებში შვიდი თაობის შემდგომი მსოფლიო მოსახლეობაა.

ინფორმაციის ნაკადით ულტიმატუმი გამოუგზავნი-ათ...

– სრული და ყოვლისმომცველი კაპიტულაცია!

...?!...

...დღევანდელი კაცობრიობის პასუხს ელიან...

ორი შოკი ერთი დღის განმავლობაში... შოკი?! ამას შოკი ჰქვია ნეტა?!...

...უცხოპლანეტელები, შთამომავლები, უცხოპლან-ეტელები, შთამომავლები, უცხოპლანეტელები შთამო-მავლები, უცხოპლანეტელები შთამომავლები... ღმერ-თო...

მთელი დღემიწის მოსახლეობის ერთიანი ამოგმინ-ვა უცნაურად მომესმა(?). თითქოს ერთიანად მტერის ბუდი ავარდა ზედაპირიდან ცისკენ(?!). რა უცნაური

გრძნობაა, ამაში გაერთიანდა მთელი კაცობრიობა, ამ ერთ, ერთიან, ერთდროულ გმინვაში. ერთიანობა შეგვ-ძლებია მსოფლიოს (სარკაზმის დრო არ არის, ალბათ. ან რიღას დროა რო).

გარეგნულად სრული უძრაობაა. ცა და მიწა გამ-ეშებულია. ტელევიზორის ეკრანს ვუყურებ, პირდაპირი ჩართვაა პარალელურად რამოდენიმე დელაქალაქიდან. ქუჩები ყველგან სრულიად ცარიელია. მოძრაობას საერთოდ ვერ ვამჩნევ. ერთი დიდი გაურკვეველი მოლო-დინის ღრუბელი გადაეკრა მთელს პლანეტას.

ჯერ უცხოპლანეტელების შემოჭრა გადავიტანეთ, რამდენიმე საათის შემდეგ შვიდი თაობის შემდგომი შთამომავლების ულტიმატუმს ვისმენთ... დღემიწას ბოლი ასდის, პროცესორი გადაგვიხურდა... სამაგიეროდ, სრული სიჩუმე ჩამოდგა.

შეჩერდა ეს გადარეული მსოფლიო, მილიარდობით ჭიანჭველასავით მოუსვენარი, მუდმივად მოძრაობაში მყოფი კაცობრიობა. პაუზა გააკეთა. ნეტა რას ვგრძნობთ, როდესაც როგორც იქნა შეჩერდით და ამოვისუნთქეთ, მართალია, ცუდი მიზეზი გვაქვს ამისთვის.

ნეტა აღრე დაგვეწესებინა ერთი, საერთო მსოფლიო დასვენების დღე, – შეჩერების, ამოსუნთქვის, მხოლოდ ფეხით და ისიც ნელა სიარულის, წყნარად ლაპარაკის და მშვიდი ფიქრის... ეპ. ის რაღაც ეფორიული ბრძ-ოლის ჟინიც გამიქრა, რაც უცხოპლანეტელებთან სა-ვარაუდო ომს უკავშირდებოდა. სრული დაბნეულობა და გაოგნება სუფევს.

შვიდი თაობის შემდგომი კაცობრიობა დაგვადგა თავზე?!...

ეკრანზე წამყვანებიც კი აღარ ჩანან, არც ერთ არხზე. ყველგან უბრალოდ პირდაპირი კადრება ჩართუ-ლი და პერიოდულად ლოკაციები იცვლება. თუმცა პრინციპულად არც არაფერი. უცნაური მფრინავი, უფრო სწორად, როგორც აღმოჩნდა, დროის ხომალდები, ცაში ტივტივებენ, და მთელს პლანეტას ჯავშანივით ეკვრი-ან.

მიწაზე, პლანეტის მთელი სფეროს გარშემო დღევან-დელი კაცობრიობაა მიყუჟული ერთ ფენად და ცაში კი, მთელს პერიმეტრზე, შვიდი თაობის შემდგომი კა-ცობრიობა – მეორე ფენად. ზემოდან დაგვეყურებენ ჩვენი შთამომავლები. ნეტა რას ფიქრობენ, ნეტა საერ-თოდ რამ ჩამოიყვანა, მითუმეტეს ასეთი ულტიმატუმით... სრული კაპიტულაცია?!...

დღემიწაზე, ალბათ, სულ რამოდენიმე კაცია გარეთ. ერთი წყვილი გამოჩნდა ეკრანზე, შორი ხელით, ნელა მიუყვებიან ცარიელი ქალაქის გამზირს.

ჯერ-ჯერობით, მეტი შეტყობინება არ გამოუგზავნი-ათ ციდან.

ვიმელოვნებ, ჩვენი სახელმწიფოების მეთაურები კოორდინირებულად მსჯელობენ, თუ რასაც შევბიან, რა ვიცდი, იმედია, რამეს იღონებენ. ალბათ, ცდილობენ მათთან კონტაქტზე გასვლას. არა მგონია, პირველმა ჩვენ გავხსნათ ცეცხლი, თუ საერთოდ მივიდა საქმე აქამდე. ამკარაა მათი ტექნოლოგიური აღმატებულობა (როგორც ჩვენ აღვემატებით მეცხრამეტე საუკუნეს), ამისთვის საკმარისია უბრალოდ ფანჯარაში გაიხედო და ცას ახედო.

ახალ ამბებს გადმოსცემენ. როგორც მეცნიერები და ექსპერტები აცხადებენ, იმედია, რომ ჩვენმა შვილთაშვილებმა, დროის გვირაბი არ მოიხურეს და უკან დასაბრუნებელი გზა არ მოიჭრეს, თორემ თუ ეს ორი თაობა დიდხანს იქნება ერთად ერთ დროში, ჩვენიც და ცაში გამოკიდებულიც, სამყაროში დროით-სივრცითი ბზარები დაიწყებს გაჩენას, ნელნელა დაიშლება და დიდი აფეთქებით დაასრულებს არსებობას (როგორც ჩანს, წარსული და მომავალი ერთად ვერ არსებობენ ჩვენს რეალობაში)...

და რა, მერე, კვლავ რამდენიმე მილიონი წელი უნდა ველოდოთ ქალამანას გარდაქმნას ადამიანად (თუ როგორც არის)? დიდად არც იმის იმედი მაქვს, რომ ღმერთი ტალახს ისევ შთაბერავს სულს...

იმედია, კაცობრიობა (თუნდაც შვიდი თაობის შემდგომი) სულ არ გამოშტერდა, მიუხედავად იმისა, რომ ამის ნიშნები დიდი ხანია სახეზე გვაქვს, ჩვენ.

თუმცა ჯერჯერობით ულტიმატუმი აქვთ ჩვენთვის წარდგენილი და თუ უკან დაბრუნება არ გადაწყვიტეს ან ვაიბუღოთ(!)... ნამდვილად საარაკო ამბავში ვიქნებით, ან აწმყო უნდა გადარჩეს მომავალთან მებრძოლი ან მომავალი წარსულთან მებრძოლი.

ოღონდ ერთი არ მესმის, ჩვენ თუ გაგვანადგურებენ, ლოგიკურად ხომ თვითონაც გაქრებიან?! თუ არა? რაღაც მეტი იციან ვითომ დროის კანონზომიერებასთან დაკავშირებით, რაღაც ახალი? თუმცა რა გასაკვირია, რომ იცოდნენ კიდევ, დროის მანქანა თუ შექმნეს...

...რა ვქნათ, ღავენებდეთ თუ ვებრძოლოთ შთამომავლობას? საოცნებო დილემის წინაშე ვართ, ვერაფერს იტყვი. ისე, არც ადრე დაგვკლება დილემათა კაცობრიობას, ოღონდ რაღაც არ მახსენდება რომელიმე გადაგვეწყვიტოს ადამიანურად. თუმცა, ალბათ, ზუსტადაც რომ ადამიანურად.

გამოსავალი არ არის ვითომ?

გახს! საერთოდ რამ გადაწყვეტინათ გადმოსახლება, რატომ მაინცდამაინც ჩვენს დროში, რამ გაამწარათ ასე უკანმოუხედავად? რა უბედურება ხდება ჩვენს თავს?!

წარმოგიდგენიათ რაზეა საერთოდ ლაპარაკი? ეს

რაღაც ოხერი სამეცნიერო ფანტასტიკა ხო არ არის, არა. ფუ ამის.

ნეტა რა უნდა მომხდარიყო მათთან ეგეთი? თან რატომღაც კონკრეტულად ჩვენ დაგვადგინენ თავზე (პირდაპირი მნიშვნელობით) ახლა და არა ჩვენამდე ან მერე.

ალბათ, რაღაც ხდებოდა ჩვენს თავს (აი, უკვე წარსულში მოვიხსენიებ), რასაც ვერ ვამჩნევდით. ამათ კი კარგად შეუძნევიათ, იცოცხლენ. ხო ხედავ, რა იკისრა მთელმა მომავალმა კაცობრიობამ. რაღაც არ მგონია, ადვილი გადაწყვეტილება ყოფილიყო მათთვისაც... იმედია.

იქნებ შურთ ჩვენი, ჰა? და ამ შურმა გააბოროტა, თვალი დაუბნელა, იქნებ მომავალში კიდევ უარესია?

თუ რაღაცას ვერ გვაპატიობენ? რა არის ესეთი, რომ შენდობის ნატამალი არ შერჩენიათ?

დავიჯერო, სხვა გამოსავალი არ ჰქონდათ?

რატომ? რატომ?

უუუჰჰ!.. ხმა მაინც ამოიღონ, რაღაც მაინც აგვიხსნან რა ხდება, რატომ, რამ გადაადგმევინათ ეს ნაბიჯი, რომელიც სავარაუდოდ მთელი, ყველა დროის კაცობრიობებს განადგურებით ემუქრება... ამოიღეთ ხმა თქვე დედამოტყუნებო!!! ...კიდევ იმათ ვაგინებ... ჩვენი საშველი არ იქნება...

...

აი ისევ გამოვიდნენ კავშირზე... ჰა ამოღერღეთ... გვემელება რამე?...

ბოლო გზავნილი შთამომავლებისგან:

— ულტიმატუმი 24 საათიანია.

...ხელი ჩავიქნიე და რაფაზე ჩამოვჯექი. ჩამობნელებულა. ლაპმონებიც აუნთიათ. სარკმელში მშვიდობიანად მოშრიალე ფოთლებს ვუყურებ, თვალ გამტერებული.

დავიჯერო ვერ შევთანხმდებით, დავიჯერო ვერ ვიპოვით გამოსავალს? წინ ხო მთელი 24 საათი გვაქვს. კაცობრიობის ისტორიაში გადამწყვეტი... რაღაცა ახლის, სრულიად ახლის... ან, ან დასასრულის, სწრაფი დასასრულის დასაწყისი...

...

როგორც იქნა მოვიფიქრე ინტერნეტში შეხედვა. მანამდე არც გამხსენებია, ამკარად სერიოზული შოკის ნიშანია. მაგრამ გათიშულია... დაუბლოკავთ ხომალდებიდან. ეგ როგორ, ნეტა. ან რატომ. ამკარად სხვა განვითარების დონეზე არიან. ჰო და, ეგ მაკვირებს და მაფიქრებს ზუსტადაც... უსუსურები რომ ჩანდნენ, არ გამიკვირდებოდა აქეთ გადმოსახლების სურვილი, ეს ულტიმატუმიც და ეს ჩუმი, უსიტყვო აგრესია... ამ ორი გზავნილის გარდა, მათგან სიტყვა არ მიგვიღია.

უცნაურია. თან გაგვირბიან თითქოს. კონტაქტს გაურბიან. დალაპარაკებას. რაღაცის ეშინიათ ნამდვილად. რომ გადავაფიქრებინებთ? ვითომ? რომ ახსნა მოუწევთ? თუ „თვალში შემოხედვის“ ცხვენიათ? არ ვიცი. ან უბრალოდ იმდენად ალგვემატებიან, რომ აღამიანებადაც აღარ გვთვლიან, სათვალავშიც აღარ გვაგდებენ? შესაძლოა, იმდენად გამწარებული არიან ჩვენზე, რომ სიტყვის გაცემაც არ უნდათ?! ეგეთი რა დავუშავებთ ვითომ...

არ ვიცი, არ ვიცი, კი არა, აზრზე არ ვარ, აზრზე არ ვარ კი არა, საერთოდ გონზე როგორ ვარ...

გამოაცხადეს, რომ ჩვენი და შთამომავლების წარმომადგენლობას შორის მოლაპარაკება გაიმართება ღამის თორმეტ საათზე. სვალ შუადღისთვის ულტიმატუმის ვადა იწურება, თუ მანამდე ვერ შეთანხმდნენ, ისტორიაში პირველი დროთაშორისი ომი დაიწყება...

...  
24 საათის შემდეგ.

...  
...ნომალდებში ავდივართ. დღევანდელი კაცობრიობა, სრული შემადგენლობით მიემგზავრება შეიდი თაობის შემდგომ დროში. მთელი მსოფლიოს ცა გადაჭვილია. ყველა კონტინენტზე, ყველა ქვეყნის თავზე, ყველა ქალაქის თავზე, ყველა სოფლისა და დასახლების თავზე საჰაერო (თურმე დროის) ნომალდები ტივტივებენ.

შთამომავლები ნელ-ნელა და ხმაამოულებლად იკავებენ ჩვენს სახლებს, ქუჩებს, დაწესებულებებს. ჩვენს ადგილს დღევანდელიობაში. ჩვენ კი მათ ადგილს დაეკავებთ მომავალში.

ჩვენს შორის კონტაქტი საერთოდ არ ხდება. რატომღაც ერთმანეთისგან მკაცრად იზოლირებული ვართ, მათი მოთხოვნით. წინასწარ განსაზღვრული გადაადგ-

ილების სისტემით სრულად დაცილებული ვართ ერთმანეთს, ისე რომ, უცაბედი სიტყვაც ვერ გავცვალოთ. ეჰ, არადა, როგორ მაინტერესებდა ჩემი შთამომავლების ნახვა... და რაიმეს გაგება მაინც...

ამ გადასახლებაში ერთი პლუსი(!) მაინც არის, გავიგებთ, რამ გადაადგმევინათ ეს ნაბიჯი. სამწუხაროდ მთელი ღამის მოლაპარაკების დეტალები გასაიდუმლოებულია. რა ხდება მათთან, რამ გადააწყვეტინათ თავდასხმა, რატომ მაინცდამაინც ჩვენს დროში, როგორ დათანხმეს ჩვენები (თუ აიძულეს) გადასახლებაზე დათანხმებულიყვნენ, იმის მაგივრად რომ თვითონ დაბრუნებულიყვნენ და ჩვენ კი გვეცადა მათი მომავლის უკეთესობისკენ შეცვლა...

სამწუხაროდ, ჩვენი თაობა ცოტა ხნითაც ვეღარ დავბრუნდებით უკან. უბრალოდ, მონატრებული წარსულისთვის თვალის შესავლებადაც კი. ამისათვის აუცილებელი ენერჯის აკუმულირებას თურმე ერთი საუკუნე მაინც დასჭირდება. იმ დროისთვის აღარცერთი ჩვენთავანი აღარ ვიქნებით. ჩვენი შვილები კი იქაურობას შეეგუებიან; და ამასობაში, აქ დარჩენილი შთამომავლებიც, აწ უკვე ჩვენს მომავალს, უკეთესობისკენ შეგვიცვლიან. იმედია...

...მათ ხომ საკუთარ თავზე გამოსცადეს, როგორც ჩანს, არც თუ სახარბიელო მომავალი; თან ჩვენც, ამხელა ცოდნას ვუტოვებთ, შეცდომების მთელს ენციკლოპედიას...

ახლა კი შორიდან, უჩუმრად ხელს გვიქნევენ დასამშვიდობებლად და გვიღიმიან გამხნეების ნიშნად...

წინ, ჩვენთვის ახალი, მათთვის კი ძველი, ჩვენთვის მომავალი, მათთვის კი წარსული სამყარო გველოდება...

ყველანი ნომალდებში ვართ. რამდენიმე წუთში



*უცხოპლანეტელებს სჯერათ თუ არა ჩემი არსებობის არ ვიცი და ამით ჩვენ ძალიან ვგავართ ერთმანეთს.*

*მიუხედავად ამისა:*

*დავამთავრე 1-ელი ბაღი, 55-ე სკოლა, ფიზიკის ინსტიტუტის საბუნებისმეტყველო კოლეჯი, ეთერი ევადის კერძო სკოლაში ხელოვნების ისტორია, 5შ თბილისი, სამხაგვრო აკადემიაში ფოტო ხელოვნება და თსუ-ს იურიდიული დაუსწერებელი.*

*ვიარე კალათბურთზე, მრავალჭიღზე, ჩოგბურთზე, ფეხბურთსა და რაგბზე. ვმუშაობ მარკეტინგისა და ბრენდინგის კერძო კონსულტანტად რამოდენიმე კომპანიაში და სახელმწიფო სტრუქტურაში.*

*ვარ მარკეტინგის პროფესორი თავისუფალ უნივერსიტეტში და ცოცხა წონაში მაქვს მომავებული, რასაც განვიცდი.*

*ამ ყოველთან პრობის წერა რა შუაშია, პასუხს დღემდე და უშედეგოდ დავებებ.*

რეჟიზორი ჩარკვიანი



## ზია აბაჯანი

### კონკურსი

(ქალაქური მისტიკა)

ისევ ავუხირდი საკუთარ თავს. ეგრეა რა, როცა გადავაბავ სმას ან კითხვას ან რაიმე ნებისმიერ მომბეზრებელს ავიკვიატებ, მაგალითად თემას ან გამოთქმას (ადამიანებს არასდროს), ვცდილობ დავშალო ან გავაუვნებელვყო ჩემს გონებაში ის ემოცია, რასაც ეს ზემოთხსენებული იწვევს. მანამდე კი ტვინში მაქვს ჩარჩენილი ცხელცხელი სიზმარივით და არც ის მშორდება და მეც ვერ ვეშვები. ასეა დღესაც. მაგალითად ბიძაჩემმა იცის თქმა “ორი აზრი არ არსებობს”, “საყოველთაოდ ცნობილია, რომ...”, ქეთი კი ასე ამბობს “ ყველა ასე იქცევა” ან “ყველას შეუძლია და შენ რა გემართება”, დაწყებით კლასებში გვყავდა დამრიგებელი მზია, საყვარელი სიტყვა ჰქონდა “რატომ” და იწყებდა კვილს: მშო-

ბელი რატომ არ მოიყვანე! რატომ გააცდინე! რატომ გახდი ავად! და ა.შ. ვცდილობ ხოლმე როგორმე არ მივიტანო ყურიდან გონებამდე ან გულამდე, მაგრამ მგონი უკვე დაგვიანებულია, მაინც ნერვებზე ვიშლები. ქეთი მართალი იყო, ალბათ, მეუბნებოდა “ჩამოყალიბებული გიჟი ხარო”, რასაც ყოველთვის ვაპროტესტებდი - ჩამოყალიბებამდე ჯერ შორია. საყვარელო. ჯერჯერობით მხოლოდ სიგიჟის ემბრიონულ სტადიაზე გახლავართ-მეთქი. აი, ასე ვუღურტულებდით ბოლო ორი წელი ჩვენი შეუღლების ოცწლიანი ისტორიიდან და ბოლოს, ჰაიდა, დაჰკრა ფეხი და წავიდა მოსკოვში თავის ურია დაქალთან, დისერტაცია უნდა დავასრულო, მეყოფა, რაც ამ გიჟებს ჩემი მეცნიერული კარიერა განაცვალეთო. კოკამ (ჩვენი შვილია) რალაცის მენეჯმენტზე ჩააბარა და სახლში თითქმის არ მოდის, გადაყოლილია გიტარას, თან იროკეზიც დაიყენა. ბიჭო რასსიულად სულ სხვა ტიპაჟი ხარ, არ გიხდება-მეთქი, მიექარე და ვუთხარი. შენ რასსიტი, ფაშისტი და ნაციონალისტი ხარო, კიდევ კარგი ანტისემიტიც არ მიწოდა, თორემ ქეთის თემის ხელმძღვანელს რა პირით შევხე-



დავდი. არადა, ლერაც მშვენივრად გამოიყურება. ხანდახან სკაიპით ქეთის რომ ველაპარაკები, ისიც ერთვება დიალოგში, თან ქეთის საყვედურობს - მეც გამაგონეთ, რაზე საუბრობთ, ანუ რუსულად ილაპარაკეთო. ქეთის არ გავმორებივარ, უნდა და იმეცნიეროს. რაღა დროს მოსკოვში დისერტაციის დაცვაა? კალენდართან მწყურადად ხარ, ხალხი ნიუ-იორკში და პარიზში მიდის სამეცნიერო მოღვაწეობისათვის, რაღა დროს მოსკოვ-ლენინგრადის საბჭოთა მეცნიერება აგიტყვია-მეთქი, ვუთხარი. და რა მიპასუხა, იცით? რა მნიშვნელობა აქვს, კორიფეები იქაც და აქაც ებრაელებიაო. დალოცვილო, აგერ ჩინეთი, იაპონია, ინდოეთი და ირანიც კი უზარმაზარი სამეცნიერო მიღწევებით აგიჟებს მსოფლიოს და რაღა დროს ლერა ფეისბუქის ვადაგასული თემებია აქტუალური მაგ შენს ნეიროფიზიოლოგიაში, ერთი გამაგებინე, საყვარელო. აი, კოკაც მაგას ამბობს, რომ ფაშისტი და ანტისემიტი ხარო. საბოლოოდ გამიფუჭა საერთაშორისო რეზიუმე. აბაა.

იყოს მოსკოვში, რა ვუყო? მე მაგის ნეიროფიზიოლოგიაში ვერ ვერკვევი და ეგ კიდეც ჩემს დაწყებითი კლასების პედაგოგიაში, არადა, მეც მაგარი ვარ, ოცდაათი წლის წინ ოლონდ სადმე მოვხვედრილიყავი და ბიძაჩემმა ჩემს ატესტატს რომ დახედა - რა გიტაცებსო, მკითხა. ტურ ჰეიერდალთან ერთად მინდა კონ-ტიკით ან რა-1-ით ან რა-2-ით მოვზაურობა-მეთქი. ერთი შემომხედა, მერე დედაჩემთან ერთად გავიდა თავის კაბინეტში და შემდეგ... მოვხვდი პედაგოგიურზე. ისე კარგი კი იყო 18 კაციან, ბოდიში ქალიან ჯგუფში ერთადერთი ბიჭი ვიყავი. ამას რომ ვიტყვოდი სადმე, აუ, რა მაგარ პონტში ხარ გაჩითულიო, არადა, თორმეტი გოგო მოწინავე მწველავი და სამკერვალო ფაბრიკის გამომჭრელი იყო, ორიც ბოინის ღირექტორის და მოადგილის ქალიშვილი და სხვები კი გარეგნულად ისეთები გახლდენ, მარტო საკუთარ მშობლებს თუ მოეწონებოდათ. არც მე ვიწუხებდი მაინცდამაინც ლექციებზე დასწრებით თავს, ბიძაჩემ სიკოს ყოვლისშემძლე ნომენკლატურული ავტორიტეტი ყველა მოპარულ ბილეთს სჯობდა. აუუ, სად წავიდი. მაგრამ ახლაც ასეა. მეკითხება სიკო, მაგალითად: რატომ დალიე, ქეთი რატომ წავიდა, რატომ არ მუშაობ და ათასი სხვა "რატომ," ვცდილობ არც ვუპასუხო და არც შევეპასუხო. არა არანაირი კაკკასიური უფროს-უმცროსობის ადათ-წესისა თუ სხვა რამის გამო, უბრალოდ არ მსიამოვნებს და ვირიდებ. ვეკითხები რა აზრისაა გენდერულ ძალადობაზე და უმცირესობების უფლებებზე საქართველოში და საერთოდ მსოფლიოში. სხვათა

შორის, ჯიგარია. არ ბრაზდება, რა ქნას? თანამდებობა კარგა ხანია არა აქვს და პენსიიდანაც წილს მაძლევს. ვაჰ დრონი, დრონიო - იტყვის ხოლმე. ოლონდ არ დალიო, თორემ სიგარეტი, ჯანდაბას, მოწიეო. აი, ეგრე უნდა საქმის დაყენება. აკრძალვებს მიჩვეული ვარ, დაკითხვებს, ნურას უკაცრავად, მთავარია, მერე არ მკითხოს, რატომ დალიე? ან სულაც - გაუპარსავი რატომ ხარ? - ქეთი რატომ არ ჩამოდის? - სამსახურს რატომ არ ეძებ? მოკლედ, დამყოლი ვარ თურმე, ოლონდ თავისებური, უფრო სწორად, - ჩემებული.

ორი აზრი არ არსებობს: ორი საპირისპირო სქესის არსება უფრო ეფექტიან ოჯახს ჰქმნის, ვიდრე ერთსქესიანი. უდავო ჭეშმარიტებაა, ოლონდ არათანამედროვე, უფრო სწორად, ჰიპერთანამედროვე.

რაებს მივედ-მოვედები, რაიმე შარს არ გადავეკიდო, თორემ მეცნიერება ისე შორსაა წასული, რომ სადაც სატელეფონო საუბრის მოსმენა შეიძლება, ჩემი აზრების წაკითხვა რაღა ბედენაა. არადა, გამოვშტერდი. მესამე დღეა ზოგად ადმინისტრაციულ კოდექსს გადავშლი, წავიკითხავ, მაგრამ თავში არანაირად არ შედის. ყოველი მუხლის გადამუშავების შემდეგ დაახლოებით ასეთი რახარუხი მრჩება - ორი აზრი არ არსებობს. რა ზეპირი მოსმენა და რომელი ადმინისტრაციული აქტის გამოცემის ვადები. ახლა მიდი და ურტყი თავი ამ მართლა ერთუჯრედიანის მიერ მრავალუჯრედიანისთვის დაწერილს. თან იურისტებმაც მითხრეს, ან დაიზებებ ან ვერა, სხვა რაიმე მეთოდოლოგია ათვისების გასაადვილებლად არ არსებობსო. აქ მაინც იყოს ქეთი, რაიმე ეცოდინებოდა ნეიროფიზიოლოგიიდან ამ აბლაუბდის დასამასწავლებლად.

დავუჯერე მეც ნიკუშას. ჩემი ბიძაშვილია, სიკოს შვილი. რომელიღაც მსხვილ გრანტშია გაჩითული და ყველასთან კარგად არის. ჰოდა, მითხრა ნიკუშამ, აგერ, ძმაო, კონკურსია სამინისტროში გამოცხადებული და მონაწილეობა მიიღე, როდემდე უნდა იჯდე უმოქმედლო. მომიტანა ნაირ-ნაირი კანონები, კოდექსები, უნარ-ჩვევების ტესტები და დამსვა ამ გაგანია სიცხეში შუა ხნის კაცი სამეცადინოდ. კი ვუთხარი, ძმაო, რას მახოლებ, სულ ასქულიანები რომ გამოვიტანო ასაკის გამო მაინც მომტეხავენ და შემეშვი-მეთქი. შენ მიდი, მოემზადე და გადი, დანარჩენს მე მივხედავო. სიგარეტიც გამთავებია. ამ იტალიური ეზოს დედა ვატირე, ერთადერთი იტალიური ისა აქვს, რომ ყველა მეზობელი ხმამაღლა ლაპარაკობს. აგერ "ბაღდადი"-ს კედლის მიღმა ვიდაც უსაქმურები ღრეობენ მეორე დღეა და ყველა სადღეგრძელო და

ჭურჭლის რახარუხი ისე ისმის, გვეგონება მათთან ერთად ვიჯდვ. არადა, ამ ზოგადი ადმ... მგონი ჩემზე ლაპარაკობენ.

– დაუძახებ მეზობელს, რაღაც წიგნებს დაათრევს სამი დღეა და ტუალეტშიც არ გამოდის. მსმელი ბიჭი ჩანს.

– ეე, გაუშვი რა. დავლიოთ.

– მომბეზრდა, ძმაო, ერთმანეთის დალოცვა, გავიცნოთ, გავიგოთ, რა კაცია. იქნებ რაღაცა აქვს სათქმელი. წიგნების დედა არ ვატირე. დავლოცავთ, ოჯახს ვუდღეგრძელებთ, ისიც რაიმეს გვეტყვის და სამიოთხიც რიგგარეშე სადღეგრძელოც გამოგვივა და ეგაა

– არ გინდა. ეგ “ნაბელლავის” ცარიელი ბოთლი შუაზე გადაჭერი. დაურტყათ განსხვავებული. რად გვინდა ვიღაც მეწიგნიეს ამბები.

ეს “მეწიგნიე” ნაღდად ჩემზე თქვეს. მაგათი ქართულის მასწავლებლის. მიკაკუნებენ.

– გამარჯობათ. - “თ”-ს განსაკუთრებულად გაუსვა ხაზი მოპატიჟემ ზრდილი აღზრდის აღსანიშნავად.

– გაგიმარჯოს

– აი, მე ეს დღეებია სულ გიყურებთ, წიგნებით მობრძანდებით და ჩვენ ხმაურით გაწუხებთ, მეც ეს ბინა დაკეტილი მაქვს, ხანდახან ძმაცაცებთან ერთად მოვდივარ დასალაგებლად და ხომ არ შემოგვიერთდებოდით? – კართან ფრად შემხიარულებული, კეთილდამილიანი კაცი იდგა.

– დალაგებაში შემოგიერთდეთ?

– მე დათო მქვია, – და გულიანად გადაიხარხარა

– მეც.

– ანუ.. თქვენც დავითი არა?

– დათო დამიძახე.

გადავხედე კოდექსს და დათოს გავეყვი.

– კარს ნუ გამოიხურავ, ოთახი გაგრძელდეს, ოღონდ სკამი წამოიღე, თორემ სასმელი და მისაყოლებელი საკმარისად გვაქვს, სკამებში გვერხევა.

რა თქმაა ეს - „მისაყოლებელი“, სუფთა ლოთურია. დანაყრებასთან და საერთოდ, ქეიფთანაც კავშირი რომ არა აქვს. რუსული „ზაკუსკაც“ კი სადილამდე აპერიტივის მისაყოლებელი მსუბუქი საუზმე (ხემსი) იყო. თორემ იქაური ბასიაკები როდის იყო მისაყოლებლისთვის აგროვებდენ ფულს.

მასპინძლის ბინაში სამი კაცი უჯდა გაშლილ სუფრას. ერთი გამხდარი და წვერმოშვებული, მკერდზე დიდი წითელი ნაიარევით და მკლავებზე სვირინგებით (“ნაკოლკებით”), პერანგი არ ეცვა. მეორე “კოკა-კოლა”-ს წარწერიანი მაისურით. მაგარი მთვრალი იყო და თავი მაგიდისთვის რომ არ ჩამოერტყა,

მუშტი ჰქონდა ნიკაპქემშ შეყუდებული და მაინც ეცლებოდა ხოლმე საყრდენი. მესამე კაცი შედარებით ფხიზელი ჩანდა. გაუთოებულ თეთრ პერანგში იყო გამოწყობილი და მაჯაზე კომუნისტების დროინდელი “ლუჩი”-ს საათი ეკეთა.

“მეწიგნიეს” ნაღდად ეს შიშველი თუ იტყოდა”. - გავიფიქრე.

– მე არ მითქვამს, მაგრამ ეგრა. - უხეშად მომმართაშიშველმა

– რა ბრძანეთ?

– მაგას არაფერი არც უთქვამს და მეც არაფერს ვბრძანებ, აქ ითქვა ეგ სიტყვა მაგრამ ვისგან - არ გეტყვი, შენთვის დიდი მნიშვნელობა აქვს, ჯიგარო? – და თვალეში შემომხედა

– კაი რა, შოთა, გააჩმახე შენი ეჭვებით, კაცს ჯერ ჭიქა არ აუწევია და უკვე შარზე ხარ. - შეუტია მასპინძელმა, მაგრამ კეთილი ღიმილი არ მოსცილებია.

– ძმაო თუ დაუძახე, კეთილი ფიქრებით შემოვიდეს აქ, რა ენისა და ლიტერატურის გაკვეთილია თუ კიდევ სხვა რამეებიც აინტერესებს, ჰაა? ეგრა თუ არა? .

“აი, შარი თუ გინდა, ესაა”, - გავიფიქრე და ვინანე ჩემი დამყოლი ხასიათი

– არაფერი შარი არ ვარ, ძმაო, და არც “რატომ”-ს ვეკითხები არავის.

– დაჯექი და დალიე. გადაჭრილი “ნაბელლავის” ბოთლი განსხვავებული სასმისის ჰონტში მომაწოდა.

“ვა, ბულგაკოვთან ვარ?” - გავიფიქრე და გამოვართვი. ღვინო თბილი და მჟავე იყო. არ მესიამოვნა, მაგრამ დავცალე.

– რახან ეგრე ფიქრობ, აი, “მალასოლნი” და სოსისიც ჩააყოლე, სტუმარო.

ახლა კი გამაჟრიალა.

– ნუ დარდობ. ეგ ორი მოწვევის დეპუტატია და ორი ლიტრის მერე გახსნები ეწყება, სხვის ფიქრებს კითხულობს, მაგრამ საღდაც ოც წუთში გაუვლის თან შენც მიეჩვევი, - გამიცინა დათამ.

გამასხენდა “ქუჩური”. ესე იგი, ორჯერ ნასამართლე-ვია. აგაშენა ღმერთმა.

– შენც, ჩემო კარგო, დაიკიდე და დავლიოთ. უბრალოდ, კარგ რამეზე იფიქრე, - ხელი გამომიწოდა შოთამ.

– დათო, ძალიან სასიამოვნოა.

– არ იქნება სასიამოვნო და შენი აჯობებს, - თვალეში შემხედა.

– ერთსაც ხომ არ წყვეტდი ეგეთს და მერე გაგვეგრძელებინა. - მუშტდაყრდნობილი მთვრალი დაელმებული მიყურებდა და ჩემი სახის ფოკუსში

მოქცევას ცდილობდა.

„ამას ნეტა რა ტალანტი აქვს?“ – გავიფიქრე.

– მაგას, ძმაო, ასტრონომიაზე რაც წიგნებია ქართულ-რუსულად დაწერილი, ყველაფერი წაკითხული აქვს. ასე არაა, რევაზ?

- ეგრეა

- ასტრონომი ბრძანდებით განათლებით?

- სადაც მე ვიყავი ხანგრძლივი მივლინებით, იქაურ ბიბლიოთეკაში ასტრონომიის გარდა არანაირი წიგნი არ იყო, დრო ბევრი მქონდა და რა მექნა? ვკითხულობდი. ერთი დასკვნა გამოვიტანე, რომ ყველაფერზე არათუ ორი, არამედ მრავალი განსხვავებული აზრი არსებობს.

- თქვენ გაიხარეთ. იქნება მითხრათ, საიდან ასკვნი? ძალიან მჭირდება ამის ახსნა.

- შენ ძმაო შეფარულად “რატომ”-ს ეკითხები და თვალთმაქცობ, თუ რაა....

- მარტივი ახსნა აქვს. ვარსკვლავითი, გალაქტიკები და უფრო მეტი გალაქტიკები და სამყაროს უსასრულობა ორიცაა და იმდენიც, რამდენიც შემოქმედს გაეხარდება. - შოთასკენ არც გაუხედავს ისე ასწორებდა ჩემს თვალებზე ფოკუსს “ასტრონომი”.

“ბულგაკოვია, აბა, რაა?” - ჩავეკითხე საკუთარ თავს.

- კაცო ეგ ვიღაც რუსი რას აგიტორღიალება, შენ მესამე გადაჭრილიც გეკუთვნის.

- ნუ შეჭამეთ მეზობელი თქვე ლოთებო, აი, ეგაა რა. ერთი წუთით გავედი ერბო-კვერცხის შემოსატანად და შეგჭამეს ამ გიჟებმა. გადაიღე და დაგვეწიე. - თავზე დამადგა მასპინძელი.

დალევის ხასიათი სულ წამიხდა. აღარც მშვიდობა, აღარც მწყურობა, წასვლა მინდოდა და ვერ ვდგებოდი. ქეთი მოსკოვშია სამადლოდ იმ ლერა ფეისახთან, რა დისერტაცია, საყოველთაოდ ცნობილია ის ფაქტი, რომ იქაური ხარისხი აქ რაში გამოადგება, უბრალოდ, ჩემთან მობეზრდა და წავიდა. რა ვიცი, დალატით მე არ მიდალატია და სახლიდან ქონება არ გამიყვია, ახლაც სამინისტროში კონკურსია და, ალბათ, ნიკუშაც პატარას მიშველის, რამენაირად კოკას დავამთავრებინებთ თავის მენეჯმენტს და სადმე ბანკში მოეწვობა და...

- ეე, ძმაო, ამ ერთ წამში რამდენი რამე გაიფიქრე, ველარ გეწევი, რა არის, თან “საყოველთაოდ ცნობილი ის ფაქტი”, მარიაჟობ? შენ მართლა ვანგა ან სხვა ვინმე ხომ არ გგონივარ, ტვინი შემიშუპდა, - დამიბღვირა შოთამ.

- ბატონო შოთა, მე არც მიფიქრია თქვენი შეწუხება, მე უბრალოდ, როგორც ყველა...

- დათო, მე ავად ვარ და მეტი არაფერი, აი, ესენი ახლა არაფერზე ფიქრობენ, ამიტომაც იძულებული ვარ შენი აზრები ვიკითხო და დამლაღე. დალიე რა, აღარ იფიქრებ და ცოტა მეც შევირგებ ამ ოხერ საჭმელ-სასმელს.

დათომ (მასპინძელმა) ხელი გამკრა, გალიპლიპე-ბული გადაჭრილი “ნაბელდავის“ ბოთლი მომაწოდა და გადავკარი. თქვენც არ მომიკვდეთ, ვითომც წყალი დამელიოს, თანდათან შიშაც გადიოდა ოღონდ გაურკვევლობა მატულობდა.

მესამე, მაჯისსაათიანი კაცი თითქოს არც გვისმენდა, დანაჩანგლით ერბო-კვერცხს ისე აკურატულად მიირთმევდა, თითქოს ვერსალში ყოფილიყოს ელჩების მიღებაზე.

“ეს რიდას ოსტატია ნეტავი?” - ფიქრის დასრულებაც ვერ მოვასწარი, რომ ისევ შოთა ჩაერთო.

- უთხარი, ბატონო ანდრო, თორემ მოკვდა სტუმარი ცნობისწადილით, თქვენი ტალანტის შესახებ.

ბატონმა ანდრომ დანაჩანგალი ჯვარედინად დააწყო თეფშზე. ხელსაწმენდით პირი მოიწმინდა. რატომღაც საათ “ლუჩ”-ს დახედა და მომმართა.

- ისტორია გიყვართ?

- ჩემი ჰობია ისტორიაც, გეოგრაფიაც, მოგზაურობაცდა...

- სადმე გიმოგზაურიათ?

- არა. უბრალოდ, წიგნები, კინოფოტომასალა.

- იცით, არის ასეთი გამოთქმა, რომ ისტორიული პარალელების გატარება უკუშედეგს იძლევა და საზიანოა მიმდინარე მომენტისათვის. ეთანხმებით?

- ვერაფერს გეტყვით. არ მიფიქრია არასდროს

- აბა, პლუტარქე რატომ წერდა “პარალელურ ისტორიებს”? კარგი, არა აქვს ახლა ამდენი გადაჭრილის მერე ამაზე საუბარს აზრი. უბრალოდ გეტყვით, რომ საფრანგეთის პირველი ბურბონის დინასტიის მეფე ჰენრიჰ IV იმიტომ იყო დიდი მონარქი, რომ მიუხედავად ცინიკური გამოთქმისა “პარიზი მესად ღირს”-ო, ერთი მარტივი კრელოთი გახდა მსოფლიოს ისტორიის უდიდესი ადამიანის-მოყვარე და არა “ჰუმანისტი” მმართველი. კერძოდ, “მე იმისთვის ვარ უმაღლესი მმართველი ჩემი ქვეყნისა, რომ უზრუნველყო ყოველ კვირა დღეს ყოველ ფეიქარს ქოთანში ვარია მაინც ჰქონდეს”-ო. ფეიქრები ყველაზე დაბალ სოციალურ ფენაზე მდგომნი იყვნენ იმდროინდელ საფრანგეთში. მე ფეიქარი გახლავართ მხოლოდდამხოლოდ. დანარჩენი თქვენ განსაჯეთ. მე კი გადაჭრილს დავლევ.

“ბულგაკოვი არა, მაგრამ მგონი ვიღაც სენ-სიმონი უტოპისტია ნამდვილად”.

– შენ, ძმაო, წესიერად იფიქრე, აქ ხალხი ვზივართ და არა ვიღაც სიმონები, თორემ შენს კოდექსებს...

– ნუ გაუტყვი, აღარ დამთავრდა შენი მკითხაობის დრო? – შესცინა დათომ

– ბოლოა. ერთი გადაჭრილიც დამალევენ და მორჩა. მეც დავისვენებ და ეს კონკურსატანტი.

– კონკურსანტი.

– ერთი სიმონაა ორივე. მიდი, დამისხი.

– დათო თქვენც ამათნაირი ტალანტებით ხართ დაჯილდოებული?

– არა, სეხნია, მე უბრალოდ მასპინძელი ვარ და ამათი ძმაკაცი, მაგრად მიყვარს ბაზარში სიარული, პროდუქტის არჩევა, მერე ნაირნაირი კერძების დამზადება, “ნაბელავის” გადაჭრილი ბოთლით დალევა და ამათი სმენა.

– იქნებ თქვენც რაიმე მითხრათ. ბევრი საინტერესო გავიგე და...

– ერთი ვიცო. ვაჭართან რომ დადიხარ წლების განმავლობაში, კარგ ყველ-ხორცს რომ გატანს და ნისიასაც რომ გენდობა, ნაცნობი სიტუაციაა, ალბათ, შენთვისაც.

– რა ვიცო. ქეთი დადიოდა ყოველთვის. ჩემი მეუღლე.

– ახლა?

– მაღაზიაში ვყიდულობ ძეხვეულს და პურს.

– ქეთი?

– რუსეთშია. დისერტაციაზე მუშაობს თავის დაქალთან ერთად. სახლში მე და ბიჭი ვართ, კოკა ჰქვია.

– ჰოდა მოკიდე ხელი, წაიყვანე ბაზარში აარჩიეთ

კარგი ხორცი და ბოსტნეული, სადილის გაკეთებას მე გასწავლი. აბა, მაგ ძეხვეულით დაიწამლებით ორივენი. ეე, ესენი დათვრენ, გააჩმახეს რა, თუ დალევა არ შეეძლოთ, რას ეპოტინებოდენ ამ გადაჭრილს. თითოც შევსვით და მერე ვნახოთ.

– არა, კონკურსი მაქვს ორ დღეში. ესეც ბევრია.

– მე დავლევ. თქვენ პატარა ჭიქით შესვით.

კარებამდე მიმაცილა. თითოთ მანიშნა ყური ახლოს მოსწიეო და ჩამწურჩულა:

– იცი? ის გამყიდველი ნისიასაც რომ მენდობოდა, მაგარი ნაგავი აღმოჩნდა. საქონელიც გააფუჭა, სასწორიც გააბანდა და ბოლოს ხურდაშიც მატყუებს.

– ჩურჩულით რატომ მეუბნებით?

– ამათ რომ ვუთხრა, დაბრიდავენ. – თვალთ მანიშნა თავის ბინისაკენ.

– არ უთხრათ. ცოლოა.

– ეგ ერთი გამყიდველია, შენ ზემოთ უნდა ნახო, ეგეთი რამდენი არიან. – ამოიხვნეშა ფხიზელი იყო. არაფერი ეტყობოდა.

სკაიპიში ქეთის მაგივრად ლერა ფეისაზი შემოვიდა. მოკლედ და მშრალად მაცნობა, რომ თემამ მოწონება დაიმსახურა და ქეთი გარკვეული გარემოებების გათვალისწინებით ირანში მიემგზავრებოდა ხანგრძლივი სამსახურებრივი მივლინებით და მასთან კონტაქტი (ისიც ვიზუალური) მომავალში მხოლოდ ლერას მეშვეობით მექნებოდა. კოკა აღნიშნულის შესახებ უკვე ინფორმირებულიაო. ვიფიქრე, ზოგადი ადმინისტრაციული კოდექსის მიხედვით საპასუხოდ ათი დღე უნდა მქონდეს-მეთქი, მაგრამ თქვენი პასუხი და თანხმობა აუცილებლობას არ წარმოადგენსო.



#### აპტობიობრაშიძის

დავობადე ფულის გამოცვლის 1961 წელსა 3 მარტსა. მეძახდენ -ვიას, ვიგლიკოს, ხოლო მეგრული ვადიები – ცქმუნას (ახლაც არ ვიცი, რასა ნიშნავს). ექვსი წლისა მომნათლეს სიონში. მღვდელმა ნათლიებს ჩემი სახელი ჰკითხა და "ვილი" - უპასუხეს. მაშინ „ვიორგი“ იქნებაო. 47-ე სკოლაში შემიყვანეს - პირველ კლასშიდ დამრიგებელმა ამომიკითხა: "აბაშაძე ვივი" და არ ავდექი, წარმოდგენაც არ მქონდა, მეგრეკაში თუ "ვივი" მეწერა. ბეჯითად (მერვე კლასამდე) ესწავლობდი მათემატიკასა და ინგლისურს. ვკითხულობდი ყველანაირ ლიტერატურას და ისტორიას (ძირითადად კლასგარეშეს). არ მაინტერესებდა ქიმიკა, ფიზიკა და ა.შ. მაინც ფრიადმედ გავასრულე სამუალო

განათლება. როგორც მაშინ იცოდნენ - 5-იანის აგესტაგი "ვაივიანე" (უერთამოდ). ვცაღე უცხო ენათა ინსტიტუტში ჩაბარება (ურეპეტიტოროდ) და ფშიკ, ინგლისური ენის კომისიის თავმჯდომარე დამპირდა, რომ მომავალ წელს აუცილებლად დამიწერდა უმაღლეს შეფასებას და მსხვილი ორიანი ჩამიწერა საგამოცდოშიდ. მეც ავიღე და შემდეგ წელს თბილისის სახელმწიფო უნივერსიტეტში შევედი. სტუდენტობისას მოვასწარი თორმეცამდე ისტორიული ძეგლზე მუშაობა, სარესტავრაციო ექსპედიციებშიდ - თავისუფლების გემო შევიგრძენი. 1983 წელს გავასრულე თსუ, მრეწველობის ეკონომისტიკის სპეციალობით (ბუნდოვნად მახსოვს, მამელუქივითა), მას შემდეგომ მოვიარე ათასი ჯურის სახელმწიფო თუ კერძო „რქებისა და ჩლიქების“ („რაგა ი კაპიტა“) დაწესებულება. მიღებული მაქვს ათასნაირი სერთიფიკატ-ლიცენზია, მაგრამ მინ კელელმედ ისევ ერთიანი საქართველოს რუკა მაქვს გაკრული, და კიდევ ერთი რამ - ვწერ: ესეებს, მოთხრობებს, ჩანახატებს, მყავს მეუღლე და ოთხი შვილი და ფანჯასტიკური მეგობრები (სააქაოს, საიქიოს და ფეისბუქშიცა). სულ ეს არის.

გიმ აბაგამი (ბონსმანა)



## ლევან ბეიტრიშვილი

### პანიკა

(ჰორორის წინათვრძნობა)

თვალების გახელის რამოდენიმე ტიპი არსებობს: როდესაც ამას წარბების აქაჩვით იწყებ, ეს ნიშნავს, რომ გამოძინება მოახერხე და ზმორვის პროცესში ხარ; როდესაც პირდაპირ ქუთუთოებს ალებ, ეს ნიშნავს, რომ სადღაც გეჩქარება (ყოველ შემთხვევაში, ასე გგონია); ხოლო როდესაც ჯერ იჭმუნები, ანუ წარბები ერთმანეთისკენ იწევენ, ხოლო ყვრიმალები შუბლისკენ იქაჩება, რათა რეფლექსებმა თავის ტკივილის სპაზმი შეეიმსუბუქოს, ან/და სინათლით თვალის მოჭრისგან თავი დაგაზღვევინოს, - ესე იგი, უდროო დროს გაგაღვიძეს, ან ვიდრე დაიძინებდი, თრობის რომელიღაც მეთოდს წარმატებით გაართვი თავი.

ამ დილას ჭმუნვნივთ გავახილევ თვალები, თუმცა არავის გავუღვიძებია.

მაგრამ უცნაური ისაა, რომ თვალების გახელის

ნებისმიერ ტიპს ვიზუალური კონტაქტი მოსდევს გარემოსთან, ამ შემთხვევაში კი ეს კონტაქტი არ შედგა ...

- დილაა რო?

თვალები დავახამხამე და რაც შემეძლო დავქაჩე, თან აქეთ-იქეთ ორჯერ გადავატრიალე (თავის მოტრიალება ვერ გავბედე - ისე მტკივნეულად ფეთქავდა), მაგრამ შავი სიბნელის გარდა ვერაფერი დავაფიქსირე.

ბავშვობაში სადღაც წამიკითხავს ასეთი გამოთქმა - ჭიანჭველებმა დაუარა ტანზეო, ჰოლა, ეხლა მივხვდი ეგ რას ნიშნავდა - თან ერთსაც დავამატებ, ეს ჭიანჭველები კანზე კი დარბიან, მაგრამ შიგნიდან.

სხეულმა საფრთხე თუ რაღაც ამდაგვარი იგრძნო და სუნთქვა ამიჩქარდა. გულისცემაც გარკვევით ვიგრძენი - ის ან ძალიან სწრაფად, ან ძალიან ხმამაღლა ცემდა.

მივხვდი - ამ მდგომარეობას პანიკა ქვია.

პანიკა ცუდია - კინოში მაქვს ნანახი, პანიკაში აღადმიანი ყოველთვის ნაჩქარევ და დაუფიქრებელ ნაბიჯებს ღვამს, რომელსაც მისთვის არაფერი კარგი არ მოაქვს - შესაბამისად, პანიკას უნდა ვძლიო, დავწყნარდე და თითოეული მოძრაობა კარგად გავიაზრო.

- პირველ რიგში უნდა გავარკვიო სად ვარ.  
 სამჯერ ღრმად ჩავისუნთქე და ვიგრძენი, თუ როგორ დაბრუნდა გული თავის ადგილას.  
 - მთავარია არ გავინძრე, სანამ არ გავარკვევ - სად ვარ და როგორ მოვხვდი აქ!  
 - თავი ისევ მტკივა - რამე ჩამარტყეს?  
 - მოიცა, თანმიმდევრულად უნდა მივყვე.  
 - რა მქვია?  
 - არა, ეს ნამეტანია, სახელიც და გვარიც მახსოვს.  
 - ბოლოს სად ვიყავი?  
 - არა, ასე არ გამოვა, თვალები უნდა დავხუჭო და წარმოვიდგინო, თორემ ღია თვალებით მაინც ვერაფერს ვხედავ და კონცენტრაციასაც ვერ ვახერხებ.  
 - ანუ დავუბრუნდეთ კითხვას - ბოლოს სად ვიყავი? ანუ ბოლო სიტუაცია, რომლის განსწავლაც შემიძლია!  
 ...დილას სახლიდან გავიდა და ინსტიტუტში წავედი,  
 - მერე რა მოხდა ?  
 - მოიცა, მოდი ჯერ დავიწყოთ არსებულ სიტუაციაში გარკვევით - ასე არ გვასწავლიან ?!  
 - ანუ რა ვიცი არსებული სიტუაციის შესახებ: ვწევარ, ხელები გვერდზე მიწყვია, უფრო სწორად, იდაყვები გვერდზე მიწყვია, ხოლო ხელები შარვლის ჯიბეებზე. ...აჰა, ესე იგი, შარვალი მაცვია.  
 - მოიცა, მოდი აღქმების მიხედვით მივყვები - პირველია შეხება... თუ პირველი მხედველობაა?  
 - ხო არ დავბრმავდი ?  
 - დაყრუებით არ დავყრუებულვარ - ეხლახანს გავიგე მანქანამ როგორ ჩაიარა, მაგრამ შორიდან. ანუ სმენა მაქვს... ანუ სმენა სასიმღერო არა, უბრალოდ ყურში მესმის.  
 - სად ვწევარ? - ხელით შეხება ნაადრევია, შეიძლება ხმაური გამოვიწვიო, - მაგრამ ზურგით და თავით ვგრძნობ, რაღაც მაგარია, თუმცა არც ისე ცივი, რომ ქვა იყოს.  
 თავს ცოტა უკან ვწევ - კეფას ვუხახუნებ იმას, რაზეც ვწევარ - ხორკლიანია, რაღაც ხის მაგვარი.  
 - კუბოა? - არა, კუბო რომ იყოს, ვიგრძნობდი, სუნთქვისას ამკარად ვგრძნობ, რომ ჩემს ზემოთ სივრცეა.  
 - სუნი? რაღაც საღებავის სუნის მაგვარი მცემს., თუ ლაქია? თუ უბრალოდ ხის სუნია ?  
 - სუნებში ამკარად ვერ ვერკვევი!  
 - გემო? - პირში საშინლად მწარე გემო მაქვს - ისეთი შეგრძნება მაქვს, თითქოს მომენტის წებო ჩამასხეს და სადაცაა ბოლომდე განხმება. წყალი

მწყურია. არა, მწყურია კი არადა, მაგრამ მწყურია.  
 - დაჭრილი ვარ, სისხლი დავკარგე და იმიტომ მწყურია?  
 - არა, დაჭრილი რომ ვიყო, რამე მეტკინებოდა, - თავი? არა, თავში რომ ვიყო დაჭრილი ცოცხალიც არ ვიქნებოდი.  
 - ცოცხალი ვარ რო? - უცებ გამომასხა ოფლმა და მთელი შუბლი მომენტალურად გამიყინა (აი, ამას ეძახიან „ცივმა ოფლმა დაასხაო“), გული თითქოს გამიჩერდა და სუნთქვაც თან მიყვა... არა, გული რახან მუშაობს, ესე იგი, ცოცხალი ვარ - ამოვიხუნთქე.  
 - ჩახუთული ჰაერია, სადღაც სხვაგან ვარ, სადაც, წესით, არ უნდა ვიყო, რადგან არც არასდროს ვყოფილვარ.  
 ...ჰო, სახლიდან გამოვედი და ინსტიტუტში წავედი... ფეხით.  
 ფეხი ბოლომდე გაშლილი არ მაქვს, რაღაცაზე მაქვს მიყუდებული. ფეხსაცმელი არ მაცვია - ფეხის თითებს ჩუმად ვუსმევ იმას, რაზეც მიდებულნი მაქვს - იგივე შეგრძნებაა რაც კეფისას - რაღაც ხისმაგვარი ხორკლიანი ზედაპირია  
 - ყუთში ვარ?  
 - კუბო არ არის. და რატომ არ არის კუბო?  
 - ა, ჰო, ჩემს ზემოთ სივრცეა - სუნთქვისას ვგრძნობ.  
 - როგორ ვგრძნობ? - თბილი ჰაერი უკან არ მიბრუნდება.  
 ნერწყვის გადაყლაპვას ვერ ვახერხებ, - ის უბრალოდ გამითავდა. ...წყალი მწყურია საშინლად.  
 - ღმერთო, როდის დამთავრდება ეს ყველაფერი?  
 - და რა დამთავრდება? - რა დაიწყო რო?  
 სუნთქვა ისევ მიხშირდება - კვლავ ნაცად ხერხს მივმართავ და მესამე ჩასუნთქვაზე პანიკის ნიშანწყალიც აღარაა.  
 ...ესე იგი, ფეხით წავედი ინსტიტუტში, მერე ანუ-კი შემხვდა და მომილოცა დაბადების დღე... ანუ გუმინ დაბადების დღე მქონდა? - არა, მე კი არ მომილოცა, ნიკას მიულოცა - ნიკასთან ერთად ვიყავი. ამ დროს სანი მოვიდა მანქანით, ფარები ჩააქრო და...  
 ...ნაცნობი ხმა - ამ ხმას ჩემი ტელეფონი გამოსცემს, როცა ჯდება - ტელეფონი სადღაც აქ არის.  
 (იმედი - ეს არის დროებითი „სიმშვიდე“, რომელიც გეუფლება წითელზე ბოლო ასლოლარიანი ფიშკის დადებიდან რულეტკის გაჩერებამდე - რაც უნდა ამოვიდეს, გინდა წითელი, გინდა შავი, - იმედი ქრება.)  
 ფრთხილად მიმაქვს ხელი შარვლის მარჯვენა

ჯიბისკენ, ვიღებ ტელეფონს, ვატრიალებ ჩემსკენ, - დარეკვა არ შეიძლება, ვერ დავილაპარაკებ, მესიჯს გავუგზავნი ნიკუშას, - ვეძებ მენიუში "ჩრვატე ეს-საგე"

...ისე იგი - დილას გამოვდივარ სახლიდან და მივდივარ ინსტიტუტში ფეხით, გზაში ვიღებ ტელეფონს და ნიკას ვუგზავნი მესიჯს „ნიკუსკ გამოვედი და ცჰამოდი“. ნიკუშა ქვევით მხვდება. - წავედით? - კლუბთან ერთად მივედით, მალე ანუკიც გვხვდება და დაბადების დღეს ულოცავს ნიკას; ამ დროს, სანამ მოაყენა მანქანა, ჩააქრო ფარები და... - მოიცა, ეს დილა კი არა, საღამო იყო, ანუ დილას ინსტიტუტში კი ვიყავი, მაგრამ მერე საღამოს ნიკუშასთან ერთად კლუბში წავედით...

...ისევ ნაცნობი ხმა - ამ ხმას ჩემი ტელეფონი გამოსცემს, როდესაც ჯდება - უზარმაზარმა ეკრანმა რაღაცეები მიხატ-მოხატა და ჩაქრა... - შავი ამოვიდა... ( I 1280 - ეს არის მობილური ტელეფონის შედეგრი, რომელიც არასოდეს ტყდება და არასოდეს ჯდება, და რომელიც ჩემს მეორეკლასელ ძმას ვაჩუქე.

ალბათ, მალე მობილურებს ფრენის ფუნქციაც ექნება - ჩართავ შ-ს, მონიშნავ კოორდინატებს, შემოახტები და წავიდაა. ოღონდ შუა გზაში დაგიჯდება და ჩამოვარდება.)

უხმოდ ვყვირივარ - ისიც კი ვერ მოვახერხე, მიმენათებინა და გამერკვია - სად ვარ. ისევ მიხშირდება სუნთქვა, ისევ მივმართავ ნაცად ხერხს, თუმცა საში ჩასუნთქვა აღარ მყოფნის. საშინლად მწყურია. პირის ღრუს ვძაბავ, ნერწყვის მსგავსს ვაგროვებ და ვყლაპავ. საშინელი გემო აქვს, ლიმნის სიმწარე დაჰკრავს ...

...ლიმნით დასველებულ მარილს ხელიდან ენის ერთი მოსმით ვილოკავ, ტეკილას ლამის ჭიქიანად ვყლაპავ და ლიმონს თავის ქერქიანად ვღეჭავ - ნიკუშას სახე ეჭყანება - ჩემს მიმიკას უნებურად იმეორებს. „გეყოფა შეჩემა, სხვასაც დაუტოვე“ - სანი ნიკასნაირი გამომეტყველებითა და პაპაშვილური ტონით მარიგებს ჭკუას, ისე, რომ ვიღაც ქერა ნაშას ტრაკიდან ხელს არ უშვებს. ბარმენი მოღადავე ღიმილით ქვევიდან მიყურებს და თან ვიღაცას კოქტილს უკეთებს. მოპირდაპირე მხარეს ბლანჟიანმა უცხოელმა (ბლანჟე, რიჟა თმები, კურნოსა ცხვირი და საყურე) სამ ყლუპში გამოცალა ერთი კათხა ლუდი...

...მაგრად მწყურია, პირს ძლივს ვაწკლაპუნებ... ადამიანს 40 თუ 42 დღე შეუძლია უწყლოდ გაძლება... ალბათ, მეც გავძლებ... მაგრამ ამდენ ხანს

გამაჩერებენ აქ? რატომ მომიტაცეს? არა, უნდა გავიხსენო, ვინ და რატომ მომიტაცა!

...შტრო - ცეცხლი ერთი შებერვით ჩავაქრე, მოვიყუდე და შაქარიც მივაყოლე - გულის რევის შეგრძნება მაქვს; ფოკუსი აირია; აქამდე გაორებული სახეები ერთმანეთში გადაიზიდა; ხმებმა სიმკვეთრე დაკარგა და ყრუ გუგუნში გადაიზარდა... გადღაბნილი სილუეტებიდან ნიღბიანი ტიპი იარაღის ლულას მიშვერს. ...თვალეები თავისით მეხუჭება, გუგუნე და ადამიანების ახელილი ხმები კიდევ უფრო ირევა ერთმანეთში. - ასე მშვიდად რატომ ვარ?

...რაღაც ხმაურია - საუბარი მესმის ძალიან მოგუდულად. იქნებ დავუძახო საშველად? - ისინი რომ იყვნენ? - ესენი ისინი რომც არ იყვნენ, ისინი ყვირილს მაინც გაიგონებენ. - და ვინ არიან ისინი? ტერორისტები? - არა, ტერორისტებს პოლიტიკური მოთხოვნები აქვთ, ან რელიგიური ფანატიკოსები არიან. - აქ რა უნდათ რელიგიურ ფანატიკოსებს? - რა მაგარი იქნება, შალიკო რომ მოთხოვნას წამოაყენებს: „ვიდრე ნავაგს დენიდან არ მოხსნით, საათში თითო კაცს გამოვასალმებ სიცოცხლეს!“ - სხვებიც ყავთ ნეტა? ნიკუშას ასთმა აქვს, ამ სიტუაციაში დიდხანს ვერ გაძლებს. - გამოსასყიდს მოითხოვენ? - მამაჩემს კიდევ ეგ უნდა?! ალბათ, გადაიხდის და მერე თვითონ მომკლავს!

...სამი კვირის წინ მამაჩემს ინსტიტუტიდან შეტყობინება მიუვიდა: „ორ დღეში თუ არ დაფარავთ სწავლის საფასურს, თქვენი შვილი ჩაითვლება გარიცხულად, ჩვენს შორის დადებული ხელშეკრულების 3.4 პუნქტის შესაბამისად“. - ეს სწორედ ის 1500 დოლარია, წითელს რომ ვენდე და 12-ჯერ ზედიზედ შავი ამოვიდა. ...მამაჩემმა სახლიდან გამომაგლო. კი არ გამომაგლო და გამოვასწარი. ის ღამე სანის წყნეთის აგარაკზე გავატარე. მეორე დღეს დედაჩემმა დამაბრუნა, თუმცა მამაჩემი დღემდე არ მელაპარაკება.

...ფეხის ხმა მესმის, რომელიც მიანლოვდება. აი, უკვე ჩემს თავთან არის. ...მაგრამ შეუჩერებლად ჩამიარა, რამდენიმე ნაბიჯის შემდეგ გაჩერდა, რაღაც ჩუმად ჩაიბურღუნასავით და იგივე ტრაექტორიით უკან გაბრუნდა. ფეხის ხმა რაღაც ორმაგად ისმის, აი, ფლოსტებით რომ დადიან ხოლმე ისე, - წარმოვიდგინე ტერორისტი ნიღბით და კალაშნიკოვით, რომელსაც ფლოსტები აცვია და გამეღიმა.

...სიცვივს ვგრძნობ. გუგუნე აღარ ისმის. ილღიებში ვიღაცეების ხელები მაქვს ამოღებული და მიმართევს. ილღიები მტკივა, მაგრამ ხმის ამოღების თავი არ მაქვს. თვალეებს ვახეღ, თავს (ანუ კისერზე

რაც მათია) ვერ ვძრავ და თვალებით ასფალტზე მიმფორთხავ საკუთარ ფეხებს ვაფიქსირებ, რომლებიც მხოლოდ ოთხ-ხუთ ნაბიჯში ერთხელ თუ აკეთებენ მათთვის სავალდებულო მოძრაობას.

...გავოფლიანდი. ფეხები ცოტა მოვლუნე და ხელებიც გავამოძრავე. წყურვილმა თითქოს გადამი- არა, მაგრამ თავი, ალბათ, საცაა გამისკდება. ხელ- ფეხი განსნილი რატომ მაქვს? ანუ შეკრული რა- ტომ არ მაქვს? ანუ ისეთ ადგილზე ვარ, რომ გაქცევის შანსი არ არის? – აუ, გამისკდა თავი! – მომკლავენ? – ალბათ, არა, რაში ვჭირდები მკვდარი? – და ამდენი ხანი რატომ არ დარეკეს ოჯახში? – იქნებ ადამი- ანების ორგანოებით ვაჭრობენ?

ისევ მესმის ყრუ საუბარი. აშკარად ტელეფონზე ლაპარაკობს. მგონი ქალის ხმაა. ზოგ სიტყვას ვარჩევ კიდევ: „უცებ მოვამთავრებ“, „კარგი“. ისევ ნაბიჯებ- ის ხმა, რომელიც მიახლოვდება. სუნთქვა მეკვრება, გული კი თანაბრად უმატებს ძალასა და სიჩქარეს, ლამისაა მკერდი ამომინგრიოს. ფეხის ხმა ნელი ნაბიჯით მიახლოვებს „მას“ და ამ დროს თითოეუ- ლი წამი უსაშველოდ იწელება, ნაბიჯსა და ნაბიჯს შორის უფრო და უფრო დიდი დროითი სივრცე ჩნდება და სუნთქვა აღარ მყოფნის, შინაგანად ვგრძნობ, რომ ეს დასასრულია, დასასრული ჩემი უსაგნო ცხოვრების, ცხოვრების, რომლისგანაც მოსაგონარიც კი არ დარჩება არაფერი... დედაჩემის თვალები და- მიდგა წინ!

...ჩემს ოთახში ნგრე ირდს-ს ვთამაშობ, ურთულე- სი ტურია, ერთი წითელი ჩიტი დამრჩა ბოლო გოჭ- ის დასაბრედად. დედაჩემმა ჩუმიდ შემომიღო ოთახ- ის კარი და ვერმიშელით სავსე თეფში მაგიდაზე ფრთხილად დადო. ზუსტად ამ დროს „რაგატკა“ მოვქაჩე და... ჩიტმა მიზანს გადაუფრინა... თვალები დამიბნელდა... „რა დროს შემომიღებ ხოლმე რა!“ ეს იყო ამოღრიალებული ფრაზა, რომელიც გასროლილ ვერმიშელიან თეფშს მივაყოლე... დედა რეფლექსურად შემოტრიალდა, ხელები ერთმანეთისთვის ჩაეჭიდა და გულზე მიეკრო, შეშინებულმა ქალებმა რომ იციან, ისე. მაგრამ თვალები... თვალები, ალბათ, ყველაფერს ერთად გამოხატავდა, მოულოდნელობას, შიშს, კითხ- ვას „რატომ“, დაკარგულ წლებსა და უპასუხო სიყ- ვარულს, ცხრა თვესა და ოც წელიწადს, დიდ პა- ტიებასა და უანგარო სიკეთეს... კარები მივუჯახ- უნე.

...სწორედ ეს თვალები მიდგას ეხლა წინ, თვალებ- ბი, რომლებიც მარტონი იქნებთან შვილის დაკარგვით გამოწვეული დარდისა და სინანულის გულწრფელო- ბაში. დედა, აი, ყველაზე ძალიან ვისი მოხმობა მინ-

და საშველად, მაგრამ სუნთქვა კვლავ შეკრული მაქვს. თავი მომავალი ხმისკენ გადავატრიალე, ვგრძნობ, თუ როგორ დამეჭიმა სახის ყველა კუნთი და როგორ ვიღებ ნელ-ნელა მუშის ფიზიონომიას. ნაბიჯები შეწყდა, „ის“ უკვე მოვიდა და ნელ-ნელა იღება ჩემი „საკნის“ კარები. თითოეული გაღებული მილიმეტრი თითქოს საუკუნე გრძელდება. სხეულს ვეღარ ვგრძნობ. დაძაბულობისგან ძარღვები დასკდომაზე მაქვს. შე- მოსული სინათლე თვალებს მჭრის (დღე ყოფილა) და გაღებული კარიდან ქალის სილუეტი იკვეთება, რომელსაც ხელში მოგრძო რაღაც უჭირავს.

თვალებს ვხუჭავ და მთელი ჩემი გუშინდელი დღე ფაზლივით ეწყობა:

ნილბიანი ტიპი იარაღს მიშვერს, მაგრამ უცებ მის ნაცვლად უეცრად რუნი მსაჯთან კამათობს, ბართან მჯდომი ბლანჟიანი უცხოელი კი უკმაყოფილო ბუზღუნით ატრიალებს ტელევიზორის პულტს; მერე ნიკა და სანი მხრებით მიმათრევენ მანქანისკენ; სახ- ლში ჩუმიდ ვახერხებ შესვლას და საკუთარ საძინებელში გარდერობში ვიძინებ. დიახ, გარდერ- ობში, რადგან საწოლიდან გადასაფარებლის აღება დამეზარა.

...დიახ, ეს ჩემი საკუთარი საძინებელია, საკუთარ გარდერობში ვწევარ და თავზე მადგას საკუთარი დედა.

მგონი პირველად ხდება ჩემი შეგნებული ცხ- ოვრების მანძილზე, როცა დედაჩემის გაოგნებულ, შეშინებულ, მაგრამ თანაგრძნობითა და სიყვარულით სავსე გამონედვას თვალწყლიანი და ყურებამდე ახეული ბედნიერი ღიმილით ვპასუხობ.

...პირის გაუტოკებლად აღმომხდა:

- დეე.

## ლევან ბპიტრიშვილი







## მანია (მარინე) ქავთარაშვილი

### ბგრილა

(გასვლა)

ბზრიალა საიდან გაჩნდა არავის ახსოვს - თითქოს არც უყიდიათ გოგონასათვის და არც უჩუქებიათ. არადა, ერთ დღიას დახვდა აიენის მესამე კიბეზე. მხართემოზე წაკოტრიალებული და ზუსტად გაცვეთილი ლურჯი ზოლით მიწოლილ-მიყრდნობილი გაბზარულ ხის კიბეს. და ისე ორგანულად მიკვროდა ლურჯსაღებავაცლილ ჭრაჭუნს საფეხმავლო გზის დაბერებულ ფერს და ტკივილს - გოგონამ უცბად ვერც დაინახა მისი ეს გვერდი და ნახევარსფეროდ აღიქვა. როცა ჩამოფოფხდა უკუს-

ვლით კიბემდე და გვერდით მიუჯდა - გოგონა მხოლოდ 8 თვის გახდა ამ გაზაფხულზე - ჯერ დიდზე დიდი თვალებით დაამტერდა, კაკლებში შეისრუტა და როგორც კი დატრიალდა და დაბზრიალდა ბზრიალა, მხოლოდ მაშინ დაახამხამა თვალები და წამწამების ჩრდილს შეაფარა თავი. მერე ხელი წაატანა. ოდნავ, მაგრამ საკმარისი გამოდგა, რომ გადაკოტრიალებულიყო და ჩაბზრიალებულიყო ჯერ კიდევ ნოტიო კონინდარში. გოგონა ისევ დატრიალდა, თავი აწია და ტაკოზე გადაიტანა სიმძიმე, მერე ციცქნა მკლავები აამუშავა და მუხლებით უმაღლესად გადათვალა დარჩენილი ოთხი ცალი საფეხური.

ბრახ! და ისიც ბალახზე დაჯდა. ეგ არაფერი, ზოგჯერ, არც თუ იშვიათად, თავით ერჭობა ბალახში და სიცილს იწყებს. რა აცინებსო, კითხულობს დედა და თავს იქნევს, ცოტა არ იყოს დაფიქრებული, საკუთარი პირმშოს არაადეკვატურობასა და უცნაურობებზე. არა, მართო ეს უადგილო სიცილი, ან

უკუსვლით ფოფხვა როდი აოცებს. აგერ, მაგალითად, სულ ახლახანს დადგა გოგონა საკუთარი ხის საწოლის კიდეტან, მიმოიხედა, გაიღიმა, როგორც იცის - ვითომ მონატრებულ არსებას შესცივინა და დაიწყო

- 1,2,3,4,5,6,7,8,9,10,11,12,13 - ამოისუნთქა, ისევ გაუღიმა უჩინარს და ხელახლა დაიწყო - 1,2,3,4,5,6,7,8,9,10, 11, 12, 13...

ღედა და ბებია-ბაბუა სახლის სხვადასხვა კუთხიდან გამოიქცნენ და საწოლთან მოქუჩდნენ. ხმას არც ერთი იღებდა, თითქოს ეშინოდათ, რომ სიტყვა ამ არითმეტიკას გააქრობდა...

გოგონამ გადმოხედ-ახედა ამ უცნაურ არსებებს, ისევ თავისას გაუღიმა და მშვიდად, სვენებ-სვენებით, მაგრამ გამართულად და თავდაჯერებულად ჩამოთვალ-დათვალა. ცამეტამდე და მერე ისევ და ისევ და ისევ... ბოლოს დაიღალა, დაჯდა და ღიმილით გააგრძელა თამაში ნაჭრის თოჯინით.

შოკი სერიოზული იყო. აღუას ასაკში მყოფი გოგონა თავისით და უმიზეზოდ თვლიდა. ცამეტამდე, ადიოდ-ჩამოდიოდა და ილიმებოდა. რატომ ცამეტი? იმიტომ, რომ ცა მეტია, ვიდრე მხოლოდ სილურჯე? ამას, აბა, რას დაუდასტურებდა... და ვერც ჰკითხავდნენ. შეფიქრიანდნენ და შემფოთდნენ. მაგრამ, რაკი იმ დღეს მეტად ხმა არ ამოუღია, ცოტა გულს მოეშვათ - საკუთარ თავს არწმუნებდნენ - მოგვეყურო. სამაგიეროდ, მეორე დღით გოგონამ დილა ისევ ასე დაიწყო - ერთი, ორი, სამი... და ისევ ცა-მეტამდე ავიდა და გაჩუმდა. უცვლელი ღიმილით დაბანტულ ტუჩებსა და გაბადრულ თვლებში.

ამის ვერგაგონება უკვე არ გამოდიოდა. და რაკი ადამიანი, როცა რამეს სახელს ვერ არქმევს, უბრალოდ უარყოფს და ივიწყებს - ოჯახმაც იგივე გააკეთა - ვითომ პატარა არც არაფერ უჩველოს არ აკეთებდა, როცა დგებოდა თხელ და უცნაურად ძლიერ ფენუნებზე და გაღიმებული შესცივინებდა უხილავ წერტილს და ითვლიდა. მხოლოდ ცამეტამდე. ასე გაგრძელდა რამდენიმე თვე, იქნებ ცამეტი კვირა - არავის დაუთვლია... ამასობაში გოგონამ სიმღერა ისწავლა და უფრო ხშირად ღიღინებდა საკუთარ ენასა და მოტივზე. სიტყვები უცნაურად ერთიდაიგივე იყო, მელოდიაც - ამას ისევ რამდენიმე კვირის შემდეგ მიხვდნენ. მიაყურადეს. გოგონა მღეროდა უცნაური სიჯიუტით რაღაც სიმღერას და გაუგებარ სიტყვებს ხან ჩურჩულით, ხანაც გაბედულად და წკრიალა ხმით ამღერებდა...

როცა ბზრილას დაუჯდა გვერდით და თავი გაიქნია, თითქოს შეამოწმა, ადგილზე ხომ მაქვსო - ცხვირი მიუახლოვა და დაეწოდა - ეს გოგონას კიდეც ერთი უცნაური ჩვევა გახლდათ. ყველაფერს ეწოდა. დედას, ნაჭრის თოჯინას, პეპელას, ჰაერს, წყალს, საჭმელს, რომელსაც მხოლოდ ეწოდა და ნებით პირში არც იკარებდა. ბზრილას სიცივის და სილურჯის სუნი ასდიოდა. და კიდეც საიდუმლოს სუნი ჰქონდა. ეს გოგონამ მაშინვე შეიფნოდა და დაიმახსოვრა. რადგან უკვე მერამდენე დღეა ელოდებოდა დანაპირებს. და იცოდა, რომ მოაგებდნენ და იპოვნიდნენ. და ამ სივრცეში მარტობის გაუსაძლისი სიჩუმე დასრულდებოდა. ამიტომ მღეროდა და უხმობდა იმას, ვისაც უნდა ეპოვნა და დახმარებოდა. მაგრამ, ყოველდღიურად უფრო და უფრო უძნელდებოდა იმის გახსენება, თუ ვის უმღეროდა, რატომ იყო საშველად საქმე და სად უნდოდა ასე გამძაფრებულად გასვლა და რატომ სტკიოდა საღვაც შიგნით და უხილავად ღამე და სიზმრად, როცა ტიროდა და ვიღაცას უმტკიცებდა, ასე არ მინდა, უბრალოდ არ შემიძლია, ვერ გავძლებ აქ და მარტო...

ბზრიალა იყო მისთვის. ცაზე მეტი და გასაღები მისი სამყოროსკენ გასასვლელი ბილიკების. გაახსენდა, ამ ბზრიალათი დაეხვა მაშინაც თავბრუ, როცა აქეთ გადაწყვიტა წამოსვლა. ჩაესმა ისევ ხმა, როგორი ნაცნობი, როგორი ცრემლიანი და განწირული!

- არა! არ გაყვე! დარჩი ჩემთან! არ დამტოვო....

- არსად არ წავალ, მალე მოვტრიალდები - და გაწყდა საღვაც ეს ხმა, ეს დანაპირები და დატრიალდა ლურჯი ზოლები, დაბზრიალდა და მეცამეტე საფეხურამდე აიტაცა. ცა იყო ლურჯი და მეწამული ერთდროულად. თითქოს გაიყო ორად და შუაში იდგა სიჩუმე და იყო ვიწრო, უხილავი ბილიკი, რომელიც უღმობლად იზიდავდა და ისრუტავდა. უკვე აღარ უნდოდა, მაგრამ ძალა არ ჰქონდა, უკან დატრიალებულიყო. რამე ეღონა და თუნდაც დაეყვირა. სრულად შეისრუტა ამ შუა ზოლმა და ისე დააბზრიალა, თვალეში დაუტრიალდა მთელი სამყარო, ყველა მოგონება და ყველა ფერი, რაც უყვარდა, იცოდა და უნდოდა ყვარებოდა და სცოდნოდა... მერე იყო სიჩუმე, სიბნელე და სინოტივე. გაუსაძლისი სივიწროვე და გაუგებარი ყრუ და შორეული, რიტმული, თითქოს წყლის წვეთის დაცემა ბლანტ ზედაპირზე. ეს რიტმი აძლებინებდა, იმედის ციციქნა ნაპერწკალს უღვივებდა და მას მიჰყვებოდა... მერე ეს ხმა ისევ

ჩაესმა და ახლა გარედან დაინახა კიდევაც - უცნობი ქალი უყურებდა და ვერ ცნობდნენ ერთმანეთს. მხოლოდ გულის ცემა ეცნო გოგონას. და უცბად დაიკვილა!

- აქ არ უნდა ვიყო! გამიშვით აქედან... შეემშალა...

ქალმა მხოლოდ გაუღიმა და ხელში აიყვანა - მისი უსუსური ბაგედან მხოლოდ გაუგებარი კივილ-ტირილი ამოხეთქა ფილტვებმა და მოგონებამ...

მას მერე არაერთხელ ითხოვდა ამ შეცლომის გამოსწორებას, მაგრამ არავის ესმოდა მისი. და სიჩუმეს დაუბრუნდა. და დაიწყო გამოსავალის ძიება.

და აკი იპოვნა! გაიხსენა მაშინდელი საიდუმლო გათვლა და მერე სიმღერა - შელოცვა და დაუღალავად იმეორებდა, უხმობდა და თავს არ ანებებდა იმას, ვინც ასე ენატრებოდა და ვინც ასე დაუფიქრებლად დატოვა. და ხედავდა - ისიც გაუსაძლის ტკივილს ებრძოდა და გამოსავალს დაემბდა და ითხოვდა. და აგერ იპოვა. ფეხებთან ბზრიალა ლურჯი და ჩასუქებული გვერდებით ცვრიან ბალახზე იწვა. რაღაცას აგონებდა გოგონას ეს უცნაური გზავნილი. და ამის გახსენება იყო ასეთი მტიკუნეული და თითქმის შეუძლებელი, თან აუცილებელი! ჩასუნთქვა-ამოსუნთქვასავით სავალდებულო... ეცნობოდა, ხედავდა, ხელით ეხებოდა და მაინც ვერაფერს ახერხებდა. თითქოს თვალზე ნისლი გადააფარეს, თითქოს ყურები დაუხშეს ერთბაშად და სიმღერაც დაუკარგეს... საერთოდ აღარაფერი დარჩა, როცა ამ ბზრიალას მიუჯდა. მაგრამ დანამდვილებით გრძნობდა - სხვა უკვე არც აღარაფერია საჭირო. მთავარი პრიზი მოიგო! და აუცილებლად გაუგებს ასავალ დასავალს და მოუძებნის გასაღებს...

- ისევ ბალახში ზიხარ, გოგონა! გაცივდე გინდა? რა მოუსვენარი ხარ, ხომ არ დაგაბამ, ბოლო-ბოლო! - დედა წყენით და უკვე თავგაბეზრებულიც, ამდენი ფორთხილ-გორილით, დასწვდა გოგონას და შვიდივე კიბე აატარა და სახლში დასვა გახუნებულ, მაგრამ რბილ და თბილ ხალიჩაზე. გოგონამ დედას ზურგს უკან დაინახა, როგორ გაქანდა წყენით ბზრიალა და შეჰკვივლა! ამომიტანეთ! მალე, სანამ დაკარგულა...

ამათ როდის რა ესმოდათ?! საღამომდე არავის შეუმჩნევია ახალი გასართობი და უცხო სათამაშო. და გოგონას ჭირვეულობა ცივ და ნოტიო ბალახს დაბრალდა... საღამომდე, როცა ვენახიდან დაბრუნებულმა პაპამ ფეხი წამოჰკრა, დაიხარა, ხელში აიღო, შეათვალიერა და ისევ კიბეებზე ამოატარა.

მერე ბებოს მიუტანა, გაწმინე, ნახე როგორი ბინძურია, რას ყრით ბავშვის სათამაშოებს მიწაზეო. ბებომ, კი გადაუსვა ნოტიო ტილო, მაგრამ შეიცხადა - არ ვიცი რა არის ეს და საიდან აღმოჩნდა მიწაზე და საერთოდ ჩვენს ეზოშიო. ალბათ, დედამ მოუტანაო გოგონას. მოკლედ, ბზრიალა ისევ ოთახში დადეს და გოგონამ როგორც კი დაინახა, მისკენ ჭყლოპინით გაფორთხდა...

მას მერე სადაც გოგონა იჯდა, იდგა და იწვა - ბზრიალაც იქ უნდა ყოფილიყო. სხვა შემთხვევაში ისეთი კივილს ამოუშვებდა, დაუჯერებელ მეცო-სოპრანოს!

სამაგიეროდ, აღარსად დაგორაობდა და არც თავით ერჭობოდა. იჯდა გასუსული და ბზრიალას დაშტერებოდა. ხან ხელს გაკარავდა, ხან ფეხს და ხან უცნობდა, ხანაც ჩვეულ მეცო-სოპრანოს მიაყოლებდა...

დაზამთრდა, გოგონას პირველი ნაძვის ხე არ ახსოვდა. თითქმის. ახლა კი თვალს ვერ აშორებდა ჭრელა-ჭრულა ხეს და რაღაცა ახსენდებოდა. რაღაც ძალიან მნიშვნელოვანი და აუცილებელი. უკვე გამართულად დარბოდა თავის თხელ და წვრილ და მტკიცე ფეხუნებით. და უკვე ხელით დაატარებდა ერთადერთ საყვარელ სათამაშოს. არსად დებდა და არავის აკარებინებდა ხელს. სხვა არც ერთი თოჯინა და ბურთი არ აინტერესებდა. უყვარდა სიჩუმეში მარტო დარჩენა და ბზრიალასთან თამაში. არც საჭმელი გაახსენდებოდა და არც არაფერს მოითხოვდა.

- რამდენადაც უცნაური იყო ჩვილი, იმდენად მშვიდი გასასზრდელია ახლა, - უხაროდა დედას, მაგრამ მაინც გული ეწურებოდა შვილის უცნაურ მზერასა და ახირებულ სათამაშოს გახსენებაზე.

საახალწლოდ მამას ელოდნენ. როგორც იქნა, ნახევარწლიანი მივლინებიდან ბრუნდებოდა და ისეთი სამზადისი იდგა პატარა ხის სახლში, არავის ეცალა გოგონოსთვის და მისი უცნაური სათამაშოსთვის. გოგონა იჯდა ახლადმორთული ნაძვის ხის ქვეშ. ისუნთქავდა ახლადმოჭრილი ნაძვის ტკბილ და მომწარო სურნელს და ამ სურნელის თავბრუდამხვევ სიბლანტეში ნელ-ნელა იძირებოდა. ბზრიალა მუხლებთან იწვა. გოგონა მერამდენად მიაშტერდა და თითქოს შიგნიდან, აი, იქიდან, სადაც სულ გრძნობდა ტკივილს და უხმო ხმას - თითქოს ხელი ჰკრეს და გოგონა წელში გაიმართა. ახლა! მოვიდა დრო. აი, ახლა ან ვედარასოდეს. უნდა გადა-

წყვიტოს. უკვე რაღაც ხანია მიაგნო ბზრიალას საიდუმლოს და თითქმის დარწმუნებული იყო, რომ შეძლებდა გასვლას, თუ თვალეზი დაუხამხამებლად მიაშტერდებოდა ლურჯი ზოლების გამალებულ ტრიალს და გაჰყვებოდა იქამდე, სადაც გაიხსნებოდა ის ვიწრო და საბედისწერო ბილიკი. მაგრამ ამას ვერა და ვერ ბედავდა. თითქოს არ უშვებდა რაღაც შიგნიდან, აი, იქიდან, სადაც სულ ახსოვდა ის თვალეზი და ხმა - არა!!!!!! არ წახვიდე, დარჩი ჩემთან!

დღეს, ან აღარასოდეს! მაგრამ აქ უკვე ყავს ადამიანები, ვისაც დააკლდება და ეტკინება უმისობა. და ის? ის ხომ იქ სულ მარტოა და ისევ იქ დგას და ამდენი იწვალა! შეუძლებელი მოიხერხა და ბზრიალა გამოუგზავნა! უნდა გავიდეს, უნდა გაჰყვეს ამ ლურჯ უწყვეტ ხაზს და დაბრუნდეს... გოგონა მუხლებზე დადგა, ბზრიალას ცივი და დაჟანგებული ცენტრიდან ამოქაჩა ღერძი, მერე რაც ძალა ჰქონდა,

სუსტ მკლავსა და თითებში, ჩააბრუნა, ისევ ამოქაჩა და ისევ! ცამეტჯერ! ცა რომ მეტი ყოფილიყო, ვიდრე...

დატრიალდა ბზრიალა, გაერთიანდა ზოლების სვერო და ელიფსი ერთ სწორ ხაზად იქცა, მერე წერტილამდე დავიდა და უცბად გაწყდა - გაიხსნა! ისევ იქ იდგა, ისევ ლურჯი და მეწამული იყო ცა და შუაში გადიოდა უხილავი ბილიკი! სასწრაფოდ, ახლავე, და ისევ... გოგონა მთელი არსებით წაიზიდა და გადაიხარა... შეჰყვა სილურჯეს და მეწამულს და გაისუსა სადღაც, სადაც არც ფერი იყო და არც არაფერი...

ოთახში ბზრიალა ტრიალებდა და ტრიალებდა... ახალი წელი მოდიოდა... ახალი სიცოცხლით და ძველი ბზრიალა ლურჯი, გახუნებული მრგვალი გვერდებით ვერა და ვერ ჩერდებოდა...

**მაია ( მარინე) ქავთარაშვილი**

*სოციალურ მეცნიერებათა დოქტორი, პროფესორი, ჟურნალისტი, დ - გექნოლოგი, პიროვნული მრდისა და წარმატების ქოუჩი ( მწრთველი - კონსულტანტი). არის რამოდენიმე ასეული პუბლიცისტი და სამეცნიერო ნაშრომის ავტორი. სასწავლო და გურისგული პროექტებისა და პროგრამების ავტორი. ხოლო 2015 წლიდან დაიწყო, საკუთარი თავისთვისაც სრულიად მოულოდნელად, რომანების, მღაპრების, ნოველების და ბოლოს, ლექსების წერაც. ამ ერთი წლის მანძილზე დააგროვე ათასამდე ლექსი - ქართულ და რუსულ ენაზე, რამოდენიმე რომანი, ასევე ქართულ და რუსულ ენაზე. ავტორი და თანაავტორია რამოდენიმე პროზაული კრებულისა. მაია ქავთარაშვილის ნაწარმოებების გაცნობა შესაძლებელია „საბას“ ელექტრონული ბიბლიოთეკის თაროებზე - „მარას წიგნები“ და რუსულ პროზისა და პოემების საიგებზე. ავტორი ამზადებს დასაბეჭდად მღაპრების ილუსტრირებულ კრებულს და იმედს იკოვებს, რომ მისი სამყარო პაგარებისთვისაც გახდება საინტერესო და სასურველი.*





## კონსტანტინე ქარლავა

### „კუსტოს“ დაღუპვა

“და უბრძანა უფალმან ვეშაპსა დიდსა შთანთქმად იონა”

ფინჯანში მოქაფქაფე ყავა ოდნავ შეტორტმანდა. ეტყობა, ბატისკაფი რალაც დაბრკოლებას შეეჯახა. რიჩარდმა მაგიდაზე დახვავებული ფურცლებიდან თავი აიღო და თავისი კაბინის ჭერს შეხედა, მომარჯვებული კალამი კი ნერვიულად შეათამაშა თი-თებში. იქვე ეგლო მისი ტაბლეტი და მობილური ტელეფონი, თუმცა მათ უკვე მეთუ დღეა ვეღარ იყენებდა, რადგანაც ზუსტად ამ ხნის განმავლობაში ოკეანეთის შორეულ ჯურღრმულებში, ფილიპინების ზღვის ზედაპირიდან ცხრა მილის სიღრმეზე მიცურავდა უმტკიცესი ტიტანის ბატისკაფი “კუსტოსი”. და თან რაც ყველაზე უარესი იყო, ის ექსპედიციის დაწყებამდევე წინასწარმეტყველებდა მოსალოდნელ კრახს.

მან კიდევ ერთხელ დახედა ფურცლებს, სათვალე მოიხსნა და თითებით თვალები მოისრისა.

ჭერზე ჩამონტაჟებული ნათურების კაშკაშა შუქი სათვალის მინებში აცილადა და ფერადი ფოტოგრაფიებიც უფრო მჭახედ გამოაჩინა. ყველა მათგანზე კაშალოტი იყო აღბეჭდილი, ხოლო გვერდით წვრილი შრიფტით სამეცნიერო პუბლიკაციების ტექსტები იკითხებოდა. კაბინის კუთხეში დაჭმუჭნული გაზეთი ეგლო – როგორც ჩანდა, წესიერი და მუდამ გაწონასწორებული ბიოლოგიის პროფესორი რალაცას საშინლად გაებრაზებინა. გაზეთის პირველ გვერდზე დიდი ფოტოსურათი გამოეჭიმათ, რომელზეც პალმების ჩრდილიდან დანახული ფილიპინების ზღვა მოჩანდა, ხოლო ზღვაში კი ზემოთ აშვერილი ორად გაყოფილი კუდის ფარფლები. სურათის ქვეშ მსხვილი შრიფტით დაებეჭდათ სათაური: “სენსაციური ფოტო – მეღვილის ლევიათანის არსებობის დამადასტურებელი ფაქტი”.

რიჩარდმა სათვალეები კვლავ ცხვირზე დაიკოსა და სწორედ იმ გაზეთისაკენ მიატრიალა თავი, პირი სიძულვილით მომეწა და გაზეთის დაჭმუჭნულ ფურცლებს ხელი სტაცა, მაგიდაზე გაასწორა, ხელის გულით დააუთავა და უგულოდ გადაშალა. პირველივე გვერდზე იგივე ფოტო იყო გამოტანილი, ხოლო მის გვერდით მობილუკის პირველი

ამერიკული გამოცემის სატიტულო გვერდი მოჩანდა. რიჩარდმა ხელახლა დაიყო სტატიის კითხვა:

“ჰერმან მელვილმა მეცხრამეტე საუკუნის ამერიკული ლიტერატურის განვითარებაში შეუფასებელი წვლილი შეიტანა [ოჰ, ეს ბრტელ-ბრტყელი სიტყვები და უშინაარსო ჟურნალისტური სტილი]-გაიფიქრა რიჩარდმა], მან შექმნა ამერიკული რომანტიზმის საუკეთესო ნაყოფი “მობი-დიკი ანუ თეთრი ვეშაპი”, რომელიც როგორც მინიმუმ ყველას სმენია – ვის არ უოცნებია ბავშვობაში კაპიტანი აქაბივით...”

- არა მგონია ბავშვობაში ვინმეს ამ გაუგებარი და მტანჯველი წიგნის აღება თავში მოსვლოდა, მისტერ სტივენს, - უკვე ხმამაღლა თქვა რიჩარდმა, როცა სტატიის ავტორის სახელს შეავლო თვალი და კითხვა პირდაპირ მეორე აბზაციდან განაგრძო:

“დიდი ხნის მანძილზე თეთრი კაშალოტის არსებობა მხოლოდ მწერლის ფანტაზიის ნაყოფად მიაჩნდათ, და ამას ისევე ვერ იჯერებდნენ, როგორც თავის დროზე თეთრი ლომის ან თეთრი ვეფხვების არსებობას. აქამდე გაბატონებული იყო ორი ვერსია: რომ მელვილის ლევიათანი გემ “ესექსის” გამანადგურებელი კაშალოტის ლიტერატურული ანალოგი იყო (თუმცა გადარჩენილი მეზღვაურებიდან არავის უთქვამს, რომ ვეშაპი თეთრი იყო), ხოლო მეორე ვერსიის თანახმად აღმოსავლეთ ჩილეს მახლობლად მდებარე კუნძულ მოჩასთან მოკლული ვეშაპი იყო მწერლის შთაგონების წყარო. ჯერემიას რეინოლდსი ლიტერატურულ ჟურნალ “ნიკერბოკერში” აღნიშნავდა, რომ “ეს იყო ბებერი ხვალი ვეშაპი, უზარმაზარი ზომისა და ძალის.. თეთრი ვითარც ცხვრის მატყლი”. ორი თვის წინ ფილიპინელმა სენიორ მარკოს ბორნშტაინმა კუნძულ მინდანაოს სანაპიროზე თვალი მოჰკრა თოვლივით თეთრ კაშალოტს, რომელმაც ჰაერის ჩასასუნთქად რამდენიმე წამით ამოყვინთა, კეფაზე მდებარე სასუნთქიდან წყლის შადრევანი.. [აქ რიჩარდმა ლამის მეოთხედამდე დაუპირა ამ გაზეთს დაჯმუჭნვა. თუმცა მალე დამშვიდდა “არაპროფესიონალ ჟურნალისტს რატომ უნდა მოეთხოვოთ იმის ცოდნა, რომ ვეშაპები სასუნთქიდან წყალს კი არა, ჰაერის ნაკადს უშვებენ, ხოლო წყლის წვეთები ამ ნაკადს მოჰყვება ხოლმე, რაც შადრევნის ეფექტს ქმნის. თუმცა სტატიის დაჯღაბნამდე გუგლში ორ ხაზზე მეტი მაინც, რომ წაეკითხა, კარგი იქნებოდა), და უკანვე ჩაყვინთა. საბედნიეროდ მარკოსს თან აღმოაჩნდა ფოტოაპარატი და წყნარი ოკეანის ეს ეგზოტიკური ბინადარი ფოტოზე აღბეჭდა. აღნიშნულმა ფოტომ დიდი აჟიო-ტაჟი გამოიწვია მეც-

ნიერულ წრეებში. უპრეცედენტოდ მოკლე ვადებში დაინიშნა ექსპედიცია, რომელიც ფილიპინების ზღვაში თეთრი კაშალოტის მოძებნას და დისტანცირებულ შესწავლას განახორციელებს. ამ წყალქვეშა ექსპედიციის წევრად მოწვეულია ლონდონის ზოოლოგიური საზოგადოების გამოჩენილი წევრი, წყალქვეშა ფაუნის მკვლევარი სერ რიჩარდ მენსფილდი. იგი თავიდან კატეგორიულად უარობდა ექსპედიციაში მონაწილეობას რადგანაც თეთრი ვეშაპის არსებობას სკეპტიკურად უყურებდა, და მხოლოდ მას შემდეგ დასთანხმდა, როცა უთხრეს, რომ მას მიეცემოდა შესაძლებლობა ფილიპინების ზღვის სხვა ბინადრებზეც ეწარმოებინა დაკვირვება. თუ რა იყო გამოჩენილი მეცნიერის ამ ხანგრძლივი პროტესტის მიზეზი და რა შედეგებს მოეწივას ის ამ ექსპედიციიდან, ამას თავად მისვან გავიგებთ.

- მოგესალმებით, მისტერ რიჩარდ!

- მოგესალმებით!

- მისტერ რიჩარდ, შეგიძლიათ მკითხველთა ფართო აუდიტორიას განუმარტოთ, რატომ არ გჯერათ თეთრი კაშალოტების არსებობის?

- უპირველეს ყოვლისა, გთხოვთ, ნუ გამოვიყენებთ ტერმინებს “არ გჯერათ” ან “გჯერათ”. ჩვენთვის მეცნიერებისთვის ეს სიტყვები საუკეთესო შემთხვევაში დიმილის მომგვრელია. ერთხელ ჩემმა კოლეგამ ოკეანოლოგმა ამგვარად უპასუხა შეკითხვას თოვლის კაცის არსებობის შესახებ: “ძალიან კი მინდა დავიჯერო, მაგრამ ამისათვის არავითარი საფუძველი არ გამაჩნია.” სიტყვები “საფუძველი არ გაგვაჩნია” ნიშნავს იმას, რომ საკითხი შესწავლილია, ხოლო შესწავლის პროცესში გამოვლინდა, რომ არ გაგვაჩნია საფუძველი თავდაპირველ ცნობებს ვენდოთ. სწორედ ეს გახლავთ მეცნიერული მიდგომის ფორმულა “მსურს მჯეროდეს”, მაგრამ რაკი “საფუძველი არ გაგვაჩნია”, ე.ი. ამ რწმენაზე უარი უნდა ვთქვათ.

- და რატომ არ გაგვაჩნია საფუძველები?

- მოგახსენებთ. აი, ამჯერად კითხვა თქვენ პროფესიონალურად და სწორად დამისვით (ილიმება). ზოგადად, აქედანვე შევთანხმდეთ, რომ სიტყვა “ვეშაპის” გამოყენებისას მხედველობაში გვექნება ჰესეტერომატროცეპტალუს ანუ სპერმატოციტანი ვეშაპი, ან კაშალოტი – აქვე გამოგიტყდებით, რომ მე ვერიდები “სპერმატოციტანი ვეშაპის” ხსენებას, რამდენადაც ეს სახელი ისტორიულია და თანაცმცდარი. მოგეხსენებათ ადრე კაშალოტის თავისქალაში არსებულ ორგანულ H10-H22 ის ნივთიერებას შეცდომით რეპროდუქციული ფუნქციები მიეწერ-

ბოდა. ამიტომაც მას სპერმატოციტი უწოდეს, ხოლო თავად ვეშაპს “სპერმატოციტის”.. მაშ ასე, როცა ზოგადად ვეშაპებზე საუბარი, თეთრი ვეშაპები დი-ახაც არსებობენ არქტიკულსა და სუბ-არქტიკულ ზონებში. მისი ტაქსონო-მიური სახელწოდებაა ელ-პკინაპტერუს ლეუცას ანუ ბელუგა. თუმცა ჩვეუ-ლებრივმა მკითხველმა რომ კარგად გაიგოს, განგი-მარტავთ, რომ ბელუგა, ისევე როგორც ნარვალის განეკუთვნება ვეშაპების აბსოლუტურად უნიკალურ ოჯახს – ონდონტიდაე-ს ანუ ცალკბილებს, ხოლო ჩვენ მიერ განხილვადი კაშალოტი განეკუთვნება სულ სხვა ოჯახს “დიდთავიანებს” ანუ ჰესეტერიდაე-ს. მსურს ხაზი გავუსვა ასევე იმ გარემოებას რომ კაშალოტი თავისი ოჯახის ერთადერთი წარმომად-გენელია და ჩვენთვის არ არის ცნობილი არც ერთი სხვა ქვესახეობა. კაშალორის გარეგნობა ერთობ განსაკუთრებულია, დამ ას სხვა სახეობის ვეშაპებ-ში ვერ აურევ. ახლა კი დავსვათ შე-კითხვა: რა ფერისაა ის? ამ მუქმწოვარმა ძველ ვეშაპთმჭერებ-ში მიიღო ჟარგონული მეტსახელი “ქლიავი” თავისი მუქი შეფერილობის გამო, თუმცა ხშირად გადაჰ-კრავს მოლურჯო ფერი. ასევე მათ მუქ-შავ შეფერ-ილობაში გამოერევა ყავისფერი ტონები (რაც გან-საკუთრებით შესამჩნევია, როცა ზედაპირზე ამოდის და მისი სხეული მზის სინათლეს აირეკლავს). გვხდება ასევე მურა და თითქმის შავი კაშალოტები, მაგრამ კიდევ ერთხელ ვიმეორებ, ეს მხოლოდ ვარიაციებია ფერებში, და არავითარი ცალკეული სახეობები. ანუ როცა, თეთრ კაშალოტზე ვსაუბრობთ, სავარაუდოდ მხედველობაში გვაქვს ალბინოსი წარმომადგენლები, და არა სახეობები, როგორცაა ვთქვით ბევრი ჩემი კოლეგის მიერ კონტრარგუმენტად ნახსენები თეთრი ლომი ან ვეფხვი..

- ანუ თქვენ უშვებთ ალბინოსი კაშალოტის არ-სებობის შესაძლებლობას?

- იცით, რა არის.. ალბინიზმი ზოგადად ნებისმიერ სახეობაში შეიძლება შევხვდეს, ამის მთავარი მიზეზი ფერმენტ თინოზინაზის არარსებობაა, რომელიც პიგ-მენტ მელანინის ნორმალურ სინთეზზე პასუხისმგე-ბელი.. მე მინახავს ალბინოსი კუზიანი ვეშაპის ფოტო, რომელიც ასევე ერთადერთი წარმომადგენელია თავისი გვარის, თუმცა მე მაინც სკეპტიკურად ვუდგები ამ საკითხს.. წერილობითი წყაროები თეთრი კაშალო-ტის შესახებ არის ჯერემიას რეინოლდსის მიერ აღწერილი მოჩა დიკი, მაგრამ არ გამოვიცხავ აქ მწერლურ მისტიფიკაციას ჰქონდეს ადგილი. ვიმ-სჯელოთ თეთრ კაშალოტებზე რეინოლდსის ან მელვილის შრომების საფუძველზე, იგივეა წითელქუ-

დას საფუძველზე ვამტკიცოთ მოლაპარაკე მგლების არსებობა.

- თემას ოდნავ გადავუხვევ და გკითხავთ, რას ფიქრობთ მელვილის რომანის შესახებ?

- (მხრებს იჩენს) პირდაპირ გეტყვით, რომ არ მიყვარს მხატვრული ლიტერატურა და ავერ ვხვდებ-ბი, რა როლი აკისრია ადამიანთა ინტელექტუალურ განვითარებაში. მაგალითად, სიყვარულის რეალური არსის გასაგებად ინფორმაციული თვალსაზრისით უფრო სასარ-გებლო და მნიშვნელოვანია ორგანუ-ლი ქიმიის წიგნების კითხვა, ვიდრე შექსპირის პიე-სის. მელვილის რომანთან სკოლის პერიოდში მქონ-და შეხება – სხვათაშორის, მაშინ ამ უზარმაზარ წიგნში ჩართულ სამეცნიერო სტატიებს ცხოველი ინტერესით ვკითხულობდი, თუმცა ამ თვალსაწ-იერიდან გეტყვით, რომ იქ მოცემული ფაქტების უმრავლესობა მოძველებულია და არაზუსტი. თუმ-ცა კითხვისას ორი რამ მაღიზიანებდა- სტილის ნაძა-ლაღვეი მაღალფარდოვნება და ბიბლიურ-მი-თოლოგიური ალუზიების სიუხვე. მე ზოგადად ათეის-ტი ვარ, როგორც ნებისმიერი საღად მოაზროვნე ადამიანი, და უბრალოდ მაცოფებს იუდეურ-ქრის-ტიანული მითების და ზოგადად არა მარტო აბრამის-ტული რელიგიების ხსენება.. ნაწარმოების მხატვრულ მხარეს რაც შეეხება, აქ გავწმდები, ზემოხსენებუ-ლი მიზეზის გამო.

- კეთილი, დავუბრუნდეთ თემას.. თქვენი აზრით ამ ფოტოზე რაიმე ფალსიფიკაციას აქვს ადგილი?

- არა, მე არ მსურს მსგავსი რადიკალური პოზიციის დაკავება – მე არ ვფიქრობ, რომ აქ იგივე შემთხვევ-ასთან გვაქვს საქმე, როგორც ეს მაგალითად ქირუ-რგ კენეტ უილსონის ფოტოა, რომელზეც ვითომც ლოპ-ნესის მონსტრია გამოსახული. შეგახსენებთ ფაქტს, რომ 1960 წელს აერონავტმა ტიმ დინს-დეილმა ნოპ-ნესის ტბა ზემოდან გადაიღო და მასში ვეება გრძელი ობიექტის მოძრაობა დააფიქსირა. ეს ვიდეო უბრალოდ იუთუბშიც შეგიძლიათ ნახოთ – ვიდეო ნამდვილია, მაგრამ თვით იმ ობიექტის დანახ-ვა გარკვევით შეუძლებელია. ჩემი აზრით, ეს სავარ-აუდოდ ნავია, მაგრამ ამის დაბეჯითებით თქმა არ შემიძლია, ნესის არსებობის მომხრეები თავის მხრივ იტყვიან, რომ ობიექტი რეალურად დინოზავრია, მა-გრამ ბოლომდე ამას ისინიც ვერ დაამტკიცებენ, და სწორედ, ამგვარი ბუნდოვანებო წარმოშობენ დაუ-სრულებელ კამათებს, რომლებშიც მე არ ვებძები ხოლმე. იგივე შემთხვევაა ეს ფოტოც, აქ კარგად არაფერი ჩანს ვეშაპის ორადგაყოფილი ფარფლის გარდა. ჰო, დამავიწყდა მეთქვა, ზოგიერთ მამრს ფარფლების

უკან ყვითელი ან თეთრი ლაქები აქვთ. ასეთივე თეთრი ლაქები აქვთ მათ ხახის გარშემო – არსებობს, ჯერაც დაუდასტურებელი ჰიპოთეზა, რომ თეთრი ლაქები (თუკი იმასაც გავითვალისწინებთ, რომ თეთრადგილებზე სიბნელე-ში მანათობელი ბაქტერიები სახლდებიან), კალმარებს იზიდავს. კალმარები კი კაშალო-ტის საყვარელი საკვებია. ასე რომ, სურათზე შეიძლება ჩვეულებრივ კაშალოტს ვხედავდეთ.

- და ყველაფერ ამის შემდეგ თქვენ მაინც თანხმდებით ექსპედიციაში მონაწილეობაზე?

- კაპიტანი შემპირდა, რომ ბატისკაფი წყლის ზედა ფენებშიც აიწვეს, რათა მე ფილიპინების ზღვის ეგზოტიკურ ფაუნაზე დაკვირვება განვახორციელო. იმედი მაქვს, სიტყვას უკან არ წაიღებს.. მე ვვარაუდობ, რომ იმ წყლებში ჩვენთვის ჯერაც უცნობი სახეობის თევზების და ქვეწარმავლების აღმოჩენა შესაძლებელია.

- საუბრის ბოლოს გკითხავთ, რა მოხდება, თქვენმა პროგნოზმა კრახი რომ განიცადოს? რა მოხდება, მართლა რომ მიაკვლით თეთრ კაშალოტს და თანაც არააღბინოს?

- გამიხარდება (იღიმება) და ჩემს სახელს დავარქმევ ჰესტერ ენსფილდუმ.. (იცინის) მე იმ დონის ათეისტი ვარ, რომ ასე პროცენტით ვერაფერს უარვყოფ. ცოცხალი ლატიმერიის აღმოჩენა თავის დროზე წარმოუდგენელი სენსაცია იყო, თუმცა მობილიკის აღმოჩენის ალბათობა ძალიან მცირეა, რამდენადაც კაშალოტია დიდი.. და არ დაგავიწყდეთ, რომ ვეშაპი ტუბუმწოვარია, იგი სისტემატიურად ამოყვინთავს ზღვიდან ჰაერის ჩასასუნთქად. საინტერესოა, რატომ აქამდე ვერაფერს დააფიქსირა.

- გმადლობთ საინტერესო ინტერვიუსთვის. წარმატებებს გისურვებთ!

- თქვენც ასევე!

რიჩარდმა გაზეთი კიდევ ერთხელ დაჭმუჭნა და ამჯერად ბურთი გააკეთა და მაგიდის ქვეშ მოისროლა. ანაზღად კარებზე დააკაკუნეს.

- შემობრძანდით! – პირქუშად თქვა რიჩარდმა ისე, რომ მაგიდისთვის მზერა არ მოუცილებია.

კარი გაიღო და წყალქვეშა ნავის კაპიტანი გამოჩნდა.

- მისტერ რიჩარდ..

- მისტერ დუგლას, - გააწვევტინა უეცრად მოთმინებადაკარგულმა მეცნიერმა, - ნუ მომიხდით ბოდიშს. მე ისედაც ვიცოდი, რომ არავითარ თეთრ ვეშაპს ვერ აღმოვაჩენდით, ისევე როგორც ტამპლიერი რაინდები ვერასდროს ვერ იპოვნიდნენ გრავ-

ლის თასს. თქვენთვის ცნობილია ის ერთადერთი მიზეზი, რის გამოც “კუსტოს” ეკიპაჟის წევრობას დავთანხმდი. თქვენ პირობა არ შეასრულეთ და ვერც შეასრულებდით იმიტომ, რომ არ გაქვთ შესაბამისი აპარატურა და ინვენტარები. ახლა როცა ყველაფერი ნათელია, მე მოვითხოვ უკან, მინდანაოს პორტში დაებრუნდეთ..

- სერ! – შეძლებისდაგვარად მშვიდად თქვა კაპიტანმა. მთავარ კაიუტაში შემობრძანდით. ჩვენმა რადარებმა დიდი მოძრავი ობიექტი დააფიქსირეს. ვფიქრობ ეს უნდა ნახოთ.

რიჩარდს გაბრაზებული სახე მაშინვე გაოცებულთ შეეცვალა. თითოთ ცხვირის წვერზე დაცურებული სათვალე შეისწორა და კაპიტანს გაჰყვა. მალე პატარა კიბე აიარეს და მესაჭის კაბინაში შევიდნენ. მესაწეს თვალები მოეწკურა და ეკრანზე მოძრავ ობიექტს თვალს ვერ წყვეტდა.

- ჩართეთ პროექტორები! – ბრძანა კაპიტანმა.

მესაჭემ წითელ ღილაკს დააჭირა. ბატისკაფის ქცევა მხარეს ჩამონტაჟებული ორი ნათურა ცეცხლოვანმა შუქმა გაანათა და სხივებმა ზღვის მრუბე სივრცე გაკვეთა. ყველანი დამაბულელები მისჩერებოდნენ ეკრანს. მესაჭემ უეცრად ორივე ხელი სასმელებზე მიიფრა.

- კაპიტანო! – თქვა მან შემფოთებული ხმით.

- ყველაფერ რიგზეა, მისტერ დეროუ? – კბილებში გამოსცრა კაპიტანმა.

- ჰიდროფონს რაღაც მძლავრი ბგერები ახშობს!

- დინამიკები ჩართეთ!

ბრძანება მომენტალურად შესრულდა. მთელი კაბინა მძლავრმა ბგერებმა აავსო. რიჩარდმა შემფოთებულმა ახედა ჭერს.

- მგონი რამდენიმე წუთის წინ სწორედ ამ ობიექტს შევეჯახეთ! – თქვა მესაჭემ. ამ დროს კაბინაში მატროსებიც შემოლაგდნენ – სახეზე შემფოთება ეწერათ.

- რისი ხმაა? – იკითხა ერთ-ერთმა.

- მისტერ დეროუ, შეგიძლიათ პროექტორების შუქი მისკენ მიმართოთ?

- აი... – შეჰყვირა დეროუმ, - დავაფიქსირე!

მაშინვე ყველას მზერა ეკრანს მიეჯაჭვა. პროექტორების სინათლის ზოლში გვიანტური ცხოველი მოხვდა. რიჩარდმა ორივე ხელი მესაჭის სკამის საზურგეს ჩაავლო და თვალბმობოჭუტული მიაცქერდა. ირგვლივ სამარისებური დუმილი გამეფდა. ეს იყო თეთრი, ახალნადები თოვლივით თეთრი კაშალოტი. რომელიც სინათლის გარეშეც მკვეთრად ჩანდა შავი მრუბე წყლის ფონზე. სინათლის ზოლში



მისი პირიდან გამომავალი წერილი ბუმტები ისევე მოჩანდა, როგორც თოვლის ფანტელები ქუჩის ლამპიონების სხივებში.

- კამერები მოამზადეთ! – ბრძანა კაპიტანმა, - წარმოუდგენელია, მგონი ნამდვილი მო-ბი-დიკი აღმოვაჩინეთ!

სამარისებური მდუმარება ერთბაშად მხიარულმა შეძახილებმა და აღფრთოვანებულმა რეპლიკებმა შეცვალა.

- საოცარია! დაუჯერებელია!

მხოლოდ რიჩარდ მენსფილდი იყო გაქვავებული და გაფართოებულ თვალებს მობი-დიკს არ აცილებდა. მალე რადარებმა სხვა ხმაც დააფიქსირა – რაღაც წყალში ჩაშვებულნი გაფუჭებული მოტორის ბგერების მსგავსი. ამ ბგერების სიმძლავრე იმდენად დიდი იყო, რომ ყველას ტანში უსიამოდ გააჟრჟოლა.

- გამორთეთ დინამიკები! – ბრძანა კაპიტანმა. ამ დროს ბატისკფის პატარა რკინის ანძას მიმაგრებული კამერები თეთრი კამალოტიკენ მიტრიალდნენ.

- მისტერ რიჩარდ, - პირველად ამ ხნის მანძილზე გაეღიმა კაპიტანს და გაუპარსავი ლოყები ღიმილმა დაუნაოჭა, - ალბათ დროა თქვენი მარცხო აღიაროთ.

რიჩარდი დუმდა.

- კაპიტანო! – ანაზღად შემფოთებით შეჰყვირა მესაჭემ, - კამალოტი პირდაპირ ჩვენკენ მოემართება.

მართლაც ასე იყო – დიდებული ლევიათანი ღინჯად მოცურავდა „კუსტოსკენ“.

- მერე რა.. – მხრები აიჩეჩა კაპიტანმა, - ეს ბატისკაფი უმტკიცესი ტიტანიუმისგანაა დამზადებული და მარიანის ღრმულშიც არის ჩასული, წყლის სვეტის უზარმაზარ დაწოლას უძლებს. ნუთუ სერიოზულად ფიქრობთ, რომ..

ამ დროს საშინელმა დარტყმამ “კუსტო” ლამის გადაატრიალა – მობი-დიკმა ნავს ჯერ კუდი თხლიშა, ხოლო შემდეგ ქვემოდან უზარმაზარი თავი აარტყა. მესაჭის გარდა, რომელიც სკამზე იჯდა, ყველა წაიქცა.

- რა ჯანდა..

მობი-დიკმა პირი დააფჩინა, კამერებიან ანძას ჩაავლო და მოგლიჯა. ეკრანზე გამოსახულება ჩაქრა. ბარომეტრების ისარი უცნაურად აცახცახდა.

- მესაჭევ, სრული სიჩქარით წინ!

სპიდომეტრების ისარმა ლამის ბოლომდე გადაიწია. ბატისკაფის უკანა ხრახნი მთელი სიმძლავრით დატრიალდა და “კუსტო” წინ გაიჭრა.

- კი მაგრამ, ვეშაპი? – წამოიყვირა ერთმა მატროსმა.

კაპიტანი რაღაცის თქმა აპირებდა საპასუხოდ, მაგრამ ამ დროს კამალოტი ბრტელი ღინჯით ეძგერა წყალქვეშა ნავს. ილუმინატორები ჩაიმსხვრა და წყალი ღვარად გადმოთქრიალდა.

- რა ჯანდაბაა? – გაიმეორა ეკიპაჟის იმ წევრმა მეორედ, მაგრამ ბოლო სიტყვები გაფითრებულ ტუჩებზე შეახმა. ფენსაცმლებ ქვეშ წყალი თვალსა და ახელს შუა ტბორად დადგა.

- დაკეტეთ ავტომატური კარები! – შეჰყვირა კაპიტანმა, მაგრამ უკვე გვიანი იყო. გაშლ-ეგებულმა ნიაღვარმა ჩანჩქერისებური გრუხუნით შემოლენწა ილუმინატორები, და კაბინები უშალ აივსო.

- სასწრაფოდ სათადარიგო ნავში ჩასხედით! დატოვეთ ბატისკაფი! კაპიტანო..

ეს სიტყვები რიჩარდს ესმოდა, მაგრამ ისინი თითქოს საიდანღაც შორეული უფსკრულიდან მოდიოდნენ, უფრო ღრმადან ვიდრე ფილიპინების ზღვის ეს ჯურღრმულ-ები იყო, და არა მის ცხვირ-წინ. მას შემოვარდნილი ნიაღვრის გრიალიც საიდანღაც შორიდან მოესმოდა, და ვერც იმას გრძნობდა როგორ იძირებოდა წყალში.

- მე მწამს.. – დაიჩურჩულა მან გამშრალი ტუჩებით.. – ეშმაკის!

იმ წამს პროექტორებიც დაიმსხვრა და ყოველივე ყინულოვან წყვდიდში ჩაიძირა.

#### კონსტანტინე ქარლავა



დაიბადა 1994 წლის 12 აგვისტოს. თბილისის ივანე ჯავახიშვილის სახელობის უნივერსიტეტის მეოთხე კურსის სტუდენტია, სწავლობს ეკოლოგია-ამერიკისმცოდნეობის მიმართულებაზე. ადრეული ასაკიდან ჩართულია ლიგერატურულ საქმიანობაში. წერს და თარგმნის ქართულ-ინგლისურ-რუსულ ენებზე პოეტურ და პროზაულ ლიგერატურულ ნაწარმოებებს.

## კობა ცხაკაია

### ღურაქი ანბელინა და კალატომი გულივერი

(ერთი აზირებული მეოცნების  
ფანტასტიური მონათხრობი)

ძვირფასო მეგობარო, ერთი საინტერესო განცხადება აღმოვაჩინე საჯარო ბიბლიოთეკაში ყოფნის დროს... საერთოდ ეგეთ დაწესებულებებში განცხადებების წასაკითხად მართალია არ დადიან და მეც სულ სხვა ინტერესითა და მიზნით ვიყავი მისული, ამ ბიბლიოგრაფიისა და ინტელექტუალური სიბრძნის საგანძურში, მაგრამ ბელმა ხელში ჩამიგდო მართლაც უცნაური და შეიძლება ითქვას "უნიკალური" ხელნაწერი...

იმ დღეს, გადასაკითხად გამოვიწერე, სვიფტის "ლემუელ გულივერის თავგადასავლის"-ის რევილიტირებულ გამოცემა, რომელიც ხანგრძლივი რესტავრაციის შემდეგ, კვლავ მოხვდა ჩვეულებრივ მკითხველთა გასაცემ წიგნთა სიაში...

ვისაც ააქვს სულმნათი ჯონათანის ეს ნაწარმოები წაკითხული, იცის მისი შინაარსი და ეხსომება, დახლოებით ფურცლების რა რაოდენობა სჭირდება, გულივერის ოთხი გასაოცარი მოგზაურობას დაბეჭდვას... ორასიდან - სამას ორმოცდაათ - ოთხას გვერდამდე.

თუმცა წიგნი, რომელიც ჩემს წინ იდო, შედგებოდა ათასი-ათას ორასი ფურცლისგან, ხოლო გვერდების რაოდენობა შესაბამისად ორიათასს აღემატებოდა.

მიუხედავად ასეთი მოცულობისა, ის არ იყო მძიმე.

გარდა ზემოთ აღნიშნული უცნაურობისა, კიდევ ერთმა დეტალმა მიიპყრო ჩემი ყურადღება... სხვა რარიტეტული გამოცემებისგან განსხვავებით, რომელთა ყდები საქონლის ტყავისგან იყო დამზადებული, ამ წიგნს ჩემი აზრით, ნიანგის, ან გველის ტყავი ჰქონდა გადაკრული...

მიყვარს ძველი, განსაკუთრებით კი ძალიან ძველი



გამოცემების კითხვა... მათი საუკუნოვანი არომატი, ფურცლების სიგლუვე და ასობის რელიოფურობა, ხორკლიანი, ნატურალური ტყავის ყდა, ბუნებრივი ორნამენტები, კუთხეებში ხშირი კითხვისა, თუ გადაადგილებისაგან გაცვეთილი... ჩემი დაუოკებელი წარმოსახვის, მეოცნებე სულის, გაუხედავი ფიქრების განსაკუთრებულ კლავიშებზე აჭერენ ეფემერულ თითებს და ფანტასმაგორიულ სამყაროში მომისვრიან, საიდანაც რეალურში დაბრუნების სურვილი, საუბედუროდ თუ საბედნიეროდ, რაც შეიძლება გვიან მიჩნდება...

მეც გადავშალე წიგნი და ლამის თავიდანვე ჩავიძირე ასო-ნიშნულთა მიერ ხორცშემხულ სამყაროში...

"ჩემმა თვინიერმა და გულკეთილმა მოპყრობამ ისე იმოქმედა იმპერატორსა და მის სასახლეზე, რომ მოკლე ხანში თავისუფლების დაბრუნების იმედით გამეღვიძა." - დიდი ინტერესით ვკითხულობდი, ამ უკვდავი ნაწარმოების მეორე თავს და ნელ-ნელა, ძველის-ძველი ფურცლების სურნელი მარბუებდა, მათობდა და უწონადო მდგომარეობაში გადაყავდა, ჩემი ნეტარებით მოცული ცნობიერება, - "ყოველნაირად ვცდილობდი ეს კეთილგანწყობა კიდევ უფრო გამეღრმავებინა. მცხოვრებლები თანდათანობით რწ-

მუნდებოდნენ, რომ ჩემი მხრიდან არავითარი საფრთხე არ მოელოდათ; ხანდახან წამოვწვებოდი მიწაზე და ხუთ-ექვს მათგანს ნებას ვაძლევდი ჩემს თავზე ეცეკვათ; ბოლოს ბიჭები და გოგონებიც ბედავდნენ მოსულიყვნენ და ჩემს თმებში კუკუმალობანა ეთამაშათ..."

მაგრამ აქ, მკვეთრად შეწყდა მსუბუქი ინგლისური იუმორითა და ირლანდიური აქცენტით შეზავებული თხრობა და მყვირალა, ხორხისეულ ეპანურ-ქართულ "გუგუნში" გადაიზარდა:

"ამკარაა ჩემო ბატონო, არ შეიძლება აქ სადმე მდინარე არ იყოს, ან ნაკადული მაინც, თორემ მოლი ასე ამწვანებული არ იქნებოდა. კარგი იქნება, ბატონო ორიოდ ნაბიჯი წაგვედგა წინ, ეგებ სადმე წყალი გვეპოვნა, თორემ ამ საშინელმა წყურვილმა ლამის შიმშილზე მეტად შემაწუხოს..."

ღონ კიხოტს საჭურველმჭვრთველის რჩევა მოეწონა და დაეთანხმა, როსინანტის აღვირს მოსჭიდა ხელი და გასწია..."

ეფორიაში ჩავარდნილიც კი ვგრძნობდი რაღაც ეპოქალურ, კლიმატურ, კულტურულ და ნაციონალურ დისონანსს, მაგრამ საბოლოოდ თხრობამ მაინც გამიტაცა და მეც ნავში წამოწოლილი ზარმაცი მენიზბესავით მივეყვი დინებას, მივეფიცხე პირენეს ნახევრაკუნძულის მხეს და მივეყურადე გზაჯვარედინებზე მოთხრობილ საინტერესო და ტრაგიკომიკურ ამბებს... მაგრამ გადიფურცლა ესპანური მზით გახურებული ოცი - ოცდაათი ფურცელი და:

"სძალი ეტყე?ს: ამბორს-მიყავნ მე ამბორის-ყოფითა პირისა მისისათა, რამეთუ უმჯობეს არიან ძუძუნი შენნი უფრო?ს ღ?ნისა, და სურნელება? ნელსაცხებელთა შენთა უფრო?ს ყოველთა სურნელებათა. ნელსაცხელებელ წარმოცარიელებულ სახელი შენი, ამისთ?სცა ქალწულთა შეგიყუარეს შენ..."

ძველი აღთქმის ამ უკვდავმა სიტყვებმა სწრაფად დამაბრუნა ბიბლიოთეკის სამკითხველოს რეალობაში... უკმაყოფილომ დავხედე ჩემს წიგნს და რამოდენიმე არაცენზურული სიტყვა გამახსენდა, თუმცა მათი წარმოთქმა სიბრძნით მადლმოსხმულ ამ შენობაში ბოლომდე მაინც არ ვიკადრე... მხოლოდ ვიკითხე, უფრო სწორად ვკითხე ჩემს თავს?

- რა ხდება?

სვიფტის უკვდავი სიტყვებიდან, გადავედი სერვანტესის ცეცხლოვან ტექსტებზე, შემდეგ კი სოლომონ მეფის ქებათა-ქებაზე... რაღაც კულტურულ-სულიერ-ინტელექტუალური აჯაფსანდალი გამოდიოდა და ამიტომ, უკვე ეჭვნარევი და ამასთანავე ინტირგანი მკითხველის თვალთ დაუწყვე რარიტეტული წიგნ-

ის გადავფურცვლა...

ახლავა აღმოვაჩინე, რომ ისინი არა მხოლოდ ფერით, არამედ შრიფტითაც კი განსხვავდებოდნენ ერთმანეთისგან... აქ იყო ჩეხოვის, დოსტოევსკის, ტოლსტოის, ჭავჭავაძის, შვარცის, შექსპირის, კონან დოილის, სტივენსონის, სტენდალის, პლუტარქეს, ჯერომ-ჯერომის, ჰომეროსის, ბულგაკოვის, ბარნოვის, ჩხეიძეს, ცურტაველის, ჯავახიშვილის, გამსახურდიას, ბელიაშვილის, წერეთლის, აკუტაგავას, ჰემინგუეის, ბორხესის, როლანის, სარროტის, ლორთქიფანიძის, ქიაჩელი, ვაჟა ფშაველას, რუსთაველის, ჰამსუნის, იბსენის, კაფკას, ზოშენკოს, რჩეულიშვილის და ა.შ. ნაწარმოებებიდან ოცი-ოცდაათი ფურცლიანი ამონარიდები და ეს ყველაფერი ამ ერთ წიგნში იყო ჩაწყობებული- ჩაკრულ - ჩაჭედილი...

წიგნი იწყებოდა გულივერის მოგზაურობით, ლილიპუტიაში, სადაც შუა ნაწილში ავთანდილის ანდერძით გრძელდებოდა და მთავრდებოდა პანიკოვსკის და შურა ბალაგანოვის დაკა-დაკათი, ილფისა და პეტროვის უკვდავი ნაწარმოებიდან "ოქრის კერაბი"...

ნეტა, ვინ იხუმრა ასე?

დარბაზში, ყველა კითხვით იყო გართული... ანუ განათლება დაწაფებულ ტვინთა ინტელექტუალურ მუშაობის რითმს არაფერი არღვევდა... ერთი მე ვიყავი, ცეცხვითი რომ ვტრიალებდი აქეთ-იქით და ჩემი სკამის ჭრიალით დისონანსი შემქონდა სამკითხველოს უხმაურო ატმოსფეროს... ბიბლიოთეკარებიც კი არ მაქცევდნენ ყურადღებას, თავიანთ კომპიუტერებში რაღაც მათთვის უადრესად საინტერესოს ჩაჰკირკიტებდნენ...

"მრისხანე ბრძოლებზე მსურდა დიადი სიძლერა მეთქვა,

გმირთა ამბების თხრობა მწყობრი საზომით ვცადე, თავიდან ორი ბწკარი ჰქონია ამ საზომს ტოლი, მაგრამ ამურმა თურმე ერთ-ერთს მოჰკვეთა ტერფი..."

წიგნიდან გუგუნებდა ოვიდიუსის ტკბილხმოვანი ბანი... სწრაფად გადავშალე კიდევ რამოდენიმე ფურცელი და...

"დავუჯეროთ თვალსა და სმენას? საშინელი სიზმარი ზომ არ არის ეს კუბო, ნამტირალევი სახეები, კენესა და ოხვრა?"...

აკანკალებული ხმით მომმართავდა გრიგოლ პეტროვიჩ ზაპოკინი, მის უკან კი აწვარდაცვლილი კოლეგის ასესორ კირილ ივანოვიჩ ვაილონოვის გულაჩუყებული ჭირისუფალი იდგა და გასუსული უსმენდა ორატორის, მომაჯადოებელ ხმას...

მათ შემხედვარეს გამეცინა, და წიგნი სასწრაფოდ დავხურე... და ასე ვთქვათ, მასში აღწერილი ყველა სამყარო, ფურცლებზე დავაბრუნე... მცირედი ყოყმანის შემდეგ, გადავწყვიტე მოვქცეულიყავი ისე, როგორც მსგავს სიტუაციაში ნორმალური ადამიანი მოიქცეოდა - სარჩევს გადავხედე... მაგრამ ამ წიგნის უცნაურობები აქაც გაგრძელდა.

სწორედ, იქ აღმოვაჩინე ჩემს მიერ ზემოთ ხსენებული განცხადება.

ის, ხელინაწერი იყო და უსწორმასწორო, ლაქებიანი ტექსტი მეტყველებდა იმაზე, რომ ავტორი ჩქარობდა, ნერვიულობდა და ამსთანავე, არც ნორმალური, ცივილიზებული საწერი ხელსაწყოებით ჩანდა უზრუნველყოფილი...

გარდა, ამისა ფურცლები, (მათი რაოდენობა ოთხ, ცალმხრივად გაწერილ გვერდს შეადგენდა), არ იყვნენ ქალაქის... თავისი სუბსტანციით, კარგად გამოყვანილ ტყავს ჰგავდნენ... არ იკუჭებოდნენ, შეხებისას მეტი სისქით და ასეთი მასალისთვის დამახასიათებელი სილბილითაც გამოირჩეოდნენ...

განცხადების შინაარსმაც ძალიან გამაკვირვა, დარწმუნებული ვარ, რომ ყოველ თქვენგანშიც ისეთსავე ემოციებსა, და აზრთა ვაკაპანალიას გამოიწვევს, როგორც ჩემში გამოიწვია და ამან საშუალოდ შეცვალა ასო-ნიშანთა საშუალებით შეთხზულ, თუ აღწერილ სამყაროთა მიმართ ჩემი დამოკიდებულება...

ბევრი, რომ აღარ ვილაპარაკოთ, პირდაპირ გთავაზობთ მთელს ტექსტს, კორექტივებისა და რედაქტირების გარეშე.

"კარლ მარქსის სახელობის, კავკასიის მუზეუმისა და ტფილისის საჯარო ბიბლიოთეკის დირექტორს, პოეტს და ღვაწლმოსილ კომუნისტს, ამხანაგ სანდრო ეულს

კომუნისტური პარტიის წევრობის კანდიდატის, ომის ვეტერანის, თადარიგის კაპიტანის, ინვალიდი (კანტუზია მაქვს მიღებული თავის არეში), სარემონტო საშუალოების სპეციალისტის, მღესავ-კალატოზის, ჯერ-ჯერობით დაუოჯახებელის, გულივერ თეოფილეს ძე ცხელისშვილის, რომელიც 1954 წლამდე მუშაობდა და ცხოვრობდა ბიბლიოთეკაში

გ ა ნ ც ხ ა დ ე ბ ა

მინდა მოგახსენოთ, რომ თქვენს დაქვემდებარებაში მყოფი ბიბლიოთეკის, განყოფილების გამგე, ჩამოყალიბებული ღურაქია ( ).

უფრო ზუსტი, რომ ვიყო საქმე ეხება არა ყველა განყოფილების გამგეს, ან საერთოდ განყოფილების გამგეობას, ღმერთმა დაიფაროს (რომელიც დიდ ხანია

არ მწამს... მწამს, მხოლოდ კომუნისტური პარტია და მისი იდეალები და ყოველ დღე ვლოცულობ იმაზე, რომ ოდესმე გაერთიანდნენ პროლეტარები ყველა ქვეყნისა და... ქნან თავიანთი საქმენი)...

ამიტომ ღურაქებს რაც შეეხება, იძულებული ვარ დავასახელო კონკრეტული პიროვნება, ამხანაგი და მგონი პარტიის წევრიც, რომლის სიდურაქის წყალობით, ახლა რამოდენიმე ადამიანი, მოწყვეტილი ვართ სოციალისტურ რეალიზმს და ვიმყოფებით, ლენინური ცნობიერებისათვის მიუღებელ ადგილებში. მე პირადად, ამჯერად ვიმყოფები "ადმიარლ ბენ-ბოუს" სახელობის, ეგრეთ წოდებულ მეზღაურთა - გლენთა და მუშათა სასადილოში...

ერთი, თქვენთვის კარგად ნაცნობი ქალბატონის სიდურაქის გამო, მისული ვარ მორალური და ფსიქოლოგიური დეგრადაციის ზღვარამდე და იძულებული ვიყავი ვზღვრებოთ გავემგზავრო ფრიად საეჭვო სახლგაო მოგზაურობაში, შხუნა "ესპანოლაზე" (ასეთი იაღქიანი გემია), სადაც დარწმუნებული ვარ, არცერთი პოტენციური ლენინელი არ იმყოფება... და ეჭვიც მაქვს, რომ არც შემდგომ გაიზიარებენ სოციალისტურ იდეებს და არ ცნობენ ინტერნაციონალს... მით უმეტეს, ამ ეპოქაში მიღებული აუცილებელი ატრიბუტი - ღმერთიც, კი არა სწამთ... რადგან ჩამოყალიბებული ანტისაზოგადოებრივი ელემენტები არიან, ანუ პროფესიითა და მოწოდებით მეკობრეები ბრძანდებიან...

მაგრამ დავანებოთ ამათ თავი და გადავიდეთ იმაზე ვინც ნამდვილადაა დამნაშავე და ვინც უნდა დაისაჯოს მთელი სიმკაცრით და "სისტროვით"...

ეს ღურაქი განსაკუთრებით, იშვიათ გამოცემათა განყოფილების უფროსი, მამამისის აწ გარდაცვლილი, არაჩვეულებრივი პიროვნების, პეტრე ალოლფის ძე ბერჟეს, მაგიერად ახლად დანიშნული ამხანაგი, ანგელინა (შემოკლებით ანგელა) პეტრეს ასული ბერჟე-განათხოვარი (ეგ ეშმაკის ცოლვა ნეტა ვის მოეწონა).

ე.წ. "ეშმაკს", რაც შეეხება, მინდა გითხრათ, რომ რაკი ღმერთი არ მწამს, არც "ეს", ანუ მისი მოწინააღმდეგე მწამს, მაგრამ რა უნდა ქნა, როცა არსებობენ ისეთები, როგორცაა ა ნ გ ე ლ ი ნ ა.

ქალზე არ მჩვევია ცუდი რაღაცეების თქმა, მაგრამ როგორც კი მას ვხედავ, წარმოვიდგენ, ან მესმის მისი "წიკინა" ხმა, ძალიან ბევრი ცუდი სიტყვა მახსენდება. მერწმუნეთ, ამხანაგო სანდრო, ჩემი პროფესიიდან და ცხოვრებისეული გამოცდილებიდან გამომდინარე (ომის ვეტერანი ვარ), არაკულტურული სიტყვების საკმაოდ დიდი მარაგი

მაქვს დაგროვილი და თან რამოდენიმე ინტერნაციონალურ ენაზე... არ ვამაყობ ამით, მაგრამ ესეც ხომ ცოდნაა და ამ ცოდნასაც გაფრთხილება და დაფასება უნდა... ამიტომ, როგორც შეგნებულნი აღამიანი, ვიხმარ მხოლოდ ერთ სიტყვას - ეგ ქალი, ჩამოყალიბებული და სრულფასოვანი ღურაქია ( ).

ანგელინას, ამბიციურობის, კონტაპრუქობის, იმპულსურობისა და ზედმეტი ემოციურობის გამო, უმარავი დარღვევა მოხდა. ამ დარღვევებმა კი არა მარტო ჩვენზე, არამედ თქვენ წარმოიდგინეთ, მსოფლიო კლასიკაზეც კი იმოქმედეს.

საშინელება ისაა, რომ საბედისწერო შეცდომებში შეყვანილი იყვნენ არა მხოლოდ ჩვენ (მე, ფრიდონ გერსამია, გულიკო და ბონდო ჯანგაძეები, გელეონ ზვედელიძე) არამედ ისეთი პიროვნებები, რომლებიც შეიძლება ითქვას არ არიან სოციალისტურ რეალიზმში შობილნი, აღზრდილნი, და აქედან გამომდინარე ჯანსაღი გონებისა და მოქალაქეობრივი ნებისყოფის მქონე ამხანაგები... თუმცა მაინც პროგრესირებადი პიროვნებები ჩანან... მათში, ჯერ კიდევ ტოკავს კაპიტალისტური შხამი, მაგრამ ჩემთან ხშირი ურთიერთობისა და შეგონებების წყალობით, გამოსწორებისა და პროლეტარულად სწორად შეგნებულ გზას ადგანან და მინდა ამაყად განაცხადო, რომ ჩვენი, ქართული, ტრადიციების მოყვარე ხალხისთვის, განათლებული და გაცნობიერებული მოსახლეობისთვის წარმოადგენენ, საკმაოდ ცოცხალ, რეალურ და ხორც-შესხმულ პიროვნებებს - ასეთები, არიან პირველი რიგში : ნავსიკაია (ალკინოას, ფეაკის მეფის ქალიშვილი), აბრახამ ებ გრეი (გემის დურგალი), მიშიკო ასტროვი (ექიმი), მშვენიერი დოროთეა (ღურაქი ანგელინა კახას ეძახის, ამ მშვენიერ ქალბატონს, რომელთანაც მხოლოდ მეგობრული ურთიერთობა მაკავშირებს) დულსინეა (გლეხი), ნასტასია ფილიპოვნა ბარაშკოვა (დროებით უმუშევარი), ადამ კოზლევინი (მძღოლი), ოდისეი (მოგზაური) და ა.შ...

მერწმუნეთ ამხანაგო სანდრო, ძალიან ძნელია, პრიბებიც არ მიწყობს ხელს, მაგრამ თავდაუზოგავად ვშრომობ დანარჩენების შეგნების ამალელებასა და კომუნისტურ გამობრძმედაზე...

...ისინი თითქოს დიდ და მნიშვნელოვან როლს არ ასრულებენ მსოფლიოს პოლიტიკური ვითარების შეცვლაში და მასების მობილიზაციაში, მაგრამ მათი შესაძლო არასწორი ქმედებების გამო, რომელიც გამოწვეულია ანგელინას გაუაზრებელი და ღურაქული ქმედებებითა და რეალობას მოკლებული შეგონებებით, შესაძლოა შეიცვლოს ლიტერატურული

პირველწყაროების მნიშვნელობა, სიუჟეტები, გმირთა მიზნები და მიზეზ-შედეგობრივი ვითარებები...

ეს კი უცილობლად სხვა მიმართულებით წარმართავს, ჩვენს სათაყვანებელ ბიბლიოთეკაში მოსული მკითხველის ცნობიერებას, რომელიც თქვენი ავტორიტეტისა და მოხლჩაუხრელი შრომის წყალობით, სრული ნდობით შთანთქავს წიგნებში დავანებულ ინფორმაციას, განათლებას, პროგრესს და კეთილშობილ აზრებს...

ვგრძობ და ვხვდები, დაგაბნიეთ, ამიტომ გადავალ პირდაპირ საქმეზე და მიკიბ-მოკიბვის გარეშე გკითხვათ, როგორც ღვაწლმოსილ კომუნისტს, რომელმაც ბევრი შევიწროება და დევნა განიცადა, კომუნისტური იდეალებისა და ლენინურ-სტალინური მიზნების გამარჯვებისა და ხორცშესხმისათვის ბრძოლაში.

ამხანაგო სანდრო, ოდესმე თუ გჯეროდათ ზრაპრების?

რაკი არ ვიცი და ვერ წარმომიდგენია რა პასუხს გამცემთ - მევე ვიპასუხებთ.

მე, პირადად არ მჯეროდა...

მაგრამ ყველაფერი შეიცვალა, 1953 წლის 7 იანვარს, ორშაბათს, როცა ახალი წლების მერე გამოცხადი სამსახურში, ანუ კონკრეტულად რომ ვთქვათ, ჩემი პირდაპირი მოვალეობის, გაჯით ლესვის გასაგრძელებლად, იშვიათ გამოცემათა განყოფილების უფროსის კაბინეტსა და საცავში ჩამოვედი...

თქვენი, ბრძანების საფუძველზე, ჩემთვის, ბიბლიოთეკის ჭერში გამოყოფილი საცხოვრებელი ფართიდან (რისთვისაც, კიდევ ერთხელ დიდ მადლობას მოგახსენებთ, რომ არა თქვენი გულისხმიერება, მე ომის ვეტერანი, კანტუზირებული თავის არეში, შეიძლება მაწანწალა გავმხდარიყავი... პირდაპირ გეტყვი, გაიხარეთ ამხანაგო სანდრო!!!... ახლა, კი თქვენის ნებართვისთ, კვლავ დავუბრუნდები ამბავს)... ჰოდა, ჩამოვედი ქვემოთ...

დილის შვიდ საათზე მისულს, იქ დამხვდა ღურაქი ანგელინა, რომელიც ლამის ეხუტებოდა, აფრიკული ფერის, უცნაურად ჩაცმულ, მეტსაც ვიტყვოდი მოოქროვილ, ძვირფასი ქვებით მოჭვდილ კაბისებ სამოსში გამოწყობილ, მოკლე დაშნით შეიარაღებულ, დადარდიანებულ, ორმეტრიან კაცს... რომელსაც, სახის გამომეტყველებაზე შევატყვე, იძულებით ასმევდა ლიმნიან ჩაის და თხოვდა დაკარგული ცხვირსახოცის ამბავი გულთან ახლოს არ მიეტანა... სამაგიეროდ კი, თქვენთან შეთანხმების გარეშე პირდებოდა ბიბლიოთეკის დაცვაში მისთვის სპეციალური შტატის დაშვებას და სოლოლაკის, ერთ-ერთ კომუ-

ნალურ სახლში, საცხოვრებლად ოთახს, ფუნი-კულიორზე ხედით, და დამატებით ლექციების კურსს უნივერსიტეტში... და კიდევ რაღაც-რაღაცებს. ეს შავი კაცი კი, საპასუხოდ ოხრავდა, ხვნეშოდა და კბილებს ახრჭილებდა, რითაც ამ სულელ ქალს უფრო მეტად ალაფრთოვანებდა და უსირცხვილოდ აჟუჟნებინებდა თვალებს.

მე, როგორც შეგნებულ ადამიანი დამხვდურებს მივესალმე.

მამაკაცი წამოდგა და გამეცნო, როგორც მაურიციო ოტელიო, ვენეციური ასეულის მეთაური კვიპროსზე... მეც ვუთხარი რომ ვიყავი, კაპიტანი, ომის ვეტერანი, კანტუზიანი და ამჟამად მღესავად გმუშაობდი...

კაპიტანობისა და ომის ვეტერანობის ამბავმა ძალიან გაახარა და მეგობრულად განაწყო ჩემს მიმართ. კანტუზიამ, კი ლამის სულ მთლად გადარია...

ბევრი, რომ არ გაგვარძელოთ, გახლდით ოდნავ ნამთრალეები, ახალწლებ-გადავლილი და ამიტომ, თან მქონდა ორი ლიტრა ჭაჭა, მჭადები, ჭყინტი ყველი, ნიგვზიანი ლობიო, ღორის მოხარშული ნეკნები, შემწვარი წიწილა, ჩემი სოფლის ტყემალი და შესაბამისად პური...

ჰოდა, ტრადიციულად დავილოცეთ გრძელი სამუშაო დღისა, ახალი წლის, და პირველი კვირის აღსანიშნავად. ვუსურვეთ ერთმანეთს დამკვრელური შრომის გაგრძელება... და გაცნობის მიზნით გაგვარძელოთ, საკვების მიღება და ურთიერთობა, რასაც თან ერთვოდა ტრადიციული ჭრილსითვის დამახასიათებელი, სადღეგძელოები, ალავერდები და ხმადაბალი ღიღინი.

როგორც გაირკვა, ჩემი თანამესუფრე იყო ნამდვილი ოტელიო, არ ვიცი იცით თუ არა, მაგრამ მის შესახებ დაწერა, შექსპირმა... თუმცა, როგორც თვითონ მამუკამ (ასე ქართულად გადაუკეთე სახელი) მიმტკიცებდა, ჯერალდო ჩინტიოს მოუგონებია მთელი ამბავი, ხოლო მერე უილიამს მოუპარნიაო...

ჰოდა, ამ სიამტკბილობაში, ორლიტრიანი თითქმის ჩავცალეთ.

ჩვენი საუბარი და ურთიერთობა, ძალიან არ მოსწონდა ანგელინას... და პირველი დამაბული ურთიერთშელაპარაკება, სწორედ მაშინ მოხდა, როცა მანდილოსნების სადღეგრძელო წარმოვთქვი და ყველა ქალს ვუსურვე, დაქორწინება, დაქორწინებულებს, ბედნიერი ცხოვრება, ხოლო განქორწინებულებს ჭკუაზე მოსვლა... არც კი ვიცოდი ანგელინა, განათხოვარი თუ იყო... მაშინ გავიგე პირველად... ძალიან მყვირალა ფორმით მომმართა ამ ქალბატონმა და

აუგად მოიხსენია, ჩემი პროფესია, კანტუზია და ტვინი...

გ ა ვ ბ რ ა ზ დ ი, მაგრამ როგორც თქვენი პირადი კადრი, მაინც თავი შევიკავე!

მაურიციოსაც არ მოეწონა ანგელინას "იაზვობა" და თავხედობა. გადაირია კაცი, დააბრიალა თვალეები, დაშნას დაავლო ხელი და ფეხზე წამოდგა... აქ, შეიძლება სისხლიც კი დაღვრილიყო... მაგრამ საბედნიეროდ, საიდანაც გამოჩნდნენ, ამხანაგები ლევ (ლევანიკო) მიშკინი, ჯიმ (ჯემალიკო) ჰოკინსი, ბაია (ბიანკა, რომელიც მამუკა ოტელიოს კარგად იცნობდა), კასიო (კაკო), დეზდემონა (დოდო) და ასევე, ჩემი შევირდი და დამხმარე მუშა ფრიდონ გერსამია და როგორც შემდგომ გავარკვიე, მასთან ერთად ბრძანდებოდნენ ჩვენი თანამოქალაქეები და თანამედროვეები, და-ძმა გულიკო და ბონდო ჯანგავაძეები, ახალგაზრდა კაცი, გედეონ სვედელიძე... ყველა, ძალიან დაბნეული დამაბული და ამასთანავე აღფრთოვანებული იყო...

ჭაჭა ნასვამმა მამუკა-მაურიციომ, კასიო და დეზდემონა ერთად, რომ დაინახა გადაუტრიალდა თვალეები, დაალო პირი და :

"მე, თქვენ დედებს..." - დაავლო ხელი ჩემს სამუშაო იარაღს ნიჩაბს და გამოუდგა მათ...

იქ, ამბავი ატყდა?!

მოკლედ ბევრი, რომ არ დაგაბნით... ზედმეტი წვრილმანებისა და მხატვრულ-ლიტერატურული ლაბირინთების გარეშე მოგიყვებით მხოლოდ ფაქტებს...

1952 წლის 31 დეკემბერს დავამთავრეთ მუშაობა, შემოსავლების კედელი და მარჯვენა მხარე შევლესეთ, ისიც დიდი ვაი-ვაგლახით... ეს ჩემი შევირდი ფრიდონი, ძალიან უხეირო ბიჭია, როგორ რუსები იტყვიან - " ", "-ო. მის გამო ბევრი რამ ვერ მოვასწართ. კარგა გვარიანად ვიყავი გრაფიკს ჩამორჩენილი... დაღლილ-დაქანცული, კი წამოვედი ჩემს სხვენში მოსასვენებლად, მაგრამ ძალიან დარცხვენილი და გულნატკენი. ფრიდონს კი სინდისმა შეაწუხა და იმის მაგვირად, მშობლებთან ერთად გაეტარებინა ახალი წლის დღეები, უკან ბიბლიოთეკაში მობრუნებულა. გადაუწყვეტია ჩემთვის საჩუქარის გაეკეთებინა... ანუ მოუნდომებია, იმის გამოსწორება და შეკეთება, რაც მისი უნიათობის გამო, ვერ მოვახერხეთ...

მისთვის დამახასიათებელი ფეთხუმური "მუშაობის" დროს, რაც გულისხმობდა ყველაფრის უკუღმა და უჭკუოდ კეთებას, გათბობის რადიატორის ადგილას, ფანჯრის რაფასა და კედელს შორის, აღმუჩენია რკინის პატარა კარადა-სამალავი... სადაც

თურმე, ხის მოჩუქურთმებულ ყუთში, გველის, თუ ნიანგის ტყავისგან დამზადებული წიგნის ყდა ინახებოდა...

თითქოს არ უნდა მიექცია ყურადღება ამ საგნისთვის, რადგან მისი საქმე კედლების ლესვა იყო და არა საიდუმლო სამალავებში ძრომიალი... მაგრამ, როგორც უგზო-უკვლოდ ნაკითხ, არ შემდგარ სტუდენტს, და ზედმეტად ცნობისმოყვარე უმიზნო ახალგაზრდას შეეფერება, სწორედ ისე მოიქცა... იქვე, გადასაგდებად გამზადებული წიგნების დასტადან ერთ-ერთი ამოიღო და მთარგო ნაპოვნი ყდა.

ის, ცოტა დიდი გამოდგა და წიგნი ფაქტიურად ჩაიკარგა გველის ტყავში, მაგრამ აი საოცრებაც. ყდა თითქოს ვიდაცის, თუ რაღაცის ჯადოსნური ნებით დაიჭიმა, დაიგრიხა, დაპატარავდა და წიგნს არაჩვეულებრივად მოეორგო.

ამან ისე გააკვირვა და გახალისა ჩვენი ფრიდონი, რომ ახლა სხვა წიგნი მოიმარჯვა, უფრო დიდი ზომის. იქაც, იგივე მოხდა. ტყავი გაფართოვდა, გაიწელა და შემოეტმასნა მასზე ორჯერ დიდ ყდას...

მოკლედ, იმის მაგივრად, რომ მეტი აღარ ეფიქრა ამ უცნაურ მოვლენაზე და სასარგებლო საქმის კეთება გაეგრძელებინა... ან, თავის ადგილას დაებრუნებინა ეს უცნაური საგანი, ან მოქცეულიყო ისე, როგორც ნამდვილ კომკავშირელს შეეფერება - კანონის დამცველებისთვის გადაეცა ეს სოციალისტური რეალიზმისთვის გაუგებარი ნივთი... მთელი დამე სხვა და სხვა წიგნებისა და ჟურნალებისათვის ყდის მორგება-გადაძრობაში გაატარა...

სადაც, ხუთი საათისთვის (როგორც თვითონ ამბობდა), ბიბლიური რეპროდუქციების ალბომისთვის გადაუკრია ეს ყდა... და უტყინო ექსპერიმენტებით დაღლილი, დილის სხივებით განათებულ ერთ სურათს ჩაჰკვირიკიტებია. ფანქრით შესრულებულ გრაფიურაზე, გოდების კედელი და მლოცველები იყო გამოსახული... მის ქვემოთ დართული, ახსნა-განმარტების კითხვისას, შემთხვევით დაუხვევია თითზე გველის ტყავზე მიმაგრებული სანიშნე, და გაუაზრებლად სამჯერ თუ ოთხჯერ მოუქაჩია ის.. ჰო- და...

აღმოჩენილა გოდების კედელთან...

შემოდგომის საღამოს, იერუსალიმის ჰავა საოცრად რბილი და სასიამოვნო ყოფილა. ოღნავ გრილი ნიავი უბერავდა და დღის მანძილზე გამთბარი ქვაფენილიდან მტვერს, კედლის გასწვრივ, პატარა მორეკვბად ატრიალებდა... მეთვრამეტე საუკუნის ქალაქი თავისებური ხმაურები გამოირჩეოდა. წვრილვაჭართა ყვირილი, ბავშვების სიცილი, ლოთების მხარულ შემახილებსა და ვირების ყროყინს ერეოდა.

მაგრამ ეს ყველაფერი შორიდან ისმოდა, გოდების კედელთან კი, რელიგიური ფანატიკოსები თავგამოდებით ლოცულობდნენ... იდიშურად გამუდმებით ჩიფჩიფებდნენ, სხეულის რითმული, ენერგიული მოძრაობით სამყაროს მარადიულ რხევას იჭერდნენ და ღვთიურ ტრანსში ვარდებოდნენ...

ნანახით გაოგნებული ფრიდონა, იჯდა ერთ ადგილას და დაბნეულობისაგან ღმუროდა. სწორედ ამით მიუქცევია ერთი პატარა ებრაელი ბიჭუნა ყურადღება, რომელიც მიახლოვდა და გაკვირვებულს მისი სამუშაო ტანსაცმელისთვის მოუკიდია ხელი... მერე თავზე ჩამოფხატული გაზეთ "თბილისისგან" გაკეთებული ქუდით დაინტერესებულა და ორიოდ მონეტაც მიუგდია ჩემი შევირდისთვის მის სანაცვლოდ... შემინებული ფრიდონა, სანამ დანარჩენი, სურათზე გამოსახული პიროვნებების ყურადღებას მიიქცევდა, თითზე დახვეული სანიშნე მოუქაჩია და ისიც, კვლავ საჯარო ბიბლიოთეკაში აღმოჩენილა...

თვალეები მოუფშვნეტია, შვებით ამოუსუნთქია, უფიქრია, ალბათ დამენათევს ჩამეძინაო... მაგრამ სურათს და ელდა ეცა, ბიბლიურ რეპროდუქციაზე გამოსახული კომპოზიცია უკვე შეცვლილიყო... მანამდე, ეს პატარა ბიჭი, თუ კედლისკენ იხედებოდა და ლოცულობდა, ახლა პირდაფრენილი ფრიდონაკენ იცქირებოდა და თავზე კი გაზეთ "თბილისისა"-გან დამზადებული ქუდი ეხურა...

მომავალი კალატოზი, გაუფჭებულმა ნახატმა ვერ შეაჩერა... იმის მაგივრად, რომ თანამედროვე, შეგნებული ახალგაზრდასავით მოქცეულიყო, ვნებებსა და არანორმალურ ცნობისმოყვარეობას აყოლილმა, გამოავლინა სისუსტე და ახლა, სხვა სურათებზეც სცადა ბედი... ამის გამო ერთ საათში, თვითნებურად, ჩემთან, თქვენთან და პარტიულ ორგანიზაციასთან შეთანხმებისა და ყოველანაირი საბუთების გარეშე მოიარა მთელი მსოფლიო. იმყოფებოდა - პარიზში, ბერლინში, ბაბილონში, სპარტაში (საიდანაც ლენინდეს დასისხლიანებული ჩაფხუტით დაბრუნდა), ითაკაში, რიო დეჟანეიროში, მეხიკოში, კუბაზე... ბოლოს ისე გათავხენდა, რომ ტროასთან აქილევსისგან, სამი კილოგრამი ცემენტისა და რეზინის ხელთათმანების სანაცვლოდ, სანდლები შეიძინა... მერე მშენებარე პეტერბურგში, პეტრე პირველს მოუყვა ბიბლიოთეკისა და მუზეუმის მნიშვნელობაზე, ბოლოს კი სავარძელში ჩაძინებულ მენდელეევს დაადგა თავზე და ქიმიურ ელემენტების ტაბულის შესახებ, თავისი უარყოფითი მოსაზრების დასაბუთებით, ლამის ჭკუიდან გადაიყვანა, ალბათ მისაღებ გამოცდებზე, ქიმიამი ჩაჭრის გამო...

ესეც არ იკმარა, ამ ჭკუათხელმა... გადაწყვიტა უშუალოდ ლიტერატურულ ნაწარმოებებში შეჭრილიყო. გადააკრა ყდა შოლოხოვის მოთხრობების კრებულს და დაიწყო მისი უკვდავი ნაწარმოების "ორმოსცამეერთის" კითხვა და საბოლოოდ მარიუტკა ფილატოვას შეცდენა თითქმის შეძლო... გამოეცხადა ამ გულუბრყვილო ქალს ღამით, როცა პორუნიკ ვადიმ გოვორუხა-ოტროკს ღრმად ეძინა... ძილბურანში მყოფი შიშველი ქალი დაარწმუნა, თავის ღვთიურ წარმომავლობაში და კინაღამ... თუმცა გადამწყვეტ მომენტში სინდისმა შეაწუნა და მოქაჩა ნიშნულს...

...ღამენათევს და დარცხვენილს, როცა მობეზრდა მარტოს გართობა და წანწალი, გავარდა გარეთ... რაღაც ხრიკებითა და შეგონებებით, მეგობარი გოგონა, კომკავშირელი, სტუდენტი, სპორტსმენი, 17 წლის, გულნარა ჯანგაგაძე და მისი ზედმეტად ცელქი, 13 წლის პატარა ძმა ბონდო, მოგლიჯა ახალი წლის მზადებით დაკავებულ მშობელთა მზრუნველ ხელებს. შემოაპარა ბიბლიოთეკაში და ახლა, მათთან ერთად გააგრძელა რეპროდუქციებში ჩახატულ სამყაროებში მოგზაურობა... უ ს ი ნ დ ი ს ო... კიდევ კარგი, ეყო კომკავშირული შეგნება, მაგრამ სახელმწიფო საკუთრებაში მყოფი, გველის ტყავის ყდა, ბიბლიოთეკის გარეთ არ გაიტანა და სისხლის სამართალთან კონფლიქტში არ მოვიდა...

მოკლედ, ამ ცელქობით გართულებს, თავზე დაადგა შედარებით შეგნებული, გედონ ხვედელიძე, რომელიც გოგონას (გულნარას) მშობლებისთვის სასურველი საქმრო ყოფილა... მართალია ისიც უკანონოდ შემოიპარა ბიბლიოთეკაში, მაგრამ შეეცადა უკვე გადარეული ახალგაზრდების სოციალისტურ რეალიზმში დაბრუნებას. (გედონი, 25 წლის გახლავთ და სახელმწიფო ბანკში მუშაობს, კომკავშირის მდივნად)... თუმცა უშედეგოდ. სამწუხაროდ, ცოტა ხანში, გამოუცდელობამ, და ნორჩმა ასაკმა თავისი ქნა... ამ წყვეული გველის ტყავით მოხიბლული, თვითონაც ჩაერთო, თანამედროვეს მოქალაქისათვის გამხრწნელ და არაჯანსაღ პროცესებში...

ორი-სამი ექსპერიმენტის შემდგომ, რაღაც დაემართა გედონს... თითქოს შუბლზე კომკავშირული მარღვი გაუწყდა... გ ა ღ ა ი რ ი ა... საუბედუროდ, იპოვა კარლ მარქსის ბიოგრაფია, ამ გენიალურ პიროვნებას, ამხანაგ კარლს შეუძგრა სამუშაო კაბინეტში და ხელი შეუშალა ახალი, დიალექტიკურ მატერიალიზმში უფრო საინტერესო კვლევების შემუშავება-შექმნაში... მეტსაც გეტყვით, ღამის შეაყვარა თავი ლიდა ბერნს და ეჭვით გათანგულ, მის სახელოვან ქმარს, ფრიდრიხ ენგელსს

საერთოდ აუბნია გზა-კვალი... ბოლოს ისე გათავხედდა, რომ საკუთარ შრომებში ჩაფლულ ამხანაგ ლენინს, ცხელ ჩაიში მარილს უყრიდა, რის გამოც ბელადს ნადეჟა კრუპსკაიასთან დაუძაბა ურთიერთობა და ხშირი კონფლიქტები დაეწყო. ვეჭვობ, რომ ამხანაგ ლენინს სწორედ ამის მერე შეერყა ჯანმრთელობა და ის, ნერვიული, დაძაბული და დაბნეული გახდა....

ამ რია-რიაში იყვნენ, რომ ერთ კვირიანი დასვენების წინ, მიმდინარე სამუშაოების შესამოწმებლად, შემოიარა თქვენის დაქვემდებარებაში მყოფმა, იშვიათ გამოცემათა განყოფილების უფროსმა, ანგელინა (შემოკლებით ანგელა) პეტრეს ასულმა ბერეჟემ, თავისი მცირეწლოვანი ქალიშვილი ქეთევანით... ნანახითა და გაგონილით, ჯერ აღშფოთდა და დააპირა მილიციის გამოძახებაც, მაგრამ მერე როცა საქმის ვითარებაში ძირფესვიანდ გაერკვა... მანაც ამ წყვეული გველის ტყავით მოჯადოებულმა, გადაწყვიტა 1924 წელს დაზვერვითი ბაბუშაისის (მამამისის სიმამრის) საბჭოთა წყობილებისაგან დამალული, საოჯახო ოქროულობის საგანძურის ადგილმდებარეობის გაგება... ამ მიზნით დააპირა ყდის დროებით სახლში წაღება... ასეც მოიქცა, მაგრამ, როგორც გაირკვა ამ საგანს უნიკალური და ჯადოსნური ძალა, მხოლოდ საჯარო ბიბლიოთეკის და კერძოდ, იშვიათ გამოცემათა განყოფილების უფროსის სამუშაო კაბინეტის კედლებში ჰქონდა...

ამიტომ, ქალიშვილი ყოფილ ქმარს და ნადედამთილ-ნამამათლის დატოვა, თვითონ კი საოჯახო ალბომით ხელმძაშვენებული სასწრაფოდ უკან, ბიბლიოთეკაში დაბრუნდა...

ამის მერე დაიწყო თუ დაიწყო...

აქ ყოფნის გამოცდილებამ დამანახა ამხანაგო სანდრო, რომ გონებაში უაზროდ ბევრი ინფორმაციის დაგროვებამ, იძულებით კარჩაკეტილობამ, სამყაროს შეცნობის დაუოკებლობა წყურვილმა, და ჯადოქრობამ, წამის მეასედში შეიძლება აქციოს, რაციონალური, ინტელექტუალი ქალბატონი, ავანტურისტ ალქაჯად, რომელიც მის წინ არსებულ ყველა მორალურ ბარიერს სპობს და მოწყურებული ბეჭემოთივით ეწაფება სურვილების ასრულების მომწამლავ წყაროს... ანუ მოკლედ, რომ ვთქვათ ანგელინა გ ა მ ო ღ უ რ ა ქ ე ღ ა.

პატივცემული ღურაქი ქალბატონი. ღურაქების დედოფალი. ღრუაქებს შორის ყველაზე დიდი ღურაქი.

ჩემს განრისხებას, მომავალი კომუნისტისთვის შეუფერებელ გამონათქვამებს და ქართველი კაცისთვის



არ მიღებულ დამოკიდებულებას, ააქვს ძალიან ბევრი საკმაოდ საფუძვლიანი და სამართლიანი მიზეზი...

კიდევ რაები ქნეს ამ არასერიოზულმა, გადარეულმა და გველის ტყავის ჯადოსნობით დამთხვეულმა ხალხმა, მერე მოგიყვებით.

უბრალოდ მზარავს, როცა წამით დავფიქრდები და გავიაზრებ, თავისი ამბიციურობით და გაუფრთხილებლობით - განათლებას, კულტურას, მეცნიერებას, ხელოვნებას, იდეოლოგიას, სოციალისტურ რეალიზმს რამოდენა ზარალი მიაყენეს... ჯერ კიდევ ვერ მიპატიებია, მათთვის გოგოლის "მკვადრი სულების" მეორე ტომის მოპარვა და გაუფტმანის, თითქმის დამთავრებული რომანის დატოვება, ბულგაკოვის "ოსტატი და მარგარიტას" ტრამვაში, აივენჰოსთვის გაფუჭებული ძეხვის შეპარება, რის გამოც ეს გმირი რამოდენიმე დღით გამოთიშეს ძირითად სიუჟეტს და მის ძებნაში, ჭკუიდან გადასული უოლტერ სკოტი იძულებული გახდა, ბუნების დეტალური და მოსაწყენი აღწერით შემოფარგლულიყო... იცით, რატომ ვერ ძღებოდა აღექსანდრე ტოლსტოი? მაპატიეთ, მაგრამ ჯერ ამ საიდუმლოს გამხელისთვის, თქვენც კი არა ხართ მზად...

რომ იცოდეთ, რამდენი ზესაიდუმლო ინფორმაცია, მკრეხელურ - უხერხული დეტალი გაიგეს და ამის გამო, კიდევ რამდენი სხვა უპასუხისმგებლო, ცინიკური საქციელი ჩაიდინეს?! გაგიჟდებით!

...ამედია, ამის თქვენთვის პირადად გოგოლის შესაძლებლობა კიდევ მომეცემა, და ყველაფერს დაწვრილებით მოგასხენებთ...

ან, ძველებურად მეორე უფრო სრულფასოვანი მოხსენებით ბარათს მოგწერთ... ეეჰ!

...დაუბრუნდები 1954 წლის 7 იანვარს...

ანგელინამ, ჩემთან რამოდენიმე საათიანი ენერგიული და აქტიური ურთიერთობის შემდეგ გაარკვია, რომ ბოლო წიგნი 1943 წელს მქონდა წაკითხული და ეს, იყო წითელი არმიის სამეთაურო კოდექსი... აქედან გამომდინარე, მან დაადგინა, რომ ჩემი განათლება და ინტელექტუალური დონე, არ იყო საკმარისი მოვლენების ადექვატურ შეფასებისა და საქმეში სრულფასოვნად გარკვევისათვის... ამიტომ, მოიწვია "გველის ტყავის" საბჭო, რომელშიც ჩემს გარდა, შედიოდა ყველა, მათ შორის უკანონოდ "გაცოცხლებული" ლიტერატურული პერსონაჟებიც. ხანმოკლე თათბირის შემდეგ, მთელმა ამ მოჯადოებულმა "ზანდამ", ქალბატონის ბერჟეს ხელმძღვანელობით გადაწყვიტა ჩემი გონებრივი მარავის გამდიდრება და განათლების დონის ამაღლება...

ამისთვის, ამ ჯოჯოხეთის მაშხალამ, გადასაყრელად

გამზადებული, დაზიანებული გამოცემებიდან, აარჩია 100-მდე კლასიკური ნაწარმოები და იქიდან, მისი აზრით საუკეთესო ადგილები და ყველაზე მომგებიანი თავები ერთი ყდის ქვეშ გააერთიანა... ერთ წიგნად აქცია.

"ეს იქნება გულივერ შენი მოგზაურობაო!" - ცინიკურად დაამატა და გველის ტყავში გაახვია იგი...

ჩემი წინააღმდეგობის მიუხედავად, მამუკას (მუარიციო ოტელოს) და კაკოს (კასიოს) დახმარებით მაიძულა მონაწილეობა მიმელო მათ მკრეხელურ რიტუალში...

იმასაც მოგახსენებთ, რომ ეს ე.წ. "სახელმძღვანელო", ჩემი სენნიის "გულივერის მოგზაურობით" იწყებოდა.

ანგელინა ბერჟემ ხმამაღლა დაიწყო კითხვა ჯონათან სვიფტის ამ უკვდავი ქმნილების, ჩვენ კი ხელიხელჩაკიდულები ვიდექით და ვუსმენდით მას... ყველა ვგრძნობდით, როგორ ივსებოდა ოთახი აბოქრებული ოკეანის ხმაურებით და განწირული მეზღვაურების შეძახილებით... კედლები უფერულდებოდნენ და ნისლის ღრუბლებად იქცოდნენ, წვიმის წვეთები, თუ ტალღების შხეფები მტკივნეულად გავხვლევდნენ ცივი ქარისგან გათოშილ სახეებზე... ამ დროს, ანგელინამ თითზე დაიხვია ცხენის ძუისგან დაწნული ნიშნული, სამჯერ მოქაჩა და ჩვენი ერთობლივი, ტრავიკული მოგზაურობაც დაიწყო... დაიწყო, არა რეალურ, არამედ მსოფლის 100 საუკეთესო კლასიკურ ნაწარმოებიდან ამოგლეჯილ თავებსა და ნაწყვეტებში აღწერილ ისტორიებში, რომელთა უშუალო და უნებლიე მონაწილენი ვიყავით, ვართ და შეიძლება მომავალშიც ვიყოთ, ერთი ღურაქი არსების გამო...

"- მსოფლიო ლიტერატურულ შედეგებში მოგზაურობა, ფრიად მოსაწონიაო!" - იტყვის გაუთვითცნობიერებელი ადამიანი...

თითქოს, აქ მართლაც ცუდი არაფერია - "ინტელიგენცია, ცდილობს მუშათას კლასი აზიაროს მსოფლიო სიბრძნეს, და ამით, უფრო მეტი ღირსეული და ინტელექტუალი კომუნისტი შესძინოს მსოფლიოს!"... მაგრამ უბედურება ისაა, რომ საჯარო ბიბლიოთეკის, იშვიათ გამოცემათა განყოფილების უფროსს, ანგელინა (შემოკლებით ანგელა) პეტრეს ასული ბერჟეს მწერლური ამბიციები, მარტონელა დედის დარდი, მიტოვებული მეუღლის ტკივილი, გრძელი ენა და უკუდეგანო სიდურაქე აწუხებს... რამაც სამწუხაროდ თავი იჩინა სანჩო პანსასთან, ურთიერთობის დროს.

ეს, მეოცე საუკუნის, თბილისელი ქალბატონი

ცდილობდა აეხსნა, მეჩვიდმეტე საუკუნის გაუნათლებელი, ლამაზი გლეხისთვის, რომელსაც სიცხისა და დაღლილობისაგან ფეხები ეკეცებოდა, თუ რას ნიშნავს პირადი ჰიგიენა და როგორ, და რატომ მრავლებოდნენ ბაქტერიები დაუბანელ ადამიანებში, რანაირად ემართებად ღიარება, გასტროინტესტინური ტრაქტის ჩივილები, საყლაპავის, კუჭისა და თორმეტგოჯა ნაწლავის ფუნქციურ, აბლომინური ტკივილის სინდრომი, ნაღვლის ბუშტისა და ოდის სფინქტერის ფუნქციური დაავადებები... და ბოლოს, მთლად უარესი - ანორექტალური შოკი...

ამდენი უცნობი სიტყვებით გაგულისებულმა პანსამ, ვეღარ შეიკავა თავი:

- ვის დაკარგვიხარ, შე უბედურო! აქ რამ მოგიყვანა შე ალქაჯო! - აყვირდა და ღონ კიხობის ხმლის ერთი მოქნევით ლამის თითზე მიაწყვიტა ყდის სანიშნე, რომელიც ერთადერთი გზა იყო, ჩვენი სოციალისტურ რეალიზმში დასაბრუნებლად...

ანგელინა ღურაქის. ღურაქების დედოფლის. ღურაქებს შორის ყველაზე დიდ ღურაქი გამო, ვერ ვბრუნდებით უკან. ჩვენს სანატრელ თბილისში, საქართველოში და შესაბამისად, სარემონტო სამუშაოს დროულად ვერ ვამთავრებ და აღებულ ვალდებულებას ვერ ვასრულებ, რისიც ძალიან მრცხვენია, და თვალეში პირველ რიგში თქვენ ვერ შემოგხედავთ ამხანაგო სანდრო... და დადარდიანებული, ჭმუნვებ შეპყრობილი, მოგმართავთ ლერმონტოვის "ანდერძის" სიტყვებით:

"ო, როგორ ვნატრობ, პირისპირ/შენთან შეხვედრას ძმაო.

ჩემზე ამბობენ- ,, ამ ქვეყნად/ დიდხანს ვერ დარჩებაო..."

დედ-მამას ჩემსას შენ ალბათ/ცოცხალს ვერ ნახავ, თუმცა,

არ მინდა გლოვად და დარდად/ ჩემი ამბავი უთხრა...

მეზობლად ერთი ქალი ჰყავთ/დავშორდით უკვე წლებია,

იქნებ არც გკითხოს სადა ვარ.../უთხარი რაც სათქმელია,

შეუნიღბავი სიმართლე/მის ცარიელ გულს მიანდე,

იტუროს, ცრემლს ვინ დაუთვლის?/ეს მას არაფრად არ უღირს...."

შეუნიღბავი სიმართლე/მის ცარიელ გულს მიანდე,

იტუროს, ცრემლს ვინ დაუთვლის?/ეს მას არაფრად არ უღირს...."

ცრემლებს ძლივს ვიკავებ, ამხანაგო სანდრო, რადგან ვერ ვხვდები, განცხადებას რატომ გწერთ?

მოგივათ, თუ არ მოგივათ ეგეც არ ვიცი.

ან რომც მიიღოთ, რითი უნდა დაგვეხმაროთ?...

თქვენ, ღვაწლმოსილი კომუნისტი, რევოლუციონერი და დიალექტური მატერიალიზმისა და ლენინური პრინციპებით გაჟღენთილი კაცი, ჩვეენ, ზღაპრებსა და მსოფლიო ლიტერატურულ შედეგებში გადავარდნილებს, ჩაკარგულ-გაჭედილებს, რომლებიც ყველაფერთან ერთად გველის ჯადოსნურ ტყავში ვართ განვულებები და მისტიური აღვირახსნილობის წყალობით ბორკილდადებულნი...

არ ვიცი. არ ვიცი. არ ვიცი.

თუმცა რაღაც იმედი, მაინც ბჟუტავს მსოფლიო ინტელექტუალური შედეგებით გამდიდრებულ სულში... კლასიკურ ლიტერატურას ნაზიარებ გონებაში...

ამხანაგო სანდრო, კაცის გული, ხომ იცით როგორია, რაც კლავს ის წამლობს?!

ჰოდა, პირდაპირ გეტყვი - ძალიან გავბრაზდი, როცა დავინახე როგორ ნებივრობდნენ ეს ღურაქი ანგელინა და ოდისევსი ზღვის ტალღებში... შეიძლება, ცუდს არაფერს სჩადიოდნენ, ონისე (ოდისევსს ასე ვეძახი) მეძმაკაცება და იცის ჩემი გულის პრანჭვების შესახებ. ვიცი ზედმეტს არაფერს აკადრებს ანგელინას, მაგრამ მაინც გული მწყდება. თქვენც დაგწყდებოდათ... როცა ქალი, რომელიც გიზიდავს და მოგწონს, სხვა მამაკაცთან, თუნდაც ძმადნაფიცთან, ისე ხალისობს, ისე კისკისებს... როგორც შენთან არასოდეს უხალისია, არადოდეს უცინია...

"შეუნიღბავი სიმართლე/მის ცარიელ გულს მიანდე,

იტუროს, ცრემლს ვინ დაუთვლის?/ეს მას არაფრად არ უღირს...."

ქალი, მაინც ქალია. მართალია, მეტყვიით, "რომანი, იქ არ უნდა გააბა სადაც მუშაობ, მით უმეტეს უფროსთანო!", მაგრამ ისეთ სამყაროში, რომელშიც ამ ქალის წყალობით მოვხვდი - თუ ეგ არა ჰქენი, მართლა კაპიკია მაშინ ჩემი კაცობისა და კაცურობის ფასი...

ამხანაგო სანდრო, მომაჯადოა და მომხიბლა ამ ღურაქმა ქალმა?!

ზოგჯერ განმაროტოებულს ვუთვალთვალავ, როცა მის გულს კაემანი მოაწვება, როცა ეულს დაჰბერავს მარტოსულობის ნიავი... და როცა საცალფეხო ბილიკით მიიბრუნს კლიდს ქიმთან, ზღავს, რომ გადაყურებს... ჩამოჯდება და დარდობს.

იცით, რამდენს დარდობს?

თავის, პირშმოს, ქეთევანს იხსენებს... ცრემლები, ღაპა-ღუპით მოსდის... ისეთი საყვარელია, ისეთი უსუსურია და ისეთი მშვენიერია, რომ მავნიწყდება, მისი სიღურაქე... მზის სხივები ოქროსფრად აღდება ამ მშვენიერი ქალბატონის თმებში და ხანდახან ანგელოზი მგონია. ჩემი მფარველი ანგელოზი...

ბედნიერი ვარ, რომ ვხედავ და აღარც კი მახსენდება, რომ სწორედ მის გამო ვართ ახლა აააქ... ამ, ღ ი ტ ე რ ა ტ უ რ ა შ ი ი...  
მიყვარს!

მიყვარს, მაგრამ მას, ვერ ვუმხელ! ენა მივარდება, როცა მიჩნდება სურვილი, ჩემი გრძნობების დუდილის, ჩემი გადარეული სულის ვულკანურ ამოფრქვევებზე ვუთხრა რაიმე... ვიბნევი, და მხოლოდ სულელივით ვიცინი, ან ვეშუი...

თქვენ კი გეუბნებით - საკუთარ თავზე, საკუთარ სიცოცხლეზე, საკუთარ მეობაზე მეტად მიყვარს!...

...ვცადე, ოდისევსთან დალაპარაკება, მერე ოტელოსგანაც მივიღე რჩევები, ცოლიანი კაცია და მეტი იცის... აქეთ შორენამაც, კოლონკელიძის ქალმაც მირჩია რაღაც-რაღაცეები...

მაგრამ, რომ დავფიქრდი თავი გიჟი მეგონა...

მე, რეალური ადამიანი, ჭკუას ვეკითხები ვიღაც ლიტერატურულ პერსონაჟებს?

თუმცა, მერე მივხვდი, ყველა ნაკითხი კაცი ასე აკეთებს და მეც, ხომ მათ "კამანდაში" გავერიე...

კაცური კაცი ხართ, ამხანაგო სანდრო და მიმისვლებით...

ოდისევსზე ძალიან ვიეჭვიანე და გული ლამის მომიკვდა...

ჰოდა, ამ გულგატეხილობისას, გამოვეპარე ჰომეროსს, წამოვიღე ტყავის რამოდენიმე გრაგნილი და "განძთა კუნძულს" შემოვეკედლე... აქა ვწერ ამ წერილ-განცხადებას, "ადმირალ ბენბოუს" დუქანში... ბოლომდე ჩავცლი ვინის ბოთლს, ჩავლებ მასში ამ ნაცოდვილარს, კარგად დავუცობ თავს, შევირბენ "დიდოსტატის მაჯვენაში", და სვეტიცხოველთან მტკვარში გადავაგდებ ამ ბოთლს, მერე დავბრუნდები იქ სადაც ჩემი განმანათლებელი, ჩემი ჭკუიდან გადამყვანი, ჩემი ქალი და აღქაჯი, ჩემი სრულყოფილება და სიღურაქე, ხალისობს და ნაღვლობს... ოგიგის კუნძულზე... და...

...ისე, რომ შეგახსენოთ, ეს ის ადგილია სადაც ონიხე (ოდისევსი), თავისებურ ტყვეობაში ჰყავს ნიმფას კალიფსოს, რომელსაც ჩვენი გედონ ხვედელიძე ეტრფის... ვერაფერი მოვუხერხეთ, ვერანაირად გადავათქმევინეთ, შეუყვარდა რა ქნას...

რაც შეეხება ბონდოს, შერლოკ ჰოლმსაა მიკედლე-

ბული, არ ცილდება, სულ ერთად დადიან და თავისუფალ დროს დუეტში უკრავნე, შალიკო (შერლოკი) ტრადიციულად ვიოლინოზე "უბერავს", ხოლო ბონდოს კლარნეტი სცოდნია და არიან ასე, გამოძიება, საოჯახო კონცერტი, გამოძიებია, საოჯახო კონცერტი...

გულნარა და ფრიდონი, "ალუბლის ბაღში" დარჩნენ, მათ ფირსი და შარლოტა ივანოვნა პატრონობენ, აბა. შარლოტა პარალელურად გერმანულში ამზადებს, ორივეს. ისინი კი, თავის მხრივ ბაღის მოვლაში ეხმარებიან...

ვიცით, რამხელა პასუხისმგებლობაა და ყველა ძალიან ვნერვიულობთ, ამ ქმედებებმა მსოფლიო ლიტერატურაში რაიმე არ შეცვალოს... მაგრამ, რა უნდა ქნა, ცხოვრება იმისთვისაა, რომ ხელოვნება გამოიყენოს ადამიანმა თავისი თავის პოვნისა და ბედნიერებისათვის და არა პირიქით!...

განცხადებს, ორ ეგზემპლიარად ვწერ... მეორეს "ჩავირბენ" ილიადაში და იასონს ვთხოვ, კოლხიდას ნაპირებამდე მიიტანოს, ვიცი უარს არ მეტყვის... პატივს მცემს, ჩემი ვეტერანობისა და კაპიტანობის გამო... ჰოდა ეგებ, ერთ-ერთმა მაინც მოაღწიოს თქვენამდე ამხანაგო სანდრო...

როცა მიიღებთ, გთხოვთ, ყურადღებით წაიკითხეთ ეს გულწრფელი მონათხრობი და აღსარება... და კაცურად გამოგოთ.

მოკითხვა ყველას.

პატივისცემით, კომუნისტური პარტიის წევრობის კანდიდატი, მლესავ-კალატოზი, გადამდგარი კაპიტანი, ინვალიდი, მაგრამ ამჟამად მსოფლიო ლიტერატურულ საგანძურში ჩაკარგული,

გულივერ თეოფილეს ძე ცხელისშვილი.

1745 წელი. 12 მაისი.

(ყოველ შემთხვევაში "ადმირალ ბენბოუსი" ეს დროა)."

...აი, ასე უცნაურად და მოულოდნელად დამთავრდა ეს განცხადება. დაბნეული, გაოგნებული და ამავე დროს დაინტრიგებულიც კი ვიყავი. ანგელინას შვილთაშვილს თამთას ვიცნობდი, ჩემი ჯგუფელი იყო და ერთმანეთთან მეგობრობაზე მეტი გვაკავშირებდა... თუმცა პირდაპირ ანგელინას შვილს, ქალბატონ ქეთევანს, არასოდეს შევხვედრილვარ...

თვალი მოვაველე სამკითხველო დარბაზს...

დღე, ნელ-ნელა გადადიოდა გრილ საღამოში. სხვადასხვა ასაკის და პროფესიის ადამიანები ცდილობდნენ, ცოდნის კიდევ რამოდენიმე ლუკმის მიღებას და სულ არ აქცევდნენ ყურადღებას, ფანჯრებში შემოჭრილ აყვავებულ ტოტებს. გაზაფხულის მზის

წყალობით ამოყრილ ნორჩ ყლორტებს, და ჩიტების მხიარულ ჟღერტულს...

"დღეს არსებობს, ვიდეო, დვდ და სდ დისკები, არსებობს აი-ფონები, კომპიუტერები, ლეპ-ტოპები, კასეტები, ვიდეო და აუდიო ინფორმაციის მატარებელი მოწყობილობები... - აღფრთვანებული ვფიქრობი, და ყურადღებით ვათვალიერებდი წიგნის ყდას, - ჰოდა, რა იქნება, თუკი ამ ჯადოსნურ ტყავში მათ გავახვევთ? ნუთუ ისეთივე ეფექტს მივიღებთ, როგორც ბონდომ მიიღო, როცა რეპროდუქცია ჩაღო ამ მისტიურ ყდაში?"

ექსპერიმენტის ჩატარება მომინდა, დაძაბული ვფიქრობდი, სად, როგორ, რანაირად განმეხიციელებინა ჩანაფიქრი... ამ იდეებითა და სურვილებით გართულმა, შემთხვევით სხვა კორიდორში შევუხვე და აღვმოვჩნდი იშვიათ გამოცემათა განყოფილების უფროსის კაბინეტთან, ქალბატონ ქეთევან ბერჟემ...ძეს, მისაღების წინ.

ამან ძალიან გამაკვირვა, თუმცა იმ წამსვე მივხვდი, რომ ამაში ნამდვილად ერია ბედისწრის ხელი, პირჯვარი გადავიწერე და წიგნით ხელში შევადე, ქალბატონ ქეთევანის კაბინეტის კარი.

იქ, დამხვდა სამოცდაათს მიტანებული სიმპატიური, ცისფერთვალეა და კენ-ცხვირიანი, საოცრი მანდილოსანი, ბოხი ხმითა და სანდომიანი ღიმილით.

- გისმენთ ახალგაზრდავ! - მომმართა მან და სათვალე გაისწორა.

- ქალბატონი ქეთევან! დედათქვენს ანგელინა, არ ერქვა? - პირდაპირ მივახალე და საკუთარი უტაქტობის შემრცხვა, - უკაცრავად, გამარჯობათ!

- დიას, ბატონო! - კვერი დამიკრა მან, და სკამზე მიმითითა, - დაბრძანდით. რაში გაინტერესებთ?

- მგონი ამას, თქვენს გარეშე ვერაფერს მოვუხერხებ! - ეშმაკური ღიმილით ვუთხარი და ზედმეტი ლაპარაკის გარეშე, წინ დავუდე გულივერის განცხადებაზე გადაშლილი წიგნი.

ქალბატონმა ქეთევანმა დახედა განცხადებას, სწრაფად გადაიკითხა. გაფითრებულმა შემომხედა, მერე ფეხზე წამოდგა და ფანჯარასთან მივიდა.

- ამ წიგნის ვეძებ უკვე სამოცი წელია!

- ალბათ, ამიტომაც მოგიტანეთ!

- სანიშნე, ხომ არ გინახავთ?

- როგორც მივხვდი, ვინც წიგნს რესტავრაცია ჩაუტარა, მან სანიშნე, აი, აქ მოაქცია! - ვუთხარი და

უკანა ყდა ვაჩვენე, რომლის შიგნით ჭიასავით დაკნაკილილი ამობურცული ადგილი ჩანდა.

- ესე იგი? - მოძალებული ემოციებისგან, ხმა აუკანკალდა ქალს, - ესე იგი, თუკი მას ამოვიღებთ, დედაჩემი დაბრუნდება?

- იმედია!.. - დავუდასტურე და დავამატე, - და ალბათ, ყველაფერი სხვანაირად იქნება!

- რას გულისხმობთ?

- წიგნებში დრო სხვანაირად მიედინება! ალბათ უნდა გაითვალისწინეთ, რომ ის ისევე ოცდაათი წლის იქნება! იქ, როგორც მივხვდი დრო არ იცვლება, თუკი ავტორს არ უწერია გავიდა ამდენი წელიო!

- ვიცი! ვიცი! - ჩაფიქრებულმა წარმოთქვა და მაგიდას მიუჯდა, შემდეგ საკანცელარიო დანა ამოიღო და ყდაში ჩამალულ ნიშნულს თითებით მოეფერა...

-შუუმ ცუქიქუე... (ყველას თავისი...)! - დაამატა ლათინურად და მკვეთრად დაუსვა დანა გაყვითლებულ ქალაღდს. გაჭრილი პირიდან, ცხენის ძუისგან დაწნული თოკი, სწრაფად ამოაძვრინა და შვებით ამოისუნთქა.

- ისაა! ის! - აღფრთვანებით წარმოთქვა ქეთევანმა, - აი, გაწყვეტილიც!

დამანახა, სახჩო პანსას მიერ გადაჭრილი ადგილი, მერე ფურცლები გადაათვალიერა და იპოვა კუნძულ ოგიგას აღწერილობა.

- "ცისკარზე, როცა სხივმოელვარე ეოსი ტითონის სარეცლიდან ადგა, რათა უკვდავთა და მოკვდავთათვის სწორად მოეფინა ნათელი, მაღალმქუხარე ზევსის გარშემო შემოკრბენ ღმერთები. ნიმფა კალიფსოს მღვიმეში დატყვევებული, მრავალჭირნახული ოდისევსი გაიხსენა ათინამ"... - ლამის ლოცვასავით წარმოთქვა ქეთევან ბერჟემ...ძემ და შეთქმულივით ამომხედა.

სუნთქვაშეკრული ველოდი იმას, თუ რა მოხდებოდა.

- "თვალცრემლიანი ოდისევსი ზღვის ნაპირზე იჯდა. სამშობლოზე ფიქრში ელეოდა მისი დღე და წუთისოფელი. თამამშვენიერ ნიმფაზე მას უკვე აღარ მისდიოდა გული, თუმცა მღვიმეში იძულებით ატარებდა ღამეს მის გვერდით"... - განაგრძო ქალბატონმა, ხელი ჩამჭიდა და ნიშნული თითზე დაიხვია.

იშვიათ გამოცემათა განყოფილების უფროსის კაბინეტი ზღვის სუნითა და ტალღების ხმაურით ივსებოდა...

# ირაკლი ლომოური

## ორშელის სპილო

(ქრონოსკოპისტის ჩანაწერებიდან)

საოცარია, მაგრამ დროში მოგზაურობის მსურველები თითქმის აღარ არიან. თუ არ ჩავთვლით მეცნიერ-ისტორიკოსებს, მაგრამ ისინიც კი თითქოს მოვალეობის მოხდის გამო დაფრინავენ წარსულში, — ნამდვილი: შმაგი, ცინცხალი, დაუოკებელი ინტერესი დაიკარგა ... არადა როგორი “ბუმქორი” გამოიწვია თავის დროზე ქრონოსკოპის გამოგონებამ! (საგანგე-

სახლება, დაშორიშორება გადაწყვიტეს, ცალ-ცალკე ისურვეს ცხოვრება — მაღლობა ღმერთს, ასათვისებელი პლანეტები საკმარისზე მეტი იყო.

რეალური კოსმოსის გაუგონარი საოცრებების ფონზე დროში ეფემერულ მოგზაურობას ხიბლი დაეკარგა. ადამიანმა დედამიწას და, შესაბამისად, კაცობრიობის წარსულში მოგზაურობის შესაძლებლობას ზურგი აქცია.

“ბუმქორის” მერე საუკუნეზე მეტი გავიდა. ახლა 2215 წელია, დედამიწაზე სამი მილიონი კაციც კი აღარ ცხოვრობს — გადარჩენილი ისტორიული ძეგლების მცველები, მეცნიერები, ტუროპერატორები, ერთი ბუჭა შერეკილები, რომლებსაც დედამიწა არ ეთმო-



ბო, ხელოვნური ტერმინიც კი შეთხზა ერთმა ჭკვიანმა ჟურნალისტმა იმ არნახული აურზაურისა და ჟივილ-ხივილის ალსანიშანავად: “ბუმი+ქრონოსკოპი+ფურორი” ) ... მაგრამ ეს ე.წ. “ბუმქორი”, დიდხანს არ გაგრძელბულა. ქრონოსკოპის გამოგონებას ეგრევე მოჰყვა გრავეტრონის გამოგონება (ორივე დრო-სივრცის სუპერგრავეტრონული თეორიის ლოგიკური შედეგი განლდათ, დეივ დოილმა რომ შეიმუშავა), რამაც ადამიანს კოსმოსის დაპყრობა-ათვისების უსაზღვრო შესაძლებლობა გადაუშალა წინ.

სინათლის სიჩქარით მოგზაურობა რეალობად იქცა (არადა, ჩვენს წინაპრებს ეს შეუძლებლად მიაჩნდათ — ბრიყვები!) და კაცობრიობაც საკმაოდ სწრაფად “გაიწოვა” — ორი თაობის სიცოცხლეში — ახალაღმოჩენილ ეკზოპლანეტებზე გადასახლდა, რომელთა რიცხვი ათასჯერ და ათიათასჯერ მეტი აღმოჩნდა, ვიდრე ოდესღაც ეგონათ. კაცობრიობის ისტორიაში ახალი ეპოქა დაიწყო. დიდმა და მცირე ერებმა გან-

ბათ, და ჩვენ — ქრონოსკოპისტები. და კიდევ, რობოტ-ანდროიდები, ანუ მომსახურე პერსონალი, მაგრამ ისინი არ ჩანან, თვალში არ გერჩივებიან. მოკლედ, საოცარი სიხალვათეა, სიწყნარე და სიჩუმე. მოწყენილობა.

დედამიწაზე ჩამომსვლელი ტურისტების რაოდენობა წლიდან წლამდე მცირდება. ეს, ალბათ, არცაა გასაკვირი — ხმელეთის დიდი ნაწილი წყალმა დაფარა მას მერე, რაც გრენლანდიაც დადნა და ანტარქტიდაც... ნიუ-იორკი, ლონდონი, ამსტერდამი, სანქტ-პეტერბურგი, მრავალი დიდი თუ მცირე ქალაქი ზღვამ შთანთქა. ზოგიერთი ქვეყანა საერთოდაც გაქრა, მაგალითად, ბანგლადეში.

ასევე არ გაამართლა მოლოდინმა, რომ კოსმოსში გადახვეწილ ადამიანს სენტიმენტალური გრძნობები წასძლევდა და სიცოცხლეში ერთხელ თუ არა, სიკვდილის მერე მაინც ესტუმრებოდა მშობლიურ პლანეტას... ანუ ანდერძად დაიბარებდა — გარდაცვლლების შემდეგ ჩემი ნეშტი (თუ ფერფლი) წინაპრების მიწას მიბარეთო (თუ მიმოაბნიეთო). გრავეტრონული ეპო-

ქის ადამიანი სენტიმენტებს თურმე მაინცდამაინც არ სწყალობს – “ველური დასავლეთის” დამყრობელთა მსგავსად, პრაგმატულ-პრაქტიკული, მიზანსწრაფული გამოდგა, ვინც წინ მიდის და უკან არ იფურება. ასე რომ, დედამიწა პანკოსმოსურ პანთეონად ვერ იქცა.

მმ, ეს “ველური დასავლეთი” რამ გამახსენა? საერთოდაც, საიდან ვიცი მის შესახებ? მე ხომ ქრონოსკოპისტი ვარ. ანუ ქრონოპილოტი... წარსულში ფრენა ჩემი საქმეა, ჩემი პროფესიაა და მოწოდებაც! სად არ ვყოფილვარ, რა აღარ მინახავს!

აღბათ, გაინტერესებთ, რატომ გიყვებით ამ ყველაფერს, რატომ ვაკეთებ ამ ჩანაწერებს? და რატომ ვაქვეყნებ სპეისნეტში? თუკი ვიცი, რომ არავინ (ან თითქმის არავინ) წაიკითხავს? მოწყენილობისგან? თავის პაროლის მიზნით? ალბათ იგივეა მაგრამ არა მკ-



წვრილმანს ხედავ, ბონაპარტის სუნთქვაც გესმის და კლეოპატრას გულის ცემაც. მოკლედ, ქრონოპლანით შეგიძლია იფრინო ნებისმიერ ეპოქაში, მოხვდე ნებისმიერ ადგილას, ნებისმიერ სიმაღლეზე, გაჩერდე ჰაერში და ღროში რამდენიც გსურს. დააკვირდე, გადაიღო, შეისწავლო. ოღონდ, დედამიწის წარსულში სამოგზაუროდ დედამიწაზე უნდა ჩამოხვიდე.

ქრონოსკოპის მართვა სულაც არაა ისეთი ადვილი, როგორც ატრაქციონის სათამაშო მანქანისა ბავშვიც რომ ახერხებდა. რადგან აღმოჩნდა, – დრო სულაც არაა მოვლენების სწორხაზოვანი, მიზანმიმართული ნაკადი, წარსულიდან მომავალში რომ მიედინება, არამედ მრავალგანზომილებიანი ქრონოპლანზე-გრაფიკურ-ბულენტური ველია, რომელიც ხანგამოშვებით უფრო ტორნადოს ან მორევს ჰგავს, ვიდრე მდორე მდინარეს. და სწორედ იმიტომ, რომ ამ ველს ჯერაც აუხსნელი და გაუგებარი გრიგალისებური “აღშფოთებანი” ახასიათებს, ღროში მოგაზურობა მთლად უსაფრთხო არაა. მართალია, გაუჩინარების შემთხვევები იშვიათია – XX საუკუნეში ავტომობილით მგზავრობა ანდა თვითმფრინავით ფრენა უფრო სარისკო იყო, ვიდრე ქრონოპლანით ცურვა ღროში, – მაგრამ მაინც ხდება. ქრონოპილოტობას ცოდნის გარდა, ნიჭიც უნდა: საგანგებო ინტუიცია, ღროის ალლო. ამიტომაც დავეწერე, რომ ეს ჩემი მოწოდებაა. სხვათა შორის, ქრონოპილოტების მსოფლიო რეიტინგში მეშვიდე პოზიციაზე ვარ, პირველ ათეულში კი, ყველაზე ახალგაზრდა, 25 წლის. ერთი სიტყვით, ტემპორიონავტიკა მხოლოდ მეცნიერება ან სპორტი კი არ არის, არამედ, ხელოვნებაცაა.

თუმცა არსებობს საფუძვლიანი იმედი, რომ ღროში ჩაკარგული ადამიანები არ დაღუპულან და ადრე თუ გვიან ჩვენს რეალობას დაუბრუნდებიან. ამიტომაც ვეძებ მამას, და მჯერა, ერთხელაც ვიპოვი, გადავარჩენ. რატომღაც მგონია, რომ ჩემი ეს ჩანაწერები ამაში დაემხმარება. მამა როგორღაც იგრძნობს და წაიკითხავს მათ პარალელურ ღრო-სივრცეში – ჩემი ტექსტის ენერგეტიკა მიიზიდავს, დაეხმარება უხილავი ქრონოტრონული კედელი გაარღვიოს.

ერთი სიტყვით, ამიტომ ავირჩიე ქრონოსკოპისტობა, არ ღავტოვე დედამიწა, გავხდი ქრონოპილოტი. 9 წლის ვიყავი, როდესაც მამა გაქრა. დედამ გამზარდა, წყალქვეშა არქეოლოგიურ კვლევით ცენტრში მუშაობდა, დაივერ-პრეპარატორად. შარშან გარდაიცვალა, გულმა უმტყუნა ალექსანდრიის გათხრებისას, ზღვის ფსკერზე.

ამბავი, რომელსაც გიყვებით, წელს მოხდა. ოფისში ვზივარ, ჩანაწერებს ვასწორებ და ვხედავ, შემოდის

ჭალარა დიდცხვირა კაცი — ხმელი, მაღალი, წვერები-ან-სათვალთან-ხელჯოხიანი. არც წვერს ატარებს ახლა ვინმე და არც სათვალეს. ხელჯოხიანი კი მართლა პირველად ვნახე XXIII საუკუნეში. მკაცრი, მუქი ნაცრისფერი, ძველმოდური კოსტიუმი (შარვალ-პიჯაკი) აცვია, ოღონდ პერანგის ნაცვლად — მაღალყელიანი სვიტერი. მოკლედ, ცოტა არ იყოს, გაოცებული შევეყურებ.

“ღაბრძანდით, სერ,” თავზიანად გავიფიქრე, შემოვიღა თუ არა. არადა, არ ჯდება. ვუყურებ, შტერივით ვუღიმი და უცებ ვამჩნევ, რომ თავზე — ჯვარედინად კეფასა და შუბლზე — უთხელესი ფერომანტიური სალტეები აქვს. “ტელეპატიური სიგნალის ბლოკატორი უკეთია!” — უცებ გამიელვა. გაოცებისგან კინაღამ პირიც კი დავაღე.

— შეიძლება დავჯდე? — ცოტა არ იყოს, უკმეხად მეკითხება ძველისველ ინტერლინგვაზე.

— დიახ, სერ, ღაბრძანდით... — ინტერლინგვაზე ვპასუხობ (“წელს სიტყვა ხმამაღლა მგონი პირველად ვთქვი”, — გამიელვა). გავუღიმი და გავაგრძელე, — სერ, მე თავიდანვე შემოგთავაზეთ, ღაბრძანდით-მეთქი, მაგრამ თურმე ბლოკატორი გქონიათ.

— დიახ, მაქვს! და არავის მივცემ უფლებას, თავში შემიძვრეს! ეგლა მაკლია! — მოხუცმა ისეთი გაგულისებით წამოიძახა, რომ მივხვდი, უთუოდ შერეკილების თემიდანაა. ოთხი ასეთი თემი ვიცი: ლხასაში, სენგოტარდზე, შენაქოსა და მანუ-პიკრუში. თუმცა, მგონი, კიდევ უნდა იყოს. ზოგიერთი შერეკილი სულაც განმარტოებით ცხოვრობს, — აქა-იქ შემორჩენილ ტყე-ღრესა თუ გამოქვაბულში. მოხუცი მოცელილივით ჩაეშვა ჰაეროვან გრავისავარძელში, ხელჯოხს სახელური წრიული მოძრაობით მოხსნა, პირთან მიიტანა, მოიყუდა და გადაჰკრა. ეს ყველაფერი ელვისებური სისწრაფით გააკეთა.

— ვისკი! — გამოაცხადა კაცმა, — ნამდვილი შოტლანდიური! მაგრამ თქვენ ამის ფასი რა იცით, ყმაწვილო!

— რატომ, სერ, შოტლანდიში ნამყოფი ვარ რამდენჯერმე.

— მართლაა? — თითქოს გაუკვირდა კაცს, — აა, თქვენ ხომ ქრონოპილოტი ხართ... კარგი, კარგი, ახლა ამის დრო არ არის. საქმეზე გადავიდეთ!

— დიახ, სერ, გისმენთ,

— ბირმა. 1936.

— უკაცრავად?

— გადამაფრინეთ ბირმაში, 1936 წელში უნდა მოვხვდე! აუცილებლად!

— ბირმაში?

— ქვეყანა იყო ინდოეთის აღმოსავლეთით. მერე მნიანმა დაარქვეს. არ გაგიგიათ?

— არა.

— მოკლედ, გადამაფრინეთ! ას კრედიტს ახლავე ჩაგირიცხავთ ანგარიშზე. მეტი ხომ არ ღირს?

— არა, მეტი არ ღაჯდება, მაგრამ დროში მოგზაურობის ნებართვა გაქვთ, სერ?

— ჰმ! — თვალები გაკვესა, ისე შემომხედა, ცოტაც და დავიფერფლებოდი.

— სერ, ტურისტის ლიცენზია გაქვთ თუ მეცნიერის?

— ყმაწვილო, აბა, შემომხედეთ, ვგავარ მე ვიღაც ვიგინდარა ტურისტს?!

ნამდვილად არ ჰგავდა. რაც გულწრფელად დავუღასტურე კიდეც.

— ქრონოპატურფილოსოფოსი ვარ! — ამაყად გამოცახდა, — ყოველი დროის, ყოველი ეპოქის ფილოსოფიური ესენციის დისტილაციაზე ვმუშაობ!

— დიდი ბოდიში? — თავზიანად გავუღიმი, — ამიხსენით თუ შეიძლება.

— აგინსნათ? ჯერ ჩემი შრომები წაიკითხეთ, ყმაწვილო, და თუ გაიგებთ, მერე ვისაუბროთ, — ჯიბიდან კრიპტოკრისტალი ამოიღო და მაგიდაზე მეფური ჟესტით დამიგლო, თითქოს უძვირფასეს ალმასს მჩუქნიდა თუ ბრილიანტს, — აი, აქაა ჩემი ნაშრომების სრული კრებული, ოცდაშვიდტომეული!

— სერ, — ფრთხილად ვეუბნები, — იქნებ ერთი მთავარი ნაშრომი დამისახელოთ, სადაც..

— არავითარ შემთხვევაში! — გამაწყვეტინა, — უნდა წაიკითხოთ ყველაფერი მიყოლებით, თავიდან ბოლომდე! წანააღმდეგ შემთხვევაში, მსჯელობის ძაფი გაწყდება და ლოგიკურ დასკვნებს ვერ გამოიტანთ!

— გიპნოგოს წავაკითხებ ძილში, — დავპირდი და კრიპტოკრისტალი უჯრაში შევინახე.

— არავითარ შემთხვევაში! ძილში და სიზმარში ათვისებული მქონდა არ მჯერა! თქვენ თვითონ უნდა წაიკითხოთ, ყმაწვილო, ფხი-ზელ-მა! რომ მართლა გაიგოთ, მექანიკურად კი არ დაიმახსოვროთ!

“ეს რა ახირებული ვინმეა” — გამიელვა. გადავწყვიტე, საუბრის თემა შემეცვალა. ვეკითხები:

— სერ, თქვენი სახელი?

— ჰერკულეს ლაიონელი.

კინაღამ გამეცინა.

— ძალიან სასიამოვნოა, სერ ჰერკულეს. მე ნიკნიკოლსონი ვარ.

— ვიცი, როგორმე! — უკმეხად მომიგლო, — ბრმა კი არა ვარ! — და თავი კელისკენ გაიქნია, სადაც

ქრონოპილოტის გოლოგრაფიული დიპლომი თითქოსდა ჰაერში ლივლივებდა.

– სერ ჰერკულეს, რა მიზანი აქვს, თქვენს მოგზაურობას? რა უნდა მოეძებნოთ?

– რა კი არა, ვინ!

– კი ბატონო, იყოს ვინ. ბირმელია?

– არა, ინგლისელი. ჯორჯ ორუელი გაგიგიათ?

– არა.

– ყმაწვილო, ეს უკვე მეტისმეტია!

– რატომ, სერ?

– იმიტომ, რომ ჯორჯ ორუელმა იხსნა ცივილიზაცია! თქვენ კი არც გაგიგიათ! სირცხვილი თქვენ! რას გასწავლიან კოსმოპილოტების აკადემიაში?

– და როგორ იხსნა, სერ?

– ოო, როგორ იხსნა! ეს მთელი პოემაა! ეს ჩემი ახალი თეორიაა! მე ვამტკიცებ რომ ყოველ ისტორიულ ეპოქას ჰყავს თავისი უხილავი, მენტალური მხსნელი! ის, რომ ჩვენ დღეს ტოტალიტარულ საზოგადოებაში არ ვცხოვრობთ, ორუელის დამსახურებაა. ამიტომ ვიკვლევ მის ცხოვრებას, ვაპირებ საკვანძო მომენტები მოვიხელოთ და გამოვწურო!

– გამოწუროთ?

– დიახ! გამოვწურო! ესენციის დასამზადად!

“ეს ჩვენი ჰერკულესი მთლად სრულ ჭკუაზეა, ნეტა?”

– გამიელვა.

– დროს ვკარგავთ, ყმაწვილო! – გამოაცხადა მოხუცმა, – დღესვე უნდა გაეფრინდეთ!

– სერ, იცით ზუსტი თარიღი? დრო-სივრცის კონკრეტული კოორდინატები? თუ თქვენთვის სულერთია, 1936 წლის რომელ თვესა და რომელ დღეს ჩავალთ ბირმაში?

– როგორაა სულერთი! მე ის დღე მჭირდება, როდესაც ორუელმა სპილო მოკლა!

– სპილო მოკლა? – დაფიქრდი, – სპილოს მკვლელობა ცივილიზაცია როგორ იხსნა? ერთობ არაცივილიზებული საქციელია.

– საქმეც ეგაა! – ჩაიცინა ჰერკულესმა, – ეგ მომენტი გარდამტეხი იყო მის ცხოვრებაში, მეტაფიზიკურად გადამწყვეტი! ამ შოკის შედეგად აეხილა თვალი, გაუნათლა გონება, იმ კაცად ჩამოყალიბდა, ვინც შემდგომ კაცობრიობა ტოტალიტარიზმის კომმარისგან იხსნა. აცრა ჩაუტარა, მენტალური აცრა!

– სერ, დიდი ბოდიში, მაგრამ საიდან იცით სპილოს მკვლელობის შესახებ?

– საიდან? აღწერა თვითონ და იქიდან! – მომიგლო და ჯიბიდან რაღაც მართუკთხა საგანი ამოიღო, გადაფურცლა.

“ბლოკნოტი! ქალაქის ბლოკნოტი!” – გამიელვა

და კინაღამ ისევ გამეცინა. XXIII საუკუნეში ქალაქის ბლოკნოტს მუზეუმში თუ ნახავ.

– თუმცა, ზეპირად ვიცი ტექსტი! ეს არც მჭირდება! – გამოაცხადა მოხუცმა, – პატარა ესეა, ექვსგვერდიანი.

– და რა წერია მაგ ესეში?

– ოო, ეს მომწონს, – მოულოდნელად გამიღიმა სერ ჰერკულესმა, – ინტერესიანი ყმაწვილი ყოფილხართ! ესე იგი, ჯერ კიდევ არის იმელი!

– რისი იმელი, სერ?

– ეს უნდა აღინიშნოს! – მოხუცმა კითხვაზე არ მიპასუხა, ხელჯოხს სახელური მოხსნა, მოიყუდა, გადაჰკრა, ისევ გაუკეთა და განაგრძო, – ჯორჯ ორუელი პოლიციელად მსახურობდა ბირმაში. ბირმა მაშინ ბრიტანეთის კოლონია იყო. ბრიტანეთის იმპერია გაგიგიათ?

– დიახ სერ, როგორ არა, დედოფალ ვიქტ...

– ეგ არაა საინტერესო! – გამაწყვეტინა მოხუცმა, – მოკლედ, პატარა ქალაქ მოულმენში, (ეს ქვედა ბირმაა), ორუელი ბევრს ეჯავრებოდა, ცხოვრებაში ერთადერთხელ ვიყავი იმდენად მნიშვნელოვანი პერსონა, რომ ეს შესაძლებელი გახდა, როგორც თავად წერს. ბირმაში, იმ პატარა ქალაქში, ევროპელები ძლიერ სძულდათ, თუმცა ეს დამოკიდებულება, თანაც, რაღაცნაირად წვრილმანი იყო.

– წვრილმანი? – ვერ გავიგე.

– დიახ. ამბოხებას ვერაფერ ბედავდა, მაგრამ თუკი, ვთქვათ, ევროპელი ქალი ბაზარში გაივლიდა, კაბაზე ჩუმად დააფურთხებდნენ ბეტელს. ეს ერთგვარი მცენარეა, რომელსაც იქაურები მუდმივად ღეჭავდნენ.

– რა საზიზღრობაა, – ჩავილაპარაკე.

– ორუელი პოლიციის ოფიცერი იყო და აბორიგენები მას ყველა შემთხვევაში დასცინოდნენ, როდესაც ეს მათთვის უსაფრთხო ჩანდა.

– პოლიციელის არ ეშინოდათ? – გამიკვირდა, – და რა შემთხვევები იყო ეგეთი?

– ვთქვათ, ფეხბურთის თამაშისას, – ამიხსნა მოხუცმა, – წააქცევდნენ ორუელს და იცინოდნენ, მსაჯი კი ამ დროს, ასევე ბირმელი, სხვაგან იყურებოდა, ვითომცდა ვერაფერი დაინახა. ეს ხშირად ხდებოდა: დაცინვა, ლანძღვა, გინება, ოღონდ უსაფრთხო დისტანციიდან. ამ მხრივ განსაკუთრებით გამოირჩეოდნენო ახალგაზრდა ბუდისტები ბერები, რომლებიც რამდენიმე ათასი იყვნენ ქალაქში. მთელი დღეები იდგნენ გზაჯვარედინზე და ევროპელებს დასცინოდნენ.

– ბუდისტები ბერები? – ისევ გამიკვირდა, – ბუდისტ ბერებზე სხვა წარმოდგენა მქონდა. მეგონა, ამ ქვეყნიური არაფერი ანტერესებდათ.



– ჰმ, – ჩაიცინა ჰერკულესმა და განაგრძო, – წარმოდგინეთ ორუელის მდგომარეობა, ერთი მხრივ, იგი მიხვდა, რომ იმპერილიზმი ბოროტებაა, გულის სიღრმეში, თეორიულად, ფარულად, ბირმელების მხარეზე იყო, მაგრამ, იმავე დროს, ბრიტანეთის იმპერიას ემსახურებოდა და იქაურები ისე აღიზიანებდნენ, რომ მზად იყო ხიშტი მუცელში ჩაეცა ღიპიანი ბირმელ-



ისთვის, მასწრად რომ იგდებდა.

– ეს უწერია?

– დიახ, მე არაფერს ვიგონებ, ყმაწვილო! თითოეულ სიტყვის სიზუსტეზე პასუხს ვაგებ! – მკაცრად, მაგრამ თან ოდნავ თეატრალურად, გამომიცხადა მოხუცმა და გააგრძელა, – მაშინ ორუელი ახალგაზრდა იყო, ნაკლებად განათლებული, როგორც თვითონვე აღიარებს, და შინაგანად, გაორებული, ვერ იტანდა იმპერიას, ხვდებოდა, რომ ბოროტებაა, მაგრამ, ამავე დროს, ვერ იტანდა ბირმელებს, რომლებიც ხელს უშლიდნენ საკუთარი მოვალეობები კეთილსინდისიერად შეესრულებინა, წესრიგი დაეცვა. იმასაც კი ვერ აცნობიერებდა, რომ ბრიტანეთის იმპერიას მალე მოეღებოდა ბოლო. ეგონა, რომ რიტისკ რაჯ (ბრიტანეთის კოლონიური მმართველობა) მარადიულია. მაგრამ ერთხელ მოხდა შემთხვევა, ერთი შეხედვით, უმნიშვნელო შემთხვევა, რომელმაც, როგორც თვითონ წერს, ირიბად ხელი შეუწყო მის გათვითცნობიერებას, იმპერიალიზმის ჭეშმარიტი არსის შეცნობას, იმ მოტივების შეცნობას, რაც დესპოტურ ხელისუფლებას ამოძრავებს.

– რა შემთხვევა, სპილოს მკვლელობა?

– დიახ, ყმაწვილო! – მოხუცმა აღმაცერად გაიღიმა და თავი დამიქნია, – ერთხელ დილით ორუელს დაურეკა პოლიციის ინსპექტორმა და უთხრა, რომ სპილო არბევს ბაზარს.

– ველური სპილო?

– არა, შინაური, მაგრამ ემართებათ ხოლმე.

– რა?

– შინაურ სპილოს აქვს პერიოდი, როდესაც აგრესიული ხდება, თითქოს გაცოფდაო. მაგ დროს ჯაჭვებით აბამენ ხოლმე. ჰოდა, თურმე ერთმა ეგეთმა სპილომ აიწყვიტა. და გაიქცა. “მაჰაუტი” (სპილოს მომთვინიერებელი) გაეკიდა, მაგრამ კვალი არასწორად აიღო და საწინააღმდეგო მხარეს წავიდა. ამ დროს სპილო თურმე ქალაქში მობრუნდა, მოკლა ძროხა, გასრისა ქოხი, შევარდა ბაზარში, მიღეწ-მოღეწა დახლები და გასაყიდად გამოტყანო ხილს მუსრი გაავლო. ხალხი, ცხადია, გაიქცა. ორუელი ცხენს მოახტა და ბაზრისკენ გააჭენა.

– თოფი წაიღო?

– დიახ, ოღონდ 44 კალიბრის ძველი “ვინჩესტერი” ჰქონდა, რომლითაც სპილოს ვერ მოკლავდა.

– და, აბა, რად უნდოდა?

– დასაშინებლად. იფიქრა, რომ ჰაერში გაისროდა და სპილო დაფრთხებოდა, გაიქცეოდა. მაგრამ როდესაც ბაზარს მიაღწია, აღმოჩნდა, რომ სპილოს მოკლა ადამიანი, ინდოელი კული (მუშა), თურმე უეცრად

თავს დაესხა ზურგიდან, ხორთუმი მოხვია და ფეხი დააბიჯა, ტალახიან მიწაში ჩასრისა.

– სპილო უწყინარი არსება მეგონა.

– არის კიდევ, – ჩაიცინა ჰერკულესმა, – სპილო სპილოა, მაგრამ თუ გაცხარდა, ცხარეა.

– ეგ ანდაზა მამაჩემისგან მახსოვს, – ჩავილაპარაკე, – ოღონდ იქ ცხვარზე იყო ლაპარაკი.

– ჯორჯიან? – უცებ მეკითხება მოხუცი.

– სერ?

– წარმოშობით ჯორჯიიდან ხომ არ იყვნენ თქვენი წინაპრები, ყმაწვილო? – სერიოზული გამოძეგვლებით მეკითხება ჰერკულესი. – კავკასიის “ჯორჯიიდან”?

– დიახ, სერ. მამა მეუბნებოდა მაგას, მახსოვს.

– ენაც ხომ არ გასწავლათ?

– არა, სერ. ენა არ ვიცი.

– მე კი მახსოვს, – აღმაცერად ჩაიცინა, – მაგრამ თითქმის აღარავინაა, ვისაც “ტკბილქართულად” ღველაპარაკებოდი.

– “ნიუ-ჯორჯიაზე” შეგიძლიათ გადასახლდეთ, – ვეუბნები, – თავის დროზე მამამ მითხრა, ძალიან ლამაზი პლანეტააო.

– არა, მე აქედან წამსვლელი არა ვარ... – ხელი ჩაიქნია მოხუცმა, კიდევ ერთხელ მოხსნა სახელური ხელჯოხს და სულმოუთქმელად დაეწაფა. ერთი წამის მერე განაგრძო, – ნოსტალგია და ეგეთი სენტიმენტები არ მაწუხებს. მე ფილოსოფოსი ვარ!

– და მერე რა მოხდა, სერ?

– მერე, ორუელმა გააგზავნა მსახური, რომ მისთვის ნამდვილი სანადირო, სპილოებზე სანადირო თოფი მოეტანა. სპილო ამ დროს, როგორც უთხრეს, ბრინჯის ნათესებში გადასულიყო და მშვიდად ძოვდა.

– და რომ არ მოეკლა, არ შეიძლებოდა?

– თოფი, პირველ რიგში, თავდაცვისთვის სჭირდებოდა. სპილოს მოკვლა სულაც არ უნდოდა. მაგრამ გაცოფებული სპილო საშიშია. შეტევაზე თუ გადმოვა, ვეღარც გაქცევი. მოკლედ, მოუტანეს თოფი და ხუთი ტყვია.

– რატომ, ხუთი?

– არ ვიცი. ასე წერს. ამ დროს მის ზურგსუკან ბირმელების ბრბო შეგროვდა. სულ ცოტა, ორი ათასი კაცი მაინც იქნებოდაო. ყვიროდნენ, ხელებს იქნევდნენ, საოცრად აღვზნებულები იყვნენ. ეს მათთვის უფასო სანახაობა იყო. “საჰიბმა” (ეს მათ ენაზე ევროპელ ბატონს ნიშნავს) სპილო უნდა მოკლას! თანაც უფასო ხორცის, სპილოს ხორცის დათრევის იმედიც ჰქონდათ. მხარზე თოფით ორუელი გაემართა იქით, სადაც სპილო უნდა ყოფილიყო, ბრბო უკან

მოჰყვებოდა. თავს იდიოტად ვგრძნობდიო, იხსენებს ორუელი. ხრეშიან გზაზე ფეხით მიდიოდა, (ცხენი დატოვა, რადგან მას გაცოფებული სპილოსი შეიძლება შეშინებოდა და აეწყვიტა) გარშემო წყლით დატბორილი ბრინჯის ველები იყო. ბირმელები ისე ახლოს მიჰყვებოდნენ, ლამისაა კეფაში ასუნთქებდნენ. იარა, იარა და გზის პირას დაინახა სპილო, რომელიც მშვიდად იდგა და ბალახს ჭამდა. დაინახა და სრულიად ცხადად გააცნობიერა, სპილო არ უნდა მოკლას.

– და მაშინ, რატომ მოკლა? – გავაწყვეტიენე.

– სწორედ ეგაა საქმე! – ხელჯოხი შემართა ჰერკულესმა, – მომისმინეთ. ყმაწვილო და გაიგებთ!

– უკაცრავად, სერ.

– დიახ. მიხვდა, არ უნდა ესროლოს. უნდა დაელოდოს, იმ სპილოს “მაჰოუტს”, რომელიც ადრე თუ გვიან მოვიდოდა და სპილოს მოარჯულებდა (მხოლოდ მას დაემორჩილებოდა). თუმცა სპილო უკვე თავისით მშვიდდებოდა. აღვზნებამ თითქმის გადაუარა. აგრესიულობის პერიოდი დასასრულს უახლოვდებოდა. ორუელი წერს, სპილო, რომელიც ბალახს ძოვდა, ძროხასავით უვნებელი ჩანდაო. ორუელმა გადაწყვიტა, იქ დარჩება, დაელოდება “მაჰოუტს”. შეხედავს, ხომ არ გაცოფდება სპილო ისევ.

– გაცოფდა?

– ნუ მაწყვეტინებთ, ყმაწვილო! არა, არ გაცოფებულა, მაგრამ იმ მომენტში, როდესაც ეს გადაწყვიტა, ორუელმა უკან მიიხიდა და ბრბო დაინახა. იმდენი იყვნენ, გზა მთლიანად ჩაეხერგათ – ტევა არ იყო. ორუელი უყურებდა ყვითელი სახეების ზღვას – აღვზნებულ, ბედნიერ სახეებს, – დარწმუნებული იყვნენ, რომ “საჰიბმა” სპილოს მოკლავს და სიამოვნების მოლოდინში წინასწარ ილოკავდნენ ტუჩებს. ისე უყურებდნენ, როგორც ილუზიონისტს, რომელმაც საოცარი ფოკუსი უნდა აჩვენოს. მათ ორუელი სძულდათ, მაგრამ თოფით ხელში მათი ყურადღების ღირსი გახდა. და უცებ ორუელმა გააცნობიერა, სპილო უნდა მოკლას. მოუწევს!

– რატომ? ხომ არ უნდოდა მოკვლა? ხომ მშვიდად იყო სპილო? არ გაცოფებულა?

– საქმეც ისაა, რომ იქაურები ელოდნენ, მოკლავს და ამიტომ უნდა მოეკლა, ვალდებული იყო, მოეკლა. ორი ათასი ყვითელკანიანის ნება უბიძგებდა, აიძულებდა გაესროლა. და სწორედ იმ მომენტში გააცნობიერა ორუელმა აღმოსავლეთში თეთრკანიანი ადამიანის ბატონობის მთელი ამაოება და უაზრობა. ევროპელი დგას თოფით ხელში უიარალო აბორიგენების წინაშე – თითქოს იგია ამ დრამის მთავარი გმირი, მაგრამ, სინამდვილეში, მხოლოდდამხოლოდ მარიონე-

ტია, რომლის ნებას ყვითელკანიანთა ბრბო წარმართავს. და მაშინ მიხვდა, როდესაც თეთრკანიანი ადამიანი ხდება ტირანი, იგი საკუთარ თავსუფლებას სპობს და ანადგურებს. “საჰიბი” მარიონეტის ფუტურო, პირობით ფიგურად იქცევა. რადგან მისი მმართველობის წინაპირობაა ისე ცხოვრება, აბორიგენებზე მუდმივად შთბეჭდილებას რომ ახდენდეს, და ყოველ კრიზისულ სიტუაციაში ისე იქცეოდეს, როგორც ამას მისგან ადგილობრივები ელიან. იგი ნიდაბს ატარებს და ნიდაბი მის სახედ იქცევა. ორუელი ვალდებული იყო სპილო მოეკლა, რადგან თოფი მოატანინა. “საჰიბი” ისე უნდა მოქმედებდეს, როგორც “საჰიბს” შეჰფერის, უნდა იყოს მტკიცე და უდრეკი. მას მერე, რაც თოფით ხელში, ბრბოსთან ერთად გაიარა გზა, იპოვა სპილო, უკან დახევა აღარ შეეძლო. ეს სრულიად წარმოუდგენელი გახლდათ. ბრბო დასცინებდა, აბუჩად აიგდებდა. არადა, მთელი მისი ცხოვრება, ყოველი თეთრკანიანის ცხოვრება გამუდმებული ბრძოლა იყო იმისთვის, დასაცინი რომ არ გამხდარიყო.

– და მხოლოდ მაგიტომ მოკლა? – ეჭვით ვიკითხე.

– დიას. სხვა გზა არ ჰქონდა. იძულებული გახდა. გადატენა თოფი (გერმანული წარმოების, ოპტიკურ-სამიზნისანი, ჩინებული თოფი ჰქონდა) დაუმიზნა და ესროლა. ბრბოს ბედნიერი შემახილი აღმოხდა, როგორც იქნა, ეღირსათ სანახაობა!

– რა მარაზშია! – ჩავიბურტყუნე.

– “მარაზში”? საიდან იცით ეგ სიტყვა, ყმაწვილო? აღარავინ ხმარობს. – მოხუცმა ინტერესით გამოძახა.

– მამაჩემი ხმარობდა. ჩამრჩა.

– მწერალი იყო, თქვით, მგონი? მოვძებნი სპეის-ნეტში მის რომანებს. რა ერქვა?

– ნიკ ნიკოლსონ-უფროსი. თუმცა ზოგჯერ ასეც აწერდა: “ნიკა ნიკოლაძე”.

– ოკ. დავიმასსოვრებ. როდის გავფრინდებით?

– ალბათ, ხვალ. დღეს არ გამოვა, XX საუკუნის 30-40-იანი წლებს ქრონოტაიფუნმა გადაურა. ეს, რასაკვირველია, პირობითი გამოთქმაა, უბრალოდ, ადამიანს რომ მივახვედროთ, რაზეა ლაპარაკი, ამიტომ ვამბობთ ასე. მაგრამ ხვალ, წესით, უკვე უნდა გამოიდროვოს. პროგნოზს თუ დავუჯერებთ. იმ

საღამოს ორუელზე სრული და ამომწურავი ინფორმაცია მოვძებნე სპეისნეტში, ეგ ესეც წავიკითხე – “შპოოტინგ ან ლეპკანტ” – მერე კი ძილში, ვიპნოგოგის მეშვეობით, “ცხოველთა ფერმა” და “1984” შევითვისე.

მეორე დღეს, მართლაც გამოიდროვა. ბატონი

ჰერკულესი ზუტად 12 საათზე მობრძანდა. ამჯერად ხაკისფერი, მრავლობითობიანი, მრავლობითელვამესაკრავიანი კომბინეზონი ეცვა, ზურგზე მოძცრო ჩანთა ეკიდა. მხარზე კი – ჰოლოგრაფიული კამერა. მივესალმეთ ერთმანეთს, ბოქსიდან ქრონოპლანი გამოვიყვანე, ჩავსხედით. ღილაკს დავაჭირე, კვაზიენერგოველი აკაკსადა და უცებ დაბნელდა. წარსულში გავფრინდით.

ციფრები დისპლეიზე წარმოუდგენელი სისწრაფით ცვლიდნენ ერთმანეთს. ათვლა, ბუნებრივია, 2215 წლიდან დაიწყო და დროში უკან წავიდა. სიბნელე ხანგამოშვებით საოცრად ხასხასა და კაშკაშა, თვალსიმომჭრელი ფერადი ზოლებით იცვლებოდა, თითქოს უცხო სამყაროს ფერების უსასრულო, მაგრამ თანაც ნაფლეთ-ნაფლეთი, წყვეტილი სპექტრიაო, – ფერების, რომელთაც ადამიანთა ენაზე სახელი არ გააჩნიათ... მეოცე საუკუნის 60-იან წლებს როცა მივუახლოვდით, სიჩქარეს ვუკელი, ფერადი ზოლებიც უფრო ღილხანს იდგა ჩვენს თვალწინ, უფრო ნელა იცვლებოდა. მივაღექით 1936 წელს.

– თვე მითხრით, – ვეუბნები ჰერკულესს. მანამდე სრულ სიჩქარეში მივფრინავდით.

– სექტემბერი. – მოკლედ მომიგო.

– რიცხვი?

– ზუტად არ ვიცი, ჩემი ვარაუდით, თვის ბოლო დეკადა უნდა იყოს.

ღილხანს ვეწვალე, მაგრამ, ბოლოს და ბოლოს მივაგენი ქვედა ბირმასაც, ქალაქ მოულმენსაც და იმ დღესაც. სხვათა შორის, 5 ოქტომბერი აღმოჩნდა.

ორუელი, ცოტა არ იყოს, სევდიანი თუ მელანქოლიური გამომეტყველების მქონე მაღალი, გამხდარი წაგრძელებულსახიანი კაცი აღმოჩნდა. ყველაფერი ზუსტად ისე ხდებოდა, როგორც სერ ჰერკულსმა მომიყვა და როგორც ესეში ეწერა. და, აი მივაღექით გადამწვევტ მომენტს. ორუელმა თოფი მხარზე მიიღო, დაუმიზნა. ვეება სპილო გვერდულად იდგა, ბალასს ბლუჯობით წყვეტდა ხორთუმით, მუხლზე იბერტყავდა, მიწისგან რომ გაეწმინდა, და ხასხაში უშვებდა. დროდადრო ყურებს აპარტყუნებდა. სრულიად მშვიდი იყო, უწყინარი, არავის და არაფერს აქცევდა ყურადღებას, სერიოზული საქმით იყო დაკავებული. პაუზა წარმოუდგენლად გაიწვია. ბირმელებსაც და ჩვენც სუნთქვა შეგვეკრა. აი, ახლა იქუსებს, აი, ახლა. და უცებ სრულიად მოულოდნელი რამ მოხდა – ბრბო ყვრილით გაარღვია ვიდაც გრძელჯოხიანმა გამხდარმა კაცმა და ორუელს გადაუდგა, თოფის ლულა მკერდზე მიეჭინა.

ორუელმა თავი სასწაულად შეიკავა, სასხლელტს

რომ არ გამოჰკრა. წამის მესამედილა რჩებოდა. თოფი მოწყვეტით დაუშვა და გაგულისებით შეჰყვირა ინგლისურად: "გაგიჟდი?! რას აკეთებ?! ვინ ხარ?!" კაცმა ლამისაა განწირული ხმით უპასუხა: "მაჰაუტი ვარ, მაჰაუტი!" და სპილოსკენ გაიქცა. იმავე წამს ბრბომ უკმაყოფილოდ იდრიალა, ლანძღვა-გინება და სტვენა მორთო. სანახაობაც ჩაეშალათ და მუქთა ხორცის დათრევის შანსიც დაეკარგათ.

დილაკს ხელი დავაჭირე, დრო გავაჩერე და ჰერკულესს მივუბრუნდი:

– სერ, ეს რას ნიშნავს?

მოხუცმა პირი დააღო. რაღაცის თქმა უნდოდა, მაგრამ ვერაფერი მოიფიქრა. ნაპირზე ამოგდებული თევზივით უხმოდ ამოძრავებდა ყბებს. მერე თავი ენერგიულად გააქნია, ხელჯოხს დასწვდა, სახელური მოხსნა, ზორბა ყლუპი გააკეთა, ჩაისუნთქა, ამოისუნთა და მითხრა:

– არ ვიცი. იქნებ პარალელურ სამყაროში მოვხვდით?

– არა, სერ, ნამდვილად ჩვენს სამყაროში ვართ, ჩვენი დრო-სივრცის კო-მტინუმი. – ვეუბნები ხისტად, – აი, შეხედეთ, ტემპორონავიგატორი ზუსტ კოორდინატებს აჩვენებს.

– მაშინ არ ვიცი, – ხელები უმწეოდ გამალა.

დილაკს დავაჭირე. დრო დაიძრა. ვუყურეთ, როგორ მისცა "მაჰაუტმა" სპილოს რაღაც თეთრი – ალბათ, ნატეხი შაქარი, – როგორ უბრძანა რაღაც, როგორ დაიჩქარა მის წინ სპილომ, როგორ შეახტა "მაჰაუტი" და ქედზე მოაჯდა. სპილო ნელა წამოიძარა და ტაატ-ტაატით გაგვშორდა. ამასობაში ბრბოც დაიშალა, ორუელმა თოფი მსახურს გადასცა და გატრიალდა, წასვლა დააპირა.

დრო კიდევ ერთხელ გავაჩერე. უფრო ზუსტად დროის კონკრეტულ მომენტში დავეკიდეთ უძრავად.

– ესე იგი, რა გამოდის, სერ, ორუელს სპილო არ მოუკლავს?

მოხუცმა არაფერი მიპასუხა. მხრები აიჩეჩა და რატომღაც შუბლზე მოისვა მარჯვენა. მერე კი მითხრა:

– არა, არ მჯერა, რომ გამოიგონა სპილოს მკვლელობა.

– რატომ არ გჯერათ? მწერალი იმის მწერალია,

რომ რასაც უნდა, იმას გამოიგონებს.

– არა, ისე აქვს აღწერილი სპილოს აგონია, ამას ვერ გამოიგონებდა. ეს უნდა ენახა. სხვანაირად ვერ დაწერდა!

– სერ, თქვენ ადამიანის ფანტაზიას, ეტყობა, სათანადოდ ვერ აფასებთ.

– არა! არა და არა! – პატარა ჯიუტი ბავშვივით გააქნია თავი ჰერკულესმა. – არა, როგორმე უნდა დაველაპარაკოთ ორუელს. უნდა გავარკვიო!

– როგორ უნდა დაველაპარაკოთ? ეს სასტიკადაა აკრძალული. წარსულში ჩარევა კატასტროფულ შედეგებს გამოიწვევს. მაგრამ, რაც მთავარია, ეს ფიზიკურადაც შეუძლებელია.

– ფიზიკურად კი, მესმის, შეუძლებელია, – დაფიქრებით ჩაილაპარაკა მოხუცმა, – მაგრამ იქნებ ფიზიკურადაა შესაძლებელი?

– კი მაგრამ, სერ, თქვენ ხომ პრინციპულად წინააღმდეგი ხართ ვინმე შემოღწევას თქვენს გონებაში. ბლოკატორიც დაიყენეთ. ახლა კი ორუელის გონებაში გსურთ შეღწევა?

– ეს. . . ეს მეცნიერებას სჭირდება! ჩემს თეორიას ვერ ავაგებ, თუკი სიმართლე არ მეცოდინება! ესენციას ვერ გამოვადნობ! უნდა გავიგო, ნამდვილად მოხდა ეს თუ არ მოხდა!

– და როგორ გაიგებთ?

– ხომ შეიძლება, ორუელის გონებაში შევალწიოთ, როდესაც დაიძინებს? ჩავაგონოთ, რომ სიზმარშია, დაველაპარაკოთ! ეს ხომ შესაძლებელია თეორიულად? მე ეს სპეციალურად გავარკვიე. მონსეზანის მონოგრაფიაც კი წავიკითხე – "ტემპორალურ-ვირტუალური მოგზაურობის რეალური ასპექტები".

ცოტა არ იყოს, გაკვირვებულმა შევხედე:

– სერ, მე მეგონა, თქვენ არაფერი იცოდით ტემპორონავტიკის შესახებ. ეგ ნაშრომი ჩვენი კლასიკაა. მაგრამ თუ ეგ წიგნი წაიკითხეთ, მით უფრო ცხადი იქნება თქვენთვის, რომ მსგავსი რაღაცის გაკეთება სასტიკად აკალებულია!

– კანონები იმისთვის იწერება, ფილოსოფოსმა რომ დაარღვიოს!

– ეგ ვისი ბრძნული გამონათქვამია, სერ? პლატონის?

– პლატონიც კი არა, ჩემი! – ეწყინა მოხუცს, –



ჩემი, ჰერკულეს ლაონელის!

ბევრი რომ აღარ გავაგრძელო, დავთანხმდი. თუმცა ბოლოს და ბოლოს, რატომ დავთანხმდი, იმ ახირებულ ფილოსოფოსისთვის არ გამომხელია. საქმე ის იყო, რომ გამიელვა, შესაძლოა, ამ ექსპერიმენტის შედეგად პარალელური სამყაროების შესახებ ისეთი რაღაცა გავიგო-მეთქი, რაც მამაჩემის პოვნაში დამეხმარებოდა.

მოკლედ, გაყვევით წარსული დრო-სივრცის ზიგზაგურ, დაკლაკნილ მრავალაგზომილებიან დინებას, ისევ ვიპოვეთ ორუელი და როდესაც დაიძინა, მიმართული, ფოკუსირებულ კონცენტრირებული ტელეპათიური სიგნალი გავუგზავნე: "სერ, კითხვა მაქვს!"

ორუელის საძინებელში ბნელოდა, მაგრამ ღამის ხედვის აპატარში დავინახე, როგორ შეიშმუნა. თუმცა არ გავიძებნა. რამდენიმე წამი ვაცალე და ფრთხილად გავიფიქრე, ოღონდ მის გონებაში. "სერ ჯორჯ..." "ვინ ხართ?" – შეშფოთდა, "მე თქვენი სიზმარი ვარ, მომავლიდან მოსული სიზმარი..." პაუზა. (ამ დროს ჩვენი დიალოგი მონიტორზე იწერებოდა, ჰერკულესს რომ სცოდნოდა, რას ვამბობთ, უფრო სწორად კი, რას ვფიქრობთ). "და რა გნებავთ. მომავლიდან მოსულო სიზმარი?" – თითქმის მშვიდად, აუღელვებლად, ინტერესით მეკითხება ორუელი. "სერ, თქვენ ხომ არ გინდოდათ სპილოს მოკვლა?" პაუზა. "რა თქმა უნდა, არ მინდოდა, გულზე მომეშვა, როდესაც მაჰაუტი გამოჩნდა." – მპასუხობს. "მსგავსი შემთხვევა სხვა დროს გექონიათ, სერ?" "არა, რასაკვირველია არა." "და მომავლაში რომ განმეორდეს მსგავსი სიტუაცია, როგორ მოიტყვევით, სერ?" – ცოტა არ იყოს, სულელური კითხვა დავუსვი. "მომავალში მსგავსი სიტუაცია ვეღარ განმეორდება, რადგან დღეს გადავწყვიტე, პოლიციაში სამსახურს და ბირმას დავემშვიდობო, ლონდონში ვბრუნდები". პაუზა. "სერ, თქვენ მე არ დამიჯერებთ, რადგან სიზმარი ვარ." – ფრთხილად დავიწყე. "და რა გქვიათ?" – გამაწყვეტინა. "სიზმარა დამიძახეთ, 'დრიიმი'..." – ვპასუხობ გონებაში. "დემონი ხართ, დრიიმი?" – უშიშრად მეკითხება. "არა, სერ, ადამიანი ვარ, ოღონდ მომავლიდან მოსული, ოღონდ, სინამდვილეში, გესიზმრებთ." "ნუ ცრუობთ, დრიიმი... ეს სიზმარი არაა. ესე იგი, უელსის ოცნება ახდა? დროში მოგზაურობა შესაძლებელია?" "გარკვეულწილად შესაძლებელია, ოღონდ ეფემერულად, არამატერიალურად, სერ." პაუზა. "და რა გნებავთ ჩემგან, დრიიმი?" "სერ, თქვენ ძალიან ცნობილი მწერალი გახდებით და დაწერთ ესეიგი დღევანდელი შემთხვევის შესახებ, დაწერთ, რომ სპილო მოკალით". პაუზა. "მწერალი? ცნობილი მწერალი? მ, ცოტა უცნ-


აურია ამის გაგება. თუმცა კი, სასიამოვნო. და რატომ დავწერ, რომ მოკალი, როცა არ მომიკლავს?" "შეცევ მაინტერესებს, სერ!" "მე არ მინდოდა სპილოს მოკვლა, მადლობა ღმერთს, გადავრჩი ამას, მაჰაუტმა მომისწრო." პაუზა. "სერ, ერთი ფილოსოფოსია ჩემს გვერდით, ვერაფრით დაუჯერებია, რომ არ გინახავთ სპილოს აგონია, რომ მისი მოკვლის სცენა უბრალოდ გამოიგონეთ. იქნებ სხვის მიერ მონადირებული სპილოს აგონია გაქვთ ნახა?" "არა, მსგავსი არაფერი მინახავს. და არც წამიკითხავს. დრიიმი, შეგიძლიათ წამიკითხოთ, რას დავწერ სპილოს აგონიაზე?" "წავიკითხოთ? მმ, რატომაც არა, სერ, ერთი წამით!" ესეიგი ტექსტი დისპლეიზე გავშალე, საჭირო ფრაგმენტი მოვებნე და დავიწყე კითხვა, თანაც ორუელს ტელეპათიურად გადავცემდი:

"როდესაც ჩახმასს თითი გამოვკარი, გასროლის ხმა არ გამოვიდა და არც კონდახის უკუგება მიგვრძნია, – ასე ხდება ყოველთვის, მიზანში როცა ახვედრებ, – მაგრამ გავიგონე ჯოჯოხეთური ღრიალი, რომელიც ბრბოს აღმოხდა. და იმავე წამს, რომელიც, კაცმა რომ თქვას, მეტისმეტად ხანმოკლე იყო იმისთვისაც კი, ტყვია მიზანს რომ მისწვდომოდა, სპილოს გასაოცარი, გაუგებარი მეტამორფოზა დაემართა. არ განძრეულა, არ დავარდნილა, მაგრამ მისი სხეულის ყველა ხაზი, ყველა კონტური უცებ შეიცვალა, სხვანაირი გახდა, ვიდრე იყო ერთი წამის წინ. სპილო უცებ დაჩაბიჩადა, დაბეჩავდა, წარმოუდგენლად დაბერდა, თითქოს ტყვიასთან საზარელმა კონტაქტმა მისი პარალიზება გამოიწვია, თუმცა მიწაზე არ დაუგდია. ბოლოს, – მეგონა, დიდი დრო გავიდა, არადა, ხუთ წამზე მეტი არ იქნებოდა გასული, – მთელი სხეული მომჩვარა და მუხლებზე დაეცა. პირიდან ღუფი წამოუვიდა. საზარლად დამაბუნდა და მოფახფახდა. იფიქრებდი, რამდენიმე ათასი წლისააო. ისევ ვესროლე იმავე ადგილას. მეორე გასროლის შემდეგაც არ დაცემულა, პირიქით, წამოდგა, წარმოუდგენლად ნელა, და გაჭირვებით გასწორდა. მუხლები ეკეცებოდა. თავი უვარდებოდა. მესამეჯერ ვესროლე. ამ გასროლამ ბოლო მოუღო. ეტყობოდა, რომ აგონიაშია, მთელი სხეულით ცახცახებდა და უკანასკნელ ძალას კარგავდა. თუმცა მიწაზე დაცემის მომენტშიც კი ისე ჩანდა, თითქოს შეეცადა, წამომდგარიყო. უკანა ფეხები მოეკვეთა, უკანა ფეხებზე დაეცა, გვერდებოდა, კლდესავით წამოიმართაო, ხორთუმი მაღლა ასწია, ვერტიკალურად, ხესავით. პირველად და უკანასკნელად ამოუშვა დაუღული ბლავილი. მერე კი მიწას დაენარცხა, მუცლით ჩემსკენ. ისეთი ხმაურით, ისეთი ძალით, მიწა თითქოს იქაც კი აზანზარდა, სადაც

ჩაწოლილი ვიყავი თოფით ხელში”.

“ეს მე დავწერე? დღევანდელ შემთხვევაზე?” – დაფიქრდა ორუელი. “სერ, ჯერ არ დავიწერიათ, მაგრამ, დაწერო. და კიდევ ძალიან მაგარ რაღაცებს დაწერო, “ცხოველების ფერმას” და რომანს “1984”, რომელსაც თავიდან დაარქმევთ “უკანასკნელი ევროპელი,” – პატარა ბავშვივით ავტიტინდი გონებაში. პაუზა. “და რატომ მეუბნებით ამ ყველაფერს, დრიიმი?” პაუზა. დაფიქრდა. “სერ, მინდა რომ ჩემს სამყაროში იყოს ეს წიგნები. ვერ ავიტან იმას, თუ დავბრუნდი და აღმოჩნდა, არავითარი მწერალი ორუელი არ არსებობს!” – წამოვროშე, რასაც ჰქვია. პაუზა. “და განა ეს შესაძლებელია, დრიიმი? თუკი თქვენს დროში ჩემი წიგნები უკვე არსებობს, სად წავა? როგორ გაქრება?” პაუზა. “არ ვიცი, სერ, მეშინია, რომ ჩემს სამყაროში დავბრუნდები და სხვა, პარალელურ სამყაროში აღმოვჩნდები” პაუზა. “და ასეთი რამ შესაძლებელია, დრიიმი? “არ ვიცი, სერ, XXIII საუკუნეში ყველაფერი შესაძლებელია. დრო თქვენი სპილოსავით გაცოფდა და არ ვიცი, როდის დაწყნარდება. ანკი დაწყნარდება საერთოდ?”

უცებ ტემპორონავიგატორმა მანიშნა, რომ ქრონომორვეს ვუახლოვდებით. მართალია, მიკროსკოპული იყო ზომით, მაგრამ თუ ჩავითრევს, ვეღარც ამოაღწევსასწრაფოდ, დაუმშვიდობებლად გავწყვიტე ტელეპათიური საუბარი, ღილაკს ხელი დავაჭირე და ტუმბლერი ბოლომდე გადავწიე. მაქსიმალური სიჩქარე



ავკრიფეთ, შეგვაქანა. ქრონოპლანი მართლა ატრაქციონის კაბინას დაემსგავსა, – იყო ეგეთი გასართობი, დიდ სიმაღლეზე აგიყვანდნენ და მერე უფსკრულში გადაგავლებდნენ. აი, ასეთივე შეგრძნება დაგვეუფლა, სადღაც მივქროდით, ვვარდებოდით, ვყირავდებოდით და ეს ხან უკუნ სიბნელეში ხდებოდა, ხანაც ისეთ ლაჟღაჟა ფერებსა და ფორმებში, გვეგონებოდა, გიგანტურ კალეიდოსკოპში მოვხვდით, რომელსაც არც თავი აქვს და არც ბოლო.

გამოვალწიეთ. ჰოპ და, ისევ ჩემს ოფისში ვართ. საათს გავხედე კედელზე. ერთი წუთიც არ გასულიყო ჩვენი გამგზავრებიდან. ქრონოპლანის საათის მიხედვით კი, თითქმის მთელი დღე მოგზაურობაში გავვითარებია. უცებ ვიგრძენი, საოცრად დაღლილი ვარ და – მშოა! წარსულში მოგზაურობისას საჭმელი არც კი გამხსენებია, მაგრამ ახლა ისეთი შიმშილი ვიგრძენი, სპილოს გადავსანსლავდი. ჰერკულესს გავხედე. თვალდახუჭული, გაუნძრევლად იჯდა. იფიქრებდი, ჩათვლიდაო.

– სერ, მოვედით! სახლში ვართ! გაიღვიძეთ!

თვალი გაახილა, თავი გააქანა და პატარა დამფრთხალი ბავშვივით იკითხა:

– სადა ვარ?

– სახლში ვართ, დამშვიდდით, სერ. ყველაფერი კარგადაა!

– რა არის კარგად?! ვერაფერიც ვერ გავიგეთ! რა აზრი ჰქონდა ამ ყველაფერს?! – გაგულიანებით წამოიძახა ჰერკულესმა. ქრონოპლანში ხელი მოაფათურა, ხელჯონი ამოიღო, სახელური ისე მოხსნა, არც შეუხედავს, გადაჰკრა, ჩაისუნთქა, ამოისუნთქა და გააგრძელა, – ჯობდა საერთოდაც არ მოვსულიყავი აქ! სრული კრახი! კრახი!

წამოდგა, ქრონოპლანიდან გადავიდა და კარებისკენ დაუმშვიდობებლად წაბანცალდა.

– სერ, ერთი წამით! – გავაჩერე.

– რა გნებავთ, ყმაწვილო? – მობრუნდა.

– სერ, პატარა ექსპერიმენტი ჩავატარე... მართალია, ვერ გავიგეთ, ნამდვილად მოხდა, რაც ორუელმა აღწერა, თუ გამოიგონა, მაგრამ ახლა გვაქვს საშუალება გავარკვიოთ, იცვლება თუ არა მომავალი წარსულში ვირტუალური ჩარევის შედეგად.

– ექსპერიმენტი? რა ექსპერიმენტი?!

– როდესაც ორუელს მის დაწერილს, უფრო სწორად, მომავალში დასაწერ ტექსტს ვუკითხავდი, ერთი სიტყვა დავუმატე.

– რა სიტყვა? რატომ?

– თოფი. “მიწა თითქოს იქაც კი აზანზარდა, სადაც ჩაწოლილი ვიყავი თოფით ხელში”. “...წიგნ ა

ცრასპ ტჰატ სეემედ ტო სჰაკე ტჰე გროუნდ ევენ წჰერე I ლაყ.” ანუ “თოფით ხელში” ორუელის ტექსტში არ არის. მე დავუმატე ბოლო მომენტში. თუკი ახლა გავხსნით ტექსტს და იქ ეს ორი სიტყვა აღმოჩნდება, ცხადი გახდება, რომ ორუელმა ის დაწერა, რაც ვუკარნახე.

– მმ, ვნახოთ, ვნახოთ! – დაინტერესდა ჰერკულესი. ამოიღო ბლოკნოტი, სადაც თავისი ხელით (ხელით!) ჰქონდა ესეც ტექსტი გადაწერილი. მოძებნა, ჩაიკითხა – არა, არავითარი “თოფი” არაა!

ამასობაში მეც გავხსენი ეკრანზე ესეც ტექსტი. “თოფით ხელში”. მართლაც არ ეწერა.

– კიდევ კარგი! – შვებით ამოვისუნთქე, – თორემ გამოვიდოდა, რომ მომავალი შეეცვალე!

– დიდი წარმოდგენა გაქვთ საკუთარ თავზე, ყმაწვილო! რისი შემცვლელი ხართ? აი, მე, სულ სხვა საქმეა!... ევრიკა! იდეა მომივიდა! გენიალური! მართალია, ჩვენს დღევანდელ გასეირნებას არავითარი პოზიტიური შედეგი არ მოჰყოლია, პირიქით ახალი თავსატეხი გამიჩინა, სად ნახა ორუელმა მომაკვდავი სპილო, როდესაც სპილო სალ-სალამათი დარჩა.

– ჩვენ ვუკარნახეთ, – ჩავურთე.

– გინდათ თქვათ, წარსულში რომ არ ჩასულიყავით და ეს ციტატა არ წაგვეკითხა, ორუელი არ დაწერდა, როგორ მოკლა სპილო? მაგრამ ეს ხომ პარადოქსია! თუ ჩვენ დავაწერინეთ, მაშინ რამ გააჩინა ეგ ტექსტი მანამ, სანამ წარსულში გავემზავრებოდით?

– სერ, იქნებ დუბლირება ხდება? იქნებ ერთ-ერთ პარალელურ სამყაროში მართლა მოკლა სპილო, დაწერა ამის შესახებ და ის ტექსტი, რაღაც მანქანებით მოხვდა ჩვენს სამყაროში, სადაც არ მოუკლავს სპილო?

– რაღაც მანქანებით! – გამომაჯავრა მოხუცმა, – დედაბერივით მსჯელობთ, ყმაწვილო, დედაბერივით!.. თქვენგან არც ექსპერიმენტატორი გამოვა და არც ნამდვილი მეცნიერი! არა, იმედი არ გქონდეთ!

– რატომ. სერ?

– რატომ და იმიტომ, რომ ცნობისწადილი გაკლიათ! თქვენ უნდა იყოთ ის, რაც ხართ, ანუ მძლოლი. პილოტი!... უნდა მომემსახუროთ! იდეა მაქვს გენიალური! წარსულში გაფურენა ისევ მოგვიწევს! უახლოეს ხანში! მზად ხართ, ყმაწვილო, რომ გადაამაფრინოთ?

– სადაც მეტყვით და როცა მეტყვით, სერ!

– ძალიან კარგი. ახლა კი გენიალური იდეის ინკუბაციაზე ვიმუშაოთ! – თქვა და კარებისკენ გადადგა ნაბიჯი.

– სერ, ერთი კითხვა მაქვს, თქვენი აზრით, რატომ მაკლია ცნობისწადილი?

– რატომ, ყმაწვილო, და იმიტომ, რომ ერთხელაც არ დაინტერესდით, როგორია ჩემი ვისკი! ერთხელაც არ მთხოვეთ, გამასინჯეო!

დამანშავესავით გაუღიმიე. აბა, რა უნდა მეთქვა? ხომ არ ვეტყოდი, გულში რას ვფიქრობდი ყოველჯერზე, როდესაც გადაჰკრავდა ხოლმე.

“რა ჟმოტია, რა ჟმოტი!”



## ნათია როსტიაშვილი

ღმერთს

მზე ღარჩა ჩართული

მზე აჭერს უბედურად. ღღისითაც და ღამითაც. თუმცა, საღააა ღამე?..

გაუნძრევლად წვანან. თემო გვერდზეა გადატრიალებული. მის ბურგს უკან სიცხისგან მისავათებული თეო წევს გულაღმა. ოღნავ განზე გაწეული ხელებიც გულაღმა უწყვია, ანუ ხელისგულებით ზემოთ. შუშის თვალებით მისჩერებია

ჭალს, რომელმაც თეოს თვალებისფერი შუშის მძივებია ჩამოკონწიალებული.

– რა გახდა ერთი ხეირიანი ასგროლოგი ან ღმერთი?! ან, რა ვიცი, ვინმე ციურ სხეულთა სპეციალისტი? – ჩუმად თქვა თეომ.

– ციურ სხეულთა სპეციალისტი არა, მეიხგიობავრე...

თემო საწოლიდან ადგა, მიხურული სარკმლის ღრიჭოში გარჭობილი სიგარეტი ფრთხილად გამოაცურა, დახედა და ისევ ღრიჭოში დააბრუნა.

– მოეკიდა?

ჭალისთვის თვალი არ მოუცილებია, ისე ჰკითხა



თეომ.

– ნწ... იცი, როგორი რამეა?

– რა, სიგარეტი?

– ოოო... მზებზე ვაბობ.

– ...

– აი, შენ რომ გამზე ქვას დგამ და მემობლებში გადიხარ...

– მილიონი წელია, მემობელთან არ გავსულვარ.

– ასაკის დაკონკრეტება საჭირო არ იყო.

– შენზე ათას ერთი ღამით ახალგაზრდა მაინც ვარ.

– შენ არ გესმის... პრობლემის ანალიზი გვეხმარება. შეიძლება პრობლემის მოგვარებაში არაა, მაგრამ რაღაცაში გვეხმარება, ხვდები? შიშის დაძლევაში, დროის გაყვანაში... მოკლედ, შენთვის გასაგებად რომ ავხსნა, ასეა: როგორც შენ, პირობითად, მემობელთან გადიხარ და ჩართულ გამზე ქვაბი გრჩება, ეგრე გავიდა ღმერთი და მზე ჩართული დარჩა.

– ხვდები, რომ სისულელე თქვი?

თეომ არაფერი უპასუხა. ეს ჩხუბიც მობებრდა უკვე. რაღაცნაირად აღარ გამოდის. ცოლად რომ მოიყვანა, ურთიერთობა კარგად აეწყოთ. ან იქნებ პირიქით, ურთიერთობა ისე კარგად აეწყოთ, რომ ცოლად მოიყვანა. მერე თითქოს ველარ უგებდნენ ერთმანეთს. ეგ კი მუსგად ახსოვს, რომ ვერგაგების ამბავი მას შემდეგ იყო, რაც ცოლად მოიყვანა.

„კონფლიქტსაც ისევე სჭირდება ორივე მხრიდან ხელშეწყობა, როგორც ურთიერთშეთანხმებას, – ფიქრობდა თეომ, – თავიდან გამოგვიოდა, მუსგად ვიცოდით, როგორ შეგვეძლო ერთმანეთის გაცოფება. ახლა ველარ ვეწყობით. მუსგად არ ვიცით, რა არ გვესიამოვნება ერთმანეთისგან“.

მზე მღვარგადასულად ვარვარებს. რაღაც ვერაა რიგზე. გარეთ მხოლოდ თვითმკვლელები გადიან.

„სიყვარულით გართობა მოგვებრდა, ჩხუბი აღარ გამოგვდის, ასანთი და მაჟიგალკა გამოვცალეთ. რა ვაკეთოთ? ახლა გაბუტვა სიგიჟეა. თუ არ ვილაპარაკე, გავგიჟდები“, – თეომ „ვენტილატორს“ თვალს არ აცილებს.

– უნდა დავმშვიდდეთ, თეო. ძალიან გავვიმართლა, რომ მეთექვსმეტეზე არ ვცხოვრობთ. ვინც მაღლაა, უფრო მალე ჩადნება.

„რა კაია, რომ მეცხრეზე ვართ! არ ჩავდნებით!“

– მას მერე, რაც „ღმერთს მზე დარჩა ჩართული“, ეს პირველი პოზიტიური ფრაზა იყო, რომელიც თეომ გაიფიქრა.

– მეცხრეზეც ბლომად ჩადნებიან, – უთხრა თეომ „ვენტილატორს“.

თეო პირქვე გადაგრიალდა, მოიკუნტა, ცხელი შუბლი გასაგრილებლად თბილ მუხლებს მიაჭირა.

– ვხუმრობ. უფრო სწორად, ვგონებამახვილობ. ცხრასართულიანები ვიგულისხმე, – თეომ „ვენტილატორს“ მიწებებული თვალები აახლიჩა და თეოსკენ გადაბრუნდა. გაოფილილი თითი ხერხემლის მალეზე ხტუნვა-ხტუნვით ჩამოაყოლა. გამხდარი იყო თეო... თეომ ამწუთას, ხერხემალზე „ჩამორბენის“ დროს იგრძნო, რომ თეო ისევე ძალიან უყვარს. შეიძლება იმაზე მეტადაც, როცა თვლიდა, რომ საკუთარი შესაძლებლობის მაქსიმუმით უყვარდა.

„აღამიანის შესაძლებლობები ამოუწურავია“, – გაიფიქრა.

– რა კარგია, რომ მეცხრეზე ვართ, – თეომ მეორე წრეზე დააგრიალა პოზიტივი, – რა კარგია, რომ ცხრასართულიანის კი არა, თექვსმეტსართულიანის მეცხრეზე ვცხოვრობთ.

– ანო!

თეო უცებ საწოლიდან წამოხტა და გელეფონს ეცა.

...სახლის ყიდვა რომ გადაწყვიტეს, ამ სადარბაზოში ორი ოჯახი ყიდდა ბინას: მეცხრეზე და მეთექვსმეტეზე. თეომ მეთექვსმეტე აირჩია. სახურავზე სახელოსნოს გაკეთება უნდოდა.

– რაღაცნაირად, შენთვისაც კარგია, – უთხრა თეომს, – აი, ძმაკაცები რომ მოვლენ და ეტყვი: ჩემი ცოლი სახელოსნოშია, მაღლა, ხაგავს. რაღაცნაირად, ამაყად ქლერს. რა, არა?

– ნუ სულელობ, – ჩაეხუტა თეომ. მაშინ ურთიერთობა აწყობილი ჰქონდათ, ჩხუბის აწყობის საჭიროება არ იყო, – იმაზე დაფიქრდი, ანოს რომ დაიბარებ საჭორაოდ, სადარბაზოში შემოვა და ლიფტი გაფუჭებული დახვდება. ეგ თავისი ასსამოცდათვრამეტსანტიმეტრიანი ქუსლებით მეთექვსმეტეზე ამოვა ფეხით? ეგრევე უკან გაბრუნდება!

– მეცხრე აქვია, უცებ ამოირბენს, არა? – გაიცინა თეომ. ეგეთი პერიოდი იყო, თეო შეკამათების მაგივრად იცინოდა. თითქოს თვალებიც მაშინ უფრო ღია ცისფერი ჰქონდა. მერე ჩაუმუქდა

ყველაფერი, თვალებიც, ხასიათიც...

ჰო, ბინა მეცხრეზე იყიდეს. მერე თემოს ძმაკაცმა ვანომ თეოს დაქალი ანო ცოლად შეირთო და ის ბინა იყიდეს, მეთექვსმეტეზე. ოროთახიანი ბინა და ორი წყვილიც დაბალქუსლიანი ფეხსაცმელი, ანოსთვის.

– ანო!

თეო უცებ საწოლიდან წამოხტა და გელეფონს ეცა. ვიღრე ნომერს კრეფდა, თემო ნერვიულად ისრესდა გაოფლილ მუბლს:

„რალაც ხდება. არა, რალაც რომ ხდება, გასაგებია, მაგრამ პლუს პირადად ჩემს თავს ხდება რალაც. უფრო სწორად, „თავს“ კი არა – თავში. ამროვნებასა და მეხსიერებაში მერხევა. საერთოდ არ გამხსენებია ვანო და ანო. ვთქვი „მეთექვსმეტე სართული“ და საერთოდ არ გამხსენებია ეგენი“.

– მარი გადის, არ პასუხობენ... – შეშინებულმა თეომ თემოს გახედა, – ჩ... ჩაღწინა?!

მზე იყო შეუბრალებელი და ხარბი. მთელ ცაზე გადაფაშვულიყო და არხეინად ვარვარებდა.

– რომ ჩამდნარიყვნენ, მარი არ გავილოდა.

თემო მანგად წამოდგა, „ფორთოჭკის“ ღრიჭოდან სიგარეტი ნერვიულად გამოაცურა, დახედა და უკან შეაცურა.

რა ლოგიკა იყო ამ „რომ ჩამდნარიყვნენ, მარი არ გავილოდაში“? იყო კი საერთოდ რამე ლოგიკა? ან ლოგიკური იყო კი ლოგიკით ხელმძღვანელობა, როცა მზე სრულიად ულოგიკოდ დამხობოლათ თავზე?

სანამ თემო ნერვიულობდა, თეო დამშვიდდა. აიწონა-დაიწონასავით ჰქონდათ ნერვები.

„რა კარგია, რომ მეთექვსმეტეზე არ ვიყიდეთ, – გაიფიქრა თეომ და ორჯერ მელიმედ შერცხვა: პირველად – სინდისისა და ანოს, მეორედ კი თემოს წინაშე, – ჩემი ყველა უთანხმოება თემოსთან, ქვეცნობიერად, იმის ბრალი იყო, რომ გულის სიღრმეში ვერ ვპატიობდი, ბოლო სართულის ყიდვა და სახელოსნოს გაკეთება რომ გადააფიქრებინა. არადა, ფაქტობრივად, მისი დამსახურებაა, ამწუთას გადარჩენის იმედი რომ მიბეჭუტავს გულში თუ გვინში.“

თეო თემოს გვერდით, მის გაშლილ მკლავზე წამოწვა და მშვიდად იკითხა:

– ნეგა, რამდენი დღეა, რაც გარეთ არ გავსულვართ? – თან ჭაღს უყურებდა. დაწოლისთანავე ჭაღის ყურება რალაცნაირად, ბუნებრივ მოქმედებად ექცა. ისევე, როგორც ადგომისთანავე ფეხის

ჩუსტში გაყოფა.

– დღეებს დაღამება-გათენების მიხედვით ითვლიან... – იმავე ჭაღს ასჩურჩულა თემომ.

– ესე იგი მხოლოდ ერთი დიდი დღეა, რაც სახლში ვართ, – გამშრალი ტუჩი გაღიმებისას გადაუსკდა და სისხლის წვეთი ამოეზარდა თეოს.

„ორივენი ჭერს რომ ვუყურებთ, ამიგომაც დავიწყეთ ერთმანეთის გაგება, – გაიფიქრა თემომ, – წელან რომ ამეხედა, ან თეოს ეყურებინა, ჩემსავით, ვენგილაგორისთვის, „ღმერთს მზე დარჩა ჩართული“ სისულელედ არ მოეჩვენებოდა. იქნებ, სისულელეცაა, მაგრამ თეოს სისულელედ არ მოეჩვენებოდა“.

მოგუდული ყმუილი შემოესმათ.

– პაკოა, – თეო დაიძაბა, – როცა ძალი ყმუის, მისი პაგრონის სიკვდილს მოასწავებს. პაკო ქუჩისაა, მთელი კორპუსი მაგის პაგრონები ვართ. ყველანი დავიხოცებით.

თვალის კუთხიდან ცრემლის წვეთი ამოუგორდა. ნელა, მანგად. თითქოს მლაშე წყლის კი არა, ქელაგინის წვეთი იყო. ტუჩზე ისევ ელო სისხლის წერტილი. არ ჩამოედვარა, იქვე შედედდა.

– ორგანიზმიდან წყალი ამომეხაპა, ნერწყვიც გამისქელდა და ცრემლიც, – გამსკლარ ტუჩზე მიკრულ წვეთზე არაფერი იცოდა ჯერ, – თან პაკოც ყმუის. რაგომ არ ვნერვიულობ? არა, კი ვნერვიულობ, მაგრამ ეს რა არის, ბევრად სერიოზულ „იმმენაში“ უნდა ვიყო. რაგომ არ ვარ?! ესე იგი, რალაც ვერ მაქვს მწყობრში.

ეს „რაგომ არ ვარ?“ აუცილებლად „დააიზმენებდა“ იმ ღობით, რამდენითაც ასეთ სიგუაციაში (თეოს ამრით) უნდა იყოს ნორმალური ადამიანი, მაგრამ თემომ არ აცალა, ხმამაღლა წამოიყვირა:

– პაკოა! ხვდები, ეს რას ნიშნავს?

თემომ მკლავი შემოხვია, თავზე აკოცა.

– მაგას კი ვხვდები, მაგრამ შენ რა გიხარია, ამას – ვერა.

– თეო, გადავრჩებით, თეო!

თემო ჩაეხუტა და ისე ძლიერად შეანჯღრია, თეოს წელანდელი ცრემლი მძიმედ, მაგრამ მაინც ჩამოუგორდა ლოყაზე.

– ყმუის, პაკო ყმუის! პაკო ცოცხალია. ყმუილი ცოცხლების თვისებაა, თეო! გარეთ სიცოცხლე არ ჩამკვდარა!

სანამ თემო ბოლო ხმით გაჰყვიროდა, მოგუდული ყმუილი მოთქმა-გირილში გადაიზარდა.

„გოდერძია!“ – მუსტად ერთდროულად

გაიფიქრეს. მარგოხელა, მოხუცი მემობელი გოდერძა... ამათი ჭერი იმის იაგაკი იყო.

თეო აკანკალდა. შუბლიდან წარბებისკენ ხგუნვა-ხგუნვით, მკვრივად დაიძრნენ ოფლის წვეთები.

– დამშვიდდი, აი, ხომ ხედავ, გოდერძაც ცოცხალია... – თქვა გაფითრებულმა თემომ.

– პაკო, ალბათ, სადმე გდია დაჩუგული... – თეომ წვალებით ჩაიგლო ნერწყვის თანთალა მასა საყლაპავ მილში, – აი, რომ გადავრჩებით, თუ გადავრჩით... მოვლენ დასუფთავებიდან და გზებზე დაყრილი ძაღლების ჩენჩებს ნიჩბებით აკრეფენ, როგორც ბლინებს ცხელი ტაფიდან.

– თეო!

– არ ვნერვიულობ, პოეგურ რადაცას ვამბობ.

– რა არის პოეგური, დაჩუგული ძაღლების ტყავები?!

– არა, ეგ საშინელებაა. პოეგური ისაა, რაც მათგან დარჩება.

– დამშვიდდი-მეთქი!

თემომ თითები აათამაშა. ნერვიულად წამოხტა საწოლიდან, სქელი ფარდები ოდნავ გადასწია, გაიჭყიტა. მილიონი პროექტორის ეფექტით ანათებდა მზე. თეო აღარ კანკალედა, მშვიდად განაგრძობდა:

– და იცი, რა დარჩება პაკოს მეგობრებისგან? – ნახაგები. მზისგან ჩამუქებულ, დაზაგრულ მიწაზე თეთრად დარჩება მათი პორტრეტები. ადგილები, რომლებზეც მათი ტყავები ეყარა, ნეგატივით გამოჩნდება ჩვენი აივნიდან. ეს უნდა დავხატო.

თემომ მუშგი დაარტყა კედელს:

– გაჩუმიდი!.. მოდი, დავკონცენტირდეთ პრობლემებზე. რადგან პრობლემა გლობალურია, დავიყვანოთ ის ჩვენთვის გასაგებ, გამარტივებულ მოდელებზე.

– გასაგებია. მე გავედი მემობელთან, ღმერთს მზე დარჩა ჩართული... მერე?

– ჰო... და ხდება ამ დროს? რა დღეში არიან ქვაბში მყოფი პროდუქტები? ჯერ არაფერი, მერე ცხელდებიან, დუღდებიან, წყალი შრება. მაგრამ მაქამდე საქმე არ მიდის ხოლმე. შენ, დიასახლისი, პასუხს აგებ შენს ქვაბზე. ამიგომ დიდი ალბათობაა, გამოიქცე მემობლისგან და გამოერთო.

– ჩვენ რა ეგაპზე ვართ, ვდუღვართ?

– არა, ჯერ მხოლოდ შევთბით, დრო გვაქვს...

– მეჩვენება, რომ სიკვდილის გემინია, თემო...

თემოს სახეზე სიწითლემ გადაუარა. იგრძნო,

რომ თეო ვილაცაა. სხვა პლანეტიდანაა. არაფერი აკავშირებს ამ ქალთან, სულ გვერდით რომ უწევს და გვერდში არასდროს უდგას. ამ ქალს მისი არ ესმის, გარემოს ადეკვატურად ვერ აფასებს. მისი ამჟამინდელი მდგომარეობა მხოლოდ ჭაღზე მზერამიყინულობისა და გესლის ნთხევის საშუალებას იძლევა. მას ფარული, ჩუმი ისტერიკა სჭირს.

„ცოლო!“ – დაასკვნა ბოლოს და სიბრაშემ გაუარა.

– კაი და, გავერთე მემობელთან და სულ არ მახსოვს ეს ჩემი ქვაბი? მაშინ რა ხდება? დავშრებით, დავიწვევით, გავიჭვარტლებით, დავიხრუკებით... ასეა?

– გეყო! იცი, რა განსხვავებაა ჩემსა და შენს შორის?!

– არავითარი. უკვე არავითარი, თემო. ორივენი ერთ ქვაბში ვიხრაკებით...

ისევე ყმული.

– პაკოა, მოვკვდებით! – დაიძაბა თეო.

– პაკოა, გადავრჩებით! – გაუხარდა თემოს.

ყმული შეწყდა და გედა სართულზე რაღაც დაბრაახუნდა. ჭალი ოდნავ შეირხა.

– ჩვენი ჭერის ამოტრიალება რომ შეიძლებოდა... გიფიქრია, ამაზე, თემო? თეთრი ჭერის მაგივრად გოდერძას მოუხეხავი იაგაკი რომ ჩაჯდეს... და ჩვენი ეს უბრალო ჭალი როგორ სამოთხის ჯადოსნურ ხესავით გამოჩნდება გოდერძას ხრიოკ ოთახში...

თემო უსიტყვოდ დაწვა. თეოს ბურგი შეაქცია და ისევე „ვენტილატორს“ მიაშტერდა.

– მიყვარხარ, – ჩუმად თქვა თეომ და მოეჩვენა, რომ მისი პირიდან ამოსულ სიტყვას, მზეზე გახურებული ასფალტით, ბული აუვიდა.

– თემო, იცი, გამოსავალი მოვიფიქრე, ანუ საშველი, იმ შემთხვევაში, თუ მე და ღმერთი გამოსართავად არ მოვბრუნდებით.

თემო ხმას არ იღებს. „ვენტილატორის“ ერთფეროვან მოძრაობას მისჩერებია და ფიქრობს: „ჩვენც ასე, წრებზე ვტრიალებთ მთელი ცხოვრება. ახლა – მით უმეტეს...“

– აუცილებელი არაა ერთმანეთში ჩაშუშულები დავიხრუკოთ. მისმინე: როცა ქვაბი სავსეა (ჩვენი „ქვაბი“ კი ნამდვილად სავსეა. ჯერ მარტო ჩინელები რამდენნი არიან?!), დუღილისას წყალი ქვაბიდან გადმოდის და გამს აქრობს. ჰოდა, მორჩა ხარშვა. წავედით სამსახურებში.

„ეს ვარიანტი როგორ ვერ მოვიფიქრე?! ღმერთის ნების გარდა, სამყარო ფიზიკაა, ქიმიკა, მექანი-

იკაა... საშველი ყოველთვის არის!“ – დამშვიდე-ბულ-დაიმედებულმა თემომ ხმამაღლა სულ სხვა რამ თქვა:

– ეგ არაა გამოსავალი. მერე გაზის სუნი წავა.

„რაგომ ვუღებო ხიბრში თეოს? რაღა ამრი აქვს?“ – თემო გულაღმა გადაგრიანდა. ეს ორი მდგომარეობა ამოიხემა: მარცხენა გვერდზე და გულაღმა. ჭერში ყურება უფრო ოპტიმისტურად განაწყობდა, ვიდრე ბალიშში თავის ჩარგვა. გაცხელებული გამაგრილებლის, იგივე „ვენტილატორის“ ყურებაც, ამკარად უფრო სასიამოვნო იყო, ვიდრე ხორცხელი და გამომეგყველებაგაყინული ცოლისა.

– არ გინდა, აღიარო, რომ გაჯობე და გამო-სავალი მოვებენე. განსხვავებას ვერ ხვდები? დამწვარი ცოლი გირჩევნია თუ სუნიანი?

„რაგომ მიღება ხიბრში თეო, რაღა ამრი აქვს?“

– პირადად ჩემთვის ორივე ერთნაირი დისკომფორტია, ცოლო.

„რამდენი ხანია, წყალი არ მოდის. ორივენი სუნიანები ვართ... – გაიფიქრა თემომ, – და მალე ორივენი დავიწვებით, ამხელა სიცხეს ვერ გაუძლებთ,“ – თემოს გახედა.

– რაგომ არ გვწყურია, თემო? ან სიგარეტს რომ ვერ ვეწევით, რაგომ არ გადავდივართ ჭკუიდან?

– მაგას თვითგადარჩენის ინსტინქტი ჰქვია. ჩვენმა გვინმა იცის, რომ არჩევანი არ გვაქვს, ამ-იგომ, რომ დაგვიცვას, მოთხოვნის სიგნალებს არ უგზავნის ჩვენს სხეულს. ჩვენს უიშველ „მინდას“ ბლოკავს, – თვალეები დახუჭა. – „რა სისულელეები ვილაპარაკე!“

– მიყვარხარ, – თქვა თემომ და ისევ მოეჩვენა, რომ სიგყვას ალმური აუვიდა. ეს უკვე მეორედ და ისევ „მიყვარხარს“. ვითომ იმიტომ, რომ ყველაზე ცხელი სიგყვანა? იქნებ სხვა სიგყვებზეც ეგრება და არ დაკვირვებია?

– თოვლი, – დაიხურჩულა თემომ.

– რა?

– არაფერი.

არანაირი ბული, ალმური და ოხშივარი. ის კი არა, თითქოს ოღნავმა სიგრილემაც კი დაუარა გუჩებზე.

შეთანხმებულებივით ერთდროულად დახუჭეს თვალეები. ასეთ დროს თვალეების გახელა-დახუჭვა ბევრს არაფერს ცვლის.

დამწვრის სუნი შეებლანათ ცხელ ნესტოებში. სქელი ბოლი დახუჭული თვალეებითაც იგ-

რძნეს.

თემო წამოხტა და სიგარეტს ეცა. მერე ოთახს მოავლო თვალი.

– მოეკიდა? – შეშინებულმა იკითხა თემომ.

– ნწ... ვენტილატორი გადაიწვა.

– კიდევ კარგი, – ამოისუნთქა თემომ.

– რა „კიდევ კარგი“?.. უვენტილატორობაც თითქმის იგივეა, როგორ ვერ ხვდები!

– შენი თეორია გვიშველის. გვინი დაბლოკავს ჩვენს სურვილს „მინდა გაგრილება“.

„აიწონა-დაიწონა“ ძალაში რჩებოდა. თეოს მშვიდად დაწყობილი ნერვები თემოს ნერვების ყალყზე შედგომას მოითხოვდა.

– ეს კატასტროფაა! დასასრულია! კოსმოსი წყობიდან გამოვიდა და ჩვენი ვენტილატორივით მალე ბოლს გაუშვებს. საშველი არაა!

– დამშვიდდი, – ჭალს უთხრა თემომ, – სიგარეტის ეგ ღერია ჩვენი საშველი. იფიქრე მასზე, როგორც მამველ რგოლზე. რადგან არ ეკიდება, ესე იგი, გარეთ არც ისე უსაშველოდ ცხელა. იფიქრე ამაზე და დამშვიდდი. მოეკიდება თუ არ მოეკიდება, ეს ღერი ჩვენი იმედია, თემომ.

– არ მოეკიდა, გვიხაროდეს და რომ მოეკიდოს, მაინც? – ასე ირონიული ჩაცინება მხოლოდ მაშინ იცოდა, როცა არ უნდოდა, მისი სასოწარკვეთა ვინმეს შეემჩნია.

– თუ მოეკიდება, მოვწევთ. არ თქვა, რომ ახლა ერთი ღერის მოწევაში სიცოცხლეს არ დათმობდი.

თავის მოგყუება იყო ეს ჭერში ყურებით ყურით მოთრეული ოპტიმიზმი. თემომ პირქვე ჩაემხო ბალიშში. თეოს უშფოთველი გონი აღიზიანებდა. როდის გაცვალებს როლები? სიმშვიდის შენარჩუნება და გამოსავალის ძებნა ხომ თემოს როლი, თემოს უპირატესობა იყო?!

– იცი, შენი რომელი ფრაზა მიყვარდა ყველაზე მეტად?.. – თეოს გამაღიზიანებლად მშვიდი ხმა ჰქონდა. – „ჩემი მზე ხარ“...

– უნდა ვილოცოთ, – საკუთარი თავისთვისაც მოულოდნელად თქვა თემომ.

– ღმერთო, გამორთე მზე. ალლელუია... – თეოს ისტერიკული სიცილი აუვარდა. მშრალი ყელიდან სტვენისმაგვარი ხმა ამოსდიოდა.

გაღიზიანებული თემომ მისკენ რომ გადაბრუნდა, თეო უკვე გიროდა.

– დამშვიდდი, – თეოს თავი მკერდზე მიიდო თემომ, – თითქოს ისე აღარ ჩახახახებს.

„ღმერთო, გამორთე მზე, ალლელუია...“ – გულში მექანიკურად გაიმეორა თეოს „ლოცვა“.

– უბრალოდ, თვალი შევაჩვიეთ... ამას აღარაფერი ეშველება, თემო. ისღა დაგვრჩენია, ბოლო ფრაზა ვთქვათ. რამე ამ სტილში: „სიგიჟემდე მომენატრები, მეგობარო...“

თემო საწოლიდან წამოხტა. ფანჯრის ჩარჩოს მუშგი სთხლიშა.

„ღმერთო, გამორთე მზე! ალღელღია...“

ხელი სარკმლისკენ გაიწოლა და გაქვავდა.

– მოეკიდა? – დაიხურჩულა თემო.

– მოეკიდა? – თქვა.

– მოეკიდა?! – იყვირა.

– გადავარდა... – დაიხურჩულა თემომ.

თეო საწოლიდან წამოხტა.

– მოკიდებული იყო და გადააგდე, ჩემთვის რომ დაგემალა? – გუჩები არ გაუნძრევია, თვალებით ჰკითხა.

– დამშვიდდი. შეგნებულად არ მიქნია, მუშგი რომ დავარგყვი, ეგყობა, მაშინ გადავარდა, –

თვალიც არ დაუხამხამებია, ისე უპასუხა.

თემომ არ დაიჯერა.

„დაძაბულმა მიპასუხა. დარწმუნებული ვარ, მოკიდებული იყო და გადააგდო, რომ არ შემშინებოდა. თუ შეგნებულად არ გადაუგდია და სიგარეგი გაქრა, ესე იგი, მოეკიდა და ჩაიწვა. ორივე შემთხვევაში გარეთ ყველაფერი ღულს და მალე ყველაფერი დამთავრდება...“

თემომ ჩაიმუხლა. იდაყვებით ფეხებს დაეყრდნო, სახებზე ხელები აიფარა. წინ და უკან რწევას მონოტონური ხმა ააყოლა:

– ღმერთო, გამორთე მზე! ალღელღია... ღმერთო, გამორთე მზე! ალღელღია... ღმერთო, გამორთე მზე!..

სადარბაზოსთან დავარდნილი სიგარეგი რამდენჯერმე დაყნოსა, თათი გაჰკრა და თავი მიანება პაკომ...

## ნათია როსტიანშილი

*დავიბადე, გავიზარდე, ჯერ სკოლა დავამთავრე, მერე - უმაღლესი. ეს „დავამთავრე“-ები რომ დავამთავრე, მერე „დავიწყე“-ები დავიწყე: მუშაობა დავიწყე, მოთხრობების გამოქვეყნება დავიწყე... ახლა ვზივარ და ვფიქრობ, ეს ძალიან ჩვეულებრივი ბიოგრაფია-ამბები, ყველას რომ თითქმის ერთნაირად „გვჭირს“, როგორ დავწერო ისე, ფანტასტიკის კანონისათვის რამე გამოდნეს... 2013 -ში ვერცხლის „წერო“ რომ ვაღმომცეს, იმან მაინც ვაშალოს ფრთები, ბუმბული ააწკარუნოს, აქ დასაწერად რომ ღირდეს...*

*2014 -ში წიგნი რომ გამოვეცი „ჭაღის ანგელოზი“, ერთ დილასაც, წიგნიდან ჰერში აფრენილმა მართლა მაინც ვაღმომაფინოს თქროს დალაღები და გამაოცოს...*

*გოდერძი ჩოხელის კონკურსში გამარჯვებისთვის (I და II პრემია) მოთქროვილი მეღალიონი რომ ვაღმომცეს - ერთარსებად ქმნილი მზე და მთვარე, ერთხელ მაინც დავლანდო ისეთი ნამღვილ ცაზე...*

*ეგებ ერთ-ერთ იანვარს მოხდეს: ყველა ჟურნალ-გაზეთიდან, სადაც კი ჩემი მოთხრობები დაბეჭდილა,*



*ვაღმომვიდნენ ჩემი შექმნილი პერსონაჟები, მომიკაკუნონ კარზე და თქვან: დაბადების ღღეს ვილოცავთ, მეგობარო!..*

*ერთხელაც იქნება ახლება... და ჩემი ბიოგრაფია აღარ იქნება ამ მთვლემარე გეჟსტის ამარა: დავიბადე, გავიზარდე, ჯერ სკოლა დავამთავრე, მერე - უმაღლესი...*

# წერილები

## ნიწო აბაკელია

### მითის, როგორც განსწილი რეალობის, ღა ფენტიემის, როგორც შექმნილი რეალობის, მიმართებისთვის

ფიქციური სამყარო, ზოგადად, შედგება ორი აუცილებელი კომპონენტის ან სისტემისგან, რომელიც უხეში იდენტიფიკაციითენის ლექსიკისა და სინტაქსის – სამყაროსა და ისტორიის ( ამბავის, არაკის ) ექვივალენტურია. პირველი შეიცავს – ფიქციურ საუფლოს. ისტორია/ამბავი – ერთმანეთთან აკავშირებს სამყაროს შექმნილ არსებს და მათ კომბინირებას ახდენს( მალმგრენი: 1988. 259–281).

შესაბამისად, ფიქციის განმსაზღვრელი, დამახასიათებელი თვისება მოიაზრება არა ისტორიაში, არაკში, არამედ – მის სამყაროში. ფიქციის ბუნებისა და კოგნიტური შესაძლებლობების გასაგებად მისი სამყაროების უნიკალური, უჩვეულო კონფიგურაციები იკვლევა და შესაძლებელი/დასაშვები ნარატიული სამყაროების შესწავლა ადვილდება ბაზისური ნარატიული სამყაროს განსაზღვრით, რომელთან მიმართებაში სხვა დანარჩენი მის ალტერნატივად ისახება.

ბაზისურ ნარატიულ სამყაროსშეესაბამება ფაქტობრივი, ემპირიული სამყარო, რომელშიც ადამიანები ცხოვრობენ (იხ. დოლენჯელი : 1976, 9–10).

ამგვარად, ფიქციისთვის დამახასიათებელია საკუთარი თავის თავისუფლად მოთავსება იმ სამყაროებში, რომელიც განსხვავდება ბაზისური ნარატიული სამყაროსგან. ფენტეზი როგორც ალტერნატიული სამყაროს ლიტერატურა თავისი სიუჟეტური ქარგის მოსაქარგად იყენებს იმგვარ ელემენტებს, როგორებიც არიან ჯუჯები, ელფები, ფერიები, დრაკონები, ურჩხულები, ჯადოსნური საგნები, ჯადოსნური საკვები და სასმელი და სხვ., რომლებიც მას ხალხურ რწმენა-წარმოდგენებთან, მითებთან, ლეგენდებთან, ჯადოსნურ ზღაპრებთან აკავშირებს. ამ უკანასკნელთ, როგორც კულტურულ ფენომენებს, იკვლევენ სხვადასხვა დარგის სპეციალისტები: ფოლკლორისტები, ანთროპოლოგები, ლიტერატორები, ფილოსოფოსები

და სხვ. და მათი განსხვავებული რაკურსით შესწავლის შედეგად მრავალი თეორია იქმნება.

სხვადასხვა დისციპლინის კვლევებსა და მითითებებში გამოყენებული კონცეპტები ( მითი, ზებუნებრივი, საკრალური, რეალური და სხვ.) ძალიან ხშირად ერთმანეთს ემთხვევა და ყოველგვარი არგუმენტაციის განვითარების გარეშე ქმნის არეულობას, უზუსტობასა და ბუნდოვანებას.

რამდენადაც ლიტერატურის კრიტიკაში და ანთროპოლოგიაში აღნიშნული კონცეპტები ხშირად ერთმანეთს ემთხვევა და ფარავს, საჭიროა ამ ტერმინების ძირითადი პოსტულატების დაზუსტება შემდგომი გაუგებრობების თავიდან ასაცილებლად.

ფენტეზი და რეალობა:

ჭკრეტით ლიტერატურაში, რომელიც ლიტერატურის პერ სე ნაირსახეობას წარმოადგენს, ორი სახის განშტოება განიჩევა: მეცნიერული ფანტასტიკა და ფენტეზი. ჟანრის იდენტიფიკაციისთვის მეცნიერულ ფანტასტიკას ასხვავებენ ფენტეზისგან და ორივეს – რეალისტური ლიტერატურისგან. პირველში სამყარო ჩვეულებრივია და მასში რადიკალურად არაფერი იცლება; შესაბამისად, არც ისტორიის წიგნებს სჭირდებათ შეცვლა. მეორეში – პირიქით, ყველაფერი სახეცვლილია. მაგ.: მეორე მსოფლიო ომის შედეგები, შესაძლოა, სულ სხვაგვარად იყოს წარმოდგენილი, ვიდრე ის სინამდვილეში იყო. თუ შესაძლებელია მოვლენის ადგილის, დროის ქრონოლოგიის დადგენა და რუკის შედგენა, მაშინ ეს სამეცნიერო ფანტასტიკაა. მაგრამ, სიტყვაზე რომ ითქვას, ლუისის ნარნია – ფენტეზია (იხ. ვოლკ : 1990 26–31).

მეცნიერები ფენტეზიში აღიარებენ „ შეუძებელ რეალობას“, რომელშიც იგულისხმება მწერლის მიერ გამოგონილი და აღწერილი სამყაროები, რომლებიც არსებობას იწყებენ “რეალობის“ პირობითი კონცეფციისთვის აუცილებელი ნორმებისა და ფაქტების დარღვევით, რათა შექმნან იმაგინაციური/ წარმოსახვითი კონტრ-სტრუქტურები ან კონტრ ნორმები (იხ.: ფრედერიკსი: 1978 33–44).

კრიტიკოსები მახვილს „კონტრ-რეალურ“ (რეალურის საპირისპირო) პრინციპზე აკეთებენ, როგორც აუცილებლობაზე. მაგრამ წარმოდგენილი ირეალობის მიუხედავად, სხვა ლიტერატურისდაგვარად, საჭიროდ მიიჩნევენ ფენტეზის განხილვას ადამიანურ რეალობასთან მიმართებაში, რითაც მას რეალობაზე ორიენტირებულ ფუნქციას ანიჭებენ.

ამგვარად, ფენტეზის საფუძველში რეალურის კატეგორია მოიაზრება. ფენტეზი ანუ „შეუძებლის ლიტერატურა“ (ირვინის ტერმინოლოგიით), როგორც

ლიტერატურული ჟანრი, უპირატესად, განისაზღვრება იმგვარი კონცეპტებისა და ტერმინების მეშვეობით, როგორებიცაა რეალური/ არარეალური (ირეალური) (იხ. ირვინი:1976).

ფენტეზიში ალტერნატიული სამყაროების არსებობის აღიარებას ეხმარება ზებუნებრივის ჩენა რეალურ სამყაროში, რომლის კანონებსაც ის არღვევს. ლიტერატურასა და სოციალურ ცხოვრებაში შემოჭრილი ზებუნებრივი, მოქმედების განსავითარებლად გამოიყენება, რომლის საყრდენებს გონებრივი და ბუნებრივი ლანდშაფტები წარმოადგენენ, შესაბამისად.

ზებუნებრივი, ჩვეულებრივ, დაკავშირებულია თხრობასთან. საოცრის/უჩვეულოს ელემენტის ნარატიული მასალაა, რომელიც ყველაზე კარგად ასრულებს კონკრეტულ ფუნქციას (ტოდოროვი:1975). მას შეაქვს ცვლილება წინმსწრებ სიტუაციაში და არღვევს დამყარებულ წონასწორობას (ან მის უქონლობას) და სოციალური და ლიტერატურული ფუნქციების ერთიანობის მაჩვენებელია; ორივე შემთხვევაში - როგორც საზოგადოებრივ ცხოვრებაში, ასევე მონათხრობშიც - კანონი ირღვევა ზებუნებრივი ელემენტის ჩარევით, რაც ყოველთვის იწვევს წინასწარ დადგენილი წესების სისტემის რღვევას.

ლიტერატურულ ნაწარმოებში სტრუქტურალისტები ზებუნებრივის სამ ფუნქციას ასხვავებენ (ტოდოროვი: 1975). პირველი ფუნქცია პრაგმატულია: ზებუნებრივი აღელვებს, აშინებს ან უბრალოდ დაძაბულობაში ამყოფებს მკითხველს. მეორე ფუნქცია სემანტიკურია: ზებუნებრივი საკუთარი თავის მანიფესტირებას ახდენს, ეს ერთგვარი თვით-მონიშვნაა. მესამე ფუნქცია სინტაქსურია. ზებუნებრივი წარმოადგენს მიმდინარე თხრობის შემადგენელ ნაწილს.

ფენტეზის განსაზღვრებაში ორაზროვნებაა: რეალობა თუ სიზმარი?, მართალი თუ ილუზია? აღამიანთათვის კარგად ნაცნობ სამყაროში, სადაც არც ეშმაკები, არც სილფები, არც ვამპირები არ არსებობენ, რაღაც მოვლენა ხდება (იჩენს თავს), რომელიც ვერ აიხსნება საქაოს კანონებით. მკითხველმა უნდა აიჩიოს ორიდან ერთერთი გადაწყვეტილება: რომ ეს მცდარი გრძნობებია, ილუზიაა, წარმოსახვის შედეგია და მაშინ სამყაროს კანონები უცვლელი რჩება, ან რომ მოვლენა ნამდვილად განხორციელდა, ის არის რეალობის შემადგენელი ნაწილი, მაგრამ ეს რეალობა ექვემდებარება ადამიანთათვის უცნობ კანონებს. ეშმაკი ან მხოლოდ ილუზიაა, წარმოსახული არსებაა, ან ის ისეთივე

რეალურია, როგორც სხვა რეალურად ცოცხალი არსება, მხოლოდ იმ განსხვავებით რომ მას იშვიათად ხედავენ. ფანტასტიკური არსებობს, მანამდე, სანამ დაურწმუნებლობა არსებობს; როგორც კი რომელიმე პასუხი აირჩევა, ფანტასტიკური ქრება და ხდება - უჩვეულოს ან სასწაულის ჟანრში შესვლა. ფანტასტიკური - მერყეობაა, ყოყმანია ბუნებაზე დამკვირვებელი და მისი კანონების მცოდნე ადამიანისთვის, რომელიც მას ზებუნებრივად ეჩვენება, ესახება.

ფანტაზიის ჟანრი განიხილება, როგორც „მქრქალი წყობა (კომპლექტი), რომელიც განისაზღვრება არა საზღვრებით, არამედ ცენტრით, რომლის „საზღვრები“ დაფარულია, შეუმჩნეველია (არ არის მნიშვნელოვანი) (ვოლქ: 1990, 26–31). სპეციალური ლიტერატურიდან გამომდინარე, ირონია და იუმორი გამოგონილი, აბსურდული ისტორიის აუცილებელი შემადგენელი ნაწილია, რომელიც სრულიად წარმოუდგენელია, მაგრამ აბსოლუტურად არ აკვირვებს არც ნარატორს და არც პროტაგონისტს.

ირონია აღნიშნულ ლიტერატურაში ინტერპრეტირებულია როგორც მუდმივი პარაბაზისი, ტროპი, რომელიც მუდმივად ჩნდება და ანგრევს (წყვეტს) ნარატივს.

ირონია აღიწერება როგორც თვით-რეფლექსირებადი მეტაფიქცია - რომელიც ნათლად მოგვითხრობს ისტორიის მოყოლის პროცესს და აბუნდოვნებს, გადარეცხავს ტექსტისა და რეალობის საზღვრებს (ვოლქ: 1990, 26–31; გაიმენი: 2008, 317–334).

გაკვირვების უქონლობა ლიბინალურ ფანტაზიაში მიმანიშნებელია ფაქტისა, რომ ისტორია, ამბავი, რომელსაც მკითხველი კითხულობს არ არის დასრულებული, ზუსტი, რადგან ისინტერვალებს, გარღვევებს ემყარება (ფრედერიკი 1978, 33–44).

ინტერაქცია ტექსტსა და მკითხველს შორის დარდება კომუნიკაციას ადამიანებს შორის, რამდენადაც ორივე - დაწერილი და ზეპირსიტყვიერი - კომუნიკაცია შედგება „არაფრისგან“, უცოდინრობისგან და ინტერვალებისგან, გარღვევებისგან. ხალხმა არაფერი იცის ერთმანეთის პერსპექტივაზე, მაგრამ გარკვეული დასკვნები (გზამკვლევი გორგლის ძაფი), პირობითობები და სტერეოტიპები მათ ეხმარებათ ურთიერთობაში.

ანალოგიურად, კითხვის პროცესში, როგორც კი ხიდი გაიდება უფსკრულზე (გარღვევაზე) მკითხველი კომუნიკაციას იწყებს. უფსკრული, გარღვევა ფუნქციონირებს ღერძისდაგვარად, რომელზეც მთელი ტექსტი და მკითხველი ტრიალებს.

ნშირად, ტექსტობრივი ინტერვალები მანიფესტირდება დისტანციით; ის იქმნება ნარატორის პერსპექტივასა (რომელიც პროტაგონისტივით, ფანტასტიკურს ნორმად თვლის) და რეალურ/ ფაქტობრივ მკითხველს შორის ( რომელმაც იცის, რომ ფანტასტიკური (სხვა)დანარჩენი ისტორიის, რეალისტური პასაჟების კონტრასტულია). ამის შედეგად, იმპლიციტური მკითხველი მერყეობს ორ ხედვას შორის, რომელიც თვით-რეფლექსური აქტია; ამ დროს მკითხველი „მუღმივად ერთვება ტექსტის პერსპექტივებში, თითოეული გადართვა, წარმოადგენს მომენტის კითხვის აქტს, არტიკულაციას.

ანაქრონისტული ფიგურის, როგორც შეიძლება იყოს მაგ.: სერ გალაადის აღწერითი და დახვეწილი ენა წარსულზე, ასევე, გამრღვევი და დასაცინი საშუალებაა; წარსულისა და აწმყოს, საკრალურისა და პროფანულის, ფანტასტიკურისა და რეალურის ინტერაქციაა, რომელიც აქცენტირებულია ცვლადი ენით, განსხვავებული სტილებით, რაც ტექსტს ირონიული ობერტონებით აძლიერებს (იხ. : გაიმენი: 2008, 317–334).

როდესაც ჯადოსნური ზღაპრები თავიდან იწერება და ფენტეზის მწერალი, ცვლისან აორმაგებს ტრადიციული ნარატორის პერსპექტივებს, ფრაგმენტებს და სხვადასხვა სტილის კომბინირებას ახდენს, მაშინ იგი შეიძლება აღქმულ იქნას როგორც თანამედროვე ლიტერატურის პოსტმოდერნისტი, ინოვაციური, ემბლემატური ავტორი.

ხაზგასმით აღსანიშნავია, რომ ლიტერატურა იქმნება ლიტერატურის საფუძველზე და არა რეალობის საფუძველზე, იქნება ეს მატერიალური თუ ფსიქიკური რეალობა და რომ ყოველი მხატვრული ნაწარმოები კონვენციაა. ლიტერატურული ნაწარმოები, ისევე როგორც მთლიანად ლიტერატურა, ქმნის სისტემას, მასში არაფერი არ არის შემთხვევითი. მასში ასხვავებენ სინქრონიასა და დიაქრონიას; ლიტერატურული ანალიზის დროს აუცილებელად კეთდება სინქრონული ჭრილი ისტორიაში, ხოლო თითოეულ ჭრილში მაშინვე იძებნება სისტემა (ფრაი:1961).

მითი და რეალობა:

მეოცე საუკუნის მითის თეორიის მკვლევრების ( ბ.მალინოვსკი, კ. კლაკონი, პ.კოენი, მ.ელიადე, ჯ.კირკი და სხვანი ) პოზიციების ჩამოყალიბებამ გამოკვეთა არსებითი სხვაობა, რომელმაც გამოარჩია ისინი მეცხრამეტე საუკუნის ინტელექტუალებისგან. სხვაობა, ზოგადად, მდგომარეობდა იმაში, რომ

მე-19-ე საუკუნის მკვლევრებს მითი მიაჩნდათ

გამონაგონ, შეთხზულ არაკად და სწავლობდნენ მასთან დაკავშირებული რიტუალისგან დამოუკიდებლად, ხალხის ცხოვრებისგან მოწყვეტით. მეოცე საუკუნის მკვლევართაგან ბ. მალინოვსკი პირველი იყო, რომელმაც წინა პლანზე წამოწია მითისა და რიტუალის, საკრალური ტრადიციისა და სოციალური სტრუქტურის ნორმების მიმართების საკითხები რომლის აზრით, მითის მხოლოდ ტექსტებით შემოფარგვლა ფატალური იქნებოდა (აბაკელია: 2001, 5–9). ეთნოგრაფიულმა მასალამ ტრობრიანდლებზე, რომელიც ველზე უშუალო მონაწილეობითა და დაკვირვებით იქნა მოპოვებული, მას საშუალება მისცა შეექმნა თეორია (1926), რომლის მიხედვით მითი არ არის მოგონილი ისტორია, ფუჭი რაფსოდია, არამედ – რეალობაა, საკრალური ისტორიაა, რომელსაც გააჩნია ძლიერი სოციალური ფუნქცია და ქმედითი კულტურული ძალა; ეს ისტორიები მალინოვსკისთვის კულტურის შემადგენელ და განუყოფელ ნაწილებს ქმნიან. მათი არსებობა არა მარტო ნარატორის ფარგლებს სცილდება, ისინი არა მარტო ყოფიდან და მისი ინტერესებიდან საზრდოობენ, არამედ ისინი, ასევე, მართავენ და აკონტროლებენ მრავალ კულტურულ ელემენტს; ისინი პრიმიტიული ცივილიზაციის დოგმატურ ხერხემალს ქმნიან. ბ.მალინოვსკი ამტკიცებს (და შესაძლოა, ეს ყველზე მნიშვნელოვანი თეზისი იყოს), რომ არსებობს რიტუალში მორალსა და სოციალურ ორგანიზაციებში განხორციელებული საკრალურ ისტორიათა მთელი წყება, რომლებიც ქმნიან პრიმიტიული კულტურის ინტეგრალურ და აქტიურ ნაწილს. აღნიშნული ისტორიები უბრალოდ კი არ არსებობენ, როგორც ფიქტიური ან თუნდაც ნამდვილი ნარატორები, არამედ ისინი ადგილობრივი მოსახლეობისთვის უფრო მნიშვნელოვანი პირველქმნილი რეალობის არგუმენტებია, რომელნიც განსაზღვრავენ მათ ყოფას, ბედისწერასა და აქტივობას, რომლთა ცოდნაც ადამიანს რიტუალებისა და ქცევის წარსამართავად მოტივს აძლევს. ბ. მალინოვსკის თეორია მითის შესახებ, ძალიან მოკლედ შემდეგნაირად შეიძლება შეჯამდეს:

მითი არის კულტურული ძალა. მაგრამ ის არის, ასევე, ფაქტების თანმიმდევრული გადმოცემა, თხრობა, ნარატორი და ამ თვალსაზრისით მას გააჩნია ლიტერატურული ასპექტი – ასპექტი, რომელსაც მეცნიერთა უმრავლესობა მეტწილად, გაუმართლებლად გადამეტებულ მნიშვნელობას ანიჭებდა. მაგრამ ეს ასპექტი, რა თქმა უნდა, არ უნდა იყოს მთლიანად უგულვებელყოფილი. მითი ნამდვილად შეიცავს მომავალი ეპიკის, სარაინლო რომანისა და



ტრაგედიის მარცვლებს (აქ ფენტეზიც შეიძლება ჩაემატოს – ნ.ა.) და ის ამ მიზნით გამოყენებული იქნა ხალხთა ცნობიერ ხელოვნებაში... მითსა და ბუნებას შორის ორი დამაკავშირებელი რგოლი უნდა ჩაიდგას – ადამიანის პრაგმატული ინტერესი გარე სამყაროს გარკვეულ ასპექტებთან და რაციონალურ-ემპირიული კონტროლის საჭიროება გარკვეულ ბუნებრივ ფენომენზე მაგიის გზით... ხალხური შემოქმედება, ისტორიები, რომლებიც თაობიდან თაობას გადაეცემა ადგილობრივ საზოგადოებაში ცოცხლობს, „ცხოვრობს“ თემის კულტურულ კონტექსტში და არა მხოლოდ ნარატივში...

მითის, ლეგენდისა და ზღაპრის ფუნქციები განსხვავებულია: თუ უბრალო ზღაპრებში სოციოლოგიური კონტექსტი უფრო ვიწროა, ლეგენდა უფრო ღრმად იჭრება საზოგადოების სათემო ცხოვრებაში, ხოლო მითს კი ყველაზე მნიშვნელოვანი ფუნქცია აქვს. მითი პირველქმნილი რეალობის დადასტურებაა, რომელიც დღემდე ცოცხლობს, ქმნის მორალური ღირებულების რეტროსპექტულ მოდელს, ამყარებს სოციოლოგიურ წესრიგს, ამიტომაც ის არ არის უბრალო მონათხრობი, ნარატივი, არც ახსნა-განმარტების მქონე ისტორია. ის ასრულებს ფუნქციას სუი გენერის, რომელიც მჭიდროდაა დაკავშირებული ტრადიციასთან, კულტურის გაგრძელებასთან, ახალგაზრდებისა და მოხუცების ურთიერთობასთან და, საერთოდ, კაცობრიობის დამოკიდებულებასთან თავის წარსულთან. (მალინოვსკი: 1926).

ბ. მალინოვსკის ზედმიწევნითი აღწერილობა და ანალიზი ნათლად აჩვენებს, რომ მითის შინაარს იგი იგნორირებას არ უკეთებს. მაგრამ მისი მნიშვნელობა მისთვის არც სიმბოლურ რეპრეზენტაციაშია და არც ახსნის ძალაში, არამედ გამამართლებელ, განმამტკიცებელ გზავნილშია (ჯუსტიფიკატორუ მესსაგე).

აღნიშნული თეზისი ასევე, გულისხმობს იმას, რომ მითოლოგიის მატარებლებისთვის მითში საუბარია იმაზე, რასაც ადგილი ჰქონდა ინ ილლო ტემპორე და აქედან გამომდინარე, რაღაცაზე, რაც უნივერსალურია, სამყაროს არსის გამომხატველია, რაც მითოლოგიური ფორმებით გამოიხატება. მაგრამ რომელზეც მალინოვსკის ნაშრომი არც ხოს და არც არას ამბობს ამის საპირისპიროდ.

ზემოთ თქმულის განვითარებად მიგვაჩნია მ. ელიადეს თეორია (2009), რომლის მიხედვით, მითი, „საწყისთა დროის საკრალური ამბავი (რომელიც ყოველთვის რაღაცის შექმნას ეხება), მოგვითხრობს იმის შესახებ, თუ ზებუნებრივ არსებათა მეშვეობით

როგორ იქცა რეალობა არსებობად, იქნება ეს საყოველთაო რეალობა, კოსმოსი თუ მისი რომელიმე ერთი ფრაგმენტი: კუნძული, მცენარის ჯიში, ადამიანთა ქცევა თუ ინსტიტუტი. მოთხრობილია, როგორ წარმოიშვა რაღაცა და როგორ დაიწყო მან ყოფნა. როგორ გაცხადდა ის სრულად. მითების პერსონაჟები ზებუნებრივი არსებები არიან. ისინი ცნობილნი გახდნენ იმით, რაც გააკეთეს „საწყისთა“ საარაკო დროში. შესაბამისად, მითები წარმოაჩენენ ამ არსებათა შემოქმედებით აქტივობას და ფარდას ხდიან მათი ქმედების საკრალურობას (ან უბრალოდ „ზებუნებრივობას“). მოკლედ, მითები აღწერენ სხვადასხვა, ხანდახან საკრალურის (ან ზებუნებრივის) დრამატულ შემოჭრას სამყაროში. სწორედ საკრალურის ეს შემოჭრაა სამყაროს რომ რეალურადააფუძნებს და აქცევს მას იმად, რაც დღეს არის. (გვ.1–11)

დასკვნა:

და მაინც, რა ფუნქცია აქვს მითს ლიტერატურაში და მითს კულტურაში? რა არის ერთის საფუძველი და რა არის მეორის საფუძველი? რა მიმართება არსებობს ტრადიციულსა და პოსტ-მოდერნულს შორის.

წინამდებარე სტატია ორგანიზებული დისკურსისთვის არსებითი საპირისპირო კონცეპტების (რეალური / ფანტასტიკური, არსებული / არ არსებული, რეალური / იმაგინაციური, ბაზისური და ალტერნატიული და სხვ.) მიმართებაზე, შეძვევი დასკვნების გაკეთების შესაძლებლობას იძლევა:

მითებს, ზღაპრებსა და ფენტეზის შორის სხვაობის პოვნა რამდენიმე ხერხით შეიძლება, რომელთაგან სამი ყველაზე ნაყოფიერად ითვლება: ონტოლოგიური, სტრუქტურული და ეპისტემოლოგიური. პირველი განმასხვავებელი ნიშანი მითსა და ფენტეზის შორის არის ის, რომ ხალხისთვის რომელიც ქმნის ისტორიას, ეს ისტორია ჭეშმარიტია, საკრალური და რეალური და ბუნებრივ ლანდშაფტშია ჩართული, ხოლო ლიტერატურული ჟანრისთვის ეს სამყარო არის ფანტაზია, შეთხზული, „შეუძლებელი რეალობა“ და მისი საფუძველი – გონებრივი ლანდშაფტია. მითი ცოცხლობს, ფუნქციონირებს თემის კულტურულ კონტექსტში და არა მხოლოდ ნარატივში...

ძირითადი დაპირისპირება, ალბათ იმაგინაციასა (წარმოსახვასა) და რეალობას შორის არის. მიუხედავად იმისა, რომ მწერლის იმაგინაციაში გამოყენებულია იგივე ელემენტები, რაც ჯადოსნურ ზღაპრებში, მითებსა და ხალხურ რწმენა-წარმოდ-

გენებში (ჯუჯები, ჯადოქრები, გენიები, დრაკონები, ჯადოსნური ჯოხები, ხმლები, ჩირაღდნები, ჯადოსნური საკვები და სასმელი და სხვ.) ის მოქცეულია მწერლის წარმოსახვაში, რომელიც განსხვავებულ სტრუქტურას ქმნის და განსხვავებულ მნიშვნელობას იძენს. ლიტერატურა იყენებს მითიურ ელემენტებს, მაგრამ მითსა და ლიტერატურას სხვადასხვა წარმომავლობა და ფუნქცია აქვთ:

1. მითი, საკრალური ისტორია, მრავალგანზომილებიანი კულტურული ფენომენია, ფენტეზი, ფუნქციებიდან გამომდინარე, „მითისდაგვარი“ ლიტერატურული ფენომენია.

2. მითი არქაული საზოგადოებისთვის რეალური რეალობაა, ლიტერატურისთვის – შეუძლებელი რეალობაა.

3. ფენტეზი ემყარება ურწმუნობას, მითი - რწმენას.

4. ფენტეზი ინდივიდუალურია (ამა თუ იმ ჟანრის აღწერისას, ერთადერთ განსაკუთრებულობას, სპეციფიკას წარმოადგენს ის, რომ ნაწარმოები, რომლის ანალიზიც კეთდება არის პირველი, საბოლოო და ერთადერთი მისი მაგალითი), მითის უკან კოლექტივი; ის არ ითვლება ადამიანური იმაგინაციის პროდუქტად. ის ითვლება ზებუნებრივთან ურთიერთობის პროდუქტად (რომლის საკომუნიკაციო არხებია გამოცხადება, სიზმარი და სხვ.) ერთ მხარეზე გვაქვს ინდივიდი და ინდივიდუალური, მეორეზე - კოლექტივი და კოლექტიური, ასევე ცნობიერი და არაცნობიერი, შესაბამისად.

5. ფენტეზი ემყარება წარმოსახვას, მითი - გამოცხადებას, სასწაულჩენას.

6. ფენტეზი ანუ „შეუძლებლის / წარმოუდგენლის“ ლიტერატურა დასაბამს იღებს ლიტერატურული გარემოდან, მითი - რეალობიდან.

7. ფენტეზი მეორადია (შეიძლება გამოიყენოს ტრადიციული სიმბოლოები...), მითი პირველადი, რამდენადაც ის უშუალო განცდას ემყარება.

8. ფენტეზიში იუმორს, სატირას წამყვანი როლი აქვს, მითში, როგორც საკრალურ ისტორიაში, ის საერთოდ არ არის.

9. ფენტეზი უნიკალურია თავისი ხედვით, მითი - საზოგადოების მიერ გაზიარებული რეალობაა, შესაბამისად, ფენტეზი პირადულია, მითი - საყოველთაო.

10. უფრო ფართოდ რომ შევადაროთ, ფენტეზისა და მითს შორის იგივე მიმართება არსებობს, რაც თეატრალურ წარმოდგენასა და ხალხურ დღესასწაულს შორის. პირველს ჰყავს მაყურებელი

(ლიტერატურის შემთხვევაში - მკითხველი), ხოლო მეორეში - ყველა თანამონაწილე მისტერიის. პირველ შემთხვევაში დეკლამატორს მსმენელი, მხილველი გადაჰყავს ჟამიდან ჟამობაში, მეორე შემთხვევაში - ადრესატი თვითონ ტექსტში.

11. სხვაობა არსებობს დროით-სივრცულ მიმართებებშიც, რომელსაც აქ გაკვრით შევეხებით. ბაზისური ნარატიული სივრცე საზოგადოების მიერ გაცდილი რეალობაა, რომელსაც გარკვეული ადგილი აქვს მინიჭებული ადგილობრივ საკრალურ ტოპოგრაფიაში.

მწერალი ფანტასტიკურ სივრცეს იკვლევს შიგნიდან; ის მჭიდრო კავშირშია წარმოსახვასთან, ცხოვრებისეულ შიშებთან, გადარჩენის იმედთან (შნაიდერი: 1964, პ. 248-149.).

12. არქაულ საზოგადოებასთან და, შესაბამისად, არქაულ აზროვნებასთან დაკავშირებული მითები და ხალხური ზღაპრები, დაკავშირებულნი მათ მატარებლებთან, „გადაადგილებიან“, დროსა და სივრცეში, მაშინ როდესაც ლიტერატურული ჯადოსნური ზღაპრები და ფენტეზი ნადვილად თანამედროვე (მოდერნული) დროის ქმნილებებია.

რეალურ და ჯადოსნურ დროს შორის მიმართება ფენტეზიში ზუსტად საპირისპიროა ჯადოსნური ზღაპრისა. ხალხური ზღაპრის უკვდავების ქვეყანაში მოხვედრილი გმირისთვის დრო უფრო ნელა გადის დასაკუთარ სამყაროში დაბრუნებული აცნობიერებს მრავალი წლის გასვლას. აქ ჯადოსნური, მითური დრო იკუმშება, იპრესება და ხდება უმნიშვნელო (იხ. ბაქ: 1989.62-67). ამის საპირისპიროდ, ფენტეზის, მოქმედი გმირები ადვილად ატარებენ მთელ ცხოვრებას იმაგინაციურ (წარმოსახვით) სამყაროში, ისე რომ მათ რეალობაში არანაირი დრო არ გადის.

ფენტეზი როგორც ეკლექტიკური ჟანრი, რომელიც სხვადასხვა ელემენტებს სესხულობს რომანიდან, სარაინდო ლიტერატურიდან, გოთური რომანიდან, მისტერიებიდან, სამეცნიერო ფანტასტიკიდან და სხვა ჟანრებიდან და ერთად აქუცმაცებს თითქოსდა შეუთავსებელ ელემენტებს ერთსა და იმავე ნარატივში, მაგ. წარმართულ და ქრისტიანულ სახეებს, ჯადოსნურ ჯოხებს და ლაზერულ თოფებს (ნიკოლაევა: 2003, 138-156). ჯადოსნური ზღაპრისგან განსხვავებით, ფენტეზი მჭიდრო კავშირშია მოდერნულობის ცნებასთან და, როგორც ასეთი, ასახავს პოსტმოდერნული ადამიანის წყვეტილ და ამბივალენტურ სამყაროს.

ამიტომაც ფენტეზი, როგორც ლიტერატურული

ცნობიერი შემოქმედება ყოველთვის ასე იდეოსინკრეტული და რეალობის ასახვისას უნიკალურად ინდივიდუალური სტილის და ხედვის მქონე.

ფენტეზი შეიძლება ინსპირირებული იყოს მითოლოგიით ან ჯადოსნური ზღაპრებით, მაგრამ ისინი სხვადასხვა სფეროს მიეკუთვნებიან.

#### ბამოყმნებული ლიტერატურა:

აბაკელია 2001: ნინო აბაკელია, მითისა და რიტუალის მიმართებისათვის, ენა და კულტურა, №2, თბ., 2001.

ბაკ 1989: Bak Krzysztof. Die Zeitmodalitäten im Märchen von der Insel der Glückseligkeit. Die Zeit im Märchen. Ed. Ursula Heindricks. Kassel: Roth, 1989.

დოლეზელი 1976: Lubomir Dolezel Narrative Modalities. Journal of Literary Semantics, 5 (1976).

ელიაძე 2009: მ. ელიაძე, მითის ასპექტები, ილიას სახ. უნივერსიტეტის გამომცემლობა. თბ., 2009

ვოლქ 1990: Anthony Wolk. Challenge the Boundaries: An Overview of Science Fiction and Fantasy. The English Journal. Vol.79.No.3 (Mar., 1990).

ირვინი 1976: W.R. Irwin. The Game of the Impossible: A Rhetoric of Fantasy. Urbana: Illinois UP, 1976.

კლაფსიკი 2009: Sandor Klapcsik, Neil Gaiman's Irony, Liminal Fantasies and Fairy Tale Adaptations, Hungarian Journal of English and American Studies (HJEAS), Vol.14 No.2 (Fall, 2009).

მალმგრენი 1988: Carl D. Malmgren. Towards a Definition of Science Fantasy. Science Fiction Studies, Vol.15No.3., 1988) pp.259 – 281.

მალინოვსკი 1926: B.Malinowski. Myth in Primitive Psychology, L., 1926.

ნილოლაევა 2003: Maria Nikolaeva. Marvels and Tales. Vol. 17.No 1, Considering the Kunstmärchen: The History and Development of Literary Fairy Tales (2003).

ტოდოროვი 1975: Tzvetan Todorov. The Fantastic: A Structural Approach to a Literary Genre, Cornell Univ. Press, 1975.

შნაიდერი 1964: Schneider M. La littérature fantastique en France. Paris, Fayard, 1964

ფრაი 1961: Frye N. Fables of Identity. New York, Harcourt, Brace & World, 1961.

ფრედერიკსი 1978: S.C. Fredericks. Problems of Fantasy. Scientific Fiction Series, 5 (1978): 33 – 44.

#### ნინო (ყველა იცნობს როგორც ნუკას ) აბაკელია



დაიბადა ქ. თბილისში 1950 წლის 3 ნოემბერს. ამ თარის გამო საკუთარი თავის განსაკუთრებულ მფარველად წმ. გიორგის მიიჩნევს. 1968 წელს დაამთავრა თბილისის მ. ფალიაშვილის სახ. ცენტრალური მუსიკალური სკოლა (საფორტეპიანო განხრით); 1973 დაამთავრა თბილისის სახ. უნივერსიტეტი, დასავლეთ ევროპის ენებისა და ლიტერატურის ფაკულტეტი (ინგლისური ენა და ლიტერატურა). 1974 წელს მუშაობა დაიწყო საქართველოს მეცნიერებათა აკადემიის მაშინ ივ. ჯავახიშვილის სახ. ის-

ტორიის, ეთნოგრაფიისა და არქეოლოგიის ინსტიტუტის საქართველოს ეთნოგრაფიის განყოფილებაში აკად. გ. ჩიგაიასთან და თარგმნიდა სამეცნიერო სტატიებს ინგლისურიდან ქართულად. თარგმანმა მიიყვანა ჯერ კულტურულ ანთროპოლოგიასთან, ხოლო შემდეგ საკუთარი კულტურის ფესვების კვლევასთან. 1987 დაიცვა სადისერტაციო ნაშრომში: მითი და რიტუალი დასავლეთ საქართველოში. ხოლო 1997 წელს - სადოქტორო დისერტაცია სიმბოლო და რიტუალი ქართულ კულტურაში. 1974 დან 2010 წლამდე ივ. ჯავახიშვილის სახ. ისტორიის და ეთნოლოგიის ინსტიტუტში მუშაობდა როგორც ეთნოლოგი სხვადასხვა თანამდებობაზე. 1993-2005 წლებში თბილისის აპ. ქუთათელაძის სახელობის სამხატვრო აკადემიაში აგარებდა მითოლოგიასა და რელიგიების ისტორიაში სალექციო კურსს როგორც მიწვეული პროფესორი. 2006 წლიდან არის ილიას სახ. უნივერსიტეტის ასოცირებული პროფესორი. 2009 წელს ჰილარის სემესტრის დროს (7.01-25.03) მიეცა საშუალება დამოუკიდებელი კვლევა ეწარმოებინა ოქსფორდის უნივერსიტეტში და წარმოედგინა კვლევის შედეგები ოქსფორდის უნივერსიტეტის სოციალური და კულტურული ანთროპოლოგიის ინსტიტუტში და საერთაშორისო გენდერული კვლევის ცენტრში. მონაწილეობა აქვს მიღებული სლივენის, ფლორენციის, მონპელიეს და სხვა საერთაშორისო სიმპოზიუმებსა და კონფერენციებში.

არის 100 -მდე სამეცნიერო ნაშრომის ავტორი, რომლებიც ეხება მითსა და რიტუალს, სიმბოლოს, კულტურულ მესხიერებას, კულტურულ იდენტობას და სხვა საკითხებს.

სტატია პირველად დაიბეჭდა კრებულში: „კარს მიღმა“ (ფენტეზის კანონის თანამედროვე ქართული პოეზია), ილიას სახ. უნივერსიტეტის გამომცემლობა, თბილისი, 2013

## ლევან გელაშვილი

### ქართული ფანტასტიკის სათავეებთან

პირველ ქართულ ფანტასტიკად, ალბათ, 1887 წლის 12 დეკემბერს გაზეთ „ივერიაში“ გამოქვეყნებული ფელეტონი უნდა მივიჩნიოთ, რომლის სათაურია „უცხოთა შორის“, ავტორია იაკობ მანსვეტაშვილი (ფსევდონიმით „ღონ იაგო“). ფელეტონში მთვარეზე მოგზაურობა აღწერილი.

საბჭოთა საქართველოში ფანტასტიკა, როგორც ჟანრი, ლიტერატურის მარგინალურ მოვლენად აღიქმებოდა. მკითხველთა ფართო წრეს მის მიმართ ხშირად ირონიული და დამცინავი დამოკიდებულება ჰქონდა. მას საბავშვო ჟანრად, არასერიოზულ, გასართობ ლიტერატურად მოიზრებდნენ. საბჭოთა ტრადიცია იმდენად ძლიერი იყო, რომ მკითხველთა თაობების ლიტერატურული გემოვნება განსაზღვრა.

გაზეთი „საბჭოთა მასწავლებელი“ 1941 წლის 19 აპრილს სტატიამ „შევუქმნათ ბავშვებს მეცნიერულ-ფანტასტიკური ლიტერატურა“ წერდა: „ბავშვს იტაცებს ზღაპარი, რადგან მასში ბევრი ფანტასტიკაა, მაგრამ ღებება პერიოდი, როდესაც ბავშვს ზღაპარი უკვე აღარ იზიდავს, აღარ აკმაყოფილებს, რადგან ზღაპრის ფანტასტიკა მისთვის უკვე მეტად პრიმიტიულია. ბავშვის განვითარებული გონება ახლა სხვაგვარ მასალას თხოულობს... პრიმიტიულ ზღაპარს მეცნიერულ-ფანტასტიკური მოთხრობები და რომანები ცვლიან, სადაც გასაგებ და მიმზიდველ ფორმებში მოცემულია მეცნიერებისა და ტექნიკის შემდგომი განვითარების გზები, მიღწევები... საბჭოთა კავშირის გმირული ცხოვრება და გრანდიოზული მშენებლობა აუარებელ თემას იძლევა მეცნიერულ-ფანტასტიკური ნაწარმოებების შესაქმნელად“.

საბჭოთა რუსეთში ეს ჟანრი განვითარდა, საბჭოთა კავშირის პერიოდში კი სრულიად იგნორირებული იყო. საბჭოთა პერიოდში გამოდიოდა საბავშვო წიგნების სერიები, რომელიც მთლიანად ფანტასტიკას ეძღვნებოდა, „პიონერში“ იყო რუბრიკა, რომელიც რეგულარულად ბეჭდავდა ფანტასტიკის ჟანრის საბავშვო თხზულებებს. სრულიად განსხვავებული მდგომარეობა იყო ამ ჟანრის „სადილო“ სეგმენტში. მთელი რიგი უცხოელი მწერლები, რომლებმაც ფანტასტიკას ისტორია შექმნეს, იშვიათი გამონაკლისის გარდა, ქართულად არ ითარგმნებოდა. ამასთან მოქმედებდა პრინციპი, ის, რაც რუსუ-

ლად არ იყო თარგმნილი, არავითარ შემთხვევაში ქართულად არ უნდა თარგმნილიყო. უცხოელი ფანტასტიკის მწერლების რუსული თარგმანები კი მკაცრ იდეოლოგიურ ცენზურას გადიოდა. იმ დროს თარგმნილ რომანებში შეცვლილია მთელი რიგი პასაჟები და ეპიზოდები, ამოღებულია ან გადააკეთებულია მთლიანად თავები.

ძირეული მიზეზი, თუ რატომ ვერ განვითარდა ეს ჟანრი ქართულ ლიტერატურაში, ცალკე საკვლევი თემაა, ერთ-ერთი მიზეზი, ალბათ. ტოტალიტარიზმის ბუნებაშია საძიებელი.

საბჭოთა ტოტალიტარიზმს ნაციზმისგან ინტერნაციონალიზმის გარდა, ოკულტური მიდგომის უარყოფა ანსხვავებს. ნაციზმი სამყაროს მოღერნიზაციისას ოკულტურ-ეზოთერული განზომილებების მეთოდებს იყენებდა. საბჭოთა ტოტალიტარიზმი კი მსოფლიოს ტრანსფორმაციისას მეცნიერულად დასაბუთებულ მეთოდოლოგიურ სისტემას ანიჭებდა უპირატესობას. მარქსისტული ლიტერატურისმცოდნეობა ლიტერატურის, უფრო კონკრეტულად კი მოღერნის, უმთავრეს ნაკლად სწორედ ბუნდოვანებას, მიღმურის შეცნობის სურვილს და რეალისტური მეთოდების უარყოფას მიიჩნევდა. ამ მხრივ, ტოტალიტარიზმისთვის ფანტასტიკის ყველაზე მკვლელი სუბჟანრი უტოპია და ანტიუტოპია გახლავთ, რომელიც იდეოლოგიურ დისკურსშიც კი მკითხველს აძლევს აზროვნების ისეთ გასაქანს, რაც არღვევს ტოტალიტარიზმის გარსს. ზოგადად, ფანტაზიას რაც ავითარებდა, იმის მიმართ სისტემა პანიკურ შიშს განიცდიდა.

სტატიამ „შევუქმნათ ბავშვებს სამეცნიერო ფანტასტიკური ლიტერატურა“ პირდაპირ წერია: „ფანტასტიკური ნაწარმოები უნდა იყოს დაწერილი სადა, გასაგები და ლიტერატურული ენით, რომ მკითხველისთვის ის ადვილი მისაწვდომი იყოს. მართალია მეცნიერებაზე სადა ენით წერა არც ისე ადვილია, მაგრამ საბავშვო მწერლის ღირსება იმაში მდგომარეობას, რომ მან შეძლოს ამ სიძნელის გადალახვა“. ამდენად მკაფიო თხრობა და მიღმურის შეცნობის ძაგება ერთი ყველაზე მნიშვნელოვანი მოთხოვნაა საბჭოთა ლიტერატურათმცოდნეობაში.

ფანტასტიკის უარყოფის ერთ-ერთი მიზეზი შეიძლება ისიც იყოს, რომ ფანტასტიკა არნახულად განვითარდა ამერიკელი მწერლების ხელში და საბჭოთა ბანაკში ეს ჟანრი აპრიორი აღიქმებოდა, როგორც ბურჟუაზიული სამყაროსთვის დამახასიათებელი.

საბჭოთა ტოტალიტარიზმი „მოთვინიერების“ ორ მეთოდს იყენებდა: 1. ე.წ. „გადაბირების“, საკუთარ

ნიადაგზე “დამცნობის” და 2. უარყოფა-ლიკვიდაციას. ტოტალიტარიზმმა არ უარყო რეალიზმი (რადგან მის მეთოდებს გარკვეულწილად იზიარებდა), ის, უბრალოდ, მოაქცია საკუთარ ჩარჩოებში სოციალისტური რეალიზმის სახელდების ფუნქციით, ხოლო მოდერნის იდეოლოგიზაციას ვერაფრით შეძლებდა, ამდენად ის ჯერ უარყო და შემდეგ გაანადგურა ლიტერატურული სკოლების გაუქმებით. მაშინ, როცა მწერლობის განვითარების მიზნით მწერლებს კონკრეტული დირექტივები ეძლეოდათ, ფანტასტიკა სრულიად იგნორირებული იყო, მისი ნებისმიერი გამოვლინება კი მთლიანად იდეოლოგიზირებული რაკურსში მოიაზრებოდა.

მოდერნის და ფანტასტიკის მიერ ცნობიერად მითორელიგიური კატეგორიების გამოყენება ნეო-მთოლოგიზმისეული ქრონოტიპის პლანის შემოტანა ნაწარმოებში, მითის, როგორც „საწყისთან მიბრუნების” ტოლფასი მოვლენა, არქაული ადამიანის დისკურსის აღდგენა იყო. ფანტასტიკამ ჭეშმარიტების, საწყისის ძიების ხანგრძლივი პროცესი სამეცნიერო მითოსური არქეტიპებით განახორციელა, რამაც ავტორის ლიტერატურული რეგისტრიც განსაზღვრა; ფანტასტიკი ავტორი არის არა თანამედროვე სკრიპტორი, არამედ ახალი დროის დემიურგი.

30-იანი წლების შემდეგ ამ ჟანრის ფარგლებში შემქნილ ტექსტებს სპორადული ხასიათი ჰქონდა. ქართული ფანტასტიკა ჟანრული მრავალფეროვნებით ნამდვილად ვერ დაიკვეხნის.

მოკლედ მიმოვიხილოთ ქართული ფანტასტიკის პირველი ნიმუშები, რომლებიც მეოცე საუკუნის 30-იან წლებში გამოჩნდა: ალექსანდრე აბაშელის „ქალი სარკეში” და დიმიტრი ყიფიანის „ამონი ანუ ათასი წლის შემდეგ”.

ირივე რომანი მკაფიოდ გამოხატული ხისტი სამეცნიერო ფანტასტიკის ნიმუშებს წარმოადგენს. რომანის „ქალი სარკეში” პირველი ნაწილი დაიბეჭდა 1930 წელს ჟურნალ „მნათობში”. (მეორე ნაწილის გამოსვლამდე მკითხველები წერილს წერილზე აგზავნიდნენ რედაქციაში და რომანის გაგრძელებას ითხოვდნენ).

გამომცემლობამ „ფედერაცია” 1937 წელს გამოცა ივანე ყიფიანის რომანი „ამონი ანუ ათასი წლის შემდეგ”.

ალექსანდრე აბაშელის რომანს „ქალი სარკეში” დახვეწილი, ლაკონური სტილი და ამბის საინტერესო თხრობა ახასიათებს. საბჭოთა კრიტიკა პირველ ქართულ ფანტასტიკას ალ. ტოლსტოის „აელიტას” გამოძახილად მიიჩნევდა. თუმცა თითონ

აბაშელი მიგვანიშნებს, თუ რა იქცა მისთვის შთაგონების წყაროდ, – ესაა უცხოური ფანტასტიკური ნაწარმოები. იგი თავის გმირის კამარელის შესახებ ამბობს: „რამდენჯერ აძგერებულა მისი გული ჟიულ ვერნისა და ჰერბერტ უელსის გმირთა გაბედული გემებით და მათთან ერთად მოხიბლულა ფანტასტიკური ოცნების რეალური განცდით”.

აბაშელის პროზაში სამი მნიშვნელოვანი სამეცნიერო იდეაა მოწოდებული: 1. ატომური ენერჯია, როგორც მოძრაობის და სითბო-სინათლის წყაროს გამოყენება (ლეტარგინი). 2. შორეული ხილვების ეკრანი (ინტერნეტი) და 3. საპლანეტაშორისო კავშირი. აბაშელი მოვლენას კი არ აღწერს, არამედ მის მეცნიერულ ახსნას იძლევა პოპულარული ენით, განსაკუთრებით კარგად აქვს ახსნილი საპლანეტაშორისო ფრენა.

მწერალი სიუჟეტს აგებს კოდების გახსნის ხერხზე. საიდუმლოებათა მოულოდნელი გახსნის ხერხი მკითხველში მოუთმენელ ინტერესს იწვევს. რაც ძალიან ეფექტურია და მკითხველზე დიდ ემოციურ გავლენას ახდენს. მაგალითად მოულოდნელია ვაისმანის ლაბორატორიაში კამარელის მიერ ტელევიზიის ეკრანის ხილვა და ამაზე უფრო მოულოდნელი – ეკრანზე მშვენიერი ქალის გამოჩენა. ამასთან, ქალი სარკეში და თვით ვაისმანი კარგახანს საიდუმლოებით არიან მოცულნი, მწერალი ამით აღვივებს მკითხველის ინტერესს. საიდან გაჩნდნენ ეს პერსონაჟები და ვინ არიან?

„ქალი სარკეში” თანმიმდევრულად მიყვება საბჭოთა ნარატივის ძირითად დოქტრინებს. შევეცდებით ტექსტის საბჭოთა ნარატივისადმი რამდენიმე ძირითადი მიმართება გამოვყოთ.

ტოტალიტარიზმისთვის დამახასიათებელია: მითორელიგიური კატეგორიების გამოყენების პარალელურად ადამიანთა ცნობიერებიდან რელიგიური გრძნობის განადგურება ან სუბლიმაცია ტოტალიტარიზმის იდეოლოგიურ ალუზიაში.

რომანში კომეტის მოლოდინთან ერთად, რომელიც განადგურებით ემუქრება დედამიწას, შემოდის რელიგიური პირების, რომის პაპის და ვატიკანის პოზიცია, რომლებიც სარდაფში იმალებიან გადარჩენის იმედით. ბიბლიური ციტატები კი, რომლებსაც კრების დელეგატები კითხულობენ, აბსურდის მნიშვნელობით შემოტანილ ეპიზოდს უფრო ჰგავს. რომანის მიზანსცენა ნათელია: როცა საბჭოთა მეცნიერებაზე დაყრდნობით მეცნიერები იბრძვიან ბუნების სტიქიის წინააღმდეგ, დედამიწის მოსალოდნელი კატასტროფით შეშინებული უსუსური სამდღველოება მიწის

ქვეშ იმალება.

საბჭოთა ტოტალიტარიზმის ლენინის მიერ ინტერპრეტირებული იდეოლოგია (მარქსიზმი) ემყარებოდა ერთადერთ მონოიდეოლოგიურ, კლასთა ბრძოლის კონცეფციას, ნებისმიერი გადახვევა აღნიშნული პოსტულატიდან აღკვეთილი იყო ნებისმიერი მეთოდით და მტრულად მიიჩნეოდა. ტოტალიტარული იდეოლოგიის ერთ უმთავრეს ფუნქციას ადამიანის ტრანსფორმაცია, მის ცნობიერებაზე, იდეებზე, აზრებსა და ოცნებებზე, მთელ შინაგან სამყაროზე, მატერიალურ და სულიერ ცხოვრებაზე მკაცრი კონტროლის დამყარება წარმოადგენს. განათლების, აღზრდისა და საქმიანობის კონტროლის უზარმაზარი განშტოებული აპარატი პიროვნების ფორმირების ყველა ეტაპზე ზემოქმედებდა ადამიანის ცნობიერებაზე იმ მიზნით, რომ ინდივიდუალური საწყისების უნიფიკაციით და შემდგომ მისი სტანდარტიზაციით რეჟიმისთვის სასურველი პიროვნება ჩამოყალიბებულიყო. ინდივიდუალური საწყისების უნიფიკაცია-სტერილიზაცია ემსახურებოდა ე.წ. „ახალი ადამიანის“ აღზრდას, რომლის განმსაზღვრელი ნიშანი უნიფიცირებული ფსიქიკური წყობა, აზრობრივი და ქცევითი მახასიათებელი იყო. „ახალი ადამიანის“ შემდგომი ტრანსფორმაცია, მისი გადაზრდა „საბჭოთა ადამიანში“, რომელშიც ტოტალიტარიზმის იდეებისადმი ერთგულება უფრო მაღალ ხარისხში იქნებოდა აყვანილი და შესაბამისად, მინიმუმამდე დაქვეითებული ან მოსპობილი ინდივიდუალიზმი, დამოუკიდებელი აზროვნება და ეროვნული ცნობიერება.

ნაციზმისგან ოდენ ინტერნაციონალიზმით და მეცნიერულ-მატერიალური მიდგომით განსხვავებული საბჭოთა იმპერია უტოპიური იდეის განხორციელების შემდეგ განისაზღვრა, როგორც განსხვავებული ერების და კულტურების ძალისმიერი გაერთიანება, სადაც „ჭრელი მოზაიკიდან“ შექმნეს ერთიანი, სტანდარტული „საბჭოთა ხალხი“.

მიუხედავად იმისა, რომ მარქსიზმი თავისი არსით ძირშივე გამორიცხავს, საზოგადოდ, რელიგიურ რწმენას და ეკლესიისადმი მტრულადაა განწყობილი, იგი სწორედ ფუნდამენტური რელიგიურობის სუროგატულ ფუნქციონალურ როლს ითავსებს გასაკუთრებით ქრისტიანობასთან მიმართებაში. თვით ლათინური წარმოშობის ცნება — კომუნიზმი ქრისტიანობაში გარკვეული ტიპის საზოგადოებებს, გაერთიანებებს აღნიშნავს, რომელთა არსებობა სულიერი ცხოვრების მოწიფულობის ნიშნადაა შეფასებული. ზოგი რელიგიათმცოდნე მარქსიზმს მსოფლიო რე-

ლიგიათა რიცხვს მიაკუთვნებს. ყველა რელიგიათმცოდნე თანხმდება მარქსიზმის ქრისტიანული ფესვების შესახებ. გავრცელებული აზრის თანახმად, მარქსიზმი იუდაიზმისგან, ხოლო შემდგომ ქრისტიანობისაგან მომდინარე ესქატოლოგიური და მესიანისტური ტრადიციის დამახინჯებას წარმოადგენს, მარქსიზმი იყენებს მილენარიების, ანუ ხილიასტთა სწავლებებს. რწმენა კომუნიზმისადმი—სააქაო სამართლიანი სამეფოსადმი ისევე როგორც ქრისტეს მიწიერი ორიათასწლიანი სამეფოსადმი რწმენა, გავრცელებულ მითოლოგიემას ეფუძნება კაცობრიობის ოცნებას დაკარგული სამოთხის დაბრუნებაზე (8,174). ელიადე მიუთითებს რომ, მარქსმა აზია-ხმელთაშუაზღვის სამყაროს ერთ-ერთი ესქატოლოგიური მითი გაიმეორა: როლი მართლის მთქმელისა (ამ შემთხვევაში, პროლეტარიატის), რომელიც მოწოდებულია ტანჯვის გზით მსოფლიოს ონტოლოგიური სტატუსი შეცვალოს. მარქსის უკლასო საზოგადოება ემყარება ოქროს ხანის მითს, რომელიც მარქსმა იულო-ქრისტიანული და მესიანური იდეოლოგიით გაამდიდრა. პროლეტარიატს მან მიანიჭა სოტეროლოგიური ფუნქცია, ხოლო მისი სიკეთე-ბოროტების ორთაბრძოლა ჰგავს ქრისტეს და ანტიქრისტეს აპოკალიფსურ კონფლიქტს, ქრისტეს საბოლოო გამარჯვება რომ მოყვება. იუნგმა კომუნიზმის მარადიულ მითოლოგიურ სუბსტანციურ კონსტანტას „ოქროს ხანაზე“ ოცნების სახელი უწოდა.

აქედან გამომდინარე გასაგებია რომანში რატომ გაისმის დაცინვასავით, როდესაც დელეგატთა მრავალ კითხვას მამა ბენედიქტე მხოლოდ საღვთო წერილით, რომ პასუხობს. სრულიად პროფანული კითხვებია რელიგიის მიმართ დასმული: თუ ქვეყანა იღუპება უფლის ნების გარეშე, მაშინ როგორ შევითავსოთ ეს მოვლენა საღვთო წერილთან?

როგორც საბჭოთა იდეოლოგიას შეჰყვების, რომანში რაციონალური გონის ადამიანური ინტელექტის ფეტიშია მოცემული, რაც სრულიად გამორიცხავს რამე მიღების და ღმერთის, როგორც უმაღლესი გონის არსებობას. ყველაფერი შეიძლება აიხსნას მეცნიერებით და მისადმი რწმენით.

ტოტალიტარიზმის ერთ-ერთი მნიშვნელოვანი თვისებაა: მტრის ხატის შექმნა.

რომანის დასაწყისშივე, როდესაც ინჟინერი გურგენ კამარელი შედის თავის საბუღალთო კაბინეტში და შეიკრებოდა, რომ მასთან სტუმარია მისული, პირველი, რაც თავში მოსდის; ხომ არ არის ეს შანტაჟისტი ამერიკიდან და რომ აუცილებელია გამოიჩინოს სიფხიზლე. თხრობას ფონად გასდევს ნაგულისხმევი

დასავლეთის მტრული გარემო, რომელიც არსად არ მართლდება, მაგრამ ავტორისეული რწმენა მტკიცეა, რომ ის არის მტრული.

საკუთრივ ტექსტუალური კონტექსტი გულისხმობს საბჭოურ რეჟიმს, როგორც იდეალურ წყობას. თუმცა ავტორი არ აღწერს, თუ როგორია იდეალური წყობა, არამედ გვიყვება, რომ სოციალისტური წყობა ეს უპირობოდ იდეალური საოცნებო სისტემაა და განხილვას არ ექვემდებარება. სტუმრის გამოჩენისთანავე იწყება ამის დეკლამაცია. სტუმარი თავის სათქმელს იმით იწყებს, რომ ამერიკაზე კარგი სამუშაო პირობები საბჭოთა კავშირშია. თითქოს მკითხველსაც და მთავარ გმირსაც უქარწყებებს ეჭვს, რომ ის არ არის ამერიკიდან მოგზავნილი შანტაჟისტი. ვაისმანი უცხადებს კამარელს თავის სურვილს - დარჩეს საქართველოს დედაქალაქ თბილისში და რეალობად აქციოს კამარელის თამამი თეორიული მოსაზრებანი ეთერის ტალღების შესახებ, კამარელი თანახმაა.

„რა თქმა უნდა, ყველაფერი, რასაც ჩვენ გავაკეთებთ, კაცობრიობის კეთილდღეობისაკენ იქნება მიმართული, ჩვენ ვიმუშავებთ უანგაროდ, ყურადღებას არ მივაქცევთ მომაბეზრებელ ოქროს საწყაოს, რომლითაც იზომება დღეს ყოველგვარი მეცნიერული და პოეტური აღმაფრენა. ჩვენს ლაბორატორიაში ოქრის ღმერთს ადგილი არ ექნება!“ - ამბობს უცხოელი. კამარელი გრძნობს გაურკვეველ სიმძიმეს, გრძნობს სადაც გულის კუნჭულში, რომ უცხოელის ეს სიტყვები ნამდვილი განზრახვის დასაფარავად არის წარმოთქმული.

შემთხვევითი არ არის, რომ მარსელი ინჟინერი დედამიწაზე რამდენიმე ხნის ყოფნის შემდეგ (იგი პრველად ჩიკაგოში დაბინავდა) საბჭოთა კავშირში ჩამოდის და აქ იწყებს თავის გეგმის განხორციელებას. იგი კამარელს ეუბნება: „თქვენ არ უნდა გავაკვირვოთ ჩემმა განცხადებამ, მე შემძლო ამერიკაში მუშაობა, მაგრამ აქ ვირჩიე, თქვენთან თანამშრომლობა. მთავარი ის არის, რომ ჩვენ მოვითხოვთ ჩვენი მუშაობისადმი უანგარო ყურადღებას“. თურმე ძალიან მოკლე დროში უცხოპლანეტელიც კი დარწმუნდა, რომ მისთვის ყველაზე შესაფერი ადგილი მსოფლიოში სოციალისტური სამყარო იყო. დასავლეთი ეს შეცდომაა, საბჭოთა ბანაკი კი - სწორი არჩევანი.

ტოტალიტარიზმის კიდევ ერთი საგულისხმო თვისებაა საზოგადოების მუდმივი ბრძოლის ჟინით დამუხტვა.

საბჭოთა ნარატივის ერთ-ერთი მნიშვნელოვანი თვისებაა პერმანენტული ომი ბურჟუაზიულ ისტო-

რიოგრაფიასთან (კლასიკურ ისტორიულ ნარატივთან). რომანში გამოყვანილია ერთმანეთისგან განსხვავებული ორი თანამედროვე სოციალური სისტემა - სოციალისტური და კაპიტალისტური. ორივე მათგანის წარმომადგენლები თავგამოდებით იბრძვიან თავთავიანთი სოციალური წყობის დასაცავად. მარსელმა ინჟინერმა მოქმედების ასპარეზად საბოლოოდ საბჭოთა ქვეყანა აირჩია. რადგან იგი ხედავს, რომ დედამიწაზე დამყარებულ ამ ახალ სოციალურ წყობას აქვს ყველა უპირატესობა და ამიტომ უფრო გაბედული პრაქტიკული ნაბიჯების გადადგმა შეუძლია წინ, მეცნიერების და ტექნიკის დარგში.

რომანი იმდროინდელი სოციალური პათოსითაა გაჯერებული. რომანში ორ შრესთან გვაქვს საქმე: ერთია ფანტასტიკა, როგორც მეცნიერული ცოდნის გამოყენება, ფანტასტიკის კონტექსტში და მეორე - სოციალურ-პოლიტიკური დისკურსი, რომელიც მტკიცედ არის დაკავშირებული პირველთან და ერთ მთლიანობას ქმნის. რომანი თავისთავად გულისხმობს ორი სამყაროს არსებობას ერთ-ერთ ქვეთავს პირდაპირ ჰქვია: „ორი ბანაკი“, სადაც მოიაზრება ორი, მტრულად განწყობილი, კაპიტალისტური და სოციალისტური ქვეყნების დაპირისპირება. კაპიტალისტური სამყაროსთვის დასაშვებია, როგორც პირდაპირი ასევე შენიღბული მეთოდები. საბჭოთა ქვეყნის მიღწევები, მისი იდეურ-ზნეობრივი უპირატესობა აიძულებს უცხოეთის ქვეყნებს აღიარონ საბჭოთა კავშირის გამარჯვება, სოციალისტური წყობის გამარჯვება. მსოფლიო ხალხთა კონგრესზე უცხოეთის წარმომადგენლები აცხადებენ: საბჭოთა ქვეყანა იმარჯვებს ჩვენ უნდა ვიცნოთ ამ ქვეყნის იდეურ-ზნეობრივი უპირატესობა და თავი დავხაროთ მის წინაშე. (1.128)

აბაშელი აღწერს, ერთი მხრივ, უცხოეთის შემოფოტებას საბჭოთა ქვეყნის წარმატებათა გამო, ხოლო, მეორე მხრივ, ამხელს მის აგრესიულ ზრახვებს. კაპიტალისტური ქვეყნების აგრესიულ პოლიტიკას.

გადარჩენის მისია, როგორც უმაღლესი სიკეთე.

რა შეიძლება იყოს იმაზე მნიშვნელოვანი და ტრაგიკული, ვიდრე მსოფლიოს დაღუპვაა. მარსის ობსერვატორიამ წინასწარ შეიტყო მეზობელი პლანეტის - დედამიწის მოსალოდნელი კოსმოიური კატასტროფის მოახლოება: 1933 წლის 25 ნოემბერს, საღამოს 6 საათსა და 43 წუთზე, კომეტა ბიელა უნდა დაეჯახოს დედამიწას, რაც ჩვენს პლანეტაზე სიცოცხლის მოსპობას გამოიწვევს და რადგანაც მარსელების მიერ შენიშნულია დედამიწაზე სიცოცხლის ნიშნები, მარსელებმა დიდი მსჯელობის შემდეგ გადაწყვეტეს, იხსნან მეზობელი პლანეტა.

ვაისმანად მონათლული ინჟინერი, კარო, მარსიდან იმ მიზნით მოფრინავს, რომ დედამიწა მოსალოდნელი დალუპვისგან გადაარჩინოს. კატასტროფის თარიღი დაადგინეს მარსზე, რომელიც მეცნიერებისა და ტექნიკის დონით დედამიწისგან დიდად წინ წასულა. მეცნიერი ქალის გედა ნუავეს დაჟინებული მოთხოვნით, კარო გამოგზავნა დედამიწაზე. იგი დაუკავშირდა საქვეყნოდ ცნობილ მეცნიერს, გურგენ კამარელს, რათა ამ უკანასკნელის თეორიული მოსაზრებანი პრაქტიკულად განეხორციელებინა. მართლაც, კარომ პრაქტიკულად გამოიყენა ატომური ენერგია, აქცია იგი მოძრაობისა და სინათლის წყაროდ, ააგო ტელევიზიის ეკრანი. აგრძობინა კამარელს შორეული ხილვის გასაოცარი ძალა და ამ ეკრანის გზით მარსელი ქალისადმი სიყვარული განაცდევინა.

იმავე კარომ დედამიწის მცხოვრებთ შესთავაზა ერთადერთი გზა კატასტროფის თავიდან ასაცილებლად და ბრწყინვალედაც განახორციელა ჩანაფიქრი – დაამუხრუჭა დედამიწა.

კარომ მოაწყო დედამიწის დელეგაციის გაფრენა მარსზე, განაცდევინა კამარელს პლანეტათმორისი ფრენის თავისებურება და მარსელ სატრფოსთან მოსალოდნელი დაახლოებით გამოწვეული სიხარული. მთელ სამყაროში უცხოპლანეტელების მიერ დასაყრდენი მხოლოდ საბჭოთა ბანაკი და გურგენ კამარელია. კარო ვერაფერს გააკეთებდა, რომ არ ყოფილიყო კამარელი. ეს არის უმნიშვნელოვანესი მიზეზ-შედეგობრივი სიუჟეტური რგოლი, რომელიც ხსნის კოდს სიკეთის ემანაციას საზოგადოებაში.

და ზუსტად ამ დროს თავს იჩენს საბჭოთა პატრიოტიზმი: „ის თბილი და ჟრუანტელის მომგვრელი გრძნობა, რომლითაც იმსჯვალეობდა საქართველოს მოგონების დროს, თანდათან, მისთვის შეუმჩნეველად სცილდებოდა პატარა საქართველოს საზღვრებს და ხანძარივით გადადიოდა მეზობელ ქვეყნებზე, რათა ბოლოს დედამიწას მოსდებოდა მშობლიური სიყვარულის ალი“. რომანის მიხედვით, რევოლუციის მშობელი ჩვენი ქვეყანა არის შთამავონებელი მსოფლიო რევოლუციისა.

ფეტიში, როგორც დაცინვა.

სოციალური კონტექსტის გამოცვლის გამო საბჭოური ნარატივი ახალი კულტურული კოდების რიგით დაიტვრთა, რომელიც საკუთრივ სისტემის ფეტიშს დასცინის და ირონიულ დიკურსში ანადგურებს მას. საბჭოთა ბანაკის უპირატეობის აღიარების მიუხედავად მსოფლიო კონგრესზე მარსიანი ელი ადამიანი ინგლისურ ენაზე გამოდის სიტყვით, ივანე ყიფიანის რომანში: „ამონი“ მოქმედება რე-

ალური ოცადაათიან საბჭოთა დროში მიმდინარეობს მთავარ გმირს გაყინავენ და ათასი წლის შემდეგ გააღვიძებენ მას თავი ამერიკაში ან ინგლისში ჰგონია. იმდენად პერიფერიული და ფასადურია საბჭოთა კონტექსტი, გრჩება შთაბეჭდილება ავტორი იძულებით რთავს თხრობაში საბჭოთა სისტემისადმი ხოტბას რომ ხარკი გაიღოს ტოტალიტარული სისტემის მიმართ.

ამ თვალსაზრისით ტექსტი, როგორც ეპოქის კულტურული პროდუქტი არააპირდაპირ გვაჩვენებს სოციალური ეპოქის ხატს. მწერალმა ნაწარმოებს კომპოზიციაც ისეთი შეურჩია, რომ ფანტასტიკურ ამბავს თითქმის რეალობად აღვიქვამთ. მხოლოდ ნაწარმოების ფინალში ირკვევა, რომ ყველაფერი, მასში მოთხრობილი, სიზმარია. ამის შესახებ მკითხველმა ბოლომდე არაფერი იცის. რაც კამარელმა სიზმრად იხილა, რომანში რეალურ სინამდვილედაა წარმოდგენილი. ნაწარმოების დასაწყისში მინიშნებულ ზოგიერთ მომენტს მკითხველი მხოლოდ ფინალის წაკითხვისას აქცევს ყურადღებას; მაგალითად; იხინერი ვაისმანი სთხოვს აუდიენციას კამარელს, შესვედრა დანიშნულია 10 საათზე. ცხრას აკლია ოცი წუთი, როცა კამარელი ითხოვს, არავინ შეუშვან მასთან, რადგან იგი მთელი ღამის უძილოა. ჩაესვენება რბილ სავარძელში და ფიქრობს. ფინალში კამარელს მოახლე ქალი აღვიძებს და ატყობინებს ვაისმანის მოსვლას. ამით ირკვევა, რომ კამარელს ვაისმანზე ფიქრში ჩასძინებია. ამგვარად, მთელი ნაწარმოები სიზმარს წარმოადგენს.

შესავალში აბაშელი აღნიშნავს: „მთელი ეს ამბავი მოგონილია თავიდან ბოლომდე, მაგრამ მაინც დაწურული ფაქტოლოგიაა“. ავტორი მეცნიერული ცოდნის ფანტაზიის დისკურსში გამოყენებას გულისხმობს.

გამოდის, რომ მთელი რომანი ერთი დიდი სიზმარია, რომელიც გაღვიძებისთანავე გაქრება, ამის ფონზე სისტემის გაფეტიშება, თანამედროვე გადასახედიდან, ირონიულად მოჩანს.

ორიოდე სიტყვა ვთქვათ ყიფიანის რომანზე “ამონი ანუ ათასი წლის შემდეგ”. მთავარი გმირი, ექიმი გიორგი მოგელი მეოცე საუკუნის მცხოვრები მნიშვნელოვან ცდებს აწარმოებს ადამიანის უხრწნელობის ანუ დაბალზამების პრობლემაზე. მან ამ მიზანს მიაღწია - გამოიგონა ისეთი წამალი, რომელიც ადამიანის სხეულს ინახავს საუკუნეების განმავლობაში. ეს საიდუმლოება მოგელმა მხოლოდ თავის მეგობარს, სარდიონს გააცნო, და ერთ მშვენიერ დღეს 1930 წლის 27 აგვისტოს გიორგი მოგელი მოუ-



ლოდნელად გარდაიცვალა. სარდიონმა გიორგი მის მიერვე გამოგონილი წამლით დააბალზამა და ისე დაასაფლავა. რამდენიმე დღის შემდეგ სარდიონიც მოულოდნელად დაიღუპა. საიდუმლოება დაფარული დარჩა.

გაივლის ათასი წელი. არქეოლოგიური გათხრების დროს გიორგის მოგელს იპოვნენ და 2930 წლის 27 ივლისს გიორგი მოგელი იღვიძეს. იგი მოხვდება სრულიად უცნობ ქვეყანაში, დადის ამ უცხო მხარეში, ხედავს, რომ ქართულ ენაზე არავინ საუბრობს. ენა, რომელიც მას ესმის, სრულიად სხვანაირია. იგი გაფაცვიცებით ათვალერებს ყველაფერს. თავი ჰგონია ამერიკაში ან ინგლისში. ბოლოს მიადგება ერთ ვებერთელა შენობას, სადაც ხალხი ბუზებივით ირევა, ავტორის გადმოცემით, გიორგი აქ ხედავს ლენინის და სტალინის ძეგლებს და მხოლოდ ამით ხვდება, რომ იმყოფება საბჭოთა კავშირში. გიორგი შევა შენობაში, როგორც გამოირკვევა, ის იმყოფება დიდ ინტერნაციონალურ სადამოხე. ხედავს, რომ სცენაზე ხან ერთი პოეტი გამოდის და ხან მეორე. ხალხი ტაშს უკრავს და ყვირის „მარაა ჰომიროს! მარაა რუსთაველი!“. გიორგი მოგელი სცენისკენ წავა, მოულოდნელად გრძნობას დაკარგავს და დაეცემა. და როდესაც გაეღვიძება სრულიად უცნობ ოჯახში უცნობ ადამიანებს შორის აღმოჩნდება. ესაა კარიოზის და აირას ოჯახი. ადამიანები, რომლებიც მუდამ მის გვერდით იქნებიან მთელი რომანის განმავლობაში და უყვებიან თანამედროვე მიღწევების შესახებ. კარიოზმა მრავალი პროფესია გამოიცვალა და ბოლოს ლინგვისტიკას მოკიდა ხელი. მანაც და მისმა ცოლმაც კარგად იციან ქართული. ისინი უამბობენ გიორგის, როგორ ადამიანჩინეს არქეოლოგიური გათხრების დროს და იხსენიებენ დიდი პატივისცემით, როგორც დაბალზამების გამოგონებელს.

მთელი რომანის განმავლობაში მთავარი გმირი და მასთან ერთად მკითხველიც ეცნობა ახალ ფანტასტიკურ იდეებს, მაგრამ მწერალი ამას კი აღწერს, არამედ გვიყვება. ყიფიანის რომანის სამეცნიერო იდეები იმდენად მნიშვნელოვანია, რომ ზოგიერთის გარშემო ცალკე წიგნებია დაწერილი. ყიფიანთან ჩამონათვალივით გხვდება სამეცნიერო იდეების მთელი კალეიდოსკოპი.

გიორგი გაოცებულია, როდესაც ხედავს ბაღების მეტამორფოზას, როდესაც ისინი ელექტრო მექანიზმების მეშვეობით სრულიად იცვლიან დეკორაციულ სახეს. მარსზე გაფრენა მაღაზიაში პურის საყიდლად წასვლასავითაა. გემს ელასტიური საცურაო

ფეხები აქვს. ჩვეულებრივი პრაქტიკაა საჰაერო ნავი და “ჯიპიარესის” მსგავსი სისტემა, რომელიც წამებში ადგენს, თუ სად რომელი ადამიანი იმყოფება. გამოგონილია ასევე რადიო აზრების მიმღები, რომელსაც შეუძლია ადამიანის აზრების პორტირება.

რომანში ვეცნობით “ჯადობეჭედის” მეშვეობით ფსიქოსომატური არსების დანაყრების შესაძლებლობას. დანომრილი მინერალური წყლები ონკანში მოედინება, და სურვილებისამებ რომელსაც გინდა დააგემოვნებ. მომავლის სამყაროში დედამიწას ასკანიებენ ტერესკოპით, რაც დედამიწის ქერქის ქვეშ არსებული ყველა პროცესის ანალიზის საშუალებას იძლევა.

წიგნები პატარა ფირფიტებია, რომელთაც სპეციალურ მოწყობილობაში ათავსებენ. სისტემა ტელეპატიურად გადასცემს ინფორმაციას ადამიანის ტვინს. დღევანდელ რელობასთან რომ გავაგლოთ პარალელი, ეს კომპიუტერის დისკისა და ადამიანის ურთიერთობის მომავლის ეტაპია.

ამონში გამოდის მხოლოდ ერთი გაზეთი, „სამყარო“. ნებისმიერ საკითხში ამ გაზეთში იბეჭდება და თემების გარშემო ოპონირებაც ისევ ამ გაზეთში ხდება. ადამიანები კალმით არ წერენ, ასანთის ხელა კოლოფს კარნახობენ და ის კრეფს ტექსტს. საინტერესოა რომ მსგავსი ტექნოლოგია დღეს უკვე არსებობს.

მომავლის სამყაროში ნებისმიერი წარსულში არსებული მწერალი შეგიძლია ელექტრონულად ჩართო და მოუსმინო. ხდება ე. წ. მწერლების ადდგენა. ესაა დღევანდელი კიბერპუშკინის ან კიბერგალაკტიონის ანალოგია.

მომავლის სამყაროში ეროვნებები აღარ არსებობს, მაგრამ მთელი რომანის განმავლობაში ძალუმად გამოსჭვივის საქართველოს დაუფარავი პატრიოტული განცდა. შავი ზღვა ხმელთაშუა ზღვას შეუერთეს, ახალ რიონს არიონს უწოდებენ. წყლის აფეთქების ტექნოლოგიით ევროპა და აფრიკა ერთმანეთთან დააკავშირეს.

ადამიანებმა მიაღწიეს ხელოვნური წვიმის მოყვანას. შექმნეს ხელოვნური მზე და ღამე ოთხი საათით შეამცირეს. მყინვარები დაადნეს. შექმნეს მზის სადგურები ე. წ. „მზის ყაჩაღები“.

ამონში ფულის ერთეული აღარ არსებობს. აღარ არსებობს არც ვაჭრობა. პროდუქტი პირდაპირ ფაბრიკებიდან ნაწილდება ხალხში. ჯილდო მხოლოდ საერთო დაფასება და ყურადღებაა. აღარ არსებობს სავალდებულო სწავლა და სკოლები. არ არსებობს პოლიცია და სასამართლო. შეცდომის ჩამდენი პირი

ყოველმხრივ სწავლობს საკუთარ შეცდომას, არკვევს, რა გარემოებამ შეუწყო ხელი ამ შეცდომას, რომ მომავალში არ გაიმეოროს. არავითარ სადამსჯელო ორგანიზაცია და სახელმწიფოებრივი აპარატი არ არსებობს. უმმართველობა კომუნიზმის მეორე საფეხურზე გახდა შესაძლებელი. ეს არის ჰეკასტორაქია.

ავტომატები – რაც დღევანდელი გაგებით, ხელოვნური ინტელექტი უნდა იყოს, – ნებისმიერ რთულ კითხვაზე სცემენ პასუხს.

გაზარდეს ადამიანის სიცოცხლის ხანგრძლივობა. ადამიანი სამას ?ლამდე ცოცხლობს, მიაღწიეს ასევე გაფენიქსებას, ე.წ. "ფენიქსოლოგია" სწავლობს გვამის გაცოცხლებას. შესაძლებელია ასევე ადამიანის თავის სხვა ტანზე გადაწერვა. რომლის ოპერაციაც საქართველოში ჩატარებულა და თბილისის საზოგადოებას იდღესასწაულა ეს დიდებული სამეცნიერო წარმატება.

ცალკე უნდა აღინიშნოს ადამიანის დაბადება და გენეტიკაში მიღწეული წარმატებები.

„ჩვენი სახელმწიფო (იგულისხმება საბჭოთა კავშირი) ხელს უწყობდა მოსახლეობის გამრავლებას, - დაიწყო გიორგიმ. - იგი ეხმარებოდა მშობლებს, ათასობით ხსნიდა სამშობიაროებს, ბავშვთა ბაგებს, აგებდა თავშესაფრებს, სანატორიუმებს, სკოლებს, უმაღლეს სასწავლებლებს, სადაც სწავლა უსასყიდლოდ სწარმოებდა.

- საბჭოთა კავშირში? . . რა თქმა უნდა, - უპასუხა კარიოზმა, - მაგრამ სხვაგან ხომ მასეთი წესი არ ყოფილა? მაშინ თქვენთან საამური ცხოვრება იწყებოდა, თქვენ უკვე სოციალიზმის მიჯნასთან იმყოფებოდით, შვილის ყოლა თქვენ ზედმეტ ტვირთად კი აღარ გეჩვენებოდათ, როგორც ეს იყო კაპიტალისტურ ქვეყნებში, არამედ სასიამოვნო მოვლენად. ამას გარდა, თქვენ გქონდათ უზარმაზარი ტერიტორია, სადაც კვების ძნელ პირობებშიც ათასჯერ უფრო მეტ მოსახლეობას დაარჩენდით”.

მომავლის სამყაროში არსებობს ევგენიკური ინსტიტუტი, რომელიც ოცი ათას რუსთაველს, დავით აღმაშენებელს და სხვა ცნობილ მოღვაწეებს უშვებს.

ევგენიკური ინსტიტუტის ჩანსახთა განყოფილებაში ასეულობით ადამიანი მზადდება მანქანების მიერ. კარიოზი თავის თავზე გადმოგვცემს: „ბაასე, უნიჭიერესი ადამიანი ცხოვრობდა 25-ე საუკუნეში, ლამაზი ქალი დიანა კი 24-ე საუკუნეში, თურმე ბაასეს სპერმატოზოიდი გარდაცვალებიდან 300 წლის შემდეგ შეხვდა ულამაზეს ქალის დიანას კვერცხს და ჩავისახე მე, ცხრა თვის შემდეგ დავიბადე ამ

ინსტიტუტის შენობაში. ნამდვილ ჩემ დედად წელან მე ვახსენე ეგ ინსტიტუტი. (ევგენიკური ინსტიტუტი), იმან ითავა ჩემი გაჩენა, ის ზრუნავდა ჩემზე. იგი მინახავდა, მივლიდა ჩანსახში და იმანვე დაბადა”.

მიღებული პრაქტიკა ასევე ადამიანის გაყინვა და მისი გაღვივება საუკუნეების შემდეგ.

მწერალი სიუჟეტს კოდების გახსნის ხერხზე აგებს. საილუმლოებათა მოულოდნელი გახსნის ხერხი მკითხველში მოუთმენელ ინტერესს იწვევს. რაც ძალე ეფექტურია და დიდ ემოციურ გავლენას ახდენს. რომანის მოულოდნელი, თითქოს უწერტილო დასასრული ზრდის მკითხველის როლს და პასუხისმგებლობას მის იდეურ-მხატვრული შინაარსის გაანალიზებისას.

ივანე ყიფიანის ნაწარმოების საკუთრივ ტექსტუალური კონტექსტი გადაირეცხა და სტრიქონებს შორის იკითხება ახალი კონტექსტი, რომელიც კომუნიკაციას ამყარებს თანამედროვე მკითხველთან. ავტორის მიერ მოგონილი ალტერნატიული სამყაროს ტექსტი კომბინირებაში შედის უკვე არსებული ეპოქის „რეალობასთან”. მწერლის შეუძლებელი რეალობა ფიქციად აქცევს ეპოქის ქრონოლოგიურ რუკას. ეს არ არის კონტრეალური ტექსტი, როგორადაც შეიძლება მივიჩნიოთ: „დიდი იოსები” ან „ჯაყოს ხიზნები” ეს არის საბჭოთა რეალობის იგნორირების კუთხით შექმნილი ნარატივი. საკუთრივ სამეცნიერო ფანტასტიკა, რომლის ჭკვრეტის არეალში ერთდროულად თავსდება ორი კონტექსტი. ეს არის ან განვითარების ახალ საფეხურზე არსებული საბჭოთა საზოგადოება (საბჭოთა ფანტასტიკა, რომელიც აღწერს საბჭოთა ფანტასტიკის ფორმაციას) ან საბჭოთა რეჟიმის ალტერნატიული გარემო.

ალტერნატიული რეალობა იქმნება არა რეალობის აღწერის საფუძველზე, არამედ ტექსტისა და მკითხველის არ არსებული ინტერაქციის საფუძველზე. ესაა თვითრეფლექსირებადი მეტაფიქცია, როცა ტექსტი, როგორც ეპოქის კოდი თვითდასმულ ინტერაქციას განიცდის. ნარატიულ კომპოზიციაში მოვლენის რეალობამ, როგორც გარდასული ეპოქის გამონაგონმა იცვალა კულტურული კოდი და გახდა ინტერაქციული აქტი.

ადრეული ქართული ფანტასტიკის ნიმუშების ლიტმოდენობითი ანალიზი საშური საქმეა. ქართული ფანტასტიკის, როგორც ლიტერატურის ჟანრის, განვითარების თვალის გაღვწება – რა არქიტექტონიკას შეიცავს ის სინამდვილე, რომლის სასარგებლოდაც კეთდება რომანში არჩევანი? აღწერილი

მოვლენები ბიოლოგიის, ფიზიკის და ქიმიის უკვე ცნობილ კანონებს ეწინააღმდეგება, მაგრამ როგორია არარსებულის არსებულად წარმოჩენის მიღმა დარჩენილი ადამიანური სამყარო? ახალი ტექნოლოგიები ქმნიან ახალი რეალობის სისტემებს. ყიფიანის ნარატივი ამკარად შეიცავს მერყეობის და გაურკვევლობას რეალობის სისტემებისადმი. რომანის შინაარსის გავლით ვწვდებით ადამიანური არსებობის შინაგან სამყაროს. სამყაროს, რომელიც სრულიად დაცლილია საბჭოთა სულისკვეთებისგან. რომანი ფანტასტიკური იდეების ჩამონათვალის შემდეგ ნელ-ნელა რეალობის სისტემურ ჩიხში შედის.

ავტორმა გააჩინა ილუზია, რომ ეს არის კომუნიზმის განვითარების მესამე საფეხური. რომ საზოგადოებაში ყველა პრობლემა გადალახულია, რაც განვითარების პირველ საფეხურზე იყო. რომანში „ქალი სარკეში“ სწორედ ეს პრობლემებია აღწერილი. ბრძოლის სიდიადე და საბჭოთა ტოტალიტარიზმის პოსტულატების დაცვა უგულვებელყოფილია ყიფიანთან. ნარატივი სისტემური ოცნების ტკობის ფაზაშია გადასული. ტექსტში გადაწყვეტილების მიღების წერტილი თავის უჩინარი საწყისებით გვაგრძობინებს, რომ ოფიციალური და არაოფიციალური სამყარო გამორიცხავს ერთმანეთს. ამ თვალსაზრისით ტექსტი, როგორც ეპოქის კულტურული პროდუქტი, არაპირდაპირ გვიჩვენებს სოციალური ეპოქის სახეობას.

საინტერესოა, ყიფიანის რომანში ცივილიზებული დასავლეთი როგორ კონტექსტში არის ნახსენები: „გიორგის თვალწინ გადაიშალა ვებერთელა გასაოცარი სილამაზის ქალაქი, მრავალგვარი სტილისა და ფერის სახლებით. პირველ ყოვლისა, გიორგი ამ ქალაქის მოძრავმა ქუჩებმა გააკვირვა. ქუჩები დიდძალი ხალხით იყო სავსე. გიორგიმ გაიფიქრა: „აღბათ, ამერიკის უმთავრეს ქალაქ ნიუ-იორკში მოხვდიო“.

ახალგაღვიძებული გიორგი იმდენად აღფრთოვანებულია ქალაქის იერსახით რომ იმას კი არ ფიქრობს რა შესანიშნავად განვითარებულია საბჭოთა სამყარო, არამედ იმას რომ ეს იმდენად კარგია, უთუოდ ამერიკა იქნებაო. საბჭოთა ქვეყანას ის მხოლოდ ძეგლებით ცნობს:

„გიორგი განაგრძობდა ტელეგრაფის ძებნას, მაგრამ უშედეგოდ. ბოლოს მიაღწა ერთ ვებერთელა შენობას, სადაც ხალხი მაღალი კიბით სხვადასხვა კარებიდან განუწყვეტლივ შედიოდა და გამოდიოდა. უცებ მან დაინახა ლენინისა და სტალინის ძეგლები. გიორგის გულს მოეშვა, თავი თითქოს საკუთარ სახლში იგრძნო. ძეგლებთან გახარებული მივიდა: არ

გამიკვირდა! საბჭოთა კავშირში ვყოფილვარ! – სიხარულით ფიქრობდა გიორგი“.

საინტერესოა რომ აბაშელთან დედამიწაზე ჩამოსული უცხოპლანეტელი პირველად ამერიკაში დასახლდება. ამავე რომანში ერთსა და იმავე პასაჟში, როდესაც მთელი მსოფლიო აღიარებს საბჭოთა ბანაკის უპირატესობას საერთაშორისო კონგრესი ინგლისურ ენაზე მიმდინარეობს. 1887 წლის ივერიაში გამოქვეყნებულ ფანტასტიკურ პაფლეტში მთვარეზე მოგზაურობა ამერიკელების სახელს უკავშირდება. შეიძლება ითქვას, რომ ამერიკა ადრეული ქართული ფანტასტიკის არაოფიციალური სამყაროს ცენტრია.

ყიფიანის ტექსტის სწორედ ეს გამოვლინებები არ მოეწონა საბჭოთა კრიტიკას, რომელიც აღნიშნავდა: „როცა საბჭოთა მწერალი ფანტასტიკურ რომანს სწერს, უნდა იყოს ღრმად ჩვენს დღევანდელ საზოგადოებრივ წყობაში და გამოდიოდეს მარქს-ენგელს-ლენინ-სტალინის დიად მოძღვრებიდან. მწერალი უნდა იცნობდეს ჩვენს ცხოვრებას, უნდა იცოდეს მისი მომავალი განვითარების პერსპექტივები. . . . ივანე ყიფიანის რომანი კომუნისტური საზოგადოების სურათის უხემ დამახინჯებას წარმოადგენს. . . . ჩვენ არ ვართ ფანტასტიკური რომანების წინააღმდეგი, ვერ კიდევ 1922 წლის 22 მარტს ამხ. ლენინი თავის საბოლოო სიტყვაში რ.კ.პ. ც.კ.-ის მოხსენების გამო ამბობდა: „ტყუილად ფიქრობენ თითქო ფანტაზია მარტო პოეტისათვის იყოს საჭირო. ეს სულელური ცრუ აზრია! მათემატიკაშიაც კი საჭიროა იგი“. ცხადია ლენინის ეს სიტყვები ჯანსაღ ფანტაზიას შეეხება. ივანე ყიფიანის რომანი კი ავადმყოფური ფანტაზიის შედეგია“.

ფანტასტიკა, როგორც ჟანრი პოლიპერსონალური ლიტერატურული ფენომენია, მისი განვითარება ლიტერატურაში მრავალ ფაქტორთან არის დაკავშირებული. ტოტალიტარიზმი ადამიანის კულტურული ცხოვრების ყველა ეტაპზე აქტიურად მონაწილეობს განსაზღვრავს მის გემოვნებას და განვითარების მიმართულებას, ამდენად ბუნებრივია, რომ ფანტასტიკისადმიც მკაფიო დამოკიდებულება ჰქონდა. ქართული ფანტასტიკა, როგორც ჩანასახში არსებული ჟანრი ცნობიერად თუ ქვეცნობიერად საბჭოთა ნარატივის დოქტრინებს მიყვება, თუმცა ამ კუთხით შექმნილი ტექსტიც კი როგორც კულტურის ინფორმაციული კოდი სისტემის იგნორირების და დაცინვის დისკურსს გადმოგვცემს.

ქართული სამეცნიერო ფანტასტიკის ნიმუშები, რომლებიც ჩვენ განვიხილეთ პირველი წარმატებუ-

ლი ლიტერატურული მცდელობებია, რომლებმაც ლიტერატურის ისტორიაში თავის ადგილი დაიკავეს. შესაძლოა, ეს ტექსტები დიდი მხატვრული ღირსებით არ გამოირჩევა, მაგრამ უაღრესად საინტერესოა წმინდა სამეცნიერო ფანტასტიკის კონტექსტში.

#### გამოყენებული ლიტერატურა:

1. ალექსანდრე აბაშელი, ქალი სარკეში; ივანე ყიფიანი, ამონი ანუ ათასი წლის შემდეგ. ქართული საბჭოთა რომანი, მერანი, თბილისი 1987 წ.
2. ბენაშვილი დიმ., ალ აბაშელი (ცხოვრება და მოღვაწეობა). მნათობი 1952 წ.
3. გასეტი, ხელოვნების დეკუმანიზაცია. თბ. "ლომისი" 1992 წ.
4. გიორგობიანი ნათელა, ალექსანდრე აბაშელი. თბ. "საბჭოთა საქართველო" 1978 წ.
5. გომიაშვილი ო. „პოლიტიკური იდეოლოგიები," თბ, 2004
6. ელიაძე მ. „მითები კვლავ ცოცხლობენ და ინიღბებიან," "აფრა", № III, 1998
7. ვახტანგიშვილი ი. თბილისის „ჰელიოსი" [საქ. წიგნის მოყვარულთა საზოგადოებასთან არსებული ფანტასტიკის მოყვარულთა კლუბის მუშაობის შესახებ] // წიგნის სამყარო. - 1986. - 2. - გვ.7
7. ლოსევი, დუმილი თბ.1993 წ. 6.
8. კარლო მელაძე - სიბრძნე-სიცრუე ყიფიანისა, ლიტერატურული საქართველო, 1937 წ.
9. მოღვაძე ი. „უძლები შვილის დაბრუნება - ქრისტიანობა და მარქსიზმი," ჟურნ. "სჯანი", V, 2004
10. ფერაძე რ. აბაშელის "ქალი სარკეში", საქართველოს პედაგოგიური ინსტიტუტი 1974 წ. I გვ.237-244
10. ლევან ცაგარელი – რა არის ფანტასტიკური ლიტერატურა. ჟურნ. „სჯანი" თბილისი 2006 წ. № 7. გვ. 27
11. „შეუქმნათ ბავშვებს სამეცნიერო ფანტასტიკური ლიტერატურა" საბჭოთა მასწავლებელი 1941 წ. 19 აპრილი № 31 გვ. 2
- 12.История Всесоюзной коммунистической партии (большевиков). Краткий курс. М., 1938. С. 329—331.
13. Медведев Р. Сталин и "Краткий курс истории ВКП(б)" // Медведев Р. Что читал Сталин? Люди и книги. Писатель и книга в тоталитарном обществе. М., 2005. С. 196—248.
14. Сталин И.В. О проекте Конституции Союза ССР: Доклад на Чрезвычайном VIII Всесоюзном съезде Советов 25 ноября 1936 а // Сталин И.В. Сочинения. Т. 14. М., 1997. С. 119—147, 126—127.
15. Статья 130 (цит. по: История советской конституции / Сборник документов 1917—1957. М., 1957. С. 358).
16. Фром Э. Человеческая ситуация М, 1992
17. [http://en.wikipedia.org/wiki/Science\\_fiction](http://en.wikipedia.org/wiki/Science_fiction)

## **გამომცემელი**

არასამეწარმეო (არაკომერციული) იურიდიული პირი “ფანტასტი”.  
რეგისტრირებულია საჯარო რეესტრის ეროვნულ სააგენტოში 18/03/2015  
საიდენტიფიკაციო ნომერი: 405092448

მთავარი რედაქტორი **ირაკლი ლომოური**

სარედაქციო საბჭო:

**ალექსანდრე ელერდაშვილი**  
**არჩილ კიკვაძე**  
**თამარ კოტრიკაძე**  
**ინა იმედაშვილი**  
**ინგა მილორავა**  
**ირაკლი ბაკურიძე**  
**ლევან ბეიტრიშვილი**  
**ლევან გელაშვილი**  
**მალხაზ რუსაძე**  
**მამუკა ხანთიაძე**

დიზაინი და ილუსტრაციები –  
**ანა ჩიქოვანი, მალხაზ რუსაძე,**  
**ალექსანდრე ელერდაშვილი**

ილუსტრაციები შესრულებულია  
კოლაჟური კომპოგრაფიკის ტექნიკაში.